

312



31

8-A

3




31-8-A-3

~~25-1-1905~~


7-9-Bull
M.M.S

I 0 12



IOANNIS

ANTONII
VALTRINI,
ROMANI,
SOCIETATIS IESV,
DE RE MILITARI
Veterum Romanorum
LIBRI SEPTEM.



COLONIAE AGRIPPINAE,
In Officina Birckmannica, sumptibus
Arnoldi Mylij.
Anno cdo. Io. xcvii.

Cum gratia & Priuilegio S. Cas. Maieſt.






PRÆFATIO IN

LIBROS DE MILI-

tia Romanorum.



QUAE à singulis popu-
lis ducibusq; pace aut
bello fortiter ac præ-
clare gesta sunt, mul-
ti omni ætate viri in-
genio doctrinaq; præ-
stâtes literis tradidere. Qua industria
non id modo sunt consecuti, vt ex-
cellentium virorum factis describen-
dis, in eiusdem ipsi gloriæ societatem
venirent: verum etiam eadem ope-
ra, non parum humanæ vitæ viden-
tur consuluisse. Nam fugitiuam re-
rum memoriam quodam modo re-
trahentes, effecere, vt quæ natura ca-
duca sunt, scriptorum nobilitate ha-
beantur æterna: vnde mortales, rerû
præteritarum euentis inter se confe-
rendis, salutaria sumant exempla,
quibus vt præsentia recte moderen-
tur, & prouideant futura sapienter.
Ex omnibus autē populis, quorû res
gestæ literis præditæ sunt, nulla videtur

P R A E F A T I O

gens vnquā fuisse, quę pacis belli que studia aut vehementius, quam Romani, coluerit, aut prudentius compararit: nulla item, quæ, virtutibus, vitijsque alternantibus, maiores habuerit fortunæ vicissitudines. Ex quo etiam fit, vt neque plura, neque illustriora quisquā aliunde haurire possit, aut cultæ aut neglectæ documenta virtutis, quàm ex Romani Imperij siue spoliata siue florente fortuna. Illud porrò vel in maxima parte scelicitatis populi Rom. ponendum puto, quod paria suo imperio habuit ingenia scriptorum, qui orationis amplitudine, magnitudinem rerum gestarum exæquare potuerunt. Neque solum dum stetit Imperium, cum videlicet gratia & ambitio homines ad scribendum hortari posse videbantur, sed eo exciso, tamen nō defuere, qui quasi ex ruderibus rediuiuā eius formam ac speciem suis scriptis restituere conarentur. Itaque vrbs illa pulcherrima (quam qui Decorū templum nominauit, is veram speciem Romanæ vrbis cepisse visus est) licet
 fortu-

fortunæ ludibrio prostrata, resurgit tamē doctōrum virorum ingenijs, ac diutius manebit scriptorum monumentis, quam natura stare potuisset. Iam in eorum libris speciem Rom. Reipub. reuiuiscētis cernimus, ciuium ordines, iura, magistratus, leges, comitia, moresque fere omnes tum publicos, tum priuatos: vt iam nos Roman. Remp. extinctam vel omnino non sentiamus, vel certē minore cum desiderio dolcamus. Vna Romanorū militia, nescio quonam fato, iacuit hactenus in tenebris, nec vllum habuit, vt cetera, lumen litterarum. Nam quotquot de ea scribere sunt aggressi, qui particulam eius duntaxat aliquam attigerunt: plerique etiam veterem Reip. militiam cum ea quæ temporibus Imperatorū est inuecta, male confuderunt.

Hanc ego Romanam militiam ab alijs vel prætermisam, vel relictam potissimum delegi, quam hoc commentario explicarem, non patriæ amore, aut glorię cupiditate adductus (quid enim longius abest à religioso

P R A E F A T I O

viri moribus?) sed officio impulsus
 ac studio iuuandi plurimos, ne nobi-
 lissima ac maxime necessaria anti-
 quitatis Rom. pars ignoraretur: neq;
 vt militandi præcepta darem, sed vt
 rationē exponerem, quam in susci-
 piendo gerendoq; bello veteres Ro-
 mani, florente Repub. tenuissent. V-
 tinam hanc qualemcunque operam
 ac studium sacrae potius, quam pro-
 fanæ antiquitati illustrandæ tribue-
 re mihi liceret: id verò multo ma-
 gis ex animi mei sententia esset, for-
 te etiam ad religiosum statum conue-
 nientius, sed nimirū quicumq; in hac
 societate Iesu, animis corporibusq;
 deuotis, Deo eiusque Ecclesiæ mili-
 tamus, nihil refugere debemus, aut
 à nostro munere alienum iudicare,
 quod gloriæ diuinæ ac proximorum
 vtilitati possit inferuire. Quare cum
 societas nostra, admirabili consilio
 id in se receperit; vt scholis publice
 institutis, adolescentes ad humani-
 tatem erudiat, quod tenera illa ætas,
 vñ cum litteris facilius ad pietatem
 conformari posse videatur: omnino
 ei præ-

ei præstanda sunt omnia, quæ ab humanitatis professoribus postulâtur, aut huius professionis nomen relinquendum. Porro sic iam omnium mentibus infirmatum est atque anticipatum, studia humanitatis tota in antiquitate posita esse, ut nemo ea ritè profiteri possit, quin Philologiam vniuersam, omniaque veteris Romanæ reip. instituta moresque scientia cōprehenderit. Rectè ne id, an secus, alij viderint, certè nobis iam integrū non est, aut opinionem tam vetustam tamque penitus insitam extirpare, aut contra eam velle differere: quin potius neruis omnibus contendendum est, ut ne hospites in antiquitate videamur, nèue laus hæc in nostris gymnasijs iure desiderari possit. Ex omnibus autem partibus antiquitatis Romanæ, quarum quidem tractatio ad humanitatem pertinere potest, nullius fructus mihi latius patere videtur, quam Romanæ militiæ. Etenim ex antiquitatis Romanæ cognitione aut vtilitas quæritur, aut voluptas. Vtilitas verò illa, opinor, vel

P R A E F A T I O

sola vel maxima est, vt Romani scriptores dum leguntur, recte intelligantur (legere enim, neque intelligere etiā vulgari reprehenditur prouerbio:) hoc autem sine aliqua antiquitatis Romanæ notitia fieri non posse videtur. Accedit alterum commodum, neque id sanè paruum, quod, ignoratis Romanis auctoribus, latinam linguam quæ tantopere expetitur, quæque ex ijs solis hauritur, ignorari quoque necesse est. Quis porro nescit, Romanorum auctorum plurimam optimamq; partem bella scribere, quæ Romaniv el ciuilia inter se, vel externa cum Regibus populisque gessere? vt sine rei militaris notitia, in magna & rerum, & auctorum, atque adeo latinæ linguæ ignorantia versari necesse sit. Iam verò quid dicā de voluptate? quæ tanta est, vt ne maior quidē ex omni reliqua antiquitate sperari possit? Etenim si res Romanæ iccirco delectant, quod omnes sic habent persuasum, nullam remp. sapientioribus legibus temperatam, neq; vllius populi res gestas præstantiores

P R A E F A T I O

tiores esse posse: quantam tandem voluptatem afferet militiæ tractatio, quam populus Rom. præ omnibus rebus maxime coluit, quæ Rom. vrbi æternam gloriam peperit, quæ orbē terrarū parere imperio Rom. coegit, quæ demum vna cum ipsa vrbe nata, altaq; est, & cum eadem simul exstincta. Quid ad animi delectationem iucundius, quam procul ab omni discrimine, domi sedentem, pugnacissimi populi bellicos nosse apparatus; delectibus interesse, milites ordinibus signisq; distinctos cernere vel instructa acie concurrere, vel composito agmine incedere, vel metari castra, vel vrbes oppugnare, militaria siue virtutis præmia, siue ignaviæ supplicia cognoscere, armorum ac machinarum nomina vsumq; discere, belli indicendi leges, finiti fœdera, magistratuum iura tenere, denique Duces ipsos victores inter populi militumque plausus in urbem triumphantes sequi? Quæ cum ita sint, quis tandem virum religiosum, Humanitatis professorem iure reprehēdat,

P R A E F A T I O

qui officio, & susceptæ vitæ instituto, publicisque aliorum rationibus adductus, Romanam militiam, id est nobilissimam atque vtilissimam antiquitatis Romanæ partem explicare aggrediatur? ut etiam si hac in re me deserat perficiendi facultas, ipsa tamen laudanda videatur conandi voluntas. Existet forte aliquis aliquando nostro excitatus exemplo, qui rudia hæc, leuiterque adumbrata, meliore præditus facultate absoluat, atque perficiat. Interea nostrum hunc qualemcunque laborem Deo Opt. Max. cui nostra omnis desudat industria, non ingratum fore confido: ut opus ipsius causâ susceptum, ex ipsius item sanctissima voluntate absol-
uatur.

D E

DE RE MILITARI VETERVM ROMANORVM

LIBRI PRIMI QVI EST DE Bellorum Indictione.

CAPITA XL.

- 1 De praestantia militiae Romanae.
- 2 De honore, quem Romani rei militari tribuebant.
- 3 De Seueritate disciplina militaris Romanorum.
- 4 De labore & exercitatione militū Romanorum.
- 5 De religione Romanorum in suscipiendis, gerendisq; bellis.
- 6 De Auspicijs militaribus.
- 7 De Diebus praliaribus.
- 8 De Iustitia Romanor. in suscipiendis, gerendisq; bellis.
- 9 De Rebus repetendis.
- 10 De ijs quae fierent ante belli indictionem.
- 11 De Indictione bellorum.

Libri secundi, qui est de Militum delectu.

CAP. VII.

- 1 De Imperatore deligendo.
- 2 De Militia generibus.
- 3 De Militum delectu.
- 4 De Aetate Militari.
- 5 De Vocationibus militaribus.
- 6 De ijs, qui à militia reſcerentur.
- 7 De Sacramento militari.

Libri

Libri tertij, qui est de Militum ordinibus.

C A P. XV.

- 1 De Legione, eiusq³ magnitudine.
- 2 De Peditum legionariorum ordinibus.
- 3 De Peditibus levis armaturæ.
- 4 De Equitibus.
- 5 De Auxilijs Sociorum.
- 6 De Supplementis.
- 7 De cohorte Pratoria.
- 8 De alijs generibus hominum, qui castra sequebantur.
- 9 De Signis militaribus.
- 10 De Magistratibus legionis, siue exercitus totius.
- 11 De alijs Magistratibus peditū, equitū, & auxilio-
- 12 De armatura peditum, equitumq³. (rum.
- 13 De vestibus militaribus.
- 14 De tubis, cornibus, buccinis, alijsq³ signis militaribus.
- 15 De Stipendio militum.

Libri quarti, qui est de Itineribus
militaribus.

C A P. VII.

- 1 De Die locoq³ militib. ad conueniendum indictæ.
- 2 De Profectione Imperatoris ex vrbe.
- 3 De Lustratione exercitus.
- 4 De Itineribus militaribus.
- 5 De Castrorum metatione.
- 6 De Castrorum disciplina.
- 7 De Motione Castrorum.

Libri quinti, qui est de Prælio.

C A P. VI.

- 1 De Præparatione ad prælium.
- 2 De Acie instruenda.
- 3 De Prælio.
- 4 De Militum deuotione.
- 5 De Oppugnatione urbium.
- 6 De Machinis ac tormentis bellicis.

Libri sexti, qui est de ijs quæ fierent
post prælium.

C A P. XII.

- 1 De Humatione Casorum, prædaq; collectione.
- 2 De Præda diuisione.
- 3 De Donatiuo.
- 4 De donis militaribus.
- 5 De Missione honesta.
- 6 De Exauكتورatione.
- 7 De Priuilegijs veteranorum.
- 8 De Pænis militaribus.
- 9 De Animaduersione in hostes.
- 10 De Pace ac Fæderum generibus. (endū.
- 11 De ritu Fæderū ceremonijsq; in fæderibus faci-
- 12 De Hostium deditioe.

Libri septimi, qui est de ijs, quæ Ducibus
victoribus honoris causa
decernerentur.

C A P. XXI.

- 1 De Imperatoris nomine.

- 2 De Supplicatione.
- 3 De Aduentu Imperatorum ad urbem, & Triumphipostulatione.
- 4 De Triumphi nomine & inuentore.
- 5 De causis, cur triumphus concederetur, vel negaretur.
- 6 De ordine, ad quem spectabat triumphum decernere.
- 7 De Imperio triumphantium.
- 8 De Pompatriumphii.
- 9 De Imperatoris curru & ornatu.
- 10 De reliqua pompa triumphii.
- 11 De Conuiuio triumphantium.
- 12 De Triumpho nauali.
- 13 De Priuilegijs triumphantium.
- 14 De Ouatione, quibus de causis concederetur.
- 15 De Ouationis pompa, quid a triumpho differret.
- 16 De Triumpho in monte Albano.
- 17 De Triumpho intermisso, & ornamentis triumphalibus institutis.
- 18 De re latius ad aerarium rationibus.
- 19 De Aerario.
- 20 De Trophaeis.
- 21 De Spolijs opimis.

F I N I S.

DE RE MILITARI
ROMANORVM
LIBER PRIMVS.

Qui est de bellorum indictione.

De Præstantia militiæ Romanæ
Caput Primum.



ET SI omnia instituta Rei-
publ. Rom. summam apud
omnes laudem atque ad-
mirationem habent: cum
verò nihil aut præstantius
aut admirabilius videtur
militari disciplina. Nam
cæteros ritus, leges, ma-
gistratus, mores, pleraq; ex his sero admodum
Romani acceperunt: virtus autem bellica & cum
ipsa vrbe nata atq; est, & cum eadem simul
extincta. Neque enim Romanorum, ut mul-
torum populorum, vno aut altero Imperatore
innixa stetit, ut gloria militaris & vixisse cum
eorum ætate pariter, & sepulta esse videretur:
Sed iam inde ab initijs ipsius vrbis, quem-
admodum Liuius ait, tradita per manus in ar-
tis perpetuis præceptis ordinatæ modum ve-
nerat, neque vlla ciuitas, vel gens aut bellis
magis exercitata, aut ducum feracior fuit. A
Numæ enim Pompilij morte, qui secundus
post Romulum ipsius vrbis parentem regna-
uit,

Libr. 9.

Liui. li. 1.

uit, vt superiora tempora prætereamus, ad Augusti imperium annis amplius sexcentis, nullum annum Romani à bellis quietum habuere, præter vnum T. Manlio Cos. Recensez mne duces Romanos omnes omnium ætatum, quorum auspicijs illa bella sunt gesta? id verò infinitū est, cum plures propemodum bello clari Imperatores, vel ex vna Romana familia numerare liceat, quam quos multis sæculis reliquæ simul omnes prouinciæ tulerunt. Atque suorum ducum, vt nunquam virtutis, ita fortunæ non sæpe populum Romæ poenituit. Nam, vt tradunt ij, qui hæc subtilius subdixerunt, annorum quingentorum spatio, quot à pulsīs Regibus ad Augusti mortem numerantur, quingenties quinquagies populus Rom. præliatus est, quadringenties quadragies victor discessit, & quamuis prælijs aliquot victi Romani sint, bello tamen omni, vt ciuilia sileantur, superiores fuere, et quo sint mirabiliores Romani duces, quam alij, denos videnosque dies quidam dictaturam, nemo plusquam annū consulatum gessit: ab Tribunis plebis delectus impediti sunt: post tempus ad bella ierunt, ante tempus, comitiorum causa, reuocati sunt: in ipso conatu rerum circumegit se annus: collegæ nūc temeritas, nunc prauitas impedimento aut damno fuit: malè gestis rebus alterius successum est: tironem, aut mala disciplina institutum militem acceperunt. Quæ omnia quemadmodū maxima ad victoriam impedimenta sunt, ita qui virtute effecerunt, vt ea ne victoriz ob-

*Francisc.
Patricius
de milit.
Rom.*

Lin. li. 9.

rix ob-

rix obstarent, ij nimirum non hostium magis
 quam fortunę victores videri debent. Quid?
 quod semper multis partibus numero inferi-
 ores Romani cum hostibus conflixere? duas
 enim legiones cū suis auxilijs, qui exercitus
 erat consularis, ad quoduis bellum sufficere
 existimabāt: maximusque exercitus ille fuit,
 cum duo consules suas copias coniunxissent:
 tantum vel armorum vsus, vel animi virtus,
 vel militaris disciplina potuere. Iam quā
 tanta animi magnitudo, quā tanta grauitas
 & constantia in illis fuit, vt sit cum populo
 Rom. comparanda? qui quemadmodum nul-
 lis vnquam periculis cladibusq; cogi potue-
 re, vt pacem priores peterent, ita oblatam ab
 ijs, quos vicissent, nunquam reiecerunt, neq;
 supplices ullos spreuerūt. Hannibal Pœnus,
 tota ferē Italia victa, protritīs Romanorum
 exercitibus per innumerabiles cedes infestus
 ad urbem venerat. Romani tantū abest, vt ali-
 quid indignum maiorum suorum virtute fe-
 cerint, vt ne exercitum quidem à Capuā ob-
 sidione censuerint auocandum: quin etiam
 quo tempore Hannibal ad mœnia urbis Ro-
 mæ armatus sedebat, eo ipso tempore milites
 porta alia sub vexillis in supplementum Hi-
 spaniæ mittebantur, adeo supererant animi
 ad pericula non solum sustinenda, sed etiam
 contemnenda. Parua quidem est res illā, sed
 quæ cū magnitudinem animi æquē demon-
 strat, tum ipsum certe Hannibalem non me-
 diocriter turbauit: quod per eos dies forte
 ager is, in quo ipse castra haberet, p̄scriptus
 fuit,

fit, emptorque inuentus, nihil ob id precio diminuto. Cum hac animi celsitudine agendi sollertia certauit, siue in inueniendis per se ijs, quæ opus essent, siue in imitandis atque efficiendis, quæ de coniurat. Catilin. Polybius libr. 1. & 6, quoque traderentur. Neque enim Romanis, ut Sallustius scribit, superbia vnquam obstitit, quo minus aliena instituta, si modo proba fuissent, imitarentur, & quod vbique apud socios vel hostes idoneum visum esset, cum studio domi exsequerentur. Atque ut leges magistratuumque insignia à Græcis & Hetruscis accepta reticeam, arma

a Sallust. atque tela peditum à *a Samnitibus* sumpsere,
de coniu. *b* equitum armaturam à Græcis, *c* castrorum
Catilin. metationem à Pyrrho, *d* nauium fabricanda-
b Polyb. rum rationem à Carthaginiensibus, Athenæus
lib. 6. libr. 6. cap. ult. Romanos à Græcis tormenta
a Fronti. & machinas urbium expugnandarum, à Tyr-
lib. 4. c. 1. rhenis aciei instruendæ rationem, à Samniti-
d Polyb. bus scutum, ab Iberis gæsa sumpsisse dicit.
lib. 1. aliaque ab alijs accepta ipsi longe fecere me-
 liora, quæ quidem digna statuissent, in qui-
 bus elaborarent.

De honore, qui tribuebatur rei militari.

C A P. II.

Neque verò Romani solum militum ignauiam & contumaciam pœnis coercuere, sed industriam etiam virtutemque præmijs cōmodisq; excitarunt. Honos enim, ut inquit ille, alit artes, iacentque ea semper, quæ apud quos-

quosque improbantur. Itaque ne militiæ honor, militum vnquam sordibus obsole-
 sceret, decreuerunt Romani, vt neque serui,
 neque libertini, neque capite censi, quique
 turpem aliquam artem exercerent, aut cri-
 mine aliquo infames essent, iudicioue publi-
 co damnati, in militiam allegerentur: contra
 nostris temporibus ferè fit, & egentissimus
 quisque, omnibusque vitijs contaminatissi-
 mus militiæ nomen dare solet. Qui enim
 fieri potest, vt homines seruituti nati, suæq;
 famæ prodigi, pro aliena libertate, aut glo-
 ria dimicent? egentissimi verò etiã facili-
 mē lucri spe ad quoduis scelus inducuntur. Hæc
 igitur hominum genera, quorū pectoris an-
 gustiæ, gloriæ pulchritudinem recipere non
 posse videbantur, à suis castris Romani reie-
 cerunt. Vt autem in cæteris virtutem hone-
 starent, eiusque cupiditatem alerent; nemini
 ad vrbani magistratum aditum patere vo-
 luere, qui decem annorum stipendia non
 confecerisset, vt Plutarchus & Polybius tra-
 didere. Itaq; cum virtus militaris honorum
 prærogatiua esset, iuuentus simul ac belli pa-
 tiens erat, in castris per laborem vltu militi-
 am addiscebatur: gloriæque magnum certa-
 men præmiorum spes accendebat. Sic se
 quisque hostem ferre, murum ascendere,
 conspici, dum tale facinus faceret, prope-
 rabat; quod illud vnum ad diuitias, hono-
 res, gloriam, nobilitatemque iter expedi-
 tum & compendiarium esse arbitrantur,
 isque in vrbe honestissimus potentissimusque
 esset,

Pol. li. 6.

Plutar. in

c. Gracib.

esset, qui plurima & fortissima in bello facinora edidisset. Eadem fuit in castris ratio, vbi ad ordines honoresq; militares non diuitiæ, aut nobilitas, vel gratia, sed sola virtus gradum fecit. Iam verò ne milites, cum meliorē ætatem in bellis attriuisent, senectute demū, viribus exhaustis, membrisque plerumque debilitatis, egere cogerentur: ijs captos de hostibus agros liberaliter distribuēre, vt esset, vnde in senectute se suosque liberos sustentarent. Aliaque plurima emeritæ militiæ hominibus decreuerunt: de quibus vna de Missione disputabimus. Itaque cum virtuti summa præmia, ignauitæ pœnæ grauissimæ propositæ essent, quid mirum, si Romani milites, maluerint in acie hostium telis mortem oppetere, cum mortuos etiā ingens gloria sequeretur, quam fuga vitæ suæ cōsulere, vt eam deinde cum ignominia supplicioque inter suos amitterent?

De seueritate disciplina militariū.

C A P. III.

Hisce rebus omnibus optimus custos militaris disciplinæ seueritas addita est. ita enim cogitabant viri omniū sapiētissimi, cū vires armis consent, ea vbi à recto itinere descuerint, oppressura esse, nisi opprimantur. Neque apud vllas nationes grauioribus pœnis supplicijsq; militares leges, signorum amor, ducum obedientia sancita sunt. Quoties enim integras legiones, quod signa amisissent,

fissent; aut loco pulsæ hostibus celsissent, legimus decimatas? Bello Tarentino quassatis *Vale. l. 2.*
 & attritis Reip. viribus, cum magnum capti- *Front. li.*
 uorum numerû à Pyrrho rege ultro missum *4. c. 4. 1.*
 recepissent, quoniam crudele videbatur in eos sœuire, quibus hostis pepercisset, eos tamē
 omni ignominia genere notarunt. Bello aut *Lin. l. 22.*
 Punico, alijs super alias cladibus cumulatis, *Valer.*
 cum Hannibal sex millium, quos Cannensi
 prælio ceperat, redimendorum potentiam
 faceret, conditionem spreuere, memores,
 tantam multitudinem armatorum iuuenum,
 si honestè mori voluissent, turpiter capi non
 potuisse. Parem iram aduersus illos distrin-
 xerunt, qui ex Cannensi prælio fugerunt. *Lin. l. 25.*
 nam ijs, quod commilitones suos pugnantes *Valerius*
 deseruissent, censuræ Rempubl. committen-
 dam non esse; eosque in Siciliam relegatos,
 neque munere vacare, neque dono militari
 virtutis ergo donari, neq; in Italiam, quam-
 diu hostis intra Italiam esset, reportari vo-
 luêre. Bello verò Ligustico, quod Q. Petiliū *Valerius.*
 Conf. fortissime aduersus hostes pignantem *Frontin.*
 occidere milites passi essent, legioni senatus
 neque stipendium anni procedere, neque ve-
 rò dari voluit, quia pro salute Imperatoris,
 hostium telis se non obtulerunt, Petiā Cor- *Frontin.*
 nelio Nasica D. Iunio Coss. qui exercitum de-
 seruerant, damnati, virgis cæsi publice ve-
 nierunt. Finis nullus sit, si ea omnia comme-
 morentur, quæ Romani ad militarem disci-
 plinam sancendam seuerè fecerunt: cuius
 rei, qui volet, plura exempla apud Valerium

8 DE RE MILITARI

& Frontinum potest reperire, & infra, cum de pœnis militaribus differetur, nonnulla afferentur, Neque enim fuga solum, prodictiones, transfugia, cæteraque cum ignavia turpitudineue coniuncta pœnis Romani coercuerunt, sed etiam fortia facinora, quod sine ducis imperio essent patrata, summo interdum supplicio vindicarunt. Quo in in genere A. Postumius Tubertus Dict. & Tit. Manlius Torquatus Coss. par nobile Romanorum Imperatorum maxime celebrantur, qui suos filios, quod aduersum sua edicta extra ordinem in hostem pugnassent, victores securi percusserunt; satius esse iudicantes patrem forti filio, quam patriam militari disciplina carere. His igitur, ut ita dicam, piaculis, si quid aduersum militiæ leges peccatum esset, procurabatur, militum nota, ignavorum sanguine, strage filiorum, militarisque disciplina acriter retenta principatum orbis terræ Romanor. imperio peperit, eaque vna quamdiu vixit, res Romana stetit.

Lin. li. 4.
8
Valer. l.
8 c. 2.

De labore & exercitatione militum Romanorum.

C A P. II II.

Bellicam virtutem pœnis sancitam, præmijsque excitatam, ne deinceps otio relanguesceret, Romani labore & exercitatione militari aluerunt: militesque in pace, umbratili certamine ad belli labores, veraque pericula durauere. Hinc Seneca epistola XVIII,

XVIII. Miles in media pace decurrit sine vllo hoste, vallum iacit, & superuacuo labore lassatur, vt sufficere necessario possit. Itaque militares copix non ab armis robore, prœlijsûe, sed ab vna exercitatione nomē inueniunt, vt exercitus dicerentur, vt Varro & Cicero tradidere. Simul enim adolescentes laboris patientes erant, id est, simul atque virilem togā sumpsissent, quę anno 17. sumebatur, in Campum Martium à parentibus deducebantur, ibique à magistris, ad omnem belli disciplinam exercebantur. Tantiq̃ue exercitationem veteres fecerunt, vt in ea vna posita omnia esse arbitrarētur. Hinc illa Ciceronis. Quid exercitatio legionum? quid ille cursus, concursus, clamor quanti laboris est? ex hoc ille animus in prœlijs paratus ad vulnera, adduc pari animo in exercitum militem, mulier videbitur. cur? tantum interest inter nouum & veterem exercitum, quantum experti sumus, ætas tironum plerumq; melior, sed ferre laborem, contemnere vulnus, consuetudo docet. Iosephus autē l. 3. de bello Iudaico: Romanorū exercitationes prœlia sine sanguine, ipsa prœlia cū sanguine, exercitationes appellari posse dicit: adeo nihil in bello accidere posse voluerūt, ad quod sese multo ante per exercitationem nō pręparassent. Quo in genere lepide illud quondā in Polybij historia legimus Romanis accidisse. Cum enim Romani cum Carthaginiensibus mari pugnare decreuissent; neque tamen aut classis ædificandæ, aut remigandi rationem nos-

Var. l. 4.

de L. L.

Cic. li. 2.

Tusca.

li. 2. Tusca.

lib. 1. 37.

sent; accidit, ut quinquereimis una vi tempestatis à cætera hostium classe disiecta, ad littus frangeretur. Hanc nacti Romani, eius exemplo suas naues fabricarunt. Interea dum quinquereimes ædificabantur, Romani sese ad remigium exercebant. Subsellijs enim in arena ordine collocatis remiges insidentes, ad numerum simul omnes brachia protendere, & adducere, remosque per arenam mouere pariter docebantur; cum ad nauarchi vocem omnes simul inciperent, & desinerent. Itaque hac exercitatione Romani confirmati, Carthaginienses aggressi, eos maris primum, deinde etiam terræ imperio exuere.

Sed, ut ad militares exercitationes reuertar, earum plura genera fuere: nam cursu, & saltu exercebantur: inferre, & declinare ictus, hostilia, lapidesque manu vel funda iacere; in equum insilire docebantur à magistris, quos propterea duplici annona à veteribus honoratos scribit Vegetius. Vnde illa Senecæ epistola XXCIX. An liberale studium istud esse iuventuti nostræ credimus, quam maiores nostri rectam exercuerunt; hastilia iacere, eadem torquere, equum agitare, arma tractare? De Pompeio quoque scribit apud Vegetium Sallustius, eum cum alacribus saltu, cum velocibus cursu, cum validis vecte certasse.

Qua verò exercitatione inferendi aut declinandi ictus artem tirones addiscerent, ita explicat Vegetius lib. 1. cap. 11. Scuta, inquit, de Mi-

de Mimine in modum cratium corrotundata
 texebant, ita vt duplum pondus cratis habe-
 ret, quam scutum publicum habere consue-
 uit: iidemque clauas ligneas duplicis æque
 ponderis pro gladijs tironibus dabant. A sin-
 gulis autem tironibus singuli pali defigeban-
 tur in terram, ita vt nutare nō possent, & sex
 pedibus eminerent, contra illum palum, tan-
 quam contra aduersarium, tiro cum crate il-
 la & claua, velut cum gladio se exercebat, &
 scuto. Qua in meditatione illa quoque cau-
 tela seruabatur, vt non cæsim, sed punctim
 ferirent; & ita ad inferendum vulnus insur-
 gerent, ne quæ ex parte ipsi paterent ad pla-
 gam. Hanc exercitationem, cum ad palos mi-
 lites exercebantur, Palariam dictam scribit
 Charisius Grammat. Duplicis aut pondus
 cratis illa & claua iccirco dabantur, vt, cū ve-
 ra & leuiora arma tiro sumpsisset, velut gra-
 uiore pondere liberatus, securior alacriorque
 pugnaret. Eandem etiam ob causam hastilia
 ponderis grauioris, quam vera futura essent
 iacula, tironibus, tradebantur, quæ aduersus
 illum palum, tanquam aduersus hostem ia-
 ctarent. Pileis quoque panonicis ex pelli-
 bus utebantur, ne grauis deinde galea videretur.

Veget. l. 12.

eg. c. 14

Veget. l. c. 20.

Funditores vero, vt idem Vegetius ait, sco-
 pas, hoc est fruticum, vel straminum fasces,
 pro signo ponebāt, ita vt DC. pedibus remo-
 uerentur à signo, vt sagittis vel lapidibus de-
 sinatis sæpius, signum tangerent.

Equitandi verò artem addiscebant, equis

B 5 ligneis,

Lib. 2. c. 1. 23.

L. l. c. 18.

ligneis, hieme quidem sub tecto, æstate vero in campo, positis: super quos, Vegetio teste, iuniores primo inermes, dum consuetudine proficerent; deinde armati cogebantur ascendere. Quæ in re maxima cura adhibebatur, ut non solum à dextris, sed etiam à sinistris partibus & insilire & desilire condiscerent, euaginato etiam gladios vel hastas tenentes. Vitio autem fuisse datum adolescenti Romano, qui nesciret equitare, significat Horatius cum stomacho quodam scribens:

Lib. 3. od.

24.

Nescit equo rudis habere ingenuus puer.

Vbi verò satis sese exercuisse visi essent, in Tiberim sese deiciebant, ut eadem opera & natandi artem addiscerent, & sudorem laboremque æstu collectum deponerent, quam etiam ob causam scribit Vegetius huiusmodi exercitationibus campum Martium Tiberi vicinum fuisse electum.

Lib. 1. ca.

10.

In huiusmodi exercitationibus illud adolescentum pudori & honestati tributum est, ut primo anno, quo togam virilem sumpsissent, ne corpus nudaret, sed tunicati exercerentur: cum ceteri campestribus duntaxat succincti essent. Cicero in Cæliana, Nobis quidem, inquit, olim annus erat unus ad cohibendum brachium toga constitutus: & ut exercitatione ludoque campestri tunicati vteremur. Isidorus libr. XIX. cap. XXII. Campestria nuncupantur pro eo, quod eisdem iuvenes, qui nudi exercentur in campo, pudenda operiunt.

Ut autem non solum corpus ad labores durarent

rarent: sed etiam animm ad cædes, vulnera-
 que assuefacerent, ludos gladiatorios insti-
 tuerunt, vt cum pugnæ, & vulnera, & fer-
 rum, & nudas inter se cohortes certantes vi-
 dissent, dimicantes postea in bello armatos
 hostes non timerent, neq; vulnera & sangui-
 nem perhorrescerent; quemadmodum in Ma-
 ximi & Balbini vita scribit Capitolinus.

Neque verò in pace solum adolescentes,
 antequam in milites allegerentur, ad militiæ
 munera laboresque erudiebantur; sed mul-
 to magis iidem, vbi in militiam essent adscri-
 pti, exerciti sunt. Nam de Pompeio Plutar-
 chus, & Appianus scribunt, eum tironibus
 exercendis non interfuisse solum, sed etiam
 præfuisse, confluentibus ad id spectaculum
 ex omni parte plurimis. Vegetius etiam tra-
 dit, tirones bis in die, mane, & post meridiem:
 veteranos autem sine intermissione semel in
 die in armis exerceri solitos. At quibus exer-
 citationibus? militaribus itineribus, silua cæ-
 denda, ferendis oneribus, ceterisque. Interdum
 etiam terrestres, maritimæq; copiæ instructæ
 inter se decurrebant, simulachrumque pede-
 stris, naualisue pugne edebant: vt in simulata
 illa pugna milites ordines seruare, signa a-
 gnoscere assuescerent. Liuius libro deci-
 mo, Titus Manlius Cos. vixdum ingressus
 hostium fines, cum exerceretur inter equites
 ab rapido cursu circumagendo equo effusus,
 ex templo prope exspirauit, & libr. XXIII.
 T. Sempronius Cos. quia otiosa statua erant,
 crebro decurrere milites cogebat, vt tirones

*Plutar.
 in Pom-
 peio Ap-
 pianus
 lib. 2.*

(cama-

(ea maxima pars volonum erat) assuescerent signa sequi, & in acie ordines agnoscere suos. Et lib. XXVI. in extremo, Scipio paucos dies, quibus morari Carthagine statuerat, exercendis naualibus pedestribusque copijs absumpsit, primo die legiones in armis quatuor millium spatio decurrerunt, secundo die arma curare, & tergere ante tentoria iussit, tertio die sudibus inter se in modum iustæ pugnæ concurrerunt, præpilatisque missilibus iaculati sunt, quarto die quies data, quinto iterum in armis decursum est, hunc ordinem laboris quietisque quoad Carthagine morati sunt, seruauerunt. Remigium classici milites tranquillo in altum euecti, agilitatem nauium simulachris naualis pugnæ experiebantur.

Libr. 1. c.

27.

Hæc Liuius. Augustus quoque, ut auctor est Vegetius, cauit, ut ter in mense tam equites, quam pedites educerentur ambulatum: hoc enim verbo hoc exercendi genus nominabant. Decem millia passuum armati instructique omnibus telis pedites, militari gradu ire ac redire iubebantur in castra, ita ut aliquam itineris partem cursu alacriore conficerent. Equites quoque diuisi per turmas, armatiq; similiter tantum itineris peragebant, ita ut ad equestrem meditationem, interdum sequerentur, interdum cederent, & recursum quodam impetus repararent. Non solum autem in campis, sed etiam in cliuosis, & arduis locis & ascendere, & descendere utraque acies cogebatur, ut nulla res, vel casus prorsus pugnantibus posset accidere, quam non

ante

ante boni milites assidua exercitatione didicissent.

Tanti autem exercitationem fecere Romani, ut, præterquã quod eius magistros ac præfectos multis præmijs honestarunt, ut supra demonstratum est; milites etiam, qui parum profecerât, hordeum, Vegetio teste, pro frumento cogerentur accipere: nec ante eis intritico redderetur annona, quam sub præsentia præfecti, tribunorum, vel principum, experimentis datis, ostendissent se omnia quæ erât in militari arte, complexisse. Multos quoque exercitus, licentia, aut luxuria corruptos, vna exercitatione ad generosissimã militiæ disciplinam Imperatores reuocarunt. Nam de Africano minore ita legitur epitoma LVII. Scipio Africanus corruptum licentia luxuriæque exercitum, ad generosissimam militiæ disciplinam reuocauit, omnia enim deliciarum instrumenta recidit: duos millia scortorum à castris reiecit: militem omni die in opere habuit: & triginta dierum frumētum ac septenos vallos ferre cogebat. De Metello autem ita scribit Sallustius in Iugurthina, Metellus edicto primum adiumenta ignauitiæ sustulit, ne quisquam in castris panem, aut quem alium coctum cibum venderet: ne lixæ exercitum sequerentur: ne miles gregarius in castris, neue in agmine seruum, aut iumentum haberet: præterea transuersis itineribus quotidie castra mouere: iuxta ac si hostes adessent, vallo, atque fossa munire: vigilias crebras ponere, & eas ipse cum legatis cir-

tis circuire: item in agmine in primis modo, modo in postremis adesse, ne quisquam ordine egrederetur, ut cum signis frequentes incederent, miles cibum, & arina portaret, ita prohibendo à delictis magis, quam vindicando, exercitum breui confirmauit.

Iam verò in ceteris rebus quanta militum patientia fuit, cum, ut ait Seneca, omnem apparatus castrensis disciplina submoueret? Lecti enim ò stramine fuere, vnde segestria *Lib. 4. de* appellata Varro vult. Mensæ in castris duæ erant, eodem Varrone teste, altera escaria quadrata, quam Cibilam nominabant, altera vinnaria rotunda, quam Cillibantum vocabant: utriusque parce sobrieque exstructa. Spartianus in Hadriano, cibus etiam castrensibus in propatulo libenter vtens, hoc est larido, caseo, & posca. Frontinus libr. 4. c. 1. Stratag. Q. Metellus prohibuit alia carne, quam assa, elixaue milites vti. Spartianus de Poscennio antiquæ virtutis ac disciplinæ duce. Hic fuit, inquit, tantæ seueritatis, ut cum milites quosdam in caueo argenteo expeditionis tempore, bibere vidisset, iusserit omnino argentum summoueri de vsu expeditionali, addito eo, ut ligneis vasis vterentur. Idem iussit vinum in expeditione, neminem bibere, sed aceto vniuersos esse contentos. Idem p̃stiores sequi expeditionem prohibuit, buccellato iubens milites, & omnes contentos esse.

Romani etiam milites ijdem fabri tignarij, nauicularij, frumentatoresq; erant: neq; minus aptè gladios & hastas quam secures, dolabra

labra, falcesque tractare consueuerunt. Testes sunt huius rei milites Cæsariani; qui, ut ipse ait Cæsar, materiã exdebant, vnde pontes, naues, machinasq; vrbibus oppugnandis ædificarent; frumentumque ipsi sibi ex agris metebant, & in castra deportabant. Hinc illa Marcellini Romanos milites degenerasse deplorantis. lib. 12. & Marcell. lib. 22. Accessere flagitia disciplinæ castrensis, cum miles cantilenas meditaretur pro iubilo molliores, & non Saxum erat, ut ante hac armato subile, sed pluma & flexiles lectuli, & grauiora gladijs pocula: testa enim bibere iam pudebat. & libr. 25. de Iuliano Imp. Per varios prociñtus stans interdum more militiæ, cibum breuem vilemque sumere videbatur.

De Religione Romanorum in suscipiendis, gerendisq; bellis.

C A P. V.

POPULUS Romanus non solû bellandi scientia, armorumque disciplina, & exercitatione, sed religione, Deorumque cultu ceteris nationibus præstitit vniuersis, qui licet à veri Dei cognitione longissimè abesset, tamen quoscumque Deos superstitione induxerat, eos omni veneratione cultuque prosecutus est, Neq; alia re vlla freti magis, quam Deorum ope bella sunt aggressi. Hinc Tullus Rex apud Liuium, Albanorum legatis respōdit, Regem Romanum Deos facere testes, vter prius populus res repetētes legatos aspernatus

Lib. 1.

li. 3. inito.

tus dimiserit; vt in eū omnes expetāt huiusce clades belli. Et apud eundem Fabius Cos. legatos hæc in concilium gentis Aequorū nunciare iussit; Q. Fabium Cos. dicere, se ex Aequis pacem Romam tulisse; ab Roma Aequis bellum afferre, quorum id perfidia, ac periurio fiat, Deos nunc testes esse, mox fore ultiores. Si pœniteat, tutum receptum ad expertā clementiam fore: sin periurio gaudeant, non dijs magis iratis, quam hostibus gesturos bellum, T. autem Manlius quærenti Geminio Tusculanorum duci qui à Romanis defece- rat, vbi Consules, & duo exercitus consula- res essent, ita Liuius eodem teste, respondit;

Lib. 8.

Aderunt, inquit, in tempore, & cum illis ade- rit Iuppiter ipse foederum à vobis violato- rum testis, qui plus potest, polletque. Itaque nullum bellum Romani susceperē, nisi ante explorata Deorum voluntate ijsq; placatis, si sibi iratos esse existimassent, quæ iccirco à Ro-
Lib. 38. manis facta apud Liuium Cn. Manlius ait, ne ullius calumniæ subijcerentur ea, quæ Dijs comprobauissent. Hinc bello Macedonico cū

Lib. 31.

Philippo Rege instante, Senatus, vt Liuius scribit, decreuit, vt Consules maioribus ho- stijs rem diuinam facerent quibus Dijs ipsis videretur, cum precatione ea: Quam rem S. P. Q. R. de Repub. deque incundo nouo bello in animo haberet; ea res vt populo Romano socijsque ac nomini Latino bene ac feliciter eueniret, secundum rem diuinam, precatio- nemque, vt de Repub. deque Prouincijs Sena- tum consulere. Cum pronuntiaissent Con-
 sules

fules rem diuinam ritè perfectam eſſe, & pre-
 cationi annuiſſe Deos, Haruſpices responde-
 re lætaque exta fuiſſe, & prolationem finium,
 victoriamq; & triumphum portendit: tum lit-
 teræ Valerij Aurelijque lætæ, & legati Athe-
 nienſium auditi.

Etiam ſupplicatio indicebatur, ludique &
 dona vouebantur, quæ omnia facta bello Ma-
 cedonico narrat Liuius libro XXXI. Suppli-
 catio inde à conſulibus in triduum ex S. C.
 indiſta eſt, obſecratiq; circa omnia pului-
 naria Dij, quod bellum cum Philippo po-
 pulus iuſſiſſet, id bene ac feliciter eueniret.
 Et paulo poſt, cum delectum Conſulis habe-
 rent, pararentq; quæ ad bellum opus eſſent,
 ciuitas religioſa in principijs maxime no-
 uorum bellorum, ſupplicationibus habitis
 iam, & obſecratione circa omnia puluina-
 ria facta, ne quid prætermitteretur, quod ali-
 quando factum eſſet, ludos Ioui donumq;
 vouere conſulem iuſſit, Vouit in eadem yer-
 ba conſul, præeunte Maximo Pontifice,
 quibus antea quinquennalia vota ſuſcipi
 ſolita erant, præterquam quod tanta pecu-
 nia, quantam tum; cum ſolueretur, ſenatus
 centuiſſet, ludos, donaque facturum vouit.
 Eadem bello Antiocheno religioſiſſime ob-
 ſeruata idem Liuius ſcribit libro XXXVI
 initio Patres priuſquam de Prouincijs age-
 rent, res diuinas facere maioribus hoſtiis iuſ-
 ſerunt in omnibus ſiſis, in quibus lectiſter-
 nium maiore parte anni fieri ſolet: precari-
 que quod ſenatus de nouo bello in animo ha-
 beret,

beret, vt ea res S. P. Q. R. bene atque feliciter
 eueniret, ea omnia sacrificia læta fuere, pri-
 misque hostijs perlitatum est, & ita haruspi-
 ces responderunt, eo bello terminos popu-
 li Roman. propagari, victoriam, ac trium-
 phum ostendi. Et mox S. C. factum est, quod
 populus Roman. eo tempore duellum iussis-
 set cum Rege Antiocho esse, quique sub im-
 perio eius essent, vt eius rei causa supplica-
 tionem imperarent Consules: vtique M. Aci-
 lius Cos, ludos magnos loui voueret, & dona
 ad omnia puluinaria. Id votum in hæc ver-
 ba, præeunte P. Licinio Pontifice maximo,
 Consul nuncupauit: Si duellum, quod cum
 Antiocho Rege sumi populus iussit, id ex sen-
 tentia S. P. Q. R. confectum erit, tibi Iup-
 piter populus Roman. ludos magnos, dies
 X. continuos, faciet, donaque ad omnia pul-
 uinaria dabuntur de pecunia, quantam sena-
 tus decreuerit, quisquis magistratus eos lu-
 dos quando vbique faxit, hi ludi recte facti,
 donaque data recte sunt. Eadem in bello con-
 tra Persam obseruata scribit Liuius Prodi-
 gia quoque si qua nunciata essent, procura-
 bantur, haruspibus consultis, aut libris Si-
 byllinis inspectis. Liuius libr. XXII. Prius-
 quam signa ab vrbe nouæ legiones mouerent
 Xuiri libros adire atque inspicere iussi. &
 libr. XXXVI. Placatis Dijs, nunc votis ritè
 soluendis, nunc prodigijs expiandis in pro-
 uinciam Cons. proficiscitur. Neque alterius
 fere rei plura exempla in historia Liuiana le-
 gentibus occurrunt.

Lib. 42.

De auspicijs militaribus, & li-
tatione.

CAP. VI.

DEorum autem voluntatem & alijs rebus,
& auspicijs maxime Romani exquisie-
runt. Auspicia autem appellata sunt, signa
quædam, ex quibus Deorum se voluntatem
mentemque interpretari posse putabant, quæ
cum in alijs rebus omnibus publicis priva-
tisque, tum vero in militia religiosissime sunt
observata. unde illud Ciceronis libr. II. de
divinatione, Bellicam rem administrare ma-
iores nostri, nisi auspicato, noluerunt, & lib.
2. de leg. Nihil domi, nihil militiæ per magi-
stratus gestum sine eorum auctoritate posse
cuiquam probari.

Cic lib. 1.

de Div.

Liu. li. 6.


Auspicia, id est potestatem inuestigandi
per illa signa Deorum voluntatem, initio
Patricij habuere, quod ex oratione Appij
Claudij patricij aduersos plebeios, apud Li-
uium cognoscitur. Penes quos, inquit, sunt
auspicia more maiorum? nempe penes Pa-
tres, nam plebeius quidem magistratus nul-
lus auspicato creatur, nobis adeo propria
sunt auspicia, ut non solum, quos popu-
lus creat patricios magistratus, non aliter,
quam auspicato creetur: sed nos quoque ipsi si-
ne suffragio populi auspicato Interregem
prodamus, & privatim auspicia habeamus,
quæ isti ne in magistratibus quidem habent.
Quid igitur aliud, quam tollit ex ciuitate

Liu. li. 6.

6.

C

auspi-



auspicia, qui plebeios consules creando, à Patribus, qui soli ea habere possunt, aufert? Hæc apud Liuium Appius. Itaque quamdiu in Patriciorum ordine consulatus ceterique magistratus mansere, ij soli auspicia habere: postea vna cum honoribus ad plebem auspicia quoque transiere. Hinc P. Decius plebeius in oratione aduersus patricos, vt refert Liuius libr. X. semper, inquit, ista audita sunt eadem, penes vos auspicia esse; vos solos iustum imperium; & auspiciū domi militiæque atque adhuc prosperum, plebeium ac patricium fuit, porroque erit. Et libr. VII. idem Liuius, in exspectatione, inquit, ciuitas erat, quod L. Genucius primus de plebe, Consul. bellum suis auspicijs gesturus esset, forte ita tulit casus, vt Genucius ad hostes magno conatu profectus, in insidias præcipitaretur, quod vbi est Romanis nunciatum, nequaquam tantum publica calamitate mortui patres, quantum feroces infelici Cos. plebei ductu, fremunt omnibus locis, irent, crearent Consules ex plebe, transferrent auspicia, quo nefas esset, &c.

Porro cū multa essent genera auspiciorū, duo tamen in castris sunt adhibita Tripudium, & ex acuminibus: credo quod hæc genera, magis in promptu essent volentibus. quanquam interdum Imperatores de calo etiam seruasse legimus. Liuius libr. IV. Parumper silentiū & quies fuit: nec Hetruscis, nisi cogerentur, pugnam inituris; & Dictatore arcem Romanam respectante, vt ab auguribus,

ribus, simul aues rite admississent, ex composito tolleretur signum.

Tripudio autem, vt eo reuertar, ita augurium captabatur. Singulis magistratibus, qui imperium habebant, augur & pullarius praesto erat, qui pullos in cauea inclusos asseruabat: vbi vero Dei voluntatem Imperator volebat exquirere, auguri, vt scribit Cicero, dicebat. Te volo mihi in auspicio esse, volo, respondere: tum ille Dicit si silentium esse videatur. Silentium esse videri augur aiebat, tum ille, Dicit, si pascuntur aues. Pascuntur respondebat, statim enim pullarius pullos (Melicos & chalcidicos in hoc genere maxime probatos scribit Plinius) e cauea emittebat, eisq; offam obiciebat, futurumq; euentum rei ex eorum pastu coniciebat, nam si tardius cauea pulli exirent, aut offam obiecta non attingerent, infaustum habebatur, remque aggressuros inuitis Dijs: sin autem auide arriperent, ita vt aliquid caderet ex ore pulli, cum pascebatur, prosperum euentum, Deosque propitios sibi fore existimabant; atque Imperatori auspicanti Tripudium solistimum a pullario nunciabatur. Quod augurij genus iccirco Tripudium solistimum appellatum est, auctore Cicerone, quia cum offa pullis obiecta, aliquid ex ore in solidum cadere necesse esset, & terram pauere, terripadium primo, post terripudium dictum est, ex eo tripudium, & quod in solidum caderet, solistimum nominatum. Silentium autem in augurio quid fuerit, explicat in eodem loco

Lib. 2. de

Diu.

Lib. 1. de

21.

Lib. 1. de

Diu. 9.

lib. 2.

M. Cicero: Silentium dicimus in auspicijs, quod omni vitio caret. Et Festus, sinistrum in auspicando significare ait Attius Capito Iustum & prosperum auspicium: at silentium, ubi duntaxat vacat vitio. igitur silentio surgere cum dicitur, significat non interpellari, quo minus rem gerat. Idem alibi, ut quidem eius lacunas viri doctissimi explerunt, silentio surgere, Verrius ait dici, ubi qui post mediam noctem, auspicandi causa, ex lectulo sub silentio surrexit, & liberatus à lecto in solido sedet, filetque, ne quid eo tempore deijciat, rursusque se in lectum reposuit: hoc enim est proprie silentium, omnis vitij in auspicijs vacuitas. Veranius ait, non utique ex lecto, sed ex cubili, nec rursus se in lectum reponere necesse esse. Et alibi ex eorundem coniecturis, solida sella, ait Verrius, sedere tu n quis iubetur, cum mane surgens auspicandi causa, euigilauit; quod antiqui expresse, & ab interiora parte excavatas non faciebant sedes, quas solidas ideo, quod in his nihil erat concavum appellabant.

Quanta autem fuerit huius auspicii auctoritas Plinius ostendit libro X. c. XXI. de Gallicis disputans. secundus est honos habitus Melicis, & chalcidicis, ut plane dignæ aliti tantum honoris præbeat Romana purpura. Horum sunt tripudia solistima. Hi magistratus nostros quotidie regunt, domosque ipsis suas claudunt, aut referant. hi fasces Romanos impellunt, aut retinent; iubent acies, aut prohibent:

hibent: victoriarum omnium toto orbe par-
 tarum auspices. Liuius lib. VI. Eludant nunc
 religiones, quid enim est, si pulsi non pascen-
 tur, si ex cauea tardius exierint? parua sunt
 hæc, sed parua ista non contemnendo maio-
 res nostri, maximam hanc rem fecerunt, & lib.
 X. Tertia vigilia noctis Papirius silentio sur-
 git, & pullarium in auspicium mittit, cum
 pulli non pascerentur, pullarius auspicium
 mentiri ausus, tripudium solistimum Con-
 suli nunciauit. Consul lætus, auspicium e-
 gregium esse, & Deis auctoribus rem gestu-
 ros pronunciat, signumque pugnae proponit.
 Valerius de auspicis. P. Claudius bello Pu-
 nico primo, cum prælium nauale commit-
 tere vellet, auspiciaque more maiorum pe-
 tiisset, & pullarius non exire pullos cauea
 nunciasset; abijci eos in mare iussit, dicens,
 quia esse nolunt, bibant.

Auspicium ex acuminibus, militare fuisse
 docet Cicero libr. II. de Diuinatione, Ex acu-
 minibus, inquit, quod totum auspicium mili-
 tare est, iam M. Marcellus ille quinquies Cos.
 totum omisit. Et libr. II. de Natura deorum,
 Negligentia nobilitatis, auguriorum disci-
 plina omissa, veritas auspiciorum spreta est,
 species tantum retenta. Itaque maximæ Rei-
 pub. partes, in his bella, quibus Reipub. sa-
 lus continetur, nullis auspicis administran-
 tur, nulla perennia seruantur, nulla ex acu-
 minibus, nulli viri vocantur, ex quo testa-
 menta in procinctu perierunt. Meminit hu-
 ius auspicij, etiam Arnobius lib. vndecimo.

Lib. 1. ca.

4.

Cic. 2. de

natura

deorum.

Turnebus
lib. 23. c.
XII.

Martium discrimen obeuntes, spem prælii sumitis, & ex acuminibus auspicatis? Id auspicium quale fuerit, obscurum est, nonnulli existimant veteres ex acumine spiculatorum, pilorum, ensiumque spem prælii & euentum solitos auspicari, verbi causa, si splenderet, si refusum non esset, si non sordidum, si non hebes, si horrorem quandam præ se ferret. Cælius Calcagninus lib. 1. epistol. quæst. ult. putat esse, cum super hastas stellæ apparent, pila ardere viderentur de quibus Senec. in nat. quæst. Plinius, Aliqui, quod tamen Cælio non placet, ad Geomantiam referunt, quæ acuminibus ita exercetur, ut punctorum paritas, imparitas obliquitas, quadratio, decussatio spectetur, &c.

Neque solum auspicato, sed etiam litato rem aggrediebantur, erat autem litare, pacem à Dijs hostijs immolandis impetrare. id autem fiebat, cum hostia cæsa, haruspices exta diligenter inspicientes ex quibusdam haruspicinæ præceptis propitios Deos interpretabantur. Liuius lib. V. Tribuni militum nec auspicato, nec litato instruunt aciem, & lib. VI. Dictator, castris eo die positus, postremo cum auspicato prodisset, hostiaque cæsa pacem Deum adorasset. Et lib. VII. Diu non prolitatum tenuerat dictatorem, ne ante meridiem signum dare posset. & lib. IX. Agentibus diuinâ humanaque quæ assolent, cum acie dimicandum est, consulibus, Tarentini legati occurfare responsum expectantes. quibus Papirius ait, Auspicia secunda esse, Tarentini, pul-

ni, pullarius nunciat, litatum præterea est egregiè: auctoribus Dijs, vt videtis, ad rem agendam proficiscimur. Plutarchus etiam paullum Aemilium, prælii die vsque ad vigesimam hostiam non litasse narrat: in vicesima autem prima demum victoriæ signa apparuisse. Hinc etiam Cicero, Romanos nihil in bello sine extis egisse narrat.

libr. 1. de
Diuin.

Illud verò in hac re scire operæ pretium est, haruspices in extis consulendis, partem eorum inimicis, partem amicis assignasse, atque ex vtriusque partis colore habituque futura coniecisse. Cic. lib. II. de Diuinatione cum haruspicinam irrideret; Quomodo, inquit, est collata inter ipsos, quæ pars inimici, quæ pars familiaris esset, quod fissum periculum, quod commodum aliquod ostenderet? Et paulò post, haruspices fissum familiare, & vitale tractant. Liuius lib. IX. Romani Coss. priusquàm educerent in aciem immolauerunt Decio caput iecinoris à familiari parte cæsum haruspex dicitur ostendisse: alioqui acceptam Dijs hostiam esse: Mâlium egregiè litasse. Et Lucanus lib. I. Pharsal.

*Cernit tabe iecur madidum, venasq; minaces
Hostili de parte videt.*

Hæc auspicia non modo cum prælium incundum erat, sed etiam cum amnes transeundi, adhibebantur. Vnde illa Ciceronis de suis temporibus, quibus mos maiorum, & religio iâ obsoleuerat, Bellicam rem administra-

libr. 2. de
Diuin.

rimiores nostri, nisi auspicio noluerunt, quam multi anni sunt, cum bella à Proprætoribus, & Proconsulibus administrantur, qui auspicia non habent? itaque nec amnes transeunt auspicio, nec tripudio auspiciantur. Hæc autem auspicia, quæ in traiectu amnium fiebāt, perennia videntur appellata. Cicero lib. II. de Diuinatione, Bella nullis auspicijs administrantur; nulla perennia seruantur; nulla ex acuminibus. Festus, Perenne dicitur auspiciari, qui amnem, aut aquam, quæ ex sacro oritur, auspicio transit. ex sacro autem illam aquam oriri arbitror, quæ ex capite fontis oritur: capita enim fontium omnium, ut notum est, antiquitas consecrauit. quasi ea, quæ castellis, aut manu deduceretur, sacra non esset. Idem Festus, Petronia amnis est in Tiberim profluens, quam magistratus auspicio transeunt, cum in campo quid agere volunt. quod genus auspicij perenne vocatur. Ad hoc auspiciū pertinet illud, quod Festus alibi scribit, Manalis, inquit, fons appellatur ab auguribus, puteus perennis: neque tamen spiciendus videtur; quia flumen id spiciatur, quod sua sponte in amnem infuat. Plutarchus etiam Luculum Euphrati scribit διαβαρῆτα sacrificasse.

De diebus præliaribus.

C A P. VII.

Tanta autem fuit Romanorum in bellis gerendis siue religio, siue superstitio, ut non modo nihil nisi placatis Dijs aggredierentur
sc d

sed etiam in re gerenda, atque in itineribus faciendis dies certos cauere, quod eos Deorum aliqua ira infaustos esse existimarent. Herodia. lib. 3. de Seuerio Imp. Iter faciebat sine intermissione, neq; festos dies, neq; labores ullos magnopere curans. Dies autem illi, quibus proelium gerere licebat, Proeliare dicti sunt. Festus, Proeliare dies appellatur, quibus fas est hostem bello laceſſere, erant enim quedam feriæ publicæ, quibus nefas fuit id facere. Et Macrobius, Proeliare dies oēs, *lib. 1. Sat. c. 16.* quibus fas est res repetere, vel hostem laceſſere. Quibus autem diebus bellum gerere non licebat, eos religiosos nominarunt. Festus, Religiosi dies, quibus, nisi quod necesse est, nefas habetur facere, quales sunt sex & triginta Atri qui appellantur, & Allienſes, & ij, quibus mundus patet. Frontinus lib. IV. c. ultimo, P. Scipio in Lydia exhortatus est fratrem, ut postero, quamuis religioso die committeret proelium. In diebus autem religioſis Macrobius Latinas ferias numerat saturnalia, & cum mundus patet; item ferias, diesque qui eſſent notati rebus aduerſis, quique poſtridie Kalendarum, Nonarum, Iduumque ſequebantur.

Feriæ Latinæ dicuntur, quæ à Romanis, Latinisque cōmuniter in monte Albano Ioui Latiali celebrabantur, à Tarquinio ſuperbo Romanorum Rege inſtitutæ, qui ijs feriis diem vnum dicauit: exactis regibus, alter additus eſt; poſt ſœdus cum Latinis à Sp. Caſſio Cos. iſtum, tertius: anno demum V. C. CCCXVI.

Composita de plebeio consulatu seditione, quartus, ut Liuius, Dionysius, & Plutarchus scribunt. Hæc feriæ conceptiue fuere, Macrobio teste, & quotannis à Consulibus antequam ad bellum proficisceretur, indicebantur. Liuius libr. XLII. Consules ob ea irati senatui, Latinis feriis in primam quamque diem indictis, in prouinciam abituros se denunciarunt. Et libr. XLIV. Latinas ubi magistratum Cos. inissent, quod per religiones posset, primo quoque tempore fieri placere. Feriis autem Latinis iccirco nefas erat bellum sumere, quia, ut ait Macrobius, decere non videbatur eo tempore bellum inchoari, quo publice quondam induciæ inter Romanum populum, Latinosque firmatæ essent.

Saturnalia feriæ fuere siue ab Iano, siue à Pelasgis, siue ab Herculis comitibus Saturno dicatæ. Hæc vno tantum die initio celebrantur, id est XIV. kal. Ianua, post in triduum propagata, primum duobus adiectis à Cæsare Decembri diebus, deinde ex edicto Augusti, quo trium dierum ferias Saturnalibus addixit. Itaque à XVI. kal. cœpta, in XIV. desinebant, quo solo fieri ante consueuerunt. His igitur feriis neque bellum sumere, neque pœnas exigere fas putabatur, quod, ut ait Macrobius, sine vllō tumultu bellico Saturnus cuderetur imperasse.

lib. 1. Sat
6.7 10.16

Nec patente quidem mundo, ut Festus scribit, in Rep. quidquam geri voluere. itaque per eos dies non cum hoste manum conferebant, non exercitus scribebatur, non comitia habebantur,

bebantur, non aliud quidquam in Rep. nisi quod vltima necessitas admonebat, administrabatur. Quid autem veteres mundi nomine, quem patere aiebant, intellexerint, nō facile dixerim: existimo tamen de mundo Cereris intelligendum esse. Mundus autem, in sacris Cereris videtur appellatus, arcanus quidam ornatus, qui huius mundi superioris similitudinem exprimeret. Hic mundus cum reliquo anni tempore clausus esset, ter in anno ostendebatur: quo tempore nihil eorum, quæ dixi, agi licuit, cum enim sacrum illud Diti patri & Proserpinæ esset, melius occlusa Plutonis fauce, vt Macrobius ait, eundem ad prælium putauerunt. Hinc Varro apud eundem Macrobiū, Mundus, inquit, cum patet, Deorum tristium, atque inferū quasi ianua patet: propterea non modo prælium committi, verum etiam delectum rei militaris causa habere, ac militem proficisci, nauem soluere, vxorem liberū quærendorum causa, ducere religiosum est. Quibus autem diebus mundus pateret, haud procliuè dictu est. Festus enim, ex quo vno hoc peti posset, non sibi constat: in schedis enim F. Vrsini patuisse dicit III. kal. Septembr. IV. Non. Octobr. & III. Idus Nouembr. Idem verò Festus alibi, & in epitoma Pauli, postridie Volcanalia, & ante diem tertium Non. Octobr. & ante diem sextum Idus Nouembr. patuisse ait: vt in alterutro loco mendum inesse necesse sit. Nam Volcanalia in kalendario Romano X. kal. Septembr. reponuntur.

Iam verò non alium esse mundum nisi Cereris, Festus ostendit in Shedis, Mundus, inquit, etiam mulieris appellari potest, atque etiam æde Cereris, qui mundus appellatur, qui ter in anno solet patere III. kalend. Sept. & IIII. Non. Octobr. & III. Id. Nouembr. qui id omne dictus est, quod terra mouetur. Et alibi, Mundus, ut ait Capito Ateius, in lib. VII. Pontificali, ter in anno patere solet, diebus his, postridie Volcanalia, ante diem tertium Non. Octobr. & ante diem VI. Id. Nouemb. qui quid ita dicatur, sic refert Cato in commentarijs iuris civilis, Mundo nomen impositum ab eo mundo, qui supra nos est: forma enim eius est, ut ex his, qui intrauere cognoscere potui, adsimilis illi, eius inferiorem partem, veluti consecratam Dijs manibus, clausam omni tempore, nisi his diebus, qui supra scripti sunt, maiores censuerunt, quos dies etiam religiosos iudicauerunt ea de causa, quod quo tempore ea, quæ occultæ & abditæ religionis deorum manium essent, veluti in lucem quandam adducerentur, & patefierent, nihil eo tempore in rep. geri voluerunt. Hæc Festus. Apuleius verò apologia priore. Quoniam, ut res est, maius periculū decernis speculum philosopho, quam profano mundum Cereris videre.

Ferias quoq; publicas in militum delectu vitauere, ut Festus, & Macrobius scribunt. Hinc Varro in augurum libris, Viros vocare ferijs non oportet: si vocauit, piaculum esto. Feriæ aut statiuæ fuere, certis & constitutis diebus

diebus ac mensibus, & in fastis, statis obseruationibus annotatæ: aut à magistratibus sacerdotibusue in dies vel certos, vel incertos conceptæ, & imperatæ. Feriæ conceptiæ fuere Paganalia, Sementinæ, Compitalia, &c. Statiuæ autem multo plures, vt in mense Ianuario Agonalia, & Carmentalia. Februario, Lupercalia, Quirinalia, Feralia, Terminalia, Equiria. Martio, Equiria, Liberalia, Quinquatrus. Aprili, Cerealia, Palilia, Vinalia, Robigalia. Maio, Lemuria, Agonalia. Iulio, Neptunalia, Furinalia. Augusto, Portunalia, Vinalia, Consualia, Volcanalia, Opiconsuia, Volturnalia. Septembri, Neptuni, & equorum probandorū feriæ. Octobri, Meditrinalia, Augustalia, Fontinalia. Nouembri, Feriæ equorū probandorū. Decēbri, Agonalia, Consualia, Saturnalia, Opalia, Diualia, Laurétinalia. Hæ aliæq; alijs mēsis, vt ex veteri Kal. constat, feriæ statiuę fuere, quibus delectus haberi nō potuit. Sed neque diebus Atris, aut ijs quibus aduersis notati essent, milites scribere licuit; vt Macrobius, Festus, alijque tradide- *Festus v.*
re. Dies autem Atri sex & triginta fuere, au- *novarū.*
tore Festo; id est ij omnes, qui postridie Ka- *v. Præli.*
lendarum, Nonarum, & Iduum sequerentur, *ares.*
Cuius rei causam ex Gellio libr. XV. Anna-
lium, & ex Cassio Hemina lib. XI. Historiarū,
A Gellius, & Macrobius hanc tradunt. An- *Gellius li.*
no, inquit, ab vrbe condita CCCLXIII. *5. cā. 17.*
à Tribunis militum Virginio, Manlio, Aemi- *Macrobi.*
lio, Postumio, collegisq; eorū, in senatu actū, *li. 1. c. 16*
quid esset cur toties intra paucos annos malè *541.*
esset

esset afflicta resp. introductusque in Senatū, L. Aquinius haruspex, dixit Q. Sulpitiū Tribunum milit. ad Alliam aduersum Gallos pugnaturum, rem diuinam, dimicādi gratia, fecisse postridie Idus Quinctiles: item apud Cremeram, multisque alijs temporibus & locis, post sacrificium die postero celebratum, male prœlium celsisse. Itaq; Pontifices consulti, statuerunt postridie omnes kalendas, Nonas, Idus, atros dies habendos, vt hi dies neque prœliares, neque puri, neque comitiales essent. Eadem haud multo secus narrat Liuius lib. VI. Tū de diebus, inquit, religiosi agi cœptum, diemque ad XV. kal. Sextil. duplici clade insignem, quo die ad Cremerā Fabij cæsi, quo deinde ad Alliam cum exitio vrbis fœde pugnatum, à posteriore clade Alliensē appellarunt; insignemque rei nul' i publice, priuatimque agendæ fecerunt. Quidam, quod postridie Idus Quinct. non litasset Sulpitius Tribunus militū neq; inuenta pace deū, post diem tertium obiectus hosti exercitus Romanus esset: etiam postridie Idus rebus diuinis supersederi iussu, inde, vt postridie kalendas quoque ac Nonas eadem religio esset, traditum putant. Hæc Liuius.

Quæstio. Aliam causam addit Plutarchus in *Quæstio-*
Rom. 25. nibus, philosopho magis, quam historico dignam. ait enim singulis mensibuster Lunam luminis varietatem suscipere, kalendis, cum sese occultat, Nonis, cum sese iterum ostendit, & Idibus, cum iam orbe perfecto est: Romanosque eos dies, qui varij luminis initia essent,

essent, Dijs superis, proximos inferis dicasse, nefastosque statuisse. Adscribit & alteram, quia cum Kalendæ, Nonæ, & Idus sacri Dijs haberentur, neq; ijs prophanum aliquid agere liceret; itaq; dies, qui hos sequerentur, magis apparandis, quàm gerendis rebus destinare voluerunt. Sed hæc vt acute excogitata, sic ad veritatem parum accommodata videri possunt. Gentilitatis enim sunt Apinæ.

Dies etiam ille, quo salutis augurium captabatur, quod Græci *διώνισμα τῆς ὑγείας* appellant, ab omni bello purus seu uatus est. Quam consuetudinem ita explicat Dionys. lib. XXXVII. Annuo tunc, inquit, spatio Romani bellis vacarunt, ita, vt longo tempore intermissum augurium salutis repeterent. Est autem quoddam diuinationis genus, quo probatur, concedant ne ipsis Dijs, vt populo salutem petant: quasi nefas esset eam prius petere, quàm per augurium Deorum voluntas fuerit explorata.

Ad hanc rem dies eligitur singulis annis, quo die nullus exercitus ad bellum sit profectus, nullus hostis se mouerit, nusquam pugnatum sit, atq; ob eam causam in perpetuis bellis, ciuilibusq; discordijs nunquam celebratur. Et præterea difficillimum est diem vnum aliquem hiscerebus omnibus purum obseruare. Hæc Dion. qui etiam lib. LI. scribit ab Augusto, pace terra, marique parata, lanum clausum, & augurium salutis celebratū. De salutis augurio meminit Cicero, qui in suis *Lib. 2. de legib.* ita sanxit: sacerdotis vineta, virgetaq; leg.

D

& salu-

& salutem populi auguranto. & lib. I. de Divinatione: Tibi P. Claudius Augur Confili nunciauit, addubitato salutis augurio, bellum domesticum triste ac turbulentum fore. Tacitus lib. XII. Salutis augurium quinque & viginti annis omisſum repeti, ac deinde continuari placitum. Suetonius in Augusto. Nonnulla etiam ex antiquiſſimis cærimonijs paulatim abolita reſtituit, vt salutis
cap. 31. augurium. Feſtus: Pro collegio augurum decretum eſt, quod in ſalutis augurio Prætores
v. Maximæ Prætorum. maiores & minores appellantur, non ad ætatem, ſed ad vim imperij pertinere. Cælius Calpagninus lib. 6. epiſt. 9. Augurium ſalutis ſic explicat. Veteres, ait, cum ſalutem à Dijs expetere non auderent, augurium ſalutis inſtituere, vt nihil temere cum Dijs egiſſe viderentur.

Metis etiam, neque dum conditis Ancilibus ad bellū proficiſci fuit nefas. Suetonius in Othone cap. IIX. Expeditionem impigre, atque etiam præpropere inchoauit: nulla ne religionum quidem curas; ſed & motis, necdū conditis ancilibus, quod antiquitus in fauſtum haberetur. Et Tacitus eadem de re ſcribens, li. XVII. Fuere, inquit, qui Othoni proficiſcēti, moras religionemque nondum conditorum ancilium afferrent. Liuius libr. XXXVII. Statua ad Hellespontū aliquandiu habuerunt, quia dies forte, quibus ancilia mouentur, religioſi ad iter inciderant, ijdem dies P. Scipionem propiore etiam religione, quia ſatius erat, diſiunxerant ab exercitu.

Seruius

Seruius ad lib. 7. Roma colit, cum prima mouent, & ad initium libr. VIII. moris fuisse dicit, ut belli dux sacrarium Martis ingressus, primo ancilia commoueret, post ipsius hastam simulachri, dicens, Mars vigila. Ex quo Seruij loco posset aliquis suspicari, bello indicto promi solita ancilia, ut mouerentur: atque egredi ex vrbe antequam cōderentur, ominosum fuisse. Verisimilius tamen est, tempus illud significari, quo ancilia per urbem lustrarentur, quibus non conditis, nefas erat expeditionem suscipere, quod ex Liuij loco, proxime citato colligitur. Lustrabantur autem ancilia Quinquatribus mense Martio, ut ante diximus. Charisius li. i. Quinquatrus à quinquando, id est, lustrando, quod eo die arma ancilia lustrari sint solita.

Illud porro in hoc genere sciendū est, hanc dierum religionem, tum demum fuisse à Romanis obseruatam, cum ipsi priores bellum inferrent: cum verò illatum propulsarent, nullū obstitisse diem, quo minus vel salutem suam, vel publicam defenderent dignitatem, quemadmodum scribit Macrobius lib. i. cap. XVI. Saturnaliorum.

De iustitia Romanorum, in suscipiendis gerendisq; bellis.

CAP. VIII.

Populus Romanus ut illatas sibi iniurias bello acerrime persequi solebat, sic numquam sine causa, nec ferè nisi prouocatus, arma alijs inferre consuevit. Qua in re

D 2 illud

illud vel maxima admiratione dignum videtur, quod, cum opibus vsque adeo præpotens esset, proferendi autem imperij gloriæq; cupidissimus, eum tamen animum semper in omni ætate, rerumq; vicissitudine seruauit, ut nullum bellum temere, ac fere nisi aliorum iniurijs coactus susceperit: siue quod, ut ait pro Marcello, M. Cicero: permultum ad victoriam, ipsam causam præstaret, conferre; siue quod æquitatis esset amantissimus, Deorumque in primis studiosus; quos, ut aduersos heroice timebat, si ultro ipse iniuriam alijs intulisset; ita propitijs se vsurum sperabat, si iniuriam propulsiasset. Varro libr. II. de vita pop. Rom. Apud Nonium. u. Fetiales. Bella, & tarde, & nulla licentia inscipient, quod bellum nullum nisi pium putabant geri oportere. Hinc illa Rhodiorum apud Liuium ad Senatum Roman. oratio: Certe quidem, inquiunt, vos estis Romani, qui ideo felicia bella vestra esse, quia iusta sint, præ vobis fertis: nec tam exitu eorum, quod vindicatis, quam principijs, quod non sine causa suscipiatis, gloriamini. Dionysius quoque lib. II. Romanorum bella ideo semper felicia fuisse narrat, quia iuste suscepta, piè, sancteque gesta essent. Et Cn. Marcius Coriolanus eodem teste Dionysio, cum ad Volscos non solum virtutem, sed religionem etiam, & æquitatem deportasset, licet iusto odio in Romam arderet, iniuriamque vlcisci quamprimum cuperet: tamen ante iustam honestamque belli causam quærendam censuit. Neque

verò

lib. 45.

lib. 8. et
significat.

verò necesse est, ut omnia, quæ cum hostibus
piè iusteque Romani gesserint, singillatim
commemorentur: illud autem vniuerse di-
xisse satis fuerit, nullam gentem, neque pacis
neque belli iura sanctius, quam Romani co-
luisse, ut Polybius libr. 13. scribit. Atque et-
iam ob hanc ipsam causam, ne Romani vllum
bellum iniustum susciperent, collegium Fe-
tialium institutum est, quorum id, Dionysio *libr. 1.*
teste, munus fuit, darent operam, ne Romani *Antiq.*
vlli foederatæ ciuitati bellum inferrent, quod
si prior aliqua, contra foederis condiciones
aliquid commisisset, legatos ipsi Fetiales age-
bant, & verbis primo res repetebant: si postu-
lata facere negligerent, bellum indicebant.
Iidem, si qui populi illatam sibi à populo Ro-
mano iniuriam querebantur, causam cognos-
cebant, fontesque dedebant, de legatorum
iniurijs iudicabant, pacem conficiebant, aut
si parum legitime facta videretur, eandem
irritabant: si quid etiam Imperatores contra
fidem & iusiurandum fecissent, cognoscebant,
atque expiabant. Cum igitur tantum esset
munus Fetialium, iure Cicero dixit libr. 1.
officiorum: belli æquitatem sanctissime, fe-
tiali populi Romani iure, fuisse perscriptam.
Ex quo illud etiam in suis legibus sanxit. Foe- *libr. 2.*
derum pacis, belli, indutiarum, oratores, *de legib.*
Fetiales, iudicesque sunt. Et Varro libr. IV.
de lingua Latina. Fetiales, quod fidei publicæ
inter populos præerant: nam per hos fiebat,
ut iustum conciperetur bellum. Et libr. III.
de vita popul. Roma. apud Nonium, si cuius *v. Fetial.*

legati violati essent, qui id fecissent, quamuis nobiles essent, vt dederentur ciuitati, statuerunt, fetialesque viginti, qui de his rebus cognoscerent, iudicaret, statuerent, & constituerent. Liuius libr. 38. L. Minucius Myrtilus, & L. Manlius, quod legatos Carthaginienses pulsasse dicebantur, iussu M. Claudij Prætoris vr bani per fetiales traditi sunt legatis, & Carthaginem auecti.

Collegium Fetialium, qui bellis præessent, à Numa institutum est, vt scribit Dionysius, cum eorum leges & iura ab Aequicolis, siue Ardeatibus esset mutuatus. Liuius, & is, qui de viris illustribus scripsit, Ancum Marcium faciunt auctorem, iusque, quo fetiales vterentur, ab antiqua gente Aequicolis descriptum. Valerius libr. X. Sertorem Resium Aequicolam primum ius fetiale excogitasse ait.

Fetiales porro, vt ait Dionysius, ex familijs nobilissimis eligebantur, eoque Sacerdotio perpetuo fungebantur. Eos viginti numero fuisse videtur indicare Varro loco quæ proxime citauimus: statuerunt, inquit, Fetiales XX. qui de his rebus cognoscerent. Ex his igitur rebus intelligi potest, quanta fuerit Romanorum in bellis suscipiendis iustitia: neque vllum bellum, vt ait Cicero, iustum esse existimarunt, nisi quod aut rebus repetitis gereretur, aut denunciatum ante esset, & indictum. Hinc illa Liuij de Romanis à maiorum virtute desciscuntibus. Marcius, inquit, & Attilius Romam cū venissent, legationem
in Ca-

lib. 1. off.

lib. 42.

in Capitolio ita renunciarunt, vt nulla re magis gloriarentur, quam decepto per inducias & ipem pacis Persa. hæc, vt summa ratione acta, magna pars Senatus approbat: veteres, & moris antiqui memores, negabant se in ea legatione Romanas agnoscere artes, nō per insidias, & nocturna prælia, nec simulatam fugam, improuisosque ad incautum hostem reditus, nec vt astu magis, quam vera virtute gloriarentur, bella maiores gessisse, indicere prius, quam gerere solitos bella: denunciare etiam, interdum locum finire, in quo dimicaturi essent. eadem fide indicatum Pyrrho regi medicum vitæ eius insidiantem, eadem Faliscis vinctum traditū proditorem liberorū regis. hæc Romana esse, non versutiarum Punicarum, neq; calliditatis Græcæ, apud quos fallere hostem, quam superare gloriosius fuerit, interdum in præsens tempus plus profici dolo, quam virtute: sed eius demum animum in perpetuū vinci, cui confessio expressa sit, se neque arte, neque casu, sed collatis cominus viribus, iusto ac pio bello esse superatum. Hæc seniores, quibus noua hæc minus placebat sapientia: vicit tamen ea pars Senatus, cui potior utilis, quam honesti cura erat. Hactenus Liuius. Iam vero quoniam nisi rebus repetitis, belloque indicto, armā Romanos nunquam intulisse diximus; quæ in vtraque re solemnia obseruata fuerint, ordine deinceps videamus.

De robur repetendis.

CAP. IX.

Cum igitur gens aliqua fines populi Rom. Caut sociorum populi Rom. inuasisset; aut ciuem Rom. soció sue populi Rom. iniuria af- fecisset: antequam bello iniurias persequerentur, legatos Romani mittebāt, qui res abla- tas repeterent, eosque qui fecissent, deposce- rent. Quæ si hostes fecissent, bello abstin- ebant; sin minus, armis ius suum tuebantur, bel- lumque indicebant. Legati ad res repetendas fere quatuor mittebantur, ex Fetialium col- legio electi, quibus præerat is, quem ipsi Fe- tiales, ut scribit Dionysius nominassent, hunc Patrem patratum dictum ait Seruius; addit- que Plutarchus, cum Patrem patratum eli- gi solitum, qui, patre adhuc superstite, libe- ros suscepisset. Varro libr. II. de vita populi Rom. apud Nonium: Priusquam indicerent bellum ijs, à quibus iniurias factas sciebant, Fetiales legatos repetitum mittebant qua- tuor, quos oratores vocabant. Liuius libro IV. Tunc quoque, Ine confestim bellum indi- ceretur, neue exercitus mitterentur, religio obstitit, Fetiales prius mittendos ad res repe- tendas censuere.

*Dionys.
lib. 2.
Plutarc.
q. Ro. 62.
Sern. ad
l. 9. Ia-
culum im-
mittit in
auras
Principiū
pugna,
et li. 10.
initio.
Nonius
vide Fe-
tiales.*

Pater igitur patratus, ut narrat Dionysius, veste, quam cæteri, augustiore, sumptisq; sa- gminibus siue verbenis (utroque enim nomine idem significatur, hoc est gramē ex arce cum sua terra auulsum) cum Fetialibus ad hostiū fines contendebat; qui propterea etiam ver-
benarius

benarius dictus videtur, à Plinio l. XXII. c. II. Donat. enim in Andr. act. 4. sc. 4. Verbenæ sunt omnes herbæ frondesq; ex aliquo loco puro decerptæ: verbenæ autem dictæ, quasi herbenæ, hæc ille.

Vbi verò Pater patratus ad fines eorum venisset, vnde res repeterentur, capite velato (solum lanæ, Liuius teste, velamen fuit) alijsq; insignibus, quæ diximus, ornatus, clara voce, sollemniq; carmine, res repetebat: ex quo etiam clarigatio, Plinio, Seruioq; auctoribus, appellata est. Carmen autem, quo res repetebatur, ita exponit Liuius libr. 1. Legatus ait, vbi ad fines venit, Audi Iuppiter, inquit, audite fines, (cuiuscumque gentis sunt, nominat) audiat fas: ego sum publicus nuncius populi Roman. iuste pieq; legatus venio, verbisq; meis fides sit. Peragit deinde postulata: inde Iouem testem facit: Si ego iniuste impieq; illos homines, illasq; res dedier nuncio populi Roman. mihi exposco; tum patriæ compotem me numquam finas esse. Hæc, cum fines supra scandit; hæc quicumq; ei primus vir obuius fuerit; hæc portâ ingrediens; hæc forum ingressus, paucis verbis carminis, concipiendiq; iuri siurandi mutatis peragit. Hæc Liuius. quæ eadem prosequitur Græcus auctor Dionysius, in extremo libro secundo. Idem Liuius libr. 4. Missi fetiales, nec eorum, cum, more patrum, iurati repeterent res, verba sunt audita: & libr. 42. Legati ad res repetendas in Macedoniam, renunciandamq; amicitiam regis missi redierunt.

Postquam Paterpatratus mandata exposuisset, dies tres & triginta expectabat; intra quos si non reddebantur, quæ exposcebat, tum is reuertens, Audi Iuppiter, inquit, & tu Iuno, Quirine, diique omnes cælestes, vosque terrestres, vosque inferni audite. ego vos testor, populum illum (quicumque est, nominat) iniustum esse, neque ius persolvere. Sed de istis rebus in patria maiores nati consulemus, quo pacto ius nostrum adipiscamur. Liuius & Dionysius.

*De ijs, quæ post reditam Fetialium, ante belli
indictionem fierent.*

CAP. X.

Romanam igitur reuersi Fetiales, ut ait Dionysius, senatui renunciabant, omnia se ritè exsecutos; quare licere, si vellent, bellum indicere. Tum is, qui senatum habebat, his fermè verbis Patres consulebat, quæ refert Liuius libr. 1. Quarum rerum, litium, causarum, condixit Paterpatratus populi Romani, Quiritium patripatrato priscorum Latinorum, hominibusque priscis Latinis, quas res nec dederunt, nec soluerunt, nec fecerunt; quas res dari, fieri, solui oportuit: dic, inquit ei, quem primum sententiam rogabat, quid censes? Tum ille: pro pioque duello quærendas censeo: itaque consentio, consciscoque, inde ordine alij rogabantur. quandoque pars maior eorum, qui aderant, in eandem sententiam ibat, bellum erat consensu fieri solitum.

litum. Neq; antequam Fetiales reuertissent, fas erat de bello quidquam statuere, vt Diomysius ait libr. II.

Vbi autem Senatus bellum gerendum censuisset, ad populum deinceps de bello indicendo ferebatur. Liuius libr. IV. Missi ad Venientes Fetiales; nec eorum, cum more patrum iurati repeterent res, verba sunt audita. controuersia inde fuit, vtum populi iussu indiceretur bellum, an satis esset, S. C. peruicere Tribuni, denunciando impedituros se delectum, vt Quinctius Cos. de bello ad populum ferret: omnes centuriæ iussere. Et libr. V I. Ex S. C. populiq; iussu bellum Prænestinis indictum. Et li. VII. Dictator ex auctoritate patrum, ac populi iussu Cæritibus bellum indixit. libro XXI. Latum inde ad populum: vellent, iuberent populo Carthaginiensi bellum indici. libro XXXI. S. C. factum est, vt cum Consules prouincias sortiti essent, atque is Consul, cui Macedonia prouincia euenisset, ad populum tulisset, vt Philippo Regi Macedonum indiceretur bellum P. Sulpicio prouincia Macedonia sorte euenit, isq; rogationem promulgauit: vellent, iuberent Philippo Regi, Macedonibusq; qui sub regno eius essent, ob iniurias armaq; illata socijs populi Rom. bellum indici. Hinc idem Liuius tanquam contra leges vsurpatum notat. Prætor, inquit, nouo maloq; exemplo rem ingressus erat; quod ante non consulto Senatu, non Consulibus certio-

Lib. 45.

certioribus factis, de sua vnus sententia rogationem ferret: vellēt, iuberētne Rhodijs bellum indicio, cum antea semper prius senatus de bello cōsultus, deinde ad populum latum.

Quibus ex locis non illud solum intelligitur, quod propositum est, bellum indicendum, nec ne, esset, prius in senatu agitatum, deinde latum ad populum: sed illud præterea, in rogando populo illa verba quodammodo sollemnia fuisse, Vultis, iubetis, Quirites. Populus autem legem de indicēdo bello vel respuebat, qua in re solemne fuit verbū Antiquo; vel solēnibus item illis verbis, Vti rogas, bellum iubebat. Liuius libro XXXI. Rogatio de bello Macedonico, primis comitijs, ab omnibus centurijs antiquata est. Et paulo post: Ab hac oratione in suffragium missi, vti rogarat, bellum iusserunt. Cicero lib. II. de legibus suade igitur, si placet, istam ipsam legem, vt ego, vti rogas, dicere possim.

Indicebatur porro bellum comitijs centuriatis, Liuius libr. IV. Peruicēre Tribuni, denunciando impedituros se delectum, vt Quinctius Cos. de bello ad populum ferret, omnes centuriæ iussere. Et libr. XLII. Patres, quod faustum felixque, populo Rom. esset, centuriatis comitijs, primo quoque die ferre ad populum Consules iusserunt, vt bellum cum Perseo iniretur. Nam quod idem Liuius libr. VI. scribit. Tum vt bellum iuberent, latum ad populum est, omnes tribus bellum iusserunt. Id non videtur repugnare, atque euincere,
Tribu-

Tributis comitijs bellum indictum. Tribuū enim nomine populū vniuersum intellexit, non tributa comitia; quemadmodum etiam de iudicio Perduellionis quod centuriatis comitijs exercebatur, loquens Cicero libr. i. in Verr. credent, inquit, omnes quinq; & triginta tribus, homini grauissimo atque ornatissimo M. Antonio, qui, se præsente, ciuem Rom. securi percussurum esse dixit.

Antequam tamen ad populum quidquam ferretur, iubebat senatus sacrificijs, supplicationibusque deos placari, eorumque voluntatem exquiri, Liuius lib. XXXI. Senatus decreuit, vti Consules maioribus hostijs rem diuinam facerent, quibus dijs ipsis videretur, cum precatione ea, Quam rem S. P. Q. R. de repub. deq; incundo nouo bello in animo haberet; ea res vti populo Rom. socijsq; ac nomini Latino bene ac feliciter eueniret. Et mox in oratione P. Sulpicij Consul. bellum suadentis, Huius, inquit, vobis sententiæ nō Consul modo auctor est, sed etiam dij immortales, qui mihi sacrificanti, precantiq; vt hoc bellum mihi, senatui, vobisque & socijs, ac nomini Latino, classibus exercitibusque nostris bene ac feliciter eueniret, læta omnia, prosperaque portendere, ab hac oratione in suffragiū missi, vti rogarat, bellum iusserunt. Et libr. XXXVI. initio. P. Cornelium Scipionem, & M. Acilium Glabrionem Coss. inito magistratu, priusquam de prouincijs agerent res diuinas facere maioribus hostijs iusserunt in omnibus fanis, in quibus lectisternium

maiores

maiore parte anni fieri solet: precariq; quod Senatus de nouo bello in animo haberet, ut ea res S. P. Q. R. bene atque feliciter eueniret. ea omnia sacrificia lata fuere, primisque hostijs perlitatum est: & ita haruspices responderunt, eo bello terminos populi Rom. propagari, victoriam ac triumphū ostendi. Hæc cum renunciata essent, solutis religione animis, patres rogationem ad populum ferri iusserunt, vellent, iuberentne cum Antiocho rege bellum iniri? Libro autem XLII. Consules, inquit, quo die magistratum inierunt, ex S. C. cum circa omnia sana, in quibus lectisternium maiorem partem anni esse solet, maioribus hostijs immolassent; inde preces suas acceptas ab dijs immortalibus ominati, senatui ritè sacrificatum, precationemq; de bello factam renunciarunt. Haruspices ita responderunt, si quid rei nouæ inciperetur, id maturandum esse; victoriam, triumphum, prorogationē imperij portendi. Patres, quod faustum felixque populo Roman. esset, centuriatis comitijs, primo quoque die ferre ad populum consules iusserunt, ut bellum cum Perseo iniretur.

Neque solum antequam ferretur ad populum, sed etiam post, indicta est nonnunquam supplicatio. Linius libro XXXI. Supplicatio inde à Consulibus in triduum ex S. C. indicta est, obsecratiq; circa omnia puluinaria dij, quod bellum cum Philippo populus iussisset, id bene ac feliciter eueniret.

Sed

Sed & ludi voti, si bellum ex sententia successisset. Liuius ibidem: Ciuitas religiosa in principijs maxime nouorum bellorum, supplicationibus habitis iam, & obsecratione circa omnia puluinaria facta, ne quid prætermitteretur, quod aliquando factum esset, ludos Ioui, donumque vouere Consulem, cui prouincia Macedonia euenisset, iussit. Et lib. XXXVI. de bello Antiochino.

De bellorum indictione.

C A P. XI.

Cum autem S. P. Q. R. bellum gerendum Cesse decreuisset, Fetialis iterum mittebatur, qui bellum apertò indiceret, idque ijs cærimonijs, quas Liuius exponit, libro I. Fetialis, inquit, hastam ferratam, aut sanguineam præustam ad fines eorum ferebat, & non minus tribus puberibus præsentibus, dicebat: Quod populi priscorum Latinorum, hominèue prisci Latini aduersus populum Roman. Quiritium fecerunt, deliquerunt, quodque populus Rom. Quiritium bellum cum priscis Latinis iussit esse, Senatusque populi Roman. Quiritium censuit, consensit, consciuit, vt bellum cum priscis Latinis fieret: ob eam rem ego, populusque Roman. populis priscorum Latinorum, hominibusque priscis Latinis bellum indico, facioque. id ubi dixisset, hastam in eorum fines emittebat. Hæc Liuius; quæ eadem fere ex Cincio refert. Gellius libro XVI. cap. IV. nomine duntaxat populi commutato. Ad hanc hastam
iacien-

iaciendæ consuetudinem, auctore Seruio, respexit Virgilius lib. IX.

*En ait, & iaculum intorquens immittit in antra,
Principium pugna.*

Turnebus Hastam autē sanguineam, quam à fetiali in
lib. XI. c. hostium fines emissam Liuius ait; quidam ita
17. & li. putāt appellatam, quod è sanguineo frutice,
8. ca. 23. vel arbore esset, quæ, quod coloriserat cruen-
Aduers. ti, iccirco ea ad bellum indicendum fetiales
vfos: alij, quod cuiuscumq; demum ligni ha-
stile haberet, sanguine cruentaretur. Marcel-
linus li. XIX. de Persis Amidam obsidentibus
vix vbi Grumbates hastam infectam sangui-
ne vrit patrio, nostriq;ue more coniecerat fe-
tialis, armis exercitus concrepans inuolat in
muros.

Hanc bellorum indicendorum consuetu-
dinem ita interpretatur Liuius lib. XXXI. ve
necesse non fuerit, ad intima regni, regemq;
ipsum, cui bellū indicebatur, penetrare: sed
satis esset primo oppido nunciare: Consulti
fetiales, inquit, bellum, quod indiceretur re-
gi Philippo, vtrum ipsi vti ue nunciari iu-
berent, an satis esset, in finibus regni, quod
proximum præsidium esset, eo nunciari: fe-
tiales decreuerunt, vtrum eorum fecisset, re-
ctè facturum. Et lib. XXXVI. Consul M. Aci-
lius ex S. C. ad collegium fetialium retulit, i-
p sine vtiq;ue regi Antiocho indiceretur bel-
lum, an satis esset ad præsidium aliquod eius
nunciare, fetiales responderunt, iam ante, se-
se, cum de Philippo consulerentur, decreui s-
se, ni-

se, nihil referre, ipsi coram, an ad præsidium nunciaretur.

Illud quoque scitū dignum est, cum aliquis populus apertè se hostem populi Roman. ostendisset, neque id dissimulanter egisset, necesse non fuisse illi bellum indicere, quod ex Livio videtur colligi posse, qui eodem libro Fetiales consultos, num Aetolis indici iuberent bellum, respondisse scribit, Aetolos ultro sibi bellum indixisse, cum Demetriadem sociorum urbem per vim occupassent: Chalcidem terra, marique oppugnatum essent; regem Antiochum in Europam ad bellum populo Rom. inferendum traduxissent.

Aliam indicendi belli rationem Livius l. XXI. commemorat, qua Carthaginensibus bellum indictum scribit. Romanus, inquit, sinu ex toga facto, Hic, inquit, vobis bellum & pacem portamus; vtrum placet, sumite. Sub hanc vocem haud minus ferociter, daret vtrū vellet, succlamatam ē, & cum is iterum, sinu effuso, bellum dare dixisset, accipere se omnes responderunt. Hæc Livius. Alij tamen, *Lib. 10. c.* ut Gellius tradit, hastam, & caduceum Carthaginensibus missa, datamq; optionem, vtrum vellent eligere, scripsere. *27.*

Atque hæc quidem apud hostes procul ab urbe fiebāt. interea Romæ ad bellum necessaria apparabantur. templumq; Iani index belli aperiiebatur. Cōsul enim is, qui prior crea- *ad l. VII.* tus fuerat, Gabino cinctu ornatus, Iani templum, ut Servius ait, recludebat: neque ante claudebatur, quam omnia bella essent profligata.

fligata. quod, vt initio diximus, intra annos amplius sexcentos, tertantum contigit Romanis. Quo de more ita scribit Virgilius

Aenei. 7.

Mos erat Hesperio in Latio, quem protinus vrbes

*Albana coluere sacrum, nunc maxima rerum
Roma colit, cum prima mouent in praelia Martem*

*Sunt gemina belli porta (sic nomine dicunt)
Religione sacra, & saui formidine Martis.*

*Centum aerei claudunt veſtes, aeternaq; ferri
Robora, nec custos alſiſit limine Ianus.*

Has, vbi certa ſedet Patribus ſententia pugna,

Ipſe Quirinali lituo, cinctusq; Gabino

Inſignis, reſerat ſtridentia limina Conſul.

Ipſe vocat pugnas, ſequitur tum cetera pubes,

Aereaq; aſſenſu conſpirant cornua rauco.

Et Capitolinus in Cordiano; Prætextato, inquit, & Attico Coſſ. Gordianus, aperto Iano gemino, quod ſignum erat indiſti belli, proſectus eſt contra Perſas.

Huius moris apud Romanos auſtor Numa fuiſſe traditur, qui teſte Liuiο, Iani templum ad infimum Argiletum (nam & ſuperius erat) indicem pacis, belli que fecit: apertus, vt in armis eſſe ciuitatem, clauſus, pacatos circa omnes populos ſignificaret. Hoc templum à Numa duabus portis ædificatum ob Iani biſfrontē docet Seruius: poſtea vero captis Falifcis ciuitate Tuſciæ, cum inueſtum eſſet ſimulachrum Iani cum frontibus quatuor

quatuor, aliud templū ad forum transitorium cum portis quatuor fuisse constructum. Hoc templum describit Procopius libro 1. de bello Gothico, qui duas tantum portas in eo templo fuisse videtur indicare, ut Virgilius, cum dixit: Sunt geminæ belli portæ: Plutarchus in Numa duas etiam portas templum illud habuisse narrat. Verba autem Procopij hæc sunt, ut quidem ea Christophorus Persona interpretatus est. Iani, inquit, sacellum totum ex ære constructum fuisse constat, & quadrata quadam dimensione locatum; tantæque amplitudinis, quanta integri Iani statua poterat: quæ utique ænea cum sit, non minor quam fortè quinquepedalis esse apparet, per cetera omnia mortali similis, capite dumtaxat bifrons, ita, ut facies altera in orientem solem vergat, in occidentem altera, portæ utrinque æneæ, in faciem alterutram versæ; quas ferme in pace, & prosperis rebus occludi Romani veteres quondam instituerunt, contraq; aperiri dum bellum ipsius esset. Hæc ille.

Cur autem belli tempore huius potissimum Dei templum aperiretur, pace autem clauderetur, hanc fabulam narrat Macrobius libr. 1. Saturn. cap. IX. ait bello Sabino, cum hostes per patentem portam in urbem irruerent, subito ex æde Iani magnam vim calidarum aquarum erupisse, quæ hostium impetum represserint: atque ex ea re institutum, ut belli tempore, velut ad urbis auxilium profecto Deo, fores reserarentur.

Ovidius tamen aliam causam reddit libr. I. Fastorum, ubi sic loquentem Ianum inducit,

*Vt populo pateant reditus ad bella profecto:
Tota patet dempta ianua nostra sera.*

Lib. I. ca.
16. sat.

Ubi autem bellum à Fetialibus ritè fuisset indictum, dies triginta constituebantur apparandis ijs; quæ ad bellum necessaria essent, qui dies Iusti, & Præliares dicti sunt: quibus etiam diebus vexillum rufi coloris, ut ait Macrobius, proponebatur in arce, ut ciuitatem belli expectatione suspensam atq; erectam ostenderent, Festus, Iusti dies dicebantur triginta, cum exercitus esset imperatus, & vexillum in arce positum. Arnobius li. II. Cum paratis bella signum monstratis ex arce? aut Fetialia iura tractatis: per clarigationem repetitis res raptas?

Twæb.
li. 21. c. 1.

Consuetudinem indicendi bella per Fetiales posterioribus temporibus intermissam ex Varrone colligunt aliqui. Is enim libr. IV. de lingua latina: Fetiales, inquit, quod fidei publicæ inter populos præerant; nam per hos fiebat, ut iustum conciperetur bellum, & inde desitum; & ut fœdere fides pacis constitueretur, ex his mittebantur, antequam conciperetur, qui res repeterent; ac per hos etiam nunc fit fœdus. Quibus verbis id Varro- nem significare putant; in Fetialibus desitum esse per eos bella indici, cum ipsius ætate ad res repetendas iam non mitterentur, sed tantum fœderibus faciendis adhiberentur. Ego tamen contrarium potius ex Varro- nis di-

his dictis colligi posse puto; Fetialium mittendorum consuetudinē ipsius tempore perdurasse, ac per eos bella cœpta & desita. verba autem extrema ita puto distinguenda: Ac per eos etiam nunc fit. Fœdus, quod fidus scribit Ennius, &c. Et sanè Cicero, Liuiusque de Fetialibus ita loquuntur, ut eorum ius suis etiam temporibus obseruatum significant.

Quod si quis omnino bellorum indictio- nem sublatam velit, is facile dixerit, pro ea aliam consuetudinem inductam, ut hastam Romæ iacerent in columnam, quæ ante Bellonæ templum fuit. de qua re ita Festus: Bellona dicitur dea bellorum, ante cuius templum erat columella, quæ bellica dicebatur: supra quâ hastam iaciebant, cum bellum indicebatur. Dionys. lib. 50. Cleopatraz bellum manifesto indicebatur: ac quasi iâ id gereretur, saga ipsi sumpserunt, & ad ædem Bellonæ progressi sunt: ibique Cæsar tanquam fetialis, omnia, quæ, antequam bellū iniretur, fieri more Romano consueuerant, iussu eorum peregit. Quanquam utrumque simul esse potuit, ut & Fetiales finibus hostium bellum indicerent, & Romæ hastam aduersus columnam iacerent, aut etiâ hic mos obseruatus est, cum ob causas, quas supra diximus, Fetiales mittendi esse non viderentur. Sed

iam bellorum apparatus
videamus.

De robur repetendis.

CAP. IX.

Cum igitur gens aliqua fines populi Rom. aut sociorum populi Rom. inuasisset; aut ciuem Rom. sociusue populi Rom. iniuria affecisset: antequam bello iniurias persequerentur, legatos Romani mittebāt, qui res ablatas repeterent, eosque qui fecissent, deposcerent. Quæ si hostes fecissent, bello abstinebant; sin minus, armis ius suum tuebantur, bellumque indicebant. Legati ad res repetendas fere quatuor mittebantur, ex Fetialium collegio electi, quibus præerat is, quem ipsi Fetiales, ut scribit Dionysius nominassent, hunc Patrem patratum dictum ait Seruius; additque Plutarchus, eum Patrem patratum eligi solitum, qui, patre adhuc superstite, liberos suscepisset. Varro libr. II. de vita populi Rom. apud Nonium: Priusquam indicerent bellum ijs, à quibus iniurias factas sciebant, Fetiales legatos repetitum mittebant quatuor, quos oratores vocabant. Liuius libro IV. Tunc quoque, Ine confestim bellum indiceretur, neue exercitus mitterentur, religio obstitit, Fetiales prius mittendos ad res repetendas censuere.

Pater igitur patratus, ut narrat Dionysius, veste, quam ceteri, augustiore, sumptusque sagminibus siue verbenis (utroque enim nomine idem significatur, hoc est gramē ex arce cum sua terra auulsum) cum Fetialibus ad hostium fines contendebat; qui propterea etiam ver-

benarius

Dionys.
lib. 2.
Plutarc.
q. Ro. 62.
Sern ad
l. 9. Ia.
culum im
mittit in
auras
Principia
pugnae.
li. 10.
initio.
Novius
vide Fe-
tiales.

benarius dictus videtur, à Plinio l. XXII. c. II. Donat. enim in Andr. act. 4. sc. 4. Verbenæ sunt omnes herbæ frondesq; ex aliquo loco puro decerpit: verbenæ autem dictæ, quasi herbenæ, hæc ille.

Vbi verò Pater patratus ad fines eorum venisset, vnde res repeterentur, capite velato (solum lanæ, Liuius teste, velamen fuit) alijsq; insignibus, quæ diximus, ornatus, clara voce, sollempniq; carmine, res repetebat: ex quo etiam clarigatio, Plinio, Seruioq; auctoribus, appellata est. Carmen autem, quo res repetebatur, ita exponit Liuius libr. 1. Legatus, ait, vbi ad fines venit, Audi Iuppiter, inquit, audite fines, (cuiuscumque gentis sunt, nominat) audiat fas: ego sum publicus nuncius populi Roman. iuste pieq; legatus venio, verbisq; meis fides sit. Peragit deinde postulata: inde Iouem testem facit: Si ego iniuste impieq; illos homines, illasq; res dedier nuncio populi Roman. mihi exposco; tum patriæ compotem me numquam finas esse. Hæc, cum fines supra scandit; hæc quicumq; ei primus vir obuius fuerit; hæc portâ ingrediens; hæc forum ingressus, paucis verbis carminis, concipiendiq; iuri siurandi mutatis peragit. Hæc Liuius. quæ eadem prosequitur Græcus auctor Dionysius, in extremo libro secundo. Idem Liuius libr. 4. Missi fetiales, nec eorum, cum, more patrum, iurati repeterent res, verba sunt audita: & libr. 42. Legati ad res repetendas in Macedoniam, renunciandamq; amicitiam regis missi redierunt.

Postquam Paterpatratus mandata exposuisset, dies tres & triginta exspectabat; intra quos si non reddebantur, quæ exposcebat, tum is reuertens, Audi Iuppiter, inquit, & tu Iuno, Quirine, diique omnes cælestes, vosque terrestres, vosque inferni audite. ego vos restor, populum illum (quicumque est, nominat) iniustum esse, neque ius persolvere. Sed de istis rebus in patria maiores nati consulemus, quo pacto ius nostrum adipiscamur. Liuius & Dionysius.

*De ijs, quæ post reditam Fetialium, ante belli
indictionem fierent.*

CAP. X.

Romam igitur reuersi Fetiales, ut ait Dionysius, senatui renunciabant, omnia se rite exsecutos; quare licere, si vellent, bellum indicere. Tum is, qui senatum habebat, his fermè verbis Patres consulebat, quæ refert Liuius libr. 1. Quarum rerum, litium, causarum, condixit Paterpatratus populi Romani, Quiritium patripatrato priscorum Latinorum, hominibusque priscis Latinis, quas res nec dederunt, nec soluerunt, nec fecerunt; quas res dari, fieri, solui oportuit: dic, inquit ei, quem primum sententiam rogabat, quid cences? Tum ille: puropioque duello quarendas censeo: itaque consentio, consciscoque, inde ordine alij rogabantur, quandoque pars maior eorum, qui aderant, in eandem sententiam ibat, bellum erat consensu fieri solitum.

litum. Neq; antequam Fetiales reuertissent, fas erat de bello quidquam statuere, vt Dionysius ait libr. II.

Vbi autem Senatus bellum gerendum censuisset, ad populum deinceps de bello indicendo ferebatur. Liuius libr. IV. Missi ad Venientes Fetiales; nec eorum, cum more patrum iurati repeterent res, verba sunt audita. controuersia inde fuit, vtum populi iussu indiceretur bellum, an satis esset, S. C. peruenire Tribuni, denunciando impedituros se delectum, vt Quinctius Cos. de bello ad populum ferret: omnes centuriæ iussere. Et libr. V. Ex S. C. populiq; iussu bellum Prænestinis indictum. Et li. VII. Dictator ex auctoritate patrum, ac populi iussu Cæritibus bellum indixit. libro XXI. Latum inde ad populum: vellent, iuberent populo Carthaginiensi bellum indici. libro XXXI. S. C. factum est, vt cum Consules prouincias sortiti essent, atque is Consul, cui Macedonia prouincia euenisset, ad populum tulisset, vt Philippo Regi Macedonum indiceretur bellum. P. Sulpicio prouincia Macedonia sorte euenit, isq; rogationem promulgauit: vellent, iuberent Philippo Regi, Macedonibusq; qui sub regno eius essent, ob iniurias armaq; illata socijs populi Rom. bellum indici. Hinc idem Liuius tanquam contra leges vsurpatum notat. Prætor, inquit, nouo maloq; exemplo rem ingressus erat; quod ante non consulto Senatu, non Consulibus certio-

Lib. 45

certioribus factis, de sua vnus sententia rogationem ferret: vellēt, iuberētne Rhodijs bellum indicio, cum antea semper prius senatus de bello cōsultus, deinde ad populum latum.

Quibus ex locis non illud solum intelligitur, quod propositum est, bellum indicendum, nec ne, esset, prius in senatu agitatum, deinde latum ad populum: sed illud præterea, in rogando populo illa verba quodammodo sollemnia fuisse, Vultis, iubetis, Quirites. Populus autem legem de indicēdo bello vel respuebat, qua in re solemne fuit verbū Antiquo; vel solēnibus item illis verbis, Vti rogas, bellum iubebat. Liuius libro XXXI. Rogatio de bello Macedonico, primis comitijs, ab omnibus centurijs antiquata est. Et paulo post: Ab hac oratione in suffragium missi, vti rogarat, bellum iusserunt. Cicero lib. II. de legibus suade igitur, si placet, istam ipsam legem, vt ego, vti rogas, dicere possim.

Indicebatur porro bellum comitijs centuriatis. Liuius libr. IV. Peruicēre Tribuni, denunciando impedituros se delectum, vt Quinctius Cos. de bello ad populum ferret, omnes centuriæ iussere. Et libr. XLII. Patres, quod faustum felixque, populo Rom. esset, centuriatis comitijs, primo quoque die ferre ad populum Consules iusserunt, vt bellum cum Perseo iniretur. Nam quod idem Liuius libr. VI. scribit. Tum vt bellum iuberent, latum ad populum est, omnes tribus bellum iusserunt. Id non videtur repugnare, atque euincere,
Tribu-

Tributis comitijs bellum indictum. Tribuū enim nomine populū vniuersum intellexit, non tributa comitia; quemadmodum etiam de iudicio Perduellionis quod centuriatis comitijs exercebatur, loquens Cicero libr. i. in Verr. credent, inquit, omnes quinq; & triginta tribus, homini grauissimo atque ornatisissimo M. Antonio, qui, se presente, ciuem Rom. securi percussurum esse dixit.

Antequam tamen ad populum quidquam ferretur, iubebat senatus sacrificijs, supplicationibusque deos placari, eorumque voluntatem exquiri, Lilius lib. XXXI. Senatus decreuit, vti Consules maioribus hostijs rem diuinam facerent, quibus dijs ipsis videretur, cum precatione ea, Quam rem S. P. Q. R. de repub. deq; incundo nouo bello in animo haberet; ea res vti populo Rom. socijsq; ac nomini Latino bene ac feliciter eueniret. Et mox in oratione P. Sulpicij Consul. bellum suadentis, Huius, inquit, vobis sententiæ nō Consul modo auctor est, sed etiam dij immortales, qui mihi sacrificanti, precantiq; vt hoc bellum mihi, senatui, vobisque & socijs, ac nomini Latino, classibus exercitibusque nostris bene ac feliciter eueniret, læta omnia, prosperaque portendere, ab hac oratione insuffragiū missi, vti rogarat, bellum iusserunt. Et libr. XXXVI. initio. P. Cornelium Scipionem, & M. Acilium Glabrimonem Coss. inito magistratu, priusquam de prouincijs agerent res diuinas facere maioribus hostijs iusserunt in omnibus fanis, in quibus lectisternium

maiore parte anni fieri solet: precariq; quod Senatus de nouo bello in animo haberet, ut ea res S. P. Q. R. bene atque feliciter eueniret. ea omnia sacrificia lata fuere, primisque hostijs perlitatum est: & ita haruspices responderunt, eo bello terminos populi Rom. propagari, victoriam ac triumphū ostendi. Hæc cum renunciata essent, solutis religione animis, patres rogationem ad populum ferri iusserunt, vellent, iuberentne cum Antiocho rege bellum iniri? Libro autem XLII. Consules, inquit, quo die magistratum inierunt, ex S. C. cum circa omnia fana, in quibus lætisternium maiorem partem anni esse solet, maioribus hostijs immolassent; inde preces suas acceptas ab dijs immortalibus ominati, senatui ritè sacrificatum, precationemq; de bello factam renunciarunt. Haruspices ita responderunt, si quid rei nouæ inciperetur, id maturandum esse; victoriam, triumphum, prorogationē imperij portendi. Patres, quod faustum felixq; populo Roman. esset, centuriatis comitijs, primo quoque die ferre ad populum consules iusserunt, ut bellum cum Persæo iniretur.

Neque solum antequam ferretur ad populum, sed etiam post, indicta est nonnunquam supplicatio. Linius libro XXXI. Supplicatio inde à Consulibus in triduum ex S. C. indicta est, obsecratiq; circa omnia puluinaria dij, quod bellum cum Philippo populus iussisset, id bene ac feliciter eueneret.

Sed

Sed & ludi voti, si bellum ex sententia successisset. Liuius ibidem: Ciuitas religiosa in principijs maxime nouorum bellorum, supplicationibus habitis iam, & obsecratione circa omnia puluinaria facta, ne quid prætermitteretur, quod aliquando factum esset, ludos Ioui, donumque vouere Consulem, cui prouincia Macedonia euenisset, iussit. Et lib. XXXVI. de bello Antiochino.

De bellorum indictione.

C A P. XI.

CUm autem S. P. Q. R. bellum gerendum Cesse decreuisset, Fetialis iterum mittebatur, qui bellum apertò indiceret, idque ijs cærimonijs, quas Liuius exponit, libro I. Fetialis, inquit, hastam ferratam, aut sanguineam præustam ad fines eorum ferebat, & non minus tribus puberibus præsentibus, dicebat: Quod populi priscorum Latinorum, hominèlue prisci Latini aduersus populum Roman. Quiritium fecerunt, deliquerunt, quodque populus Rom. Quiritium bellum cum priscis Latinis iussit esse, Senatusque populi Roman. Quiritium censuit, consensit, consciuit, vt bellum cum priscis Latinis fieret: ob eam rem ego, populusque Roman. populis priscorum Latinorum, hominibusque priscis Latinis bellum indico, facioque. id ubi dixisset, hastam in eorum fines emittebat. Hæc Liuius; quæ eadem fere ex Cincio refert. Gellius libro XVI. cap. IV. nomine duntaxat populi commutato. Ad hanc hastæ
iacien-

iaciendæ consuetudinem, auctore Seruio, respexit Virgilius lib. IX.

*En ait, & iaculum intorquens immittit in auras,
Principium pugnae.*

Turnebus Hastam autem sanguineam, quam à fetiali in
lib. XI. c. hostium fines emissam Liuius ait; quidam ita
17. & li. putat appellatam, quod è sanguineo frutice,
8. ca. 23. vel arbore esset, quæ, quod coloriserat cruen-
aduers. ti, ideo ea ad bellum indicendum fetiales
vfos: alij, quod cuiuscumq; demum ligni ha-
stile haberet, sanguine cruentaretur. Marcel-
linus li. XIX. de Persis Amidam obsidentibus
vix vbi Grumbates hastam infectam sangui-
ne vrit patrio, nostriq; more coniecerat fe-
tialis, armis exercitus concrepans inuolat in
muros.

Hanc bellorum indicendorum consuetu-
dinem ita interpretatur Liuius lib. XXXI. vt
necesse non fuerit, ad intima regni, regemq;
ipsum, cui bellum indicebatur, penetrare: sed
satis esset primo oppido nunciare: Consulti
fetiales, inquit, bellum, quod indiceretur re-
gi Philippo, vtrum ipsi vtiue nunciari iu-
berent; an satis esset, in sinibus regni, quod
proximum præsidium esset, eo nunciari: fe-
tiales decreuerunt, vtrum eorum fecisset, re-
ctè facturum. Et lib. XXXVI. Consul M. Aci-
lius ex S. C. ad collegium fetialium reulit, i-
p sine vtiue regi Antiocho indiceretur bel-
lum, an satis esset ad præsidium aliquod eius
nunciare, fetiales responderunt, iam ante, se-
se, cum de Philippo consulerentur, decrevis-
se, ni-

se, nihil referre, ipsi coram, an ad præsidium nunciaretur.

Illud quoque scitū dignum est, cum aliquis populus apertè se hostem populi Roman. ostendisset, neque id dissimulanter egisset, necesse non fuisse illi bellum indicere, quod ex Livio videtur colligi posse, qui eodem libro Fetiales consultos, num Aetolis indici iuberent bellum, respondisse scribit, Aetolos viro sibi bellum indixisse, cum Demetriadem sociorum urbem per vim occupassent: Chalcidem terra, marique oppugnatum issent; regem Antiochum in Europam ad bellum populo Rom. inferendum traduxissent.

Aliam indicendi belli rationem Livius l. XXI. commemorat, qua Carthaginienſibus bellum indictum scribit. Romanus, inquit, sinu ex toga facto, Hic, inquit, vobis bellum & pacem portamus; vtrum placet, sumite. Sub hanc vocem haud minus ferociter, daret uti vellent, succelamatum est, & cum is iterum, sinu effuso, bellum dare dixisset. accipere se omnes responderunt. Hæc Livius. Alij tamen, *Lib. 10. c.* ut Gellius tradit, hastam, & caduceum Carthaginienſibus missa, datamq; optionem, vtrum vellent eligere, scripsere. *27.*

Atque hæc quidem apud hostes procul ab urbe fiebāt. interea Romæ ad bellum necessaria apparabantur. templumq; Iani index belli aperiabatur. Cōsul enim is, qui prior creatus fuerat, Gabino cinctu ornatus, Iani templum, ut Servius ait, recludebat: neque ante claudebatur, quam omnia belia essent profligata.

fligata. quod, vt initio diximus, intra annos
amplius sexcentos, ter tantum contigit Roma
nis. Quo de more ita scribit Virgilius

Aenei. 7.

*Mos erat Hesperio in Latio, quem protinus vr-
bes*

*Albana coluere sacrum, nunc maxima rerum
Roma colit, cum prima mouent in praelia Mar-
tem*

*Sunt gemina belli porta (sic nomine dicunt)
Religione sacra, & saui formidine Martis.
Centum arci claudunt veſtes, aeternaq; ferri
Robora, nec custos aſſiſit limine Ianus.
Haſ, vbi certa ſedet Patribus ſententia pugnae,
Ipſe Quirinali lituo, cinctusq; Gabino
Inſignis, reſerat ſtridentia limina Conſul.
Ipſe vocat pugnas, ſequitur tum cetera pubes,
Aereaq; aſſenſu conſpirant cornua rauco.*

Et Capitolinus in Gordiano; Prætextato,
inquit, & Attico Coſi. Gordianus, aperto Ia-
no gemino, quod ſignum erat indiſti belli,
profectus eſt contra Perſas.

Huius moris apud Romanos auctor Nu-
ma fuiſſe traditur, qui teſte Liuiο, Iani tem-
plum ad infimum Argiletum (nam & ſupe-
rius erat) indicem pacis, belliſque fecit: aper-
tus, vt in armis eſſe ciuitatem, clauſus, paca-
tos circa omnes populos ſignificaret. Hoc
templum à Numa duabus portis ædificatum
ob Iani bífrentē docet Seruius: poſtea ve-
ro captis Falifcis ciuitate Tuſciæ, cum inue-
ntum eſſet ſimulachrum Iani cum frontibus
quatuor

quatuor, aliud templū ad forum transitorium cum portis quatuor fuisse constructum. Hoc templum describit Procopius libro 1. de bello Gothico, qui duas tantum portas in eo templo fuisse videtur indicare, ut Virgilius, cum dixit: Sunt geminæ belli portæ: Plutarchus in Numa duas etiam portas templum illud habuisse narrat. Verba autem Procopij hæc sunt, ut quidem ea Christophorus Persona interpretatus est. Iani, inquit, sacellum totum ex ære constructum fuisse constat, & quadrata quadam dimensione locatum; tantæque amplitudinis, quanta integri Iani statua poterat: quæ utique ænea cum sit, non minor quam fortè quinquepedalis esse apparet, per cetera omnia mortali similis, capite duntaxat bifrons, ita, ut facies altera in orientem solem vergat, in occidentem altera, portæ utrinque æneæ, in faciem alterutram versæ; quas ferme in pace, & prosperis rebus occludi Romani veteres quondam instituerunt, contraque aperiri dum bellum ipse esset. Hæc ille.

Cur autem belli tempore huius potissimum Dei templum aperiretur, pace autem clauderetur, hanc fabulam narrat Macrobius libr. 1. Saturn. cap. IX. ait bello Sabino, cum hostes per patentem portam in urbem irruerent, subito ex æde Iani magnam vim calidarum aquarum erupisse, quæ hostium impetum represserint: atque ex ea re institutum, ut belli tempore, velut ad urbis auxilium profecto Deo, forēs referarentur.

Ovidius tamen aliam causam reddit libr. I. Fastorum, ubi sic loquentem Ianum inducit,

*Vt populo pateant reditus ad bella profecto:
Totapatet dempta ianua nostra fera.*

Lib. I. ca.
16. sat.

Ubi autem bellum à Fetialibus ritè fuisset indictum, dies triginta constituebantur apparendis ijs; quæ ad bellum necessaria essent, qui dies Iusti, & Præliares dicti sunt: quibus etiam diebus vexillum rufi coloris, ut ait Macrobius, proponebatur in arce, ut ciuitatem belli expectatione suspensam atq; erectam ostenderent, Festus, Iusti dies dicebantur triginta, cum exercitus esset imperatus, & vexillum in arce positum. Arnobius li. II. Cum paratis bella signum monstratis ex arce? aut Fetialia iura tractatis: per clarigationem repetitis res raptas?

Turnebur
li. 21. c. 1.

Consuetudinem indicendi bella per Fetiales posterioribus temporibus intermissam ex Varrone colligunt aliqui. Is enim libr. IV. de lingua latina: Fetiales, inquit, quod fidei publicæ inter populos præerant; nam per hos fiebat, ut iustum conciperetur bellum, & inde desitum; & ut fœdere fides pacis constitueretur, ex his mittebantur, antequam conciperetur, qui res repeterent; ac per hos etiam nunc fit fœdus. Quibus verbis id Varro nem significare putant; in Fetialibus desitum esse per eos bella indici, cum ipsius ætate ad res repetendas iam non mitterentur, sed tantum fœderibus faciendis adhiberentur. Ego tamen contrarium potius ex Varro-
nis di-

nis dictis colligi posse puto; Fetialium mittendorum consuetudinē ipsius tempore perdurasse, ac per eos bella cœpta & desita. verba autem extrema ita puto distinguenda: Ac per eos etiam nunc fit. Fœdus, quod fides scribit Ennius, &c. Et sanè Cicero, Liuiusque de Fetialibus ita loquuntur, ut eorum ius suis etiam temporibus obseruatum significent.

Quod si quis omnino bellorum indictiōnem sublatam velit, is facile dixerit, pro ea aliam consuetudinem inductam, ut hastam Romæ iacerent in columnam, quæ ante Bellonæ templum fuit. de qua re ita Festus: Bellona dicitur dea bellorum, ante cuius templum erat columella, quæ bellica dicebatur: supra quā hastam iaciebant, cum bellum indicebatur. Dionys. lib. 50. Cleopatraz bellum manifesto indicebatur: ac quasi iā id gereretur, saga ipsi sumpserunt, & ad ædem Bellonæ progressi sunt: ibique Cæsar tanquam fetialis, omnia, quæ, antequam bellū iniretur, fieri more Romano consueuerant, iussa eorum peregit. Quanquam vtrumque simul esse potuit, ut & Fetiales finibus hostium bellum indicerent, & Romæ hastam aduersus columnam iacerent, aut etiā hic mos obseruatus est, cum ob causas, quas supra diximus, Fetiales mittendi esse non viderentur. Sed

iam bellorum apparatus
videamus.

De Imperatore deligendo.

CAP. I.

BEllo suscepto indictoq; Dux eligebatur, à quo bellum administraretur. Et quoniam Romanum imperiū in Prouincias erat distributum, cui ea Prouincia, quæ tumultuaretur, hostib; sue proxima esset, decreta est; eidem etiam bellum mandatum legimus. Mittebantur autem in Prouincias Consules, & Prætores, ex quo Prouinciæ Prætorix, & Consulares dictæ sunt. Id tamen nunquam non obseruatum est, ut quæ Prouinciæ bello tentarentur, ex Consulibus committerentur; reliquæ Prætoribus. Itaque consulibus, Prætoribusque designatis, vel certò inito statim magistratu, Senatus (is enim Prouincias constituendi potestatem habebat, ut quos vellet, modo de magistratibus, in quas vellet, mitteret, administratione annua) Prætorias Prouincias Prætores fortiri, Consules siue sortiri, siue inter se comparare iubebat (sic enim loquebantur, cum inter consules de suis Prouincijs conuenisset: nam comparandi consuetudo apud Prætores nulla fuit) Interdum etiam, (quod tamen quia inuidiosum esset, minus sæpe factum est) senatus consulibus nominatim singulas Prouincias destinauit. Quæ omnia veterū testimonijs probanda sunt. Ac de ordinatione quidem Prouinciarū testis est Liuius li. XXXVIII. comi-
tiss

rijs perfectis, quas Prouincias Prætoribus esse placeret, retulit ad Senatum Consul: decreuerunt duas Romæ, iurisdicundi causa; duas extra Italiam: Siciliam, & Sardiniam; duas in Italia: Tarentū & Galliam: & extemplo, priusquam magistratus inirent, sortiri iussi. Et li. XLI. Mummius Prætor Sardinia euenit, sed ea propter belli magnitudinem Prouincia consularis facta: Gracchus Cos. eam sortitur.

De sortitione vero idem Liuius XXVII. Consulatum ineunt C. Claudius Nero, & M. Liuius iterum, qui quia iam designati Prouincias sortiti erant, Prætores sortiri iusserunt. Illa vero de comparatione Prouinciarum inter Consules, apud eundem Liuium reperitur l. XXXII. Decreuerunt Patres, ut Prouincias Macedoniam, atq; Italiam Consules compararent inter se, sortirenturque. Et l. XXXVIII. Consulibus, alteri Pisæ, cum Liguribus, alteri Gallia Prouincia decreta est, comparare inter se, aut sortiri iussi. Et l. XXVIII. P. Cornelius Scipio. P. Licinius Crassus consulatum inierunt, nominatæ Consulibus Prouinciæ sunt: Sicilia Scipioni extra sortem, cōcedente collega; Brutij Crasso. De præcipua destinatione satis erit Liuij locus li. XXXVII. Lælius, cum Senatus aut sortiri, aut comparare inter se Prouincias consules iussisset; elegantius facturos dixit, si iudicio Patrum, quam si sorti eam rem permisissent. prope omnes Scipioni Græciam; Lælio Italiā decreuerunt. Et l. VIII. Petitum ab Cos. ut extra sortē Coruina Prouincia esset. & li. X. Nec minore po-

populi cōsensu. quam senatus, prouincia Hetruria extra sortem Fabio decreta est.

Ceterum quemadmodum Prouincia à Senatu, ita Imperiū in Prouincia à populo mandatum est. Imperium Romani appellarunt exercitum cogendi, gerendiq; belli potestatem; sine quo nihil eorum à magistratibus fieri potuit. ex quo Cicero oratione. V. in Antonium: Demus, inquit, imperium Cæsari, sine quo res militaris administrari non potest, teneri exercitus, bellum geri non potest. Itaq; simul atq; senatus prouincias decreuisset populo curiatim in forum conuocato, vel, vt extremis temporibus fieri cœptū scribit Cicero, XXX. liētoribus veteres XXX. curias repræsentantibus, lex de imperio ferebatur; quæ quod curiatis comitijs ferebatur, curiata videtur nominata. Hinc Camillus apud Liuium lib. V. Comitij curiatis rem militarem contineri dixit; quod ijs comitijs daretur imperium, sine quo res militaris administrari non poterat. Cicero in Rullum: Consuli, si legem curiatam non habet, attingere rem militarem non licet. Cæsar lib. 1. belli ciuili. In reliquas prouincias Prætores à senatu mittuntur: neq; quod superioribus temporibus acciderat, exspectant, vt de eorum imperio ad populum referatur. Iterum Cicero ad Cassium: Omnes tuos neruos in eo cōtende, ne quid mihi ad hanc prouinciā, quam & Senatus, & populus annuam esse voluit, temporis prorogetur. Et ad Atticum lib. IV. ep. XVII. Consules flagrant, infamia, quod C.

Mcm.

Agv. 2.

Agv. 6.

*ep. 14. li.
15. fam.*

Memmius candidatus, pactione in senatu recitavit, quam ipse, & suus competitor Domitius cum cōsulibus fecisset, ut ambo HS. C D consulibus darent, si essent ipsi cōsules facti, nisi tres augures dedissent, qui se affuisse dicerent, cū lex curiata ferretur, quæ lata nō esset.

Porro legem curiatam ferebat is, qui imperium esset accepturus, ita tamē, si magistratu fungeretur. Livius libr. IX. Papirio Dictatori legem curiatam de imperio ferenti triste omen diem diffudit. Quod si is, qui imperio esset vsurus, nullum gereret magistratum, consul ferebat, non Tribunus plebis. (curiata enim comitia, ut Livius ait libr. V. auspiciato fiebant: auspicijs autem plebei carebant) quod exemplo Ciceronis ostenditur, cui priuato Marcellus Cos. legem de imperio in Cilicia prouincia tulit: sic enim ad eum scribens ait: Ne quid accedat temporis *epi. 7. li.* ad id, quod tu mihi ex S. C. & lege finisti. Et in *15. fam.* Rullum, consulibus legem curiatam ferentibus sæpe intercessum est. *Ag. 2.*

Imperio igitur à populo curiata lege demando, Senatus nouo S. C. prouincias ornabat (sic enim loquebantur) id est, quot legionibus res administranda esset, decernebat: & stipendium in milites, viaticumque Imperatori, comitibusque adsignabat: hæc enim omnia, ut infra dicemus, de publico curabantur. Atque ut in Senatus potestate fuit illa definire: ita is, nisi imperio ante à populo lege curiata tradito, nihil eorum decernere solebat. Quod si Imperatores in prouincias

epi. 2. l. 3. vellent proficisci, suo omnia sumptu ipsos
epist. 15. exsequi necesse erat. Hinc Cicero ad Fratrem :
lib. 4. Appius sine lege curiata confirmat se Lentulo
 nostro successurum. Et ad Atticum eadem de
 re scribens: Appius sine lege, suo sumptu in
 Ciliciam cogitat. Poterat enim Senatus qui-
 dem lege Cornelia, quam Iuba Dictator tulerat,
 mittere in prouincias magistratus cum
 summa potestate: sed sine lege curiata neque
 ornamenta Prouinciarum addebat, neque duces
 rem militarem attingebant. Quare ipse
 Appius legem curiatam proficiscenti in prou-
 inciam vtilem quidem esse dicebat, non au-
lib. 1. epi. tem necessariam: quemadmodum Cicero ad
per. Lentulum scribit.

Hec igitur ordinaria deligendorum Impe-
 ratorum ratio fuit, vt bello indicto, ex S. C. prou-
 inciam sorte, imperium militare lege curi-
 ata, ornamenta verò prouincialia deinceps
lin. l. 31. nouo S. C. nanciscerentur. Interdum tamen
 variatum non nihil est, verbi causa. P. Sulpicio
 Conf. Macedonia prouincia mandata primū
Cicer. ad est, deinde bellum indictum. Et Appius, lege
Lentulū. curiata prolata, tum demū se vel sortiturum,
 vel comparaturum prouincias dixit. Sed hec
 nō sunt tāti. Illud forte maioris fuerit anim-
 aduersionis, cum priuatus aliquis extra ordi-
 nem in prouinciā mitteretur, non opus fuisse
 lege curiata, aut S. C. Sed qua lege prouinciā
 à populo, eadem & imperiū, & ornamenta est
 consecutus, atque vt curiata lex curiatis comi-
 tijs à consulibus, ita hæc Tributis à Tribunis
 pl. lata est. Liuius l. XXX. Italiam, atque Africā
 in for-

in fortē conijci, Africā ambo Cōf. cupientes, volebant. Consules iussi cū Tribunis pl. agere, vt si ijs videretur, populum rogarēt, quem vellent in Africa bellum gerere: omnes tribus P. Scipionem iusserunt. Posterioribus aut temporibus, cum perpetuæ quæstiones in vrbe institute essent, de quibus Prætores quærerēt; Prætores ex Prætura in Prouincias proficisci cœperūt, quod fieri cœptū est anno V. C. DCIII. cæterū eodem modo reliqua peracta sunt. Imperator igitur, prouincia ornamentisq; decretis, aut veterem exercitum à decessore suo in prouincia accepit, aut ex S. C. nouum in vrbe conscripsit, de quo more iam deinceps dicendum nobis est.

De militia generibus. CAP. II.

Militiæ, vt plurib. locis docet Seruius, tria genera fuere, euocatio, tumultus, & delectus. Euocatio appellata est, cū subitis bellorū moribus in diuersa loca duces, militum cogendorū causa, dimittebantur, qui milites subitarij, & tumultuarij dicti vidētur. Linius lib. III. Ad eum exercitū explendū Latini, Herniciq; , & colonia Antiū dare Quintio subitarios milites (ita tum repentina auxilia appellabant) iussi. & lib. III. senatum consules vocant, iubentur subitariū scribere exercitum. Et lib. XXXII. Prætor cum quinque legatis profectus, obuios in agris Sacramento rogatos arma capere, & se sequi cogebat. Et libro XXXV. Mens ea senatus fuit, vt in Hispania tumultuarij milites legerentur. Et libro XL. Permissum, vt qua irent,

li. 7. Ipse vocat pugnas.
li. 2. den. Sacrata resolvere iura. li. 8. initio.
Isidor. li. 9.

prom.

protinus subitarios milites scriberent, ducerentq; secum, & paullo post. Vt Petilius duas legiones ciuium Romanorum tumultuarias scriberet.

Tumultus, bello tantum Gallico, aut Italico indictus est; multoq; grauius, quam bellum fuit, quemadmodum Cicero Philippica VIII. testatur. Potest, inquit, esse bellum sine tumultu, tumultus esse sine bello non potest. Quid est enim tumultus, nisi perturbatio tanta, vt maior timor oriatur? vnde etiã nomen ductum est tumultus. Itaque maiores nostri tumultum Italicum, quod erat domesticus, tumultum Gallicum, quod erat Italiae finitimus, præterea nullum tumultũ nominabant. Grauius autem esse tumultum, quam bellum hinc intelligi licet, quod bello Gallico vacationes valent, tumultu non valent. Hæc Cicero.

Indicebatur autẽ tumultus, Senatus auctoritate, à Dictatore, consulibusue quare Dio bellum ciuile Cæsaris à senatu tumultum esse decretum narrat; & alibi sæpe Senatus decreto tumultũ legimus indictum. Tumultus autem tempore, Resp. consulibus demandata, vt viderent, ne quid detrimenti caperet: Senatores, ac cæteri Magistratus latum clauum, & prætextum deponebãt, atque cum reliquis ciuibus saga sumebant: vacationes tollebantur, iustitioq; indicto, tota vrbe publicè, priuatimque aliud nisi bellum agi vetabatur. Orosius l. 5. c. 18. Senatus sagũ, hoc est vestem mœroris, quam exorto sociali bello

bello sumpserat, hac spe arridente deposuit,
 atq; antiquum togæ decorē recuperavit. Cn.
 Pompeius Picentes graui prælio fudit, qua
 victoria Senatus laticlauiæ, & cætera dignita-
 tis insignia recepit, cum togæ tantummodo
 victoria Cæsaris primum respirante sumpsis-
 set. Cicero Philip. V. & VI. Rem sine mora
 administrandam, & cōfestim gerendam cen-
 seo: tumultum decerni, iustitium indici, sa-
 ga sumi dico oportere, delectum haberi sub-
 latis vacationibus, & Philip. VIII. Delectus
 tota Italia decreti, sublatis vacationibus, sa-
 ga cras sumentur, consul se cum præsidio de-
 scensurum dixit. Liuius lib. III. Consul, vo-
 cato senatu, cum ex auctoritate patrum iusti-
 tio indicto, profectus esset, & ibid. Dictator
 cum magistro equitum in concionem venit:
 iustitium edicit: claudi tabernæ tota vrbe
 iubet: vetat quemquam privatæ quidquam
 rei agere, etiam lib. IV. simul edicitur iusti-
 tium, neq; aliud tota vrbe agi, quam bellum
 apparari: cognitio vacantium militiæ mune-
 re post bellum differtur. Item lib. VII. & cum
 (quod per magnos tumultus fieri solitū erat)
 iustitio indicto, delectus sine vacationibus
 habitus esset, & lib. XLI. Itaque (quod in tu-
 multu fieri solet) delectus extra ordinem nō
 in vrbe tantum, sed tota Italia indicti. Sene-
 cæ epistola XVIII. Quod fieri nisi in tumultu
 & tristi tempore ciuitatis non solebat, volu-
 ptatis causa ac festorum dierum, vestem mu-
 tauimus. Dio libr. XLVI. Tumultum impen-
 dere censuerunt: vestē senatoriam exuerunt:

saga

saga omnes Romani, etiam ij, qui ad bellum non proficiscebantur, sumpserunt: consulibusque custodia vrbis mandata: ac S. C. factum, darent operam consules, ne quid Resp. detrimenti caperet. Lucanus quoque de Tumultu •b bellum ciuile indicto ita canit, lib. ii.

Plebeio testus amictu.

Omnis honos: nullos comitata est purpura fasces.

Consulares tamen, tumultus tempore, saga non videntur sumpsisse, sed in togis fuisse. Cicerō Phil. VIII. Equidem P. C. quanquam hoc honore vsi, togati esse solent, cum est in sagis ciuitas; statui tamen à vobis, ceterisque ciuibus in tanta atrocitate temporis, tantaq; perturbatione populi Rom. non differre vestitu, non enim ita gerimus nos hoc bello consulares, vt æquo animo pop. Rom. visurus sit nostri honoris insignia. Et lib. i. epist. ad Cæsare iuniorem, Descendi ad forum togatus, cum reliqui consulares sagati vellent descendere.

Nonim.

v. Sagum

ad lib. 8.

Isid. li. 9.

Etymol.

Donatus,

in Eun.

act. 4. Sc.

vlt.

Tumultus tempore, vt ait Seruius, cum ex periculi vicinitate timor esset multus, neque singulos interrogare liceret, qui exercitū erat dicturus, in Capitolium ibat, & proferēs duo vexilla, vnum rosei coloris, quo pedites, alterum cærulei, quo equites euocabantur (cæruleus enim color maris est, à cuius Deo equū primum putabant inuentum) dicebat: Qui vult Rempub. saluam, me sequatur. Tum qui conuenerant, simul iurabant, vnde etiam hoc militiæ genus coniuratio dicta est. Cice. pro

Rabi-

Rabirio Perduellion. Fit S.C. vt C. Marius, L. Valerius Coss. adhiberent Tribunos pl. & Prætores, quos eis videretur; operamque darent, vt imperium pop. Rom. maiestasq; conseruaretur. adhibet omnes Tribunos pl. præter Saturninum, Prætores præter Glauciam, qui Remp. saluam esse vellent, arma capere, & se sequi vident. Ad hanc tumultus consuetudinem videtur Virgil. lib. VIII respexisse.

Vt belli signum Laurenti Turnus ab arce

Extulit, & rauco strepuerunt cornua cantu:

Ex templo turbati animi, simul omne tumultu

Coniurat trepido Latium.

Durauit iustitium & tumultus, quamdiu durauit periculū. Liu. lib. III. Finem iustitio, quod quatrimum fuit, reditus Quintij Cos. in urbem fecit. Epitoma LXXIII. L. Caesar, Cos. feliciter contra Samnites pugnauit: ob eam victoriam Romæ saga posita sunt. Idem Liu. li. III. Quod necesse erat in tanto tumultu iustitium per aliquot dies seruatum, inde Romam reditum est, iustitium remissum est. & lib. X. Supplicationes ob rem bene gestam consulū nomine decernunt: iustitiū remittitur, quod fuerat dies XIIIX supplicatioq; perlata fuit.

De militum delectu. CAP. III.

ATque in euocatione quidem, & tumultu, quoniam ordinaria non fuere, multa ex præsentī potius necessitate, quam ex militiæ legibus acta sunt. In delectu autem, qui ob bella alia ex alijs nascentia, singulis annis

lib. 4.

annis habebatur, omnia legitima fuere iure,
ordineque gesta. Cum igitur militum delectum
Romani erant habituri, consules, quorum
id maxime munus stare Rep. fuit, dimissis,
ut Dionysius ait, per loca præconibus, diē
edicebant, quo Romani omnes, qui in vrbe,
quique in agris erant militaris ætatis, Romæ
adessent. Is dies ubi aduenerat, vniuersa
multitudo in Capitolium, aut in forum, aut
in campum Martium (in his enim omnibus
locis delectum habitum legimus) conueniebat.
Ibi consules in tribunali positæ sellis, &
quatuor legionum Tribuni (tot enim legionum
Polybio teste, ordinarius Romanorum
scribebatur exercitus) singuli seorsum sedentes,
delectum habebant. Polybius lib. VI. Dionysius
lib. IX. initio. Cn. Manlius, M. Fabius
Coss. edixerunt, ad quam diem delectum habere
vellent, ut præsto essent nomina daturi.
Liuus lib. II. Consules, in tribunal ascendunt,
citant nominatim iuniores. In foro autem
tribunal illud fuisse, satis ostendunt illa, quæ
sequuntur. Consules, inquit, violatis lictoribus,
fascibus fractis, è foro in curiam compelluntur. &
lib. III. Consules in conspectu Tribunorum
positæ sellis delectum habebant. & ibid. Dictator
edicit, ut quicumque ætate militari essent,
armati cum cibariis in dies quinque coctis,
vallisque duodenis, ante solis occalum
Martio in campo adessent. Iterum: Consules
cum in concione pronunciafent, tempus
non esse causas cognoscendi, omnes iuniores
postero die prima luce in campo
Martio

Martio adessent; omnis iuuentus affuit postero die. Et lib.xxvi. Consul in Capitolium ad delectum discessit. Et li.xlii.de Macedonico delectu cum Tribuni militum centuriones primum quemque vocarent, tres & viginti centuriones, qui primos pilos duxerant, citati Tribunos plebis appellarunt.

Sic autem delectum peragebant, vt scribit lib.vi.Polyb.Tribus singillatim sortiebatur; & eam, quæ sorte exierat, ad se vocabat, vnde iuniores quatuor, ætate, corporisque habitu quâsimillimos, nominatim citatos excerneret. Quibus prodeuntibus, primū primæ legionis Tribuni legebant, alterum secundæ, tertium tertiæ, quartum quartæ legionis Tribuni cooptabant. Iterum alijs quatuor iunioribus citatis, primum secundæ legionis Tribuni, tum deinceps ordine ceteri legebant, postremo primæ legionis Tribuni lectionem faciebant. Rursus quatuor alijs prodeuntibus primum tertiæ, postremum secundæ legionis Tribuni cooptabant, atque ita in urbem suam quisque vicem Tribuni ordine ex tribubus ad militiam idoneos legebant, donec legitimus militum numerus conficeretur. Liuius libro iv. Delectum haberi non ex toto passim populo placuit, decem tribus sorte ductæ sunt; ex his scriptos iuniores duo Tribuni ad bellū duxere. Valerius lib.vi. c.iii. M. Curius Cos. cum delectum subitum educere coactus esset, & iuniorum nemo respondisset, coniectis in sortem omnibus Tribubus, Polliæ, quæ proxime exierat, primū nomen vrna extractū citari iussit.

Qui autem citatus ad nomen non respondisset, ei multa dicebatur, in qua dicenda hæc verba legitima fuisse docet ex Varrone Gellius lib. XI. c. I. M. Terentio, quando citatus neque respondit, neque excusatus est; ego ei vnā ouem multam dico. Interdum grauius etiam animaduersum legimus.

*Dig. de
re milit.
lege. 4.*

lib. 6. c. 3.

Menander: Qui ad delectum olim non respondebant, ut proditores libertatis, in seruitutem redigebantur. Linius lib. VII. Acerbitas in delectu non damno modo ciuium, sed etiam laceratione corporum lata, partim virgis cæsis, qui ad nomina nō respondissent, partim in vincula ductis, inuisa erat. Marcus autem Curius teste Valerio, adolescentem, qui citatus non responderat, ipsum, eiusque bona vendidit, præfatus non opus esse eo ciue Reip. qui parere nesciret.

Neque verò difficile fuit scire, qui ad diem dictam non venissent. Seruius enim Rex, ut scribit Dionysius libr. IV. cum vellet ciuium in vrbe numerum nosse, & qui nascerentur, & qui vita decederent, qui que inter viros adscriberentur; instituit, ut pro cuiusque ortu cognati nummum in arcam Iunonis Lucinæ inferrent, pro interitu in Veneris Libitinæ, pro ijs autem, qui togam virilem sumerent, in Iuuentæ. Quæ eadem cum in pagis diligentissimæ seruarentur, facile quam multi quotannis omnes, qui que ex his militari essent ætate, cognoscebāt. Illud porrò in iunioribus citandis veteres summa religione obseruauerunt, ut quem primum nominassent, is boni esset

esset nominis. Cice. lib.I. de Diuinatione: In delectu Consules obseruant, vt primus miles fiat bono nomine. Festus, Lacus Lucrinus in vectigalibus publicis primus locatur eruendus, ominis boni gratia: vt in delectu, cēsusue primi nominantur Valerius, Saluius, Statorius.

De etate militari. CAP. IV.

A Etati autem militari, qua iuniores in milites lectos scripsimus, initium dabat annus decimusseptimus: finem sextus & quadagesimus afferebat, vt infra annum XVII pueri: ab anno XLVI seniores dicerentur, belloque inutiles haberentur. Tubero enim in Historiarum primo, teste Gellio, scripsit. Ser.Tullium regem, cum illas quinque classes iuniorum, census faciendi gratia institueret, pueros esse existimasse, qui minores essent annis septemdecim: atque inde ab anno XVII, quos idoneos iam esse Reip. arbitraretur, milites scripsisse: eosque ad annum XLVI iuniores: supraque eum annum seniores appellasse. Dionysius etiam lib.IV in exponendo censu secundæ classis, eos qui maiores essent annis XLV ab ætate separat militari. Eundem militandi finem constituere etiam videtur Polybius lib.vi. Seneca verò rotundum potius, quā diligentem numerū videtur quæsisse, cum in extremo libro de breuitate vitæ scripsit, Lex à quinquagesimo anno milites nō cogit: à lexagesimo lenatorē non citat.

Primum aut militiæ annum decimūsepti-

*Ante vr-
bē pueri.* mum fuisse, præter Tiberonem, Seruius ostendit ad lib: VII. Romani, inquit, ante pubertatem, armis exercebantur, & XVII militabant: quo etiam solo sub custodibus erant. Liuius cum lib. XXV. scripsisset, senatus Triumuiros binos creari iussit, alteros, qui citra, alteros qui vltra quinquagesimum lapidem in plateis, forisq̃ue, & conciliabulis omnem copiã ingenuorum inspicerent, & si qui roboris satis ad ferenda arma habere viderentur, etiam si nondum militari ætate essent, milites facerent: Mox eos, quos nondum militaris ætatis appellauit, minores annis XVII. dicit fuisse.

*Plutar. in
vita.* Hinc etiam C. Gracchus Trib. pl. legem tulit, ne minores annis XVII. ad militiam cogerentur. Liuius li. XXVII. Censores ex ijs, qui principio eius belli sexdecim annos nati fuerant, neque militauerant, omnes ærarios fecerunt. Quod (si tamen locus mendo caret) de ijs intelligendum est, qui annum XVI. exegissent: nam anno XVI. militiæ idoneos non fuisse Suetonius in Augusto. c. VIII. ostendit. Duodecimũ, inquit, annum agens aujã Iuliam defunctam pro concione laudauit: quadrienio post, virili toga sumpta, militaribus donis, triumpho Cæsaris Africano, donatus est, quanquam expers belli propter ætatem.

Summis tamen Reip. temporibus, inopia iuniorum, minores annis XVII, maioresq̃ue annis XLVI milites lectos in historia legimus Liuius lib. V. Omnium primum Tribunis militum fuit, delectũ habere: nec iuniores modo conscripti, sed seniores etiam coacti nomina

mina dare, vt vrbis custodiã agerent. Et li. VI: Iustitioq; indicto, delectum iuniorum habuit, ita vt seniores quoque, quibus aliquid roboris superesset, in verba sua iuratos ceturaret. & l. XXII: Delectu edicto, iuniores ab annis XVII. & quosdã prætextatos scribunt. lib. XLII. Nec vlli, qui non maior annis quinquaginta esset, vacationẽ militiæ esse. Atque hi quidem, qui anno XVII. militabãt, Tirones dicti sunt, quod tum primum militiam auspicarentur. quare præcipua etiam cura habebantur in castris, ijsq; custodes præficiiebantur. Seruius: Romani anno XVII. militabant, quo etiam solo sub custodibus agebant. Cic. in Cæliana. Nobis quidem olim annus erat vnus, ad cohibendũ brachium toga, constitutus; vt exercitatione, ludoque campestri tunicati vteremur: eademq; erat, si statim mereri stipendia cœperamus, castrensis ratio ac militaris.

ad lib. 7.
Virg.

De vacationibus militaribus.

C A P. V.

NEq; verò iuniores omnes, qui ætate essent militari, omnibus delectibus quotannis milites scripti sunt: sed ij duntaxat militiæ nomina dare coacti, quos Cõsules, Tribuniq; ex iuniorum tabulis nominatim citassent: ceteri quãdiu non citarentur, si vellent in illud tempus tacitam quandã militiæ vacationem habuere. Etenim non eosdem omnibus annis delectibus milites omnes scriptos, videtur significare Liui. lib. VI. Simile veri est, interual-

lis bellorum, sicut nunc in delectibus sit Romanis, alia atq; alia sobole iuniorum, ad bella instauranda toties vsos esse. Hinc Camillus Dictator cum tribunos seditionem in vrbe mouentes aliter coërcere non posset, minatus est, se sacramento omnes iuniores adacturum, vt scribit Liuius. quasi verò ceteris ordinarijs delectibus non omnes adigi solerent. Ratio quoque idem suadet: cum enim urbano prope delectu, legiones, vt Liuius ait, conficerentur decem, vix quatuor tamen ad bella educebantur: ceteri verò, vt ante dixi, militiæ vacationem habebant; ita tamen, vt quoties Consules, Dictatorue iussissent sine vlla excusatione nomina dare cogerentur.

Alia verò fuere hominum genera, quibus perpetua militiæ vacatio sic data est, vt nullis delectibus nomen darent, nisi præcipuo S. C. aut subito aliquo tumultu compellerentur. Harum autem militarium vacationum tria genera fuere, iusta, necessaria, & honoraria. de quibus alius erit dicendi locus.

Vacationes gratiosas extra ordinem Senatus dabat. Liuius lib. xxiii. Senatus Prænестinis militibus duplex stipendium, & quinquennij vacationem decreuit. & lib. xxxix. S. C. factum est, vt Consul cum Tribunis pl. ageret, vt P. Aebutio emerita stipendia essent, ne inuitus militaret, neue censor ei equum publicum assignaret. Et lib. XLIII. & quoru ante emerita stipendia, gratiosa missio sibi visa esset. Cicero de Natura deorum, P. Vatiens agro à Somatu, & vacatione donatus.

Sacer-

Sacerdotes etiam lege perpetuam militiæ vacationē habuisse, Gallico tumultu excepto, *Plutarch. in Marcello Appian. 2. Ci. Phil. 8* Plutarchus, & Appianus tradidere. quæ ratione ductus Cicero, grauius esse tumultum quam bellum conclusit; quod bello Gallico vacationes valerent, tumultu non valerent. Eam legem latam tertio anno post Romam captam, bello Gallico iterum imminēte, scribit in Camillo Plutarchus. Quāquam id multo ante sacerdotum non tam dignitati, quam ætati à Romulo datū, Dionysius narrat. à Romulo enim lege sancitum ait, vt è singulis curijs bini Sacerdotes eligerentur, maiores annis quinquaginta, eosque propter ætatem militia, & propter legem vrbani negotijs iussit esse immunes. Eādem militiæ vacationem coloni maritimi habuere, teste Liuius libro XXVII. Colonos etiam maritimos, qui sacrosanc̃tam vacationem dicebantur habere, dare milites cogeant.

Cæteri quoque, si vicariū dedissent, videtur vacationem impetrare potuisse. nam ita loquitur Sp. Ligustinus apud Liuium. Quod si *lib. 42* mihi nec stipendia omnia emerita essent, nec dum ætas vacationem daret: tamen cum quatuor milites pro me vno vobis dare possem, æquum erat me dimitti. Seneca lib. IIX Declam. V. Militaui senex, militaui exsanguis, militaui qui iam vicatium dederam.

Hi ergo militiæ vacationem habuere: non quod ijs bello prorsus interdiceretur, sed hoc tributum est, vt, si minus ire ad militiam vellent, cogi ne possent. Itaque sponte

*Epit. 59.
Velleius
lib. 2.*

multos augures, multosque Pontifices ad bellum exiisse historiae narrant. Qui tamen extra Italiam primus Pontifex maximus, P. Licinius Crassus Mucianus contra Aristonicum profectus est; is in proelio interfectus, neglectae religionis poenas dedisse visus est. Hanc legem significauit Plutarchus in Fabij vita, cum Crassum, quod erat Pontifex maximus, diuina quadam lege domi detentum narrat. Eodem Liuius libro XXVIII. spectauit. Nominatae, inquit, consulibus prouinciae sunt, Scipioni Sicilia extra sortem, concedente collega, quia sacrorum cura Pontificem maximum in Italia retinebat: Brutij Crasso.

Is tamen annus, quo iniussi militabant, non numerabatur inter annos legitimos militiae, quibus quisque lege tenebatur militare. Hinc illud beneficii loco datum scribit Liuius libr. v. Placere omnibus, &c. Contra verò illud ignominiae fuit, quod idem refert libr. XXVII. Illis omnibus adempti equi, qui Cannensium legionum equites in Sicilia erant: addiderunt acerbitati etiam tempus, ne praeterita stipendia praecederet ijs, qui equo publico meruerant, sed dena stipendia equis priuatis facerent.

Multos etiam eo anno, quo militare non cogebantur, sponte militiae nomen dedisse legimus: Neque solum hi, sed etiam qui confecta omnia stipendia habebant, ad bellum sponte sunt profecti, qui omnes propterea voluntarij sunt appellati. Liuius libro III. Cum ad ea bella delectum Coss. edixissent,

fauo-

fauore plebis, non iuniores modo, sed emeritis etiam stipendijs, pars magna voluntariorum ad nomina danda præsto fuere. Et libro V. Ad curiam concursus fit plebis, pedestris ordinis, se aiunt nunc esse, operamque Reipu. extra ordinem polliceri. Et mox: Placere omnibus his voluntariam extra ordinem professis militiam, aera procedere. Et libro XXXVII. Ad quinque milia voluntariorum ex Romanis, socijsque qui emerita stipendia sub imperatore P. Africano habebant, præsto fuere exeunti Consuli, & nomina dederunt.

Interdum etiam veterani, emeritisque stipendijs milites, quique honorariam missionem erant consecuti, ab imperatoribus virtutis causa euocabantur. Qui autem hoc modo ab Imperatoribus rogati ad bellum ibant, euocati dicebantur. Dio libro LXV. *ἐκ τούτων δὲ δὴ τῶν ἀνδρῶν, καὶ τῶν ἡγουσκάτων σύστημα* (ὅς ἀνακλήτους ἀντιθέλλωσας, ὅτι πεπαυμένοι τῆς στρατίας, ἐπ' αὐτὴν ἀνεκλήθησαν, ὀνομάσειε) *ἐνομίδη*. id est. Ex his hominibus & euocatis cohors constabat (quos euocatos Græce quispiam ἀνακλήτους dixerit, quod militiæ labore iam defuncti, ad eam rursus euocarentur.

Cæsar lib. 3. bel. ciu. euocatorum duo milia, quæ ex beneficiarijs superiorum exercituum ad eum conuenerant & libro 1. Multi undique ex veteribus Pompeij exercitibus, spe præmiorum atque ordinum euocantur.

Cicero libro extremo ad Atticum epistola VIII. Octavianus, inquit, veteranos, quique Casilini, & Calatiæ sunt, perduxit ad suam sententiam. Et apud Livium lib. XLII. ita loquitur Sp. Ligustinus : à Tito Graccho rogatus in provinciam iui. Euocabantur autem non solum pedites, sed equites, levis armaturæ, centuriones, auxilia. Cæsar. libr. i. ciuil. Expeditos ex euocatis sagittarijs, funditoribusque raros in muro disponit. &, Cæsar legiones in Hispaniam præmiserat, ad sex millia auxilia peditum, equitum 3000, quæ omnibus superioribus bellis habuerat, & paræ ex Gallia numerum, quem ipse petiuerat, nominatim ex omnibus ciuitatibus nobilissimo ac fortissimo quoque euocato, Sallustius in Iugurthino de C. Mario: Interim quæ bello opus erant, prima habere: postulare legionibus supplementum, auxilia à populis, & regibus, sociisque arcessere: præterea ex Latio fortissimum quemque, plerisque militia, paucos fama cognitos accire, & ambiendo cogere homines emeritis stipendijs secum proficisci.

Vt autem sacerdotum vacatio tumultu Gallico infirmata est, sic alijs tumultibus alix sublata sæpe leguntur. Livius libro VI. Tertius exercitus ex caussarijs, senioribusque à L. Quinctio scribatur, qui vrbi præsidio sit. Et libro XXVII. Colonos etiam maritimos, qui sacrosanctam vacationem dicebantur habere, dare milites cogebant. Et libro XLII.

Illud

Illud quoque præcipuum datum sorti Macedoniæ, vt centuriones, militesque veteres scriberet, quos vellet Consul vsque ad annos quinquaginta. Eodem etiam modo pueros senesque ad bellum interdum coactos, supra demonstratum est.

Causas autem vacationum dum delectum habebant, Consules cognoscebant: quod si præsens vrgeret necessitas, earum cognitio post bellum differebatur. Liuius libro III. Cum consules in concione pronunciaissent, tempus non esse causas cognoscendi, omnes iuniores postero die prima luce in campo Martio adessent: cognoscēdis causis eorum, qui nomina non dedissent, bello perfecto se daturus tempus: pro desertore futurum, cuius non probassent causam.

Interdum tamen milites cum à Consilibus vi cogerentur ad bellum, Tribunos pl. appellarunt. Liuius libro XXXIV. Cum milites, qui in legionibus urbaniserant, Tribunos pl. adiissent, vti causas cognoscerent, quibus aut emerita stipendia, aut morbus causa esset, ne militarent, &c. Et lib XXXVI. Cum cogerentur in classem coloni maritimi Tribunos pl. appellarunt. Et libr. XLII. Cum Tribuni militum Centuriones, sed primum quemque vocarent; tres & viginti Centuriones, qui primos pilos duxerant, citati, Tribunos pl. appellarunt. duo ex collegio M. Fuluius Nobilior, & M. Claudius Marcellus
ad Con-

ad Consules reijciebant: eorum cognitionem esse debere, quibus delectus, quibusq; bellum mandatum esset.

Censores etiam dum censum agebant, eorum, qui nō militassent, causas cognouerunt: ac singulos, quot annos, quibusq; Imperatoribus militassent, interrogabant: quorum autem causam non probassent, eos pro arbitrio ignominia notarunt, vt in Gracchorū & Pompeij vita Plutarchus narrat. Itaq; dicitur Pōpeius Cos. i. ad Lentulum & Gellium censum in foro agentes, equum manuducens venisse; atque ab ijs interrogatus, vtrum legitima stipendia omnia confecisset, respondisse, legitima à se omnia stipendia se imperatore confecta habere. Liuius lib. XXIII. Neque senatu modo, aut equestri ordine regēdo, cura se censorum tenuit, nomina omnium ex iuniorum tabulis, excerpserunt, qui quadriennio non militassent, quibus neque vacatio iusta militiæ, neq; morbus causa fuisset, & ea supra duomillia hominum in ærarios relata, tribuq; omnes moti. Et li. XLIII. In sensu accipiendo populi, milites ex Macedonico exercitu, qui quam multi abessent ab signis, census docuit, in prouinciam cogeant: causas stipendiorum missorum cognoscebant: & cuius nondum iusta missio visa esset, ita iusiurandum adigebāt; Ex tui animi sententia, ex edicto C. Claudij. T. Sempronij censorum, in prouinciam Macedoniam redibis, quod sine dolo malo facere poteris?

Interdum etiam vacationum causas Senatus

tus cognouit. Linius libr. XXVII. Colonos etiam maritimos, qui sacrosanctam vacationē dicebantur habere, dare milites cogeant. quibus recusantibus, edixere in diem certam, ut quo quisque iure vacationem haberet, ad Senatum deferret.

De ijs, qui à militia reijcerentur.

C A P. VI.

A Tq; hæc quidem hominum genera, legis beneficio, ita vacarunt, ut ad militiam si uellent, exire non prohiberentur: Alij autem fuere, quos leges omnino à militia reiecere. Romani enim, ut rei bellicæ honorem conseruarent, id curarunt maxime, ne eos milites legerent, quorum lectione militaris gloria foedaretur. Hinc illud Senecæ epistola XLIV. Castra quoque, inquit, quos ad laborem & periculum recipiunt, fastidiosè legunt. In legione enim Romana nulli nisi ingenui, & ex ingenuis, nisi in classibus quinque censerentur, & turpis artis essent expertes, merere potuerunt. Ex quo sequitur seruos, libertinos, histriones, opifices, sellularios, nec non proletarios, & capite censos, qui in sexta classe censebantur, omnes à militia fuisse reiectos: nisi si aliquando præsens necessitas in dubijs Reipubl. rebus hos etiam ad arma vocare coegerit. Ac seruos quidem omni militia exciufos docet Marcianus de re militari: Ab omni, inquit, militia serui prohibentur; alioqui capite puniuntur. & Seruius ad illud Virgilij l. IX.

L. XLIX
Dig. lege

12.

Macronio

*Maonio Regi, quem serua Lycimnia furtim
Sustulerat, vetitisq; ad Troiam miserat armis.*

*Cicer. pro
Deiota-
ro*

Serui, inquit, à militia prohibebantur, unde in Deiotariana purgat hoc Cicero, cum fuisset obiectum inter equites, quos Deiotarus miserat Cæsari, vnum seruum fuisse. seruos, sanè nunquam militasse constat, nisi seruitute deposita, excepto Hannibalis tempore, cum post Cannense proelium, in tanta necessitate fuit vrbs Roma, vt ne liberandorum quidem seruorum daretur facultas. Hæc Seruius. Quod autem ait bello Punico secundo seruos militasse, id etiam narrat Liuius li. XXII. Aliam, inquit, formam noui delectus, inopia liberorum capitum, ac necessitas dedit. octo millia iuuenum validorum, ex seruitijs prius suscitantes singulos, vellentne militare? empta publice armauerunt.

Eadem libertinorum condicio fuit, vt militia omni prohiberentur. Hinc Liuius illud tanquam contra morem factum notauit li. X. Senatus, inquit, iustitium indici, delectum omnis generis hominum habere iussit: nec ingenui modo, aut iuniores sacramento adacti sunt; sed seniorum etiam cohortes factæ, libertiniq; centuriati. Libertinis tamen, bello Marsico, propter ingenuorum inopiam, legitimam militiam concessam fuisse, legitur in epitoma LXXIV. & apud Appianum, Macrobiumque lib. I. Saturnal.

Neq; serui modo & libertini à militia reiecti, sed etià Proletarij, & Capitecensi, quos
in

in sexta classe cenſos fuiſſe diximus. Cum enim ij miniſimi eſſent cenſus, aptos eos ad militiam non iudicarunt, propterea quod, ut ſcribit Gellius, res pecuniaq; familiaris, obſidis vice pignoriſq; apud Remp. amorisq; in patriam fides quædam firmamentumq; eſſe videretur. Proletariorū tamen ordo honeſtior aliquanto & re & nomine quam Capitecenſorum fuit. nam & aſperis Reip. temporibus, cum iuventutis inopia laboraretur, in militia ſcriptos legimus: & non capitis cenſione, ſed proſperiore vocabulo à munere, officioq; prolis edendæ ſunt appellati; quod, cum re familiari parva minus poſſent Remp. iuvare, ſobolis tamen gignendæ copia ciuitatem frequentarent. Proletariorum tamen cenſus fuit aeris mille quingentum: capite autem cenſorum aeris trecentum ſeptuaginta quinque, qui quoniam non ex cenſu, qui nullus, aut tenuiſſimus fuit, ſed ex capite deſcribebantur, capitecenſi appellati ſunt. Hinc D. Auguſtinus li. III. c. XVII. ciuit. Tum vero tam multa vndiq; bella crebruerūt, ut inopia militum, Proletarij illi, qui eo quod proli gignendæ vacabant, ob egeſtatem militare non poterant, hoc nomen acceperant, conſcriberentur. Capite tamen cenſos primus C. Marius bello Cimbri-
co, ſiue, ut Salluſtius ait, bello Iugurthino, milites delectu ſcripſiſſe traditur. qua de re ita ſcribit Valerius l. ii. c. i. Laudanda etiā, inquit, populi verecundia eſt, qui impigrè ſe laboribus & periculis militiæ offerendo, dabat operā, ne imperatoribus capite cenſos ſacramēto
rogare

rogare esset necesse, quorum inopia suspecta erat: ideoque his arma publica non committebantur. Sed hanc diutina usurpatione firmatam consuetudinem, C. Marius capite censum legendo militem abruptit. Eadem in vita Marij Plutarchus, & Gellius lib. XVI. narrant.

Ex ceteris vero classibus illi etiam, qui turpē aliquam artē exercerent, militia sunt prohibiti. quo numero opifices, sellularij, & histriones, præter Attellanos continentur. Nam ut Dionysius libro secundo, & nono scribit, Romulus artes omnes sellularias Romanis interdixit. Hinc Liuius lib. VIII. Mamercus, inquit, cui Gallicum bellum euenerat, iussus scribere exercitum sine vlla vacationis venia, quin opificum quoque vulgus, & sellularij, minimē militiae idoneum genus, exciti dicuntur. Et de Histrionibus lib. VII. initio. Eo institutum manet, ut actores Attellanarum, nec tribu moueantur, & stipendia, tanquam expertes artis ludicræ faciant. Legebantur enim fere milites ex rusticis, quod ij præ ceteris ad labores militiae perferendos durati viderentur: atq; olim ab aratro ad dictaturas & consulatus ipsi duces accersebantur. Hinc Cato initio de re rustica. Ex agricolis, inquit, & viri fortissimi, & milites strenuissimi gignuntur. Et Seneca epistola LIV. Nullum laborem recusant manus, quæ ad arma ab aratro transferuntur. Cicero pro Archia: Nostri illi fortes viri, sed rustici ac milites. Et in epistola ad Brutum: Denique homines rusticos, sed fortissimos viros, ciuesque optimos demones fuisse

fuisse iudices primum milites veteranos, deinde legionem Martiam. Vegetius quoque non aliunde, quam ex agris milites legendsos præcipit lib.1. cap. III. de re milit.

Criminis etiam alicuius publici infames aut rei à militia reiectos, veteres iurisperiti, tradunt. Hinc illud Liuij de delectu *Lib. 23.* post Cannensem pugnam à M. Junio Dictatore habito: Ad ultimum prope, inquit, desperatæ Reipub. auxilium, cum honesta utilibus cedunt, descendit, edixitque qui capitalem fraudem ausi, quique pecuniæ iudicati in vinculis essent, qui eorum apud se milites fierent eos noxa pecuniæque se exsolui iussurum. Menander li. XXIX. Dig. de re militari, in hoc *Leg. 4.* genere numerat in exsilium relegatos; ad bestias, rei capitalis, adulterij, & aliquo iudicio publico, infamiaque perpetua damnatos: cum ignominia semel dimissos: quique habens litem, militiæ se dedisset, ut aduersario se preciosiores faceret. Vlpianus addit etiam eos, *Leg. 8.* qui redempti sunt ab hostibus, priusquam se luant.

Dio lib. LX. Milites, ait, lege prohibitos uxorem habere: quod idem aliquibus in locis tradit etiam Tertullianus, sed aut ij falluntur, aut de posterioribus temporibus loquuntur, perpetua militia iam instituta, tunc enim militibus uxores habere interdictum est, quod tamen post a Severus Imp. concessit, ut scribit Herodianus l. 3. Stante enim Rep. milites uxores habuisse: cum alia multa sunt argumento, tum illa, quibus imperatores milites pugna-

Linium li.
21. turos excitabant, cum ipsos pro vxoribus liberisque pugnare in memoriam reuocabant. Hinc illa P. Scipionis patris ad milites in prælio, quod cum Hannibale commissum est; Vnusquisque se non corpus suum, sed coniugem, ac liberos paruos armis protegere patet. **Lib. 42.** Et apud eundem Linium, Sp. Ligustinus vxore liberisque susceptis ad bella plurima se profectum gloriosè narrat. Cæsar l. 7. conclamant equites sanctissimo iure iurando confirmari oportere, ne tecto recipiatur, ne ad liberos, ne ad parentes, ne ad vxorè aditū habeat, qui non bis per hostium agmen perequitasset.

Non licuit tamen in militiam ducere vxores. Hinc Virgilius de Antonio, qui secum in prælium Cleopatram duxit

Sequiturq; (nefas) Aegyptia coniux

Et propertius lib. 4. eleg. 3.

Romanis utinam patuissent castra puellis:

Essem militia sarcina fida tuis.

D. Hieronymus ad Oceanum; Nemo miles cum vxore pergit ad bellum. Isidorus l. 9. Castra dicta esse scribit quasi Casta; quia illic castraretur libido: nam nunquam his intererat mulier. Pompeius è Pharsalicis campis remouet vxorem charissimam & in Lesbo condit.

De Sacramento militari. CAP. VII.

Lib. 6. **D**Electu perfecto, reiectisque ijs, qui ad militiam idonei non viderentur, ceterorum autem cognitis vacationum causis, Tribuni militum, vt scribit Polybius, suos quisque in suas legiones vocantes, vnum ex omnibus

minibus maxime idoneum lectum, iure iurando obstringebant, se quoad posset, mandata ducum exsecuturum. Quod iurifurandum Sacramentum appellarunt, Liuius lib. VII. Dictator omnes iuniores, nullo detrectante militiam, sacramento adigit, & lib. IX. Is, prout rei magnitudo postulabat, omnes iuniores Sacramento adigit. Primi videntur iurasse Legati, tum Tribuni, deinceps centuriones, militesq; Cæsar. l. i. ciuil. Fit celeriter concursus in prætorium, postulat ut iurent omnes se exercitum, ducesq; non deserturos. Princeps in hæc verba iurat ipse: ad idem iurandum adigit Afranium, subsequuntur Tribuni militum, centurionesque centuriatim producti, milites idem iurant. & lib. 3. Princeps Labienus procedit, iuratq; se eum non deserturum, eundemque casum subiturum, quemcunque fortuna tribuisset: hoc idem reliqui iurant legati, hos tribuni militum, centurionesque sequuntur, atque idem omnis iurat exercitus.

Quanta autem Sacramenti vis & religio fuerit, Seneca ostendit epistola XCVI. Primum militiæ vinculum est religio, & signorum amor, & deserendi nefas: tunc deinde facile cetera exiguntur, mandanturque ad iurandum adactis. Huius ei multa & præclara exempla in historijs leguntur. apud Dionysium enim libro VI. ita scriptum est; Senatus plebis seditionem disijcere volens, vetuit Consules exercitum dimittere: habebat enim in potestate legiones, quod Sacramento tenerentur, nec possent signa

deferere: tanta erat in vnoquoque iurifi-
candi religio. Et lib. XI. Virginius, inquit, ex
ira, & quia nihil duces amplius timeret, arro-
gantius eos carpebat, luem eos, & exitium
vocans patriæ, suadensque omnibus, ut signa
tollerent, ducerentque domum exercitum.
horrentibus autem multis sacra mouere si-
gna; neque tutum, neque sanctum esse existi-
mâtib; omnibus duces relinquere ob sacra-
mentum militare, quod maxime omnium ser-
uant Romani (iubet enim militantes sequi
ducem, quocunque ducat; lexque ducibus
potestatem dedit occidendi nō parentes, re-
linquentesue signa, indēnatos & indicta cau-
sa) videns eos Virginius hæc pauentes, inque
religionem trahentes, docebat legem soluif-
se eis sacramentum: quandoquidem oportet
ret, creatum ducem ex lege legionibus im-
perare. Liuius lib. III. iam primum omnium,
Quinctius inquit, Quirites, in Volscos, & Ae-
quos mihi, atque collegæ legiones ducere in
animo est, tum tribuni eludentes velut va-
na dicta, persequi quærendo, quonam modo
exercitum educturi Consules essent, quos de-
lectum habere nemo passurus esset, nobis ve-
ro, inquit Quinctius, nihil delectu opus est,
cum quo tempore P. Valerius ad recipien-
dum Capitolium arma plebi dedit, omnes in
verba iurauerint, conuenturos se iussu con-
sulis, nec iniussu abituros. Cauillari tum tri-
buni, & populum exsoluere religione velle;
priuatim eo tempore Quinctium fuisse, cum
sacramento adacti sint; sed nondum hæc, quæ

nunc tenet sæculum, negligentia Deum venerat, nec interpretando sibi quisque iusiurandum, & leges apras faciebat, sed suos potius mores ad ea accommodabat. Sacramentum quomodo solueretur, videtur indicare Cæs. libr. 2. Ciuil. in oratione Curionis, sacramento vos tenere qui potuit, cum proiectis fascibus, & deposito imperio priuatus & captus ipse in alienam venisset potestatem. Relinquitur noua religio vt eo neglecto sacramento, quo tenemini, respiciatis illud, quod deditioe ducis, & capitis diminutione sublatum.

Militaris sacramenti vim illud etiam ostendit, quod sine sacramento pugnari cum hoste nefas esse existimabant. Id vero multis verbis & Catonis in primis testimonio docet Cicero libro 1. officiorum. P. Aemilius, inquit, imperator tenebat prouinciam, in cuius exercitu Catonis filius tiro militabat. cum autem P. Aemilio videretur vnam dimittere legionem, Catonis quoque filium, qui in eadem legione militabat, dimisit: sed cum amore pugnandi in exercitu remansisset Cato, ad P. Aemilium scripsit, vt, si eum pateretur in exercitu remanere, secundo eum obligaret militiæ sacramento, quia priore amisso, iure cum hostibus pugnare non poterat. M. quidem Catonis senis epistola est ad Marcum filium, in qua scripsit, se audisse, eum missum factum esse à Consule, cum in Macedonia Persico bello miles esset: monet igitur, vt caueat, ne prælium ineat: negat enim

ius esse ei, qui miles non sit, pugnare cum hoste. Hæc Cicero. Huius autem rei causas aliquot reddere conatur Plutarchus in quæstionibus Romanis.

22. 28

Porro iurisiurandū ita cōcipiebatur. Miles quem Tribuni milit. elegissent, gladio stricto, tota legione audiente, suam fidem testans, iurabat, se quoad posset, omnia mandata ducum esse facturum. id enim patrium ac sanctissimum iusiurandum Romanis fuisse grauls auctor docet Dionysius lib. 9. Marcellinus libr. XXI. Iussique vniuersi in eius nomen iurare solemniter, gladijs ceruicibus suis admotis, sub execrationibus diris, verbis iurauere conceptis, omnes pro eo casus, quoad vitam profuderint, si id necessitas exegerit perlaturos. Id autem dicebatur in verba Imperatoris iurare. nam quod Liuius ait libr. 28. Citati milites nominatim apud tribunos mil. in P. Scipionis verba iurarunt. Polybius lib. XI. eandem rem exponens, iurasse dicit se mandatis ducum obtemperaturos.

Illud etiam in iure iurando quidā tradunt obseruatum, vt pollex attolleretur, multoque ne ad militiam compellerent, eum sibi digitum præcidisse. Ego tamen non propter iusiurandum, sed quia præciso pollice, gladium commodè stringere non possent, à militia reiectos puto. Suetonius in Augusto, cap. XXIV. Equitem Rom. quod duobus filijs adolescentibus causa detrectandi Sacramenti, pollices amputasset, ipsum, bonaque subiecit hastæ, & Marcellinus libr. XV.

in ex-

in extremo de Gallis; Ad militandum, inquit, omnis ætas aptissima, nec eorum aliquando quisquam, ut in Italia, munus Martium pertimescens, pollicem sibi præcidit; quos ioculariter Murcos appellant, hæc ille. Murci autem, qui sibi pollicem amputauerant, ideo videtur appellati, quod Murcia Dea haberetur ignarum, ut Arnobius lib. IV. & D. Augustinus libro item IV. ciuitatis, tradidere.

Vbi igitur miles, quem primum Tribuni elegerant, hoc modo iurauerat; tum ceteri omnes deinceps milites singuli, ut ait Polybius ad Tribunum accedentes, in primi verba iurantes dicebant, Idem in me. Festus, Præiurationes facere dicuntur ij, qui ante alios conceptis verbis iurant, post quos in eadem verba iurantes tantummodo dicunt. Idem in me.

Atque hæc quidem stante Republ. in militari Sacramento videntur obseruata. Posterioribus temporibus addita nonnulla significat Vegetius libro II. cap. V. Diligenter, inquit, lectis iunioribus, animis corporibusque præstantibus, additis etiam exercitijs quotidianis, quatuor vel eo amplius mensium, iussu auspicijsq; inuictissimi Principis legio informatur. Nam victuris incute punctis milites scripti, & matriculis inserti iurare solent, & ideo militiæ Sacramenta dicuntur. Quibus verbis significat impressa signa aliquot militibus Sacramento iam additis; ut etiam libro primo, capite octauo. Sed non statim punctis signorum scribendus est tiro delectus. Impressa autem militum ma-

nibus, brachijsve puncta sine stigmata docet Aetius *στίγματα* inquit *καλοῦνται ἐπὶ τοῦ π. σώματος, ἢ ἄλλοι τινὲς μέρους τοῦ σώματος ἐπιχρ. φόμματα*, *δὶα τῶν ἐργαζέμενων ἐν ταῖς χερσίν.* id est, Stigmata vocant, quæ in facie, aliaue corporis parte inscribuntur, qualia sunt, quæ militum manibus imprimuntur. Et Cod. de Fabricensibus lege III. quæ est Arcadij & Honorij: Stigmata, hoc est nota publica, Fabricensium brachijs ad imitationem tiro-num infligantur, vt hoc saltem modo possint latitantes agnosci. Videtur autem inscriptum nomen Imperatoris: sic enim scribitur Cod. de Aquæ ductu lege pénult quæ est Theodor. & Valent. Aquinarios, singulis manibus eorum felicî nomine pietatis nostræ impresso, signari decernimus, vt huiusmodi annotatione manifesti sint omnibus, quod si quem ex iisdem Aquarijs mori contigerit, eum nihilominus, qui in locum defuncti subrogatur, signo eodem notari præcipimus, vt militiæ quodam modo sociati, excubijs aquæ custodiendæ incessanter inhæreant. Huius etiam moris pluribus meminit D. Augustinus libro II. contra Parmen. cap. XIII.

Li. 2 c. 5. Militum deinde nomina; qui sacramêto essent adacti, in matriculam, vt Vegetius ait, referebantur, adscriptis notis, quibus viui defunctiq; rescirêtur. Isidor. l. i. c. XXIII. In breuiculis quoq; inquit, quibus militum nomina continebantur, propria nota erat apud veteres, quæ inspiceretur, quanti ex militibus su-
peres-

peressent, quantique in bello cecidissent. T nota in capite versiculi posita, superstitem designabat. O verò ad vnius cuiusq; defuncti nomen apponebatur. Cum autem pueritiam significare vellent. A litera vsi sunt. Hæc Isidorus. Hinc dare nomina, & scripti milites Liuius lib. VII. Ne cuius militis scripti nomen, nisi ipso volente deleretur. Isidorus li. IX. Conscripti milites dicuntur, quia in tabulas conferuntur ab eo, qui eos ducturus est.

Neque tamen omnes illico milites videntur scripti, & in numeros relati, nisi post expletum anni tirociniū. Vegetius lib. I. c. VIII. Non statim, inquit, punctis signorum inscribendus est tiro delectus; verum ante exercitio prætentandus, vt vtrum vere tanto operi aptus sit, possit cognosci. Et Vlpianus de militari testamento lege XLIII. Ex eo, inquit, tempore quis iure militari incipit posse testari, ex quo in numeros relatus est: proinde qui nondum in numeris sunt, licet etiam electi tirones sint, & publicis expensis iter faciant, nondum tamen milites sunt: debent enim in numeros referri. Hæc ille. Videntur enim tirones annum vnum sub custodia alicuius conlanguei fuisse: deinde in numeros relati, milites vocari cœpisse. Plautus in Mostellaria act. I. Sc. 2: Ad legionem quomitant, adminiculum eis danunt, tum iam aliquam cognatū suum, eatenus abeunt à fabris, vnum vbi emeritum est stipendium. Et Seruius ad lib. VII. Virgilij. Romani, inquit, post

pubertatem exercebantur, & xvii anno militabant; quo etiam solo sub custodibus agebant.

Addita est etiam posterioribus temporibus præcinctio, cuius, militariſque cinguli tam frequens mentio reperitur. Paulus de militari testamento lege xxxix Miles non ignominia causa missus, rursus cinctus est in alia militia. Papinianus ibidem lege xlii Filius familias equestri militia exornatus, cingi contestim iussus, testamentum de castrensi peculio facere potest. Militibus scriptis & sacramento adactis, Tribuni, ut scribit Polybius, locum diemque edicebant, quo sine armis omnes adessent, interea eos dimittebant. Vbi autem ad diem dictam omnes convenisset, Tribuni gradus, ordinemque legionis diuidebant, qua de re actuque dissero, pauca de ipsa legione generatim dicenda sunt.

LIBER

93

LIBER TERTIUS.

De Legione, eiusq; magnitudine.

CAPVT I.



ROMANVS omnis exercitus tribus generibus militū constitit, equitibus, peditibus legionarijs, & peditibus leuis armaturæ, victis autem nationibus, & prouincijs Rom. imperio adiunctis, externa etiam sociorum auxilia addita sunt. de quibus omnibus singillatim ordine differemus: nunc de ipsa legione vniuerse dicendum.

Legionem primus Romulus instituit; eamq; *Var. l. 4. & 5 del. l. 3.* vt cum Varrone Plutarchus, alijq; omnes scribunt, à fortissimorum militum delectu nominauit, tamque propria Romanorū legio fuit, *de vita p. r. apud Non.* quam aut Macedonum phalanx, aut ceterarū Gallorum.

Militum in legione numerus non idem omnibus temporibus fuit. Romulus enim initio legionem trium millium scripsit, peditibus ex singulis tribubus Ramnensiū, Tatien-*Plut. in Romulo. Veg. l. 2. cap. 2. Id. li. 9.* sum, & Licerum mille delectis, vt Varro & Plutarchus narrant. Varroni etiam militum *lib. 4. de* nomen inde ortum videtur, quod singula *l. l.* tribus millia singula militū ad bellum mitterent. Ab eodē Romulo geminatā legionem, victis Antemnatis & Camnensibus, ac sex millium factā, videtur significare Dionysius: *Dio. li. 4.*

Plutar.

Plutarchus quidē diferte id narrat, receptis iam in ciuitatem Sabinis. Quod mihi tamen probabile non fit: eosque potius scriptores nō auctū in vna legione militum numerum; sed abundate multitudine binas ex vna legiones ternum singulas milliū esse cōscriptas, significare voluisse crediderim. Quod si omnino auctam a Romulo legionem fateri volumus, eam ad quatuor millia redactam esse verosimilius puto, quæ ex eo quadrata legio fit, auctore Festo, appellata. hoc enim numero, atque ad sua tempora legiones ordinariæ scriptas grauis auctor Polybius testatur: aut cum maius aliquod periculum instaret, quinque millium.

v. Sex
millium.

Per belli autem Punici secundi tempora & deinceps, quinque millium peditum legiões frequentari sunt cœptæ: hinc Liuius libro xxii. Numero quoque peditum equitumque legiones auctas, millibus peditū, & centenis equitibus in singulas adiectis, vt quinq; millia peditum, treceni equites essent. Et libro xlii. Id præcipue prouinciæ Macedoniæ datum, quod cum alterius Consulis legionibus quinq; millia, & duceni equites ex vetere instituto darentur in singulas legiones; in Macedoniam sena millia peditum scribi iussa, Appianus quoque in historia Hannibalis, Romanam legionem, quam ille τὸ τέλος appellat, bello Punico secundo, peditum quinque millia, equites trecentos habuisse narrat.

v. Sex
millium.

Primus C. Marius, auctore Festo, legionem sex millium ducentorum hominum conscripuit

psit. quod sic est intelligendum, ut is primus ordinarius in legione numerum senum milium ac ducentorum peditum fecerit: cum antea nisi extra ordinem, graui aliquo cogen te periculo, ad eum numerum legiones non adaugerentur. Atque id etiam à Mario sine S.C. factum Sallustius in Iugurthina ostēdit; Marius, inquit, cum aliquanto maiore numero, quam decretū erat in Africam profectus; ex eo igitur tempore legiones lenis milibus peditum ordinariæ esse, cœperunt, neque tamen is numerus post Marium statim frequentatus est, nam bellis ciuilibus legiones adhuc quinque millibus scribebantur.

Illud quoque nosse operæ præciū videtur esse, in legione nullum, nisi ciuē Romanum meruisse. hinc Hiero apud Liuium, lib. XXII dixit, Milite atque equite scire se nisi Romano, Latiniq̃ue nominis non vti populū Rom. leuium armatorum auxilia etiam externa vidisse. Et Festus, v. Municeps. Seruius filius municipis aiebat initio fuisse, qui ea condicione ciues Romani fuissent, ut semper remp. separatim à populo Rom. haberent: Cumanos videlicet, Acerranos, Atellanos, qui neque ciues Romani erant, & in legione merebant, sed dignitates non capiebant.

Scribebantur autem quotannis legiones ferè quatuor, quæ duobus consulibus ad bella prope quotidiana exeuntibus traderētur: tantumq̃; valuit siue virtus, siue exercitatio, ut contra quemcunque hostem vnus Consul cum duabus legionibus, auxilijsq̃ue sufficere puta-

putaretur: maximusque ille exercitus est habitus, cum duo Consules coniunctis copijs ad bellum proficiscerentur, id quod libro III Polybius, & Vegetius libro II. cap. IV. & lib. III. cap. I. tradidere. Quod si plura bella exorta essent, plures duces cum pluribus legionibus mittebantur. Hinc Liuius libro XXIV. Duodeviginti legionibus bellum geri placuit. Hic ut numerus legionum expleretur, sex nouæ legiones erant scribendæ, eas primo quoque tempore Consules scribere iussi. Et li. XXV summa trium & viginti legionum eo anno effecta est.

lib. 38.

Ipsæ porro legiones ab ipsius delectus ordine, Dione teste, nominabantur, ut quæ primo loco scripta esset, prima diceretur, & secunda, quæ secundo, atque ita deinceps, aut à locis, ubi stationes habebant. Hinc legiones Germanicæ, Pannonicæ, Britannicæ passim inueniuntur, aut à ducibus: ut Augusta, Claudia, &c. Dio lib. V. aut denique ab alijs euentibus: ut legio Martia apud Ciceronem in Philippicis, Rapax apud Tacitum libr. II Historiarum. Victrix, Ferrea, Fulminifera apud Dionem, lib. 55. atque aliæ apud alios leguntur. Atque de legione quidem, eiusque magnitudine hæcenus: deinceps eius ordines videamus.

De Peditum legionariorum ordinibus.

C A P. II.

IN Romana legione quatuor hominum genera fuere, non solum ætate, censu, bellandique

diſque ſcientia; verum etiam armis, pugnan-
diſque ordine maxime inter ſe diuerſa. Scri-
bebantur enim milites, Tullij regis inſtituto,
ex quinque claſſibus, atque pro cenſus ampli-
tudine, & arma, & in pugna locus decernebân-
tur. Hinc Seneca, Cenſus in caſtris ordinem
promouet. Qui enim ætatis cenſuſq; minimi *libr. 2.*
fuêre, iſ, teſte Polybio, in velites (ſic enim *contr. 1.*
χοσφομαχος interpretari poſſe videmur) de-
ligeantur: qui verò iſs proximi eſſent, in
haſtatos: ætate præſtâtes in Principes, omniũ
maximi in Triarios.

Militum aut ætatis cuiuſque numerus, pro
legionis magnitudine alius alijs temporibus
fuit. Cum enim legio quatuor millibus & du-
centis ſcribebatur (quod ferè Polybij tempo-
re obſeruatum eſt) Triarij in legione fuere
ſexcenti: Principes, Haſtati, Velitesq; ſinguli,
milleni duceni. Quod ſi plurium militum
legio eſſet, ſingulæ ætates proportionẽ ange-
bantur, exceptis Triarijs, qui eodem ſemper
numero permanſere.

Singulæ deinde ætates, vt idem Polyb. ait,
decem in partes diſtribuebantur, præter Ve-
lites, qui ad omnes illas partes æqualiter ad-
iungebantur. Cuius diuiſionis Romulũ facit
auctorem Ouidius lib. III Faſtorum.

Haſtatos inſtituitque decem.

*Et totidem Princeps, totidem Pilani habebat
Corpora,*

Pilani enim iſdem, qui Triarij, Varrone te- *libr. 4.*
ſte. Haſ partes Romani generali vocabulo *de l. l.*
Manipulos videntur appellare, Liuius enim
lib.

libr. x. Manipulum nominat Hastatorum, & lib. xxv. Manipulares primi principis, & lib. xxvii Manipulum primi hastati. proprio tamen nomine in Triarijs ita vocabantur, Primus pilus, secundus primus pilus, tertius primus pilus, & deinceps vsq; ad decimum primum pilum. In Principibus autem, primus princeps, secundus princeps, vsque ad decimum. In Hastatis verò, primus hastatus, secundus hastatus, item vsque ad decimum hastatum. Liuius libr. viii. in Triarijs ordinem vnumquemque primum pilum vocatum ait, & in ox: Duo primi pili inquit ex vtraque acie inter Triarios erant. Et libr. vii septimi primi pili meminit: libro autem xxv secundi hastati, & lib. xlii primi & decimi ordinis hastati, primi que principis mentionem
li. i. ep. 8. facit. Cicero etiam in epistola ad Brutum octauum principem nominat.

Singuli porro manipuli, vt Polybius ait, in dextram & sinistram partem diuidebatur: quæ partes, centuriæ videtur à veteribus nominatæ: Centuriones enim singulos singulis partibus præfuisse, idem Polybius ait, dextramque sinistra fuisse honoratiorem. Hinc
Liuius
li. 48. Sp. Ligustinus gloriatur, sibi a M. Porcio Cos. primum hastatum prioris centuriæ, & à M. Acilio primum principem prioris centuriæ fuisse assignatum.

Cum autem cohortes instituendæ erant, ex tribus ex manipulis vno Hastatorum, altero Principum, tertio Triariorum, velitibus adiunctis fiebant. Cæsar in li. 3. civil. in pri-

ma cohorte, priorem principē centurionem nominat. Varro lib. iv de lingua latina: Cohors, quod, ut in villa ex pluribus tectis coniungitur ac quiddam sit vnum; sic hæc ex manipulis pluribus copulatur. Tacitus libro i. Ciere modo nomina singulorum, modo centuriam quisque, cuius manipularis erat, cohortem, legionem. Liuius libro xxii. Noua de integro pugna orta est, non illa ordinata per principes, hastatosque ac triarios, nec ut in sua legione miles, aut cohorte, aut manipulo esset. Ex quo intelligitur verum illud esse, quod ex Cincio tradit Gellius libr. xvi. cap. iv. In legione centurias sexaginta, manipulos triginta, cohortes decem fuisse. Decem autem fuisse in legione cohortes, in epistola Galbæ ad Ciceronē significatur. is enim cum legionem Martiam, & cohortes prætorias duas obuiam Antonio processisse dixisset; hæc statim addidit: Acies est instructa à nobis duodecim cohortiū. Et eadem epistola viginti cohortibus ab Hirtio Antonij copix deletæ dicuntur, quas Cicero Philippica xiv legiones duas fuisse ait, quartam & septimam. Cæsar etiam libro vi. in tribus legionibus cohortes indicat fuisse triginta, cum Labienum, quem antea tres legiones habere dixerat, mox, quinque cohortium præsidio impedimentis relicto, cum viginti quinque cohortibus in hostem profectum esse scribit. Et lib. vii. Quinque cohortes, quas minimè firmas ad dimicandum esse existimabat, castris præsidio relinquit: quinque eiuſdem legionis

epist. 30.

l. 10. fam.

H

reli-

reliquas proficisci imperat. Idem libro I. de bello ciuili, Domitio ait fuisse Corfinij cohortes amplius triginta, quæ, vt ex Orosio cognoscitur, legiones fuere tres. Velleius quoque libro posteriore, trecentas cohortes, triginta legionum instar fuisse narrat.

Militum porro in cohorte numerus, non idem omnibus tēporibus fuisse videtur. Hinc Sallustius in Catilinaria, Duas, inquit, legiones instituit: cohortes pro numero militum complet. Extremis autem temporibus cum legio quinque millia peditum habuit: cohortes ex quingentis militibus constabant, quod ex Cæsare, Valerio, Plutarcho & Appiano intelligitur. Valerius enim duas Camertiū cohortes à C. Mario ciuitate donatas scribit libr. V. capite de Gratis. hos Plutarchus in vita Marij & Apophtegmatibus Camertes mille fuisse dicit. Cæsar etiam libro III de bello ciuili in centum & decem cohortibus millia inesse dicit quinque & quinquaginta, quæ summa non conuenit, nisi quingenti in cohorte ponantur. Plutarchus verò in Pompeij Cæsarisque vitis, Cæsarem narrat in Pharsalica pugna extrema ex acie sex cohortes detraxisse, quæ tria millia fuisse scribit Appianus libr. II. Ex quo mendum subesse in Cæsare videri potest, cum libro tertio belli ciuilis ita legitur; ex tertia acie singulas cohortes detraxit: ac forte scribendum, ex extrema acie senas cohortes detraxit. Cohortes ipsius legionis, cohortes centuriatę videntur appellatę, vt ab ijs cohortib. distinguatur, quæ extra legionē, auxili-

auxiliorum & subsidiorum causa, in exercitu
fuere. Cæsar libro I ciuil. cohortibus centu-
riatis subsidio missis. & legionariæ quod in
legione numerarentur. Cæsar lib. I ciuil. cre-
bras stâtionem disponit equitû & cohortium
alariarum, legionariarumq; interijciunt cohortes.

Tot igitur fuere in legione Romana pedi-
tum genera, ordinesque, quorum omnium
Romulus auctor videtur fuisse, nam ab eo le-
gionem in centurias, manipulosque hastato-
rum, principum, & Triariorum distributam
Ouidius & Plutarchus tradidere. De cohortibus nonnulla est dubitatio. quidam enim
negant cohortem ordinariam fuisse legionis
partem, sed tum à duce fieri solutam, cum pu-
gnæ tempus instaret: cuiusque rei illud esse
argumento, quod à Polybio, cum legionem
tribuit in partes, ne nominetur quidem. Ego
tamen cum in omni historia non solum in pu-
gna, sed etiam extra pugnam cohortium men-
tionem inueniam, cogor existimare cohortis
vsum in legione ordinarium fuisse. Cæsar lib.
vii. Postridie cû duabus legionibus in occu-
pto restitit: reliquas copias cum omnibus im-
pedimētis, vt consueuerat, misit, demptis qui-
busdâ cohortibus vti numerus legionû con-
stare videretur. De cohortibus prima, ni fal-
lor, mentio fit apud Liuiû anno II post reges
exactos: sic enim scribit l. II. Consulû alter T.
Lucretius porta Neuia cum aliquot manipu-
lis militû egressus: ipse Valerius Cælio mō-
te cohortes electas educit. At Polyb. non me-
minit, nimirû quia in explicandis cohortibus

*Man. epi.
30. li. 10.
fam.*

noua diuisione, præter eam quam dixerat, opus non fuit, cum ex tribus manipulis hastatorum, principum, & triariorum fierent; neque vllus ijs præcipuus magistratus præfset. Neq; tamẽ omnino nulla à Polybio de cohortiũ partibus mentio facta est. nam cum velites, hastatos, principes, triariosq;ue, decem in partes tributos esse dixisset, quamlibet partem *τάγμα, σπῆρα, & σημαία* dicit appellatã; videlicet prout variẽ inter se partes illę componerentur. *σπῆρα* autem idem Polybius libro XI. cohortem dicit à Romanis appellatam.

Illud autem in hoc genere magna admiratione dignũ videtur, quid causæ sit, cur in describendis classibus à Tullio institutis, nulla neque Triariorum, neque Principum, neque Hastatorum, Velitumve à Liuius & Dionysio mentio fiat: quorum tamen postea frequentissima mentio in historia repetitur. Hunc nodum soluere haud facilẽ videtur, nisi forte quis dicat mutatam à Tullio Romuli militiam, vt non iam per Triarios, & Hastatos, sed ex censu legio diuideretur: atque iterum post Tullij mortem rem ad primam Romuli diuisionem rediisse. quæ mutatio, quoniam minima fuit, verẽ potuit dicere Liuius libro VIII Disciplina militaris, iam inde ab initijs vrbis tradita per manus, in artis perpetuæ præceptis ordinate modum venerat. ita reges gesserant bella, ita deinde regum exactores Iunij, Valerijq;ue, &c. quibus verbis significat nunquam militiam Romanor. esse mutatam.

Quam-

Quamquam ego verisimilius puto ab his auctoribus Triariorum & Hastatorum nomina omissa, quia consilium ipsis fuit, ea duntaxat explicare, quæ nova Seruius rex in militia addidisset; hæc autem fuere, classium distributio, censusque definitio; quæ etiam ad extrema usque Reip. tempora durauere. Hinc illa Salustij de C. Mario, ipse milites scribere non more maiorum, neque ex classibus; sed ut cuiusque libido erat, capite censos plerosque. Et Polybius in Velitibus, equitibusque deligendis census habitam esse rationem significat. Itaque sic statuo in prima classe Triarios, in secunda Principes, in tertia Hastatos, in quarta Velites adnumeratos fuisse, quod tum ex armorum genere, tum etiam pugnandi ordine clarius infra demonstrabitur. Neque etiam legionum, aut manipulorum in censu Tullij meminere, quæ tamen à Seruio sublata verisimile non sit, cum de Tarquinio superbo paulò post Seruij mortem Liuius hæc scribat: *lib. 1.*

Ne secretum imperium, propriæve signa haberent, miscuit manipulos ex latinis Romanisque, ut ex binis singulos faceret, binosque ex singulis: ita geminatis manipulis centuriones imposuit. Dionysius etiam in prælio, quod à primis consulibus cum Tarquinio rege commissum est, meminit Triariorum, eosque veteranos ait spectatæ virtutis fuisse. *lib. 2.*

uius autem in gestis anni xv post primos Consules, M. Latorium primipili centurionem nominat, quem ordinem in Triarijs fuisse paulò ante docuimus. Triariorum verò primum

meminit, ut opinor, M. Fabio, Cn. Mâlio Coss. anno post reges exactos xxx. Triarij, inquit, Romani, qui primam irruptionem sustinere non potuerant. Vegetius li. ii legionem, cohortesque aliter distribuit, quod tamen mirabile non est, cum is de suis temporibus, mutata iam militiæ ratione, loquatur. Liuium miror, qui Romanæ militiæ ordines describere aggressus, meras tenebras effudit: itaque nemo adhuc eum intelligere potuit, sed tamen à Polybio non multum differre cognoscitur. Rorarios autem & Adcensos, quos ille nominat in legione, nemo alius, neque ipse alibi nominauit: agnoscuntur tamen à Varrone & Festo, atque de his vna cum peditibus leuis armaturæ capite proximo dicemus.

De Peditibus leuis armaturæ.

C A P. III.

TRiarij igitur, principes, hastati, velitesque (qui omnes grauis armaturæ pedites appellabatur) his ordinibus descripti in legione fuere: pedites autem leuis armaturæ extraordinem militarunt. Leues porro milites, à Velitibus fuisse diuersos, & infra, cum de vtrorumque armatura disputabitur, ostendetur, & Liuius apertè demonstrat, separatim utrosque nominans, lib. xxix eques, leuisque armatura, & velites circumductis alis, in latera incurrebant. Et mox, Elephantum tumultuoso genere pugnae equitum, velitumque, & leuis armaturæ consternati. Et libro XLII, Ipse velitibus, ad firmandam leuium armorum auxilia.

xilia, adiectis, ad tumulum procedit.

Vt aut Velites in quarta, ita leues in quinta classe census à Seruio rege instituti, numerati videntur. Dionysius enim cum classes omnes quique in singulis censerentur, explicasset, hæc adscribit, αὐτὴ μὲν ἡ διαχόσμητις ἦν, ἡ τὸ πεζικὸν ἐκπληρῶσα τῶν τε φαλαγγιτῶν, καὶ τῶν ψιλῶν ἐράτευμα. id est, hi peditum ordines fuere tam legionariorum, quam leuis armaturæ. Censebantur igitur leues in classe, at in nulla ex quatuor, restat igitur, vt in quinta recenserentur.

Atque initio quidem leuis armaturæ milites ciues Romani fuere; postea, additis prouincijs imperio, ex exteris nationibus assumebantur. Legio enim, vt dixi, nulli nisi ciui Romano patuit. Hinc Hiero rex Siracusanus, apud Liuium ait: Milite atque equite scire se nisi Romano Latiniq̃ue nominis non vti populum Rom. leuium armatorum auxilia etiam externa vidisse. Sagittarij enim Numidæ fere, aut Cretenses fuere, præsertim post Numidam & Cretam deuictas: funditores verò Baleares, Hispania subacta.

Quamuis autem leuis armaturæ milites extra legionem militarent: tamen in cohortes & manipulos videntur fuisse distributi. Liuius lib. xxxi Turmatim equites, inuicemq̃ue manipulos leuis armaturæ aequatum ire, & prandere iubet. Cæsar libro III belli ciuil. initio. Sagittarios tria millia numero habebat, funditorum cohortes sex, mercenarias duas.

Libr. 8.

Fuere leues milites, vt Liuius ait, minimi roboris & fiducia in exercitu, ac spectatores pugnae potius, quam pugnatore, vbi enim leuibus armis ac procurfionibus ad pugnam hostes eliciuissent, in extremam aciem sese recipiebant. Hinc enim Liuius lib. 38. Consul, inquit, strata per tumulos corpora Gallorum ostentat, & cum leuis armatura tale praelium ediderit, quid a legionibus, quid ab iustis armis, quid ab animis fortissimorum militum expectari? Hi tamen aliorum periculis edocti, postea in mortuorum locum succenturiabantur. Quare quod leuibus armis ante pugnam procurrebant, Rorarii, Ferentarii, & Velati: & quod in defunctorum locum allegerentur, Adscripticii, siue Adscriptiui, & Adcensi vocati sunt. Festus in epitoma Pauli, Adscripticii veluti quidam scripti dicebantur, qui suppleendis legionibus adscribebantur, hos & Adcensos dicebant: quod ad legionum censum essent adscripti: quidam Velatos, quod vestiti inermes sequerentur exercitum: nonnulli Ferentarios, quod fundis lapidibusque proeliaturi, ea modo ferrent, quae in hostes iacerent: alij Rorarios, quod id genus hominum, antequam acies coirent, in modum rorantis tempestatis dimicaret.

Hæc eo loco Festus. idem verò alibi: Adcensi dicebantur, qui in locum mortuorum militum subito subrogabantur. Varro libro IV de lingua Lat. Adscriptiui dicti, quod olim adscribebantur inermes, qui succederent armatis militibus; si quis eorum deperisset. A sc
nius

nus ad li. i. Verrinarum: Adcensus nomen est ordinis & promotionis in militia, id est, ut ego quidem interpretor, quod ex eo ordine in quo militabant, ad alios ordines, in mortuorū locum promouerentur. Varro libr. IV. de l. l. Magister equitū, quod summa potestas huius in equites & adcensos. Vegetius lib 3. cap. 14. Quibus scuta deerant, siue lapidibus manu iactis, siue missilibus in hoc ordine dimicabant, quos Adcensos tanquam iuniores & postea additos nominabant. Idem l. 2. c. 19. Adcensos dicit additos postquam fuisset legio completa: suoq; tempore supernumerarios vocatos. De adcensis meminit etiam Liuius libr. VIII. eosque minimæ fiduciæ manum fuisse, & in postremam aciem reiectos ait. Libro autem primo quintæ classi additos scribit à Seruio Rege. & Festus: Velati appellabātur vestiti & inermes, qui exercitum sequebantur, quique in mortuorum militum loco substituebātur: ipsi sunt & Ferentarij, qui fundis ac lapidibus pugnabant, quæ tela feruntur, non tenentur. Idem alibi: Rorarios milites vocabant, qui leui armatura primi prælium committebant, quod ut ante imbrem fere rorare solet, sic illi ante grauem armaturam quod prodibant Rorarij dicti. Et Nonius. Rorarij appellabantur milites, qui, antequam congressæ essent acies, primo non multis iaculis inibant prælium: tractum, quod ante maximas pluuias cælum rorare incipiat. De Rorarijs etiam Varro meminit apud eundem Nonium libro 3. de vita pop. Rom. Rorarij appellati, quod imbris

fere primum rorare incipiat. & lib. VI. de I. I. Rorarij dicti à rore, qui bellum committebāt ante, ideo quod ante rorat, quam pluat. Linius tamen lib. 8. Rorarios ab Adcensis diuerfos fuisse significat: licet omnes ad leuem armaturam pertinerent. Lini. enim duos gradus videtur facere leuis armaturæ, vt alij Rorarij, alij essent Adcensi. Veget. libr. 3. etiam tertium addit Ferentariorum. credo quod singuli tres ordines diuersis armis, vterentur, fundis, missilibus, sagittis, &c. Nonius, Ferentarij, leuis armatura, quod quidquid opus esset, auxilio ferrent, excursu leui, armis grauibus non impediti.

Hæc igitur fuit leuis armatura Romanorum: in obsidione tamē Capuana paulum immutata ratio est. Cum enim Romanus equitatus inferior esset Cāpano equitatu, Q. Nauius centurio auctor fuit, vt ex omnib. legionibus iuuenes maxime vigore ac leuitate corporum veloces eligerentur; quos singulos in suos equos equites accipientes, assuefacerent & vehi post sese, & desilire perneciter; vbi datum signum esset.

Hic quoniā funda & lapidib. quæ leuium erat armatura, abiectis parmā & iacula acceperūt, quæ fere Velitum erant arma; & idem inter equites efficiebāt, quod velites inter pedites; ob quandam armorum munerumq; similitudinem, velites ipsi quoque nominati sunt, & in legione militare cœperunt, cum antea extra legionem, vt reliqua omnis leuis armatura, mererent. Nam hos velites, qui ad Capuam
sunt

sunt instituti diuersos fuisse ab ijs, qui inter Triarios, Principes, Hastatosque pugnarunt, Liuius ostendit l. xxvi cum de eorum institutione differit: Eis, inquit, parmæ breuiiores, quam equestres, & septena iacula quaternos longa pedes data, præfixa ferro. quale hastis velitaribus inest. Cum hastas nominat velitares, alios iam tum velites fuisse demonstrat, Hinc idem Liuius lib. xxx vias patentes inter manipulos antesignanorum velitibus (ea tunc leuis armatura erat) compleuit. Et lib. xxviii cum dixisset: Cū ternis peditum cohortibus, ternisq; equitum turmis, ad hoc velitibus in hostem ducebant: protinus addit: Eques, leuisque armatura, & velites circumductis alis in latera incurrebant: cohortes à fronte urgebant. Quo loco velitum nomine, leuē armaturam, velitesque comprehendisse apparet. Contra autem leuis armaturæ nomine, velites, auxiliaque peditum intellexit, Eques, inquit, leuisque armatura fatigabat: sed cū nunc equestria, nunc cum velitibus, auxilijsque peditum prælia consererent. Et libr. XLII. Dextro cornu præpositus C. Licinius Crassus cū omni Italico equitatu, velitibus intermistis. Sallustius in Iugurthina, cum equitibus permisti velites, quocumque accederent, equitatus hostium propulsarent.

De Equitibus Romanis.

CAP. IIII.

DEscriptis peditum ordinibus, res postulat, vt de Equitibus dicamus: qui quidem olim

Lib. 1.

olim post pedites, deinde ante pedites, ut Polybius ait, descripti sunt. Equites in legione, Romulus ipse legionis auctor instituit trecentos, denis equitibus opulentissimis quibusque; ac nobilissimis ex singulis triginta curijs selectis, quos in tres centurias descriptos, Ramnensium, Tatienfium, & Lucerum nomine distinxit, ut Liuius, Dionysius, Plutarchus, reliqui omnes tradidere. Atque hic fere numerus in legione seruatus est: licet quoque interdum, prout res postulabat, variatum legimus. Auctis pedestribus copijs, legioneque, uti diximus, geminata, equitum quoque numerus ab eodem Romulo, teste Plutarcho, duplicatus est, factique sexcenti. Tullus deinde Hostilius, diruta Alba, equitum decem turmas, ut Liuius ait, ex Albanis legit. Postea Tarquinius Priscus cum equitatu indigeret, ad tres Romuli centurias, tres alias sub iisdem nominibus adiecit, ut essent mille ducenti. Postremo Ser. Tullius, diuiso populo Romano, in sex classes, in prima classe octodecim centurias equitum maximi census instituit; duodecim ceterijs ad sex veteres adiunctis, ut Liuius, Dionysius, alijque narrant.

Hi equites initio Celeres dicti sunt, siue à celeritatis officio, siue à duce Celere, quem ijs Romulus præfecit: deinde Flexumines: postea Trossuli: tandem equites. Plinius libro XXXIII. cap. II. Equitum nomen, inquit, sæpe variatum est, in ijs quoque qui ad equitatum trahebantur. Celeres sub Romulo, regibusque appellati sunt, deinde Flexumines, postea Trossu-

Trosculi, cum oppidum in Tuscis citra Volturnos passuum nouem millia sine ullo peditum adiumento cepissent eius vocabuli, idq; durauit ultra C. Gracchum. Hæc Plinius, qui capite proximo, equitibus narrauerat equos militares nomen dedisse. Equites porro, vt Polybius ait, ex censu legebantur à censoribus, more iam inde à Tullio rege recepto, Censui autem equester videtur fuisse HS CD milliū, vt ex Suetonio in Iulio cap. XXXIII. colligitur, & Horatio, qui epistola prima ait:

*Si quadringentis, sex, septem millia defunt,
Plebs eris.*

His equitibus equi de publico assignabantur, atque ad eos emendos dena millia æris ex publico data: ad eos autem alendos Seruius viduas attribuit, quæ, vt scribit Liuius, in annos singulos bina millia æris penderent. Cetera verisimile est suo sumptu equites exsecutos, donec ijs etiam vt peditibus stipendia de publico persoluta sunt, vt infra dicetur. Hinc equi publici nomen à scriptoribus usurpatur, cum equitem Rom. significare volunt, quod equus ille de publico à censoribus, vt diximus, assignaretur. Varro lib. I. de Analogia: Equū publicum mille assariū vocat; quo nomine forte stipendium aliquod intelligit alendi vel emendi equi causa de publico constitutum. Assarius enim veteribus as fuit, vt scribit Charisius lib. I. Liuius libr. XXXIX. P. Aebutius, cuius pater publico equo stipendia fecerat. & mox: S. C. factum est, vt P. Aebutio

butio emerita stipendia essent, neue inuitus militaret, neue censor ei equum publicum assignaret. Et lib. V. Repente quibus census equester erat, equi publici non erant assignati, equis se suis stipendia facturos promittunt.

Atque hi equites equo publico fuere, qui equestrem ordinem, tertiam ciuitatis Romanæ partem, senatus seminariū explere. Valerius li. ii. c. IV. Equestris quoq; ordinis bona magna; pars, C D iuuenes censoriam notam patienti animo sustinuerunt: quos M. Cornelius, P. Sempromius, quia in Sicilia ad munitionum opus explicandum ire iussi, facere id neglexerant, equis publicis spoliatos in numerum arariorum retulerunt. hæc Valerius, qui equites equo publico equestris ordinis fuisse dicit. Idem equos publicos equitibus ijs ademptos ait, qui post Cannensem cladem ex Italia profugere coniurauerant. quos Liuius lib. XXVII. equestris ordinis fuisse narrat. Et Cicero Philippica VI. Altera, inquit, statua est ab equestribus Roman. equo publico, qui item adscribunt; Patrono. quem vnquam iste ordo patronum adoptauit? Si quemquam, debuit me. Quæ cum dicit, ordinem equestrem sine dubio significat, quo se natum, quemque cum Senatu consul reconciliaffe, plurimisque decretis ornasse vbique gloriatur. Plinius quoque equites Romanos, quos annuli, medium ordinem tertiumque plebi & patribus inferuere, ab equis publicis equites primum, deinde à censu Iudices ait appellatos.

Sat igitur, opinor probatum est, Equites equo publico equestrem ordinem fuisse, qui in ciuitate Roman. Senatoribus opponeretur. Idem in legione peditibus videntur oppositi.

Valerius enim Priscum Regem equestrem ordinem vberiore reliquisse nariat libr. III. capit. IV. at is, vt supra demonstratum est, tres equitum centurias à Romulo institutas auxit, & sex fecit. nequē dubitari potest, quin equitum illæ centuriæ peditibus in legione responderint: cum id Dionysius lib. vndecimo, diserte scribat: Romulus, inquit, trecentos viros ex clarissimis familijs robore præstantissimos selegit, ex singulis curijs denos, quos circa se perpetuo habuit. hi in bellis sæpe strenuè se gesserunt, cum primi prælium inirent, vltimi confecto prælio excederent; & modo equis, modo peditibus, prout loci natura postulabat, pugnarent. Has igitur centurias, Valerius, vt apparet, equestre ordinem appellauit. Demonstrat hoc ipsum Cic. Philippica prima, qui in legē Antoni, quæ ad duas decurias Senatorum & equitum (hi enim soli lege Cælaris, vt Suetonius, & Dio scribūt, eo tempore iudicabant) tertiam decuriā centurionum in rebus iudicandis adiungebat, ita disputat. At quæ est, ista tertia decuria? Centurionum, inquit. quid? isti ordini iudicatus lege Iulia, etiam ante Pompeia, Aurelia non patebat? Censui præfiniebatur, inquit, non centurioni quidē solum, sed equiti etiam Rom. itaq; viri fortissimi atq; honestissimi, q
ordi-

*In Pison.
cxv.*

ordines duxerunt, res & iudicant & iudicaue-
runt. Non quero, inquit, istos: quicumq; ordi-
nē duxit, iudicet. atq; si ferretis quicumq; equo
meruisset, quod est laudatius, nemini proba-
retis: in iudice enim spectari & fortuna de-
bet, & dignitas. Hæc Cicero. quibus satis per-
spicuè demonstrat, quicumque equo meruif-
set, equestrem ordinem, licet non decuriam
iudicum expleuisse. Leges enim Aurelia, Põ-
peia, & Iulia non ordinem solum in iudice,
sed etiam censum spectari iuebant. Pompeia
enim, ut scribit Asconius, amplissimo censu è
centurijs iudices legebat. itaque ijs legibus,
ne equites quidem omnes iudicare poterant,
sed ij duntaxat, qui inter equites censu essent
amplissimo. M. autem Antonius leges illas
immutare volebat, ferebatq; ut omnis cen-
turio, quocunque demum censu esset, iudica-
ret. Cuius legis iniquitatem ut ostenderet
Cicero, illud usurpat, multo laudatius fore
(quod tamen nemini probarum iri dicit) si
quicumque omnino eques Rom. esset iudica-
ret, quam si quicumque ordines duxisset: cum
in equite Rom. non solum fortuna sit (mini-
mus enim census equester HS CD millium
fuit) sed etiam dignitas; quod secundum in
ciuitate dignitatis locum obtineret: Centu-
riones vero plerumq; è plebe. & infimæ clas-
sis censulq; esse possint. Cum igitur ait Ci-
cero, Quicumque equo meruisset, ostendit,
nullos præterea alios equites Romanos fuisse,
quam qui in legione militarent; Ex quibus
& ordo equeller, & iudicum cepturiæ exple-
rentur.

sentur. Præterea quos equo publico, ordinis-
 que equestris iuvenes à censoribus notatos
 Valerius dixit, eos Frontinus l. 4. c. 1. Stratag.
 legionarios equites fuisse significat: Aure-
 lius, inquit, Cotta Cos. cum ad opus equites
 necessitate cogente iussisset accedere, eorum-
 que pars decretaisset imperium; questus ap-
 ud censores effecit, vt notarétur à patribus;
 deinde obtinuit, ne eis præterita æra proce-
 derent. Hinc equus publicus, militaris est di-
 ctus, teste Plinio, qui lib. XXXIII. ca. 1. nomen
 equestri ordini, vt equites dicerentur, equos
 militares dedisse scribit, diuq; nomen illud
 in turmis lequorum publicorum constitisse:
 postea Iudices ab ordine iudicandi nomina-
 tos; neq; iam, vt antea, equis publicis & mili-
 taribus, sed annulis censuq; à patribus & ple-
 be distinctos. Asconius etiam in Diuinatione
 equestrem ordinem, cum quo senatores iudi-
 cia, lege Cottæ, exercebant, equites militares
 vocat, cum ait populum Rom: à Sulla victo-
 re iudicandi iure spoliatum, quod habuit per
 equites militares. Quid? cum idem Plinius, Fe-
 stusque Romanos equites Trossulum Tusco-
 rum oppidum sine vlllo peditum adiumento
 cepisse narrant, nonne aperte significant, eos
 equites fuisse legionarios, peditibusque in ac-
 cie oppositos? Hinc Perseus Rex, cum equestri
 proelio Romanos vicisset, eam victoriam his
 verbis apud Liuium extollit: Præiudicatum
 euentum belli habetis: meliorem partem ho-
 stium, equitatu Rom. quo inuictos se esse glo-
 riabantur, fudistis. equites enim illis princi-
 pes in-

Libr. 42.

pes iuuentutis: equites seminarium Senatus inde lectos in patrum numerum consules, inde imperatores creant. Liuius etiam ipsos equites procures iuuentutis, honore & dignitate peditibus præstitisse ait. Sic enim scribit li. I. Ad equites Dictator aduolat, obtestans, ut fesso iam pedite descendant ex equis, & pugnam capeffant, dicto paruere, defiliunt ex equis, prouolant in primum, & pro antesignanis parmas obijciunt. recipit exemplo animum pedestris acies, postquam iuuentutis procures, æquato genere pugne, secum partem periculi sustinentes vidit, Et li. III. Consul aduolat ad equites: agite iuuenes, inquit, præstate virtute peditum, ut honore atque ordine præstatis. li. IX. dati obsides dicuntur equites sexceti, qui mox Principes Romanæ iuuentutis appellantur. Itaque ob hanc causam ad opus coacti non videntur, ut ex Valerio, & locis proxime citatis colligitur. Vegetius lib. III. cap. VIII. Omnes equites, & pars peditum, qui non operantur dignitatis priuilegio, ante fossam in procinctu armata consistit.

Concludamus igitur, Equites omnes qui in legione militarunt equestris ordinis fuisse, & equo publico meruisse. Quamquam nonnullos etiam priuatis equis stipendia fecisse legimus apud Liuium l. XXVII. Illis omnibus, inquit, adempti equi, qui Cannensium legionum equites in Sicilia erant: addiderunt acerbitati etiam tempus, ne præterita stipendia procederent ijs, qui equo publico meruerant, sed dena stipendia equis priuatis facerent.

Quibus

Quibus verbis significat alios præterea legionum equites fuisse, qui priuatis equis militarent. Hos autem ego fuisse puto, qui ordine centuq; cum essent equestri, tamen à censoribus adhuc lecti non erant. hos enim verissimile est, cum ad bellum proficiscerentur, suis equis stipendia fecisse, quoniam publici à censoribus non essent assignati. Interdum etiam ignominie causa, publicis equis adëptis, suis equis, aut etiam pedibus militare cogebatur; ut alibi dicitur. Illud quoq; in hoc genere obseruandū est, vbi quis eques esse desisset (quod accidebat, cū gesto aliquo magistratu in senatum à censoribus legebatur) eundem non statim publicum equum amisisse, sed in eorum potestate fuisse, vtrum retinere vellet, an relinquere ante senectutē: aut potius coacti videntur retinere. Suet. n. c. 38. Scribit Augustū reddendū equi gratiam fecisse ijs, qui maiores annis 35 retinere eum nollent. Itaque de Salinatore & Nerone (quos ac tātos viros quis credat à nullis censoribus lectos in Senatū; cum de Nerone dicat Liuius lib. 27 eum longe ante alios ciues præstitisse?) narrat idem Liuius l. XXIX. in extremo eos iam consulares, & triumphales, & censores equum publicum habuisse. Valerius autem li. ii. c. IV. propter robur ætatis ex equitum numero adhuc fuisse tradit. Pompeium quoq; narrat Plutarchus, cū primum consul esset, ad censores Lentulum & Gellium equum manu ducentem, ut in censu equitū mos erat, venisse; atq; ab ijs ex ordine interrogatum, legitima à se omnia stipendia se imperatore confecta respondisse.

Hi equites igitur Legionarij dicti sūt, quod in legione, vti dixi mererent. Diuidebantur autem equites trecenti in termas decem, quas Polybius *τάλας* appellat: turmę deinde singulę in tres decurias tribuebantur. Quod si maior, aut minor equitum multitudo fuisset, verisimile est, numerum quoq; in decurijs turmisque proportionē vel auctum vel imminutum. Singulis autem decurijs singuli Decuriones pręerant, vt infra dicemus. Hirtius de bel. Afric. Cum ante portam turma densa adstitisset, scorpione accuratius misso atque eorum decurione percusso, reliqui perterriti fuga se in castra recipiūt. Var. l. lV. de lingua lat. turma, terma est, e in u abiit, quod ter deni equites ex tribus tribubus Tatiensium, Ramnensium, & Lucerum fiebant. itaq; primi singularū decuriarum Decuriones dicti, qui ab eo in singulis turmis sunt etiam nunc terni. Eadem ex Curiatij sententia verbis ijsdem docet Festus.

Romani, si Festo credimus, duobus equis in proelio sunt vsi, vt ex fesso in recētem infili-rēt. sic enim ait paribus equis, id est, duob. Romani vtebātur in pręlio, vt sudāte altero trāsirent in siccū. Et alibi: Pararium & appellabatur id, quod equitibus duplex pro binis equis dabatur. Liu. de Numidis hoc narrat lib. XXIII. Numidis desultorum in modum binos trahentibus equos, inter acerrimam sępe pugnam in recentem equum ex fesso armatis transultare mos erat: tanta velocitas ipsis, tamque docile equorum genus, &c.

Eodem tempore, quo Romæ ciuium delectus habebatur, Consules teste Polybio, confœderatis Italiæ ciuitatibus, vnde sociorum auxilia petere volebant ex S. C. numerû militum imperabant, & diem locumque edicebant, quo conuenire deberent. Liuius libr. III. Hernici & Latini iussi milites dare ex fœdere. Et libr. XXII. Ad socios latinumque nomen ad milites ex formula accipiendos mittunt. & libr. XXXIV. Minucius Cos. Socijs & Latini nominis magistratibus, legatisque eorum, qui milites dare debebant, edixit, vt in Capitolio se adirent. Socij, delectu in suis ciuitatibus habito, sacramentoque dicto, cum præfecto, & altero qui stipendia militibus penderet, ad Consulem, Imperatorem ve Roman. proficiscebantur, vt scribit Polybius. Hinc Dio libr. L. vt nouum & inusitatum notat, quod bello ciuili Antonius, & Augustus socios apud se sacramenta dicere coegerint.

Porro sociorum in singulis legionibus numerus, teste Polybio, peditum quidem par fuit Romanorû: equitum vero duplo maior. Hinc Liuius libr. VIII. Scribebantur quatuor fere legiones quinis millibus peditum, equitibus in singulas legiones trecenis. alterum tantum ex latino delectu adijciebatur. & libr. XXII. Socij duplicem numerum equitum darent, pedites æquarent. & libr. XLIV. consul VII. millia ciuium Rom. & equites CC scri-

bere iussus; & Socijs latini nominis VII mil-
lia peditum imperare, C D equites. Velleius
li. II. cum exponeret Italicorum querelas, qui
Romanam ciuitatem petebant, sic eos loquen-
tes facit: Per omnes annos & omnia bella, du-
plici numero se militum equitumq; fungi. Id
tamen non semper obseruatum est, vt ex Li-
uiana historia cognoscitur. nam interdum
peditum numerus duplicatus est, equitum ve-
ro triplicatus. Liuius l. XXI. Sempronio datæ
legiones duæ, ea quaterna millia erāt peditū,
& treceni equites. Sociorum XVI. millia pe-
ditum, equites M D C C C. & alibi sæpe. Hinc
præceptum illud Liuij l. XXV. cum P. Scipio-
nē à socijs quos multo plures in exercitu ha-
buit, proditum scripsisset: Id quidem inquit,
cauendum semper Rom. ducibus erit, exem-
plaq; hæc vere pro documētis habēda, ne ita
externis credāt auxilijs, vt non plus sui robo-
ris, suarumq; proprie viriū in castris habeāt.

Vbi igitur ad Imperatorem socij peruenis-
sent, Præfecti aptissimos quosq; ex ijs Impera-
toris obsequio destinabant, peditum quidem
quintam partem, equitum vero tertiā. qui om-
nes Polybio teste, extraordinarij dicti sunt.
Reliqua sociorum multitudo duas in partes
diuisa, dextrum & sinistrum cornu appella-
batur, quod fere in cornibus instruerentur.
Liu. l. 37. Romani mediam aciem, cornua lati-
ni tenuerunt. Eandem ob causam Alæ &c. Liu.
l. 27. peditum etiam prima legio, & dextra ala
præliū inibant. Alæ quoq; dictæ vidētur, quia,
vt ex Cincio tradit Gellius l. XVI. c. IV. circū
legiones dextra, sinistraq; parte tanquam alæ

In auium corporibus locarentur. Liui. l. XXXI. Dextera ala (in alas diuifum socialem exercitum habebat) in prima acie locata eft. Et lib. XXXIV. Adeo turbati erant dextræ alæ equites, peditesque, vt quosdam consul manu ipse reprehenderit. Et li. XXXV. sinistra sociorum equitum ala, & extraordinarij prima in acie pugnabant. Et mox sinistra ala ex prælio subducta eft, dextra in primam aciem subiit & l. XL. Egregiæ legiones, nec segnius duæ alæ pugnabant. Hinc equites alarij legionarijs opponuntur, hi enim Rom. vt ostensum eft, fueres illi sociorum. Liuius li. XXXV. Consul C. Liuium Salinatorem, qui præerat alarijs equitibus, quam concitatissimos equos immittere iubet: & legionarios equites in subsidijs esse. Et li. XL. Legionarij equites detractis frenis, bis vltro citroque cum magna strage hostium, infractis omnib. hastis, transcurrerunt. Et alarij equites, postquam Rom. equitum tam memorabile facinus videre, &c. Cæsar l. i. belli Gallici in extremo. Omnes alarios in conspectu hostium pro castris minoribus constituit; quo minus multitudine militum legionariorum, pro hostium numero valebat, vt ad speciem alarijs vteretur. Hi equites in turmas videtur diuisi, non secus atque legionarij. Liuius l. XXIII. M. Statilium Præfectum cum turma Lucanorum exploratum misit. Et li. XL. M. Fuluium fratrem cum duabus turmis sociorum equitum ad castra hostium speculatum misit. Pedites in cohortes similiter videtur ordinati: vnde auxiliares & alariz cohortes dictæ, legionarijsque

rijsq; opposita. Cæsar li. i. bel. ciu. Quare cognita, crebras stationes disponunt equitum, & cohortiũ alariarũ; legionariasq; interijciunt cohortes. & l. 2. ciu. Delectum habuit tota prouincia: legionibus completis duabus cohortes circiter triginta alarias addidit. vbi cohortes factas in prouincia notat Alarias, dixerat. n. li. i. Varronem missum in prouinciam cũ duabus legionibus. Liuius l. X. Sp. Nautium mulos; detractis clitellis, cum cohortibus alaribus in tumultũ circumducere iubet. Et paulo post, D. Brutum Scæuam legatum cum legione prima, & viginti cohortibus alaribus equitatuq; ire aduersus subsidium hostium; iussit. Cæsar l. i. ciuil. Duabus auxiliaribus cohortibus Ilerdæ præsidio relictis. Tacitus lib. III. Histor. Prætorianum vexillum proximũ tertianis: cohortes auxiliorum in cornibus. Liuius etiam legionem nominat sociorum lib. XXXVII. Duæ legiones Romanæ; duæ sociũ ac latini nominis erant. Rom. mediam aciem, cornua latini tenuerũt. Extraordinarij quoq; pedites quidem in cohortes, equites vero in turmas diuisi videtur; ac proportionem ad alam dextram & sinistram adiuncti. Liuius l. XXVII. Cedere inde ab Romanis dextra ala, & extraordinarij cepere. Et li. XXXV. sinistra sociorũ ala, & extraordinarij prima in acie pugnabãt. Et lib. XL. Flaccus luce prima C. Scribonium præfectum sociũ ad vallum hostium cum equitibus extraordinarijs sinistræ alæ mittit. Et li. XXXIV cohortium meminit, cohors extraordinaria missa à consule ad tuendam Quætoriam.

toriam portam. Et mox: Eodem tempore & quarta legio cū duabus extraordinarijs cohortibus porta erupit. & lib. XL. Quatuor extraordinarijs cohortibus duas adiunxit.

De supplementis. CAP. VI.

QVoniam autem in bello multi aut vulneribus, aut morbis cadebant, ne ordines infrequentia militum dissoluerentur, habuere semper Imperatores in castris multos, quos in locum legerent de mortuorum, qui propterea ad censi, & ad scripticij sunt, & adoptati vel optiones appellati: quemadmodū cum de leui armatura diserebamur, ostendimus. Transcriptos quoque dictos scribit Isidorus lib. IX. Transcripti vocantur, cum de alia in aliam legiōē transeunt: & inde transcripti, quia nomina dant, ut transcribātur. Hi autem à centurionibus centuriabantur. Varro li. III de vita pop. Rom. apud Nonium. v. optiones. Referentibus centurionibus adoptati in cohortes subibant, ut plenæ essent legiones: a quo optiones in turmis decurionum, & cohortibus centurionum appellati. Quod si tam multi cecidissent, ut non facilè ex ea multitudine, quæ versaretur in castris, mortuorū numerus suppleri posset, aut ex duabus legionibus vnā faciebant, quæ legiones propterea Gemellæ sunt appellatæ, ut scribit Dio lib. LV. aut supplementum à Senatu petebāt. Cæf. lib. III. Ciuil. legionem ex Sicilia veteranam traduxerat, quā factā ex duabus Gemellam appellabat. Et mox magnum numerum ex Thessalia supplementi nomine in legiones

giones distribuerat. Liuius lib. xxvi. Exercitus ciuium, sociorumque minui iussus, ut ex duabus legionibus vna legio quinque millia peditum, & trecenti equites essent, dimissis, qui plurima stipendia haberent. Et libro xlii M. Iunius, & Sp. Lucretius, quibus Hispaniæ prouinciæ obuenerant, fatigato sepe idem petendo Senatu, tandem peruicerunt, ut supplementum sibi ad exercitum daretur tria millia peditum, centum & quinquaginta equites in Romanas legiones: in socialem exercitum quinque millia peditum, & trecentos equites imperare socijs iussi. Et lib. xliii In utramque prouinciã, quod res desideraret, supplementi decerni placuit. In Macedoniam peditum Rom. sex millia, sociorum nominis Latini sex millia: equites Rom. CCL socios CCC. veteres milites dimitti: ita ut in singulas Romanas legiones, ne plus sena millia peditum, CCC equites essent. alteri consuli nullus certus finitus est numerus ciuium Rom. quem in supplementum legeret: id modo finitum, ut duas legiones scriberet, quæ quina millia peditum & ducentos haberet, equites trecenos. Frontinus libro iv. cap. i. Aratag. C. Curio Cos. nullis precibus exorari potuit, ne eius legionis, quæ militiam detrectauerat, signa submitteret, nomenque aboleret: milites autem in supplementum cæterarum legionum distribueret. Milites, qui in supplementis erant, in cohortes videntur distributi, quæ propterea subsidiariæ dictæ sunt, quod subsidio quocunque esset opus
mit-

mitterentur. Linius libro IX. subsidiarias cohortes, quæ integræ ad longioris pugnae calus reservabantur, in primam aciem misit.

De cohorte Prætoria.

C A P. VII.

HI fuere igitur, tum legionum, tum auxiliorum ordines & discrimina. Cohors Prætoria in legione non numerabatur, neque in hastatos, aut principes, aut triarios diuidebatur. Fuit autem electa manus militum ac familiarium ducis, qui circa eum pugnant, neque ab eo discedebant. Prætoria vero dicta est, quod veteres, Asconio teste, omnem magistratum, cui pareret exercitus, Prætozem appellaret. Cohortem Prætoriam circa se primus habuisse P. Africanus traditur à Fello: cum ait: Prætorja cohors est dicta, quod à Prætoze non discedebat: Scipio enim Africanus primus fortissimum quemque delegit, qui ab eo in bello non discederent, & cætero militiæ munere vacarent, & sescuiplex stipendium acciperent. Sed tamen multo ante Africanum cohortis prætoriz mentio apud Lium reperitur: is enim libro II ita scribit, Dictator Postumius cohorti suæ, quam delecta manu, præsidij causa circa se habebat, dat signum, ut quem suorum fugientem viderent, pro hoste habeant. Neque aliud nisi cohortem prætoriam videtur intellexisse Plutarchus, cum laboranti Coriolano Cos. scribit ex ijs, quos

laboranti Coriolano consulem scribit ex ijs quos circa se habebat, fortissimos auxilio misisse. Dicit tamen posset prætoris cohortis honores, ut muneribus vacaret, & sesquiplext stipendium acciperet, ab Africano primum institutos, aut quod verius puto, ipsum euocatorum manum circa se habere cœpisse, cum antea sociorū extraordinarijs duces reliqui essent vsi. Scribit enim Liuius libro **xxix** initio: Scipionem ex voluntarijs militibus trecentos iuuenes florentes ætate, & virium robore insignes circa se habuisse.

Cohors prætoria duo hominum genera videtur comprehendisse: euocatos siue voluntarios, & extraordinarios; hi socij fuere à suis præfectis uti diximus, Imperatoris obsequio attributi; illi verò etiā ciues, aut sponte militiam secuti, aut nominatim honoris virtutisque causa ab Imperatore euocati. Neque tamen omnes extraordinarij videntur in cohorte prætoria fuisse, nam ex ijs eligi quosdā solitos narrat Polybius, qui eis præcipuum quoque locū assignat in castris. Scipio autem ex omnibus voluntarijs solum trecentos elegit.

Quāvis autem cohors prætoria diceretur, longe tamen plures milites videtur habuisse, quam reliquæ ordinariæ cohortes. Cæsar enim decimam legionem sibi cohortem prætoriam electurum pollicitus est, si aliæ non sequerentur, ut ipse ait, libr. **i.** belli Gallici, aut etiam elegit, ut Dio testatur lib. **xxxviii**. Appianus etiam in Libyca Scipionem in extrema pugna cum Hanibale, duo millia circa se ha-

se habuisse dicit electorum militum. Habuit autem prætoriam cohortem equites peditesque. Hinc, cum teste Iosepho lib. III. cap. III. quod etiam modo ex Polybio docuimus: Cæsar ad colloquium cum Ariouisto proficiscens, omnibus equis Gallis equitibus detractis, legionarios eo milites legionis decimæ, quam se cohortis prætorie loco habiturum edixerat, imponeret, quidam ex militibus decimæ legionis dixit, ut ipse Cæsar refert, plus quam pollicitus esset, Cæsarem facere; pollicitum esse in cohortis prætorie loco decimam legionem habiturum, ad equum rescribere. Dio lib. LV. in cohorte Prætorie Augusti dicit fuisse peditum x millia in partes decem diuisa; equites præterea extraordinarios & euocatos. Non igitur omnes ex cohorte prætorie equites fuere, fuisse tamen equites aliquot ostendit in Iugurthina Sallustius, Consul, inquit, cum turma sua, quam ex fortissimis magis, quam familiarissimis parauerat, vagari passim, &c. Equites enim in cohorte videntur fuisse, ut ex eo Sallustij loco colligitur, Imperatoris amici ac familiares, qui etiam in contubernio fuisse dicuntur. Cicero epist. I. ad Fratrem. Quos aut ex domesticis conuictoribus, aut ex necessarijs apparitoribus tecum esse voluisti; qui quasi ex cohorte prætoris appellari solent. & in Cæliana: Cælius in Africam profectus est Q. Pompeio Procons. contubernalis. & in Planciana: Hic adolescentulus cum A. Torquato profectus in Africam, sic ab illo dilectus est, ut & contubernij necessitudo, & adolefca-

olescentuli modestissimi pudor postulabat. Sallustius in Iugurthina, filium Metelli Procol. in Africa contubernio patris militasse narrat.

Eos autē, qui in contubernio Imperatoris fuere (quod idem de tota cohorte videmur affirmare posse) in legione non numeratos, ac præcipuos habitos fuisse, Frontinus ostendit li. i. v. c. i. stratagem. Q. Metellus, & P. Rutilius Coss. inquit, cum secundum leges in cōtubernio suo filios possent habere, in legione milites fecerunt.

Atque hæc quidē de prætoria cohorte dicta sufficiant. Alię præterea prætorię cohortes sunt ab Imperatoribus institutę, quę ad hunc locum non spectant.

*De alijs generibus hominum, qui castra
sequerentur,*

C A P. VIII.

PRÆter milites autem alia multa genera hominum legebantur, qui vel militiam honestarent, vel militibus ministrarent. Primo igitur armorum machinarumque opifices ac fabri fuere, qui machinas in bello ferrent, & reliqua ad urbium expugnationem necessaria efficerent, viasque munirent. Hos Servius Rex duas in centurias seniorum, iuniorumque distributos primę, ut Liuius ait, classi, vel, ut Dionysius tradit, secundę attribuit, & sine armis stipendia facere iussit.

Adcensitem, Cornicines, Tubicines, cæterique ab eodem Seruio tres in centurias,
testis

æste Liuiο, vel in duas, vt vult Dionysius, iuniorum ac seniorum distincti, quartæ, vel quintæ classi (in hoc etiam scriptores dissentiunt) adiuncti sunt. Sequebantur præterea Agasones, Muliones, Calones, Lixæ, ceteriq; militum ministri. Frontinus libro II. cap. IV. Marcellus cum vereretur, ne paucitatem eius militum clamor detegeret; simul lixas, calonesque, & omnis generis sequelas conclamare iussit. Et in eodem libro: C. Sulpitius Petreius Cos. contra Gallos dimicaturus, iussit muliones clam in montes proximos cum mulis abire. Item: Marius Marcellum cum parua manu equitum peditumque noctu post terga hostium misit, & ad implendam multitudinis speciem agasones, lixasque armatos simul ire iussit. Quid autem à calonibus lixæ differant, docet Acron ad Satyræ secundam Horatij: Calones, inquit, sunt ministri militum liberi homines: Lixæ verò sunt serui proprii eorundem. Et Porphyrio ibidem. Calones dicuntur à calando, quod vocent ad ministerium: nonnulli à Kalendis putant, quod eo die cibaria accipiant.

Seruius ad initium libri VI. ita scribit: Calas dixerunt prisci fastes, quos portabant serui sequentes dominum ad prælium: unde & Calones dicebantur. nam consuetudo erat militis Romani vt arma sibi portaret, & vallum, id dicebant Calam. Eadem ferè leguntur apud Festum. Nonius autè eos ligna militibus subministrasse ait. Vetus glossariù Calones, militum galearios interpretatur.

Vege.

Vegetius tam lixas quam calones galearios exponit libr. 1. cap. 10. l. 3. ca. 6. De Lixis verò idem Nonius ita scribit: Lixarum proprietas hæc est, quod officium sustineant militibus aquæ vehendæ: lixam namque veteres aquam vocauerunt. Et Festus: Lixæ, quod exercitum sequuntur quæstus gratia, dicti, quod extra ordinem sint militiæ, eisque liceat quod libuerit, alij eos à Licha appellatos dicunt, quod & ille Herculem sit secutus. quidam à liguriendo quæstum. Quibus verbis Lixas liberos homines fuisse significat, contra quam docet Acron. Lixas quoque à seruis diuersos fuisse, vtrumque autem genus hominû in castris versari solitû Sallustius ostendit, qui Metellum edixisse ait: ne Lixæ exercitum sequerentur, ne miles gregarius in castris, neue in agmine seruum aut iumentum haberet, cæteris arctè modum statuisset.

in Iugurthina.

Mercatores quoque, cæterosque qui res venales haberent, in castris fuisse Sallustius idem ostendit, qui de exercitu Metelli luxuria corrupto scribit in Iugurthina, milites prædam cum mercatoribus vino aduectitio, & alijs talibus mutasse: Metellumque edixisse: ne quisquam in castris panem, aut quem alium coctum cibum venderet. Hinc Cæsar lib. VI. Ut qui sub vallo tenderent mercatores, recipiendi sui facultatem non haberent. Calones quoque centuriatos fuisse, & impedimentorum curam habuisse tradit Vegetius lib. III. cap. VI. Veteres, inquit, ad exemplum militum, etiam impedimenta sub quibusdam signo

signis ordinanda duxerunt. denique ex ipsis caloniibus, quos Galearios vocant, idoneos ac peritos vsu legebant, quos non amplius quam ducentis sagisfarcarijs puerisque præficerent, hisque vexilla dabant, vt scirent, ad quæ signa deberent impedimenta colligere. Calones quoque, cum opus fuit strenue pugnasce docet Iosephus lib.III. de bello Iudæico, cap.III vel VI. *θεράποντας* videtur appellare.

De signis Militaribus.

C A P. IX.

Militibus igitur in ordines descriptis, ex ærario signa à Quæstoribus promebantur, & vnicuique ordini suum signum attribuebatur, vt scirent milites, ad quem ordinem in tumultu sese aggregare deberent. Liuius lib.III. Hæc omnia adeo mature perfecta accepimus, vt signa eo ipso die à Quæstoribus ex ærario prompta delataq; in campum, quarta diei hora mota ex campo sint. Et lib. IV. Signa ex ærario prompta feruntur ad Dictatorem. Et lib.VII. Signa eodem Quæstores ex ærario deferre iussit. Dionysius libro X. Quinctius signa proferri iussit: *ἐκ τῶν ἱερῶν*, .i. ex templis (ærariū. 2. in tēplo Saturni fuit) Totius legionis signum Aquila fuit, præcipuo quodam augurio consecrata, vt Seruius & Isidorus tradunt, quod Iuppiter ad bellum contra Saturnum, siue Titanas egrediens, visa aquila victoriam consecutus esse dicatur. Hinc Tacitus lib. II Annal. Interea pulcherrimum

lib. 9. Iouis armiger, & Isid. li. 18. cap. 3.

augurium, octo aquilæ petere silvas, & intrare viſæ, Imperatorem aduertere exclamat, i-
rent, ſequerentur Romanas aues propria le-
gionum nomina. Hæc aquila non picta fuit,
ſed ex ſolido auro expreſſa, quæ in ſacello
quodam, ſiue tabernaculo collocata, hæc æ-
impoſita, cuius ima pars eſſet præpilata, ab
aquilifero ferebatur, vt ſcribit Dio libro IX.
ἐς δὲ, inquit Dio, ναῖσκος μικρὸς, καὶ ἐν αὐτῷ ἀε-
τὸς χρυτοὺς ἐνίδρυται, καὶ ἐν πᾶσι τοῖς ἐκ τοῦ κα-
ταλόγου στρατοπέδοις, καὶ αὐτῶν εἰς ἀνὴρ ἐπὶ δόρα-
τος μακροῦ ἐς ὃν τοῦ εὐρακὸς ἀπηγμῶμου, ὡς
καὶ ἐς τὸ δάπεδον καταπήγνυται φέρεται. Auream
verò aquilam fecere, quia, vt ait Plinius, lib.
XXXIII. capite III longius fulget. Cicero i
Catil. ſcio pactam & conſtitutam eſſe cum
Manlio diem; à quo etiam aquilam illam au-
ream, cui domi tuæ ſacrarium ſcelerū tuorū
conſtitutum fuit, ſcio eſſe præmiſſam. Eam
verò aquilam bello Cymbrico C. Marius ha-
buiſſe dicebatur, teſte Salluſtio.

Dio tamen in eodem loco auream fuiſſe
ſignificat. Habuit tamen fulmina aurea, vt
idem ſcribit Dio lib. XLIII quæ pedibus ſu-
ſtinebant. Obſequens; C. Cæſare M. Lepido
Coſſ. Decimæ legionis aquilæ Cn. Pompeij
filio, quæ fulmina tenebant, viſæ dimittere,
& in ſublime auolare. Hoc aquilæ ſimula-
chrum paruulum videtur fuiſſe: nam, vt ſcri-
bit Florus libr. IV. Signifer quidam aquilam,
priuſquam in manus hoſtium veniret; euulſit
mer-

mersamque inter balthæi sui latebras gerens, in cruenta palude delituit. ex quo intelligimus paruulam fuisse, quæ balthæo occultari posset. Quod si plures fuissent legiones, singulæ separatim suas aquilas habuere. Tacitus libro I. Annalium. Postremo eo furoris venere, ut tres legiones miscere in vnam agitaauerint, depulsi æmulatione, quia suæ quisque legioni eum honorem querebant, alio vertunt, atque vna tres aquilas, & signa cohortium locant. Cuiusque tamen legionis aquila videtur nota aliqua, à cæteris distincta, ut agnosci posset Tacitus ibidem. Inter cædem prædamque reperit vndeicesimæ legionis aquilam cum Varo amissam, ergo vel numerum, vel aliquam notam aquila habuit, qua vndeicesimæ legionis eam esse cognitum est: cum tres legiones à Germanis cæsæ fuissent. Aquilam qui ferebat in prælio, aquilifer dictus est, eius custodiæ præfuit Primuspilus centurio. Valerius libro I. cap. VI. Aquilarum altera vix conuelli à primipilo potuit. Vegetius quoque libro II. cap. IX. Primipili centurionem aquilæ præfuisse narrat. Id certe in legione munus honestissimum fuisse significat Dionysius libro X.

Præter Aquilam quatuor alia signa, ut ait Plinius lib. 10. cap. 4. in legione fuere, Lupus, Minotaurus, Equus, Aper, siue Porca: quorū solidæ effigies item ex argento præferebantur, quare signa appellantur. Plinius enim

lib. XXXIII argenti colorem militaribus signis familiarem esse dicit, quod longius fulgeret. Liuius lib. XXVIII & procul signa legionum fulgentia vidit. Tacitus lib. 15. Hinc agmina legionum steterē fulgētibus aquilis, signisq; & simulacris Deū in modum templi. Hæc signa nullius ordinis propria videntur fuisse, sed ornatus causa adhibita, quæ aquilam comitarentur. Nam quod Plinius lib. X. cap. IV aquilam cum quatuor alijs singulos ordines anteisse scribit: ordinum nomine, ut videtur, legiones intelligit. Minotauri signū in legione adhibitum est, ut ostenderēt ducis consilia occulta esse debere, quemadmodum

*Veget. li. 3.
cap. 6.*

Festus & Veget. tradidere. Minotaurus enim in tenebricoso labyrintho dicitur habitasse. Porcam autem prælatam scribit Festus, quod ea fœdera iungerentur, Equi & Lupi, cur militaribus signis sint inserti, nescio, causasque piget comminisci: prælatos tamen eos quoque inter alia signa narrat Plinius lib. X. ordinem aliquem inter hæc signa fuisse videtur indicare Festus, cum Porcam inter militaria signa quintum locum obtinuisse scribit.

Li. x. c. 4.

Atque hæc signa diu in aciem cum aquila portabantur, paucis deinde ante C. Marium annis, sola in aciem aquila portari cœpta est; reliqua signa in castris relinquebantur, tandē C. Marius secundo cōsulatu teste Plinio, reliqua signa in totum abdicauit, aquilamq; Romanis legionibus propriè dicauit. Huiusmodi signis videntur successisse dextræ inter se coniunctæ, pacis & concordie symbola, quæ
à nati-

à nationibus donabantur legionibus. Tacitus libro I. histo. Miserat ciuitas Lingonum, vetere instituto, dona legionibus dexteras hospitij inſigne. Et lib. II. centurionemque Sifennam dexteras concordia inſignia, Syriaci exercitus nomine, ad Prætorianos ferentē varijs artibus aggreſſus eſt. Hæc autem ſigna circa aquilam ferebātur, vt ſcribit Iosephus lib. 3. c. 5. vel 8. & lib. 6. c. 2. ſive l. 5. cap. 6.

Cohortes ſua quoque ſigna habuiſſe Liuius oſtendit lib. XXVII. Cohortibus, quæ ſigna amiserant, hordeum dari iuſſit. Tacitus lib. I. hiſtor. Præfixa contis capita geſtabantur, inter ſigna cohortium iuxta aquilam legionis. Cohortis aut vniuerſæ vnicum ſignum fuiſſe videtur; nam vnus fuit ſignifer, Cæſar lib. II. de bello Gallico. Quartæ cohortis omnibus ferè centurionibus occiſis, ſigniferoq; interfecto, ſigno amiſſo. Prima cohors videtur aquilam habuiſſe diuerſam ab aquila legionis. Cæſ. lib. 3. civil. Marcellinus cohortes ſubſidio noſtris laborantibus ſubmittit. In eo prælio cum graui vulnere eſſet affectus aquilifer, & viribus deficeret, cōſpicatus equites noſtros. Hanc ego, inquit, viſus multos per annos magna diligentia defendi, & nunc moriens eadem fide Cæſari reſtituo. Hoc caſu aquila conſeruatur, omnibus primæ cohortis centurionibus interfectis, propter principem priorem. Hinc idem Cæſar prælio Pharfalico ſigna militaria relata dicit CLXXX. & aquilæ LIX. Quoniam autem in cohorte plures fuere manipuli, qui ſua quoque ſigna ha-

uere: iccirco in cohorte plura signa inter-
 num nominantur. Tacitus libro III Annal.
 primo impetu pulsa cohorte, promptus in-
 tela occursat fugientibus, increpat signi-
 feros. Quamuis autem signa cohortium vo-
 cantur, tamen ea solida non fuere, ut aquila
 legionum, sed in velo depicta, quare vexillū
 dicitur à Tacito lib I Annal. Alsistētem con-
 cionem, quia permista videbatur, discedere
 in manipulos iubet; sic melius audituros re-
 sponsum: vexilla præferri, ut id saltē discer-
 neret cohortes. Vexillum enim, Festo & Isi-
 doro li. 18. ca. 13. auctoribus, diminutiuum est
 à velo. Hęc vexilla variorum colorum fuisse
 indicat ex Platone Cic. li. II. de Legib. Color
 albus præcipue decorus deo est, tum in ceter-
 ris, tum maxime in textili: tincta verò absint,
 nisi à bellicis insignib. Cedrenus, ex purpura
 auroq; forma quadrangulari facta, longisq;ue
 hastis imposita gestari solita scribit. Βιξίλα,
 inquit, παρατετάγματα ἐκ πορφύρας καὶ χρυ-
 σοῦ, εἰς τε τετράγωνον σχῆμα πεποιημένα· ταῦτα
 ἐξαρτῶντες, ἐπὶ μακρῶν δοράτων κύκλῳ παραπο-
 ρεύόμενοι τῶν βασιλέων κατασκέπτειν αὐτοὺς.
 In his vexillis nomē imperatoris videtur in-
 scriptū. Dio l. XL. de prodigijs, quæ crasso ob-
 tigerūt, ut quidem Xilander interpretatur.
 Vexillū quoddam, inquit, ex eorum numero,
 quæ magna, velorumq; similia sunt, inscriptū
 puniceis literis ad notitiā exercitus impera-
 torisq; faciendam, inuersum vi vehementis
 venti, à pōte in flumen decidit, at Crassus re-
 liqua

liqua vexilla, quę eiusdem erant lōgitudinis
 præcidi iussit, vt breuiora, atq; ad ferendum
 aptiora essent. Tacitus li.ii. histor. Laceratis
 vexillis nomen Vitellij præferentibus. Atque
 in antiquis nummis apud F. Vrsinum in gēte
 Claudia & Coelia, in signis cohortiū videtur
 velum pendere quadratū, litterisq; inscriptū.
 Postea imagines Imperat. inscriptæ. Tacitus
 li. i. hist. Vexillarius comitantis cohortis de-
 reptam Galbę imaginem solo affixit. Suetonius
 in Caligula c. xiv. Aquilas & signa Rom.
 Cęsarumq; imagines adorauit. Veget. li. ii.
 ca. xiii cohortium signa dracones fuisse dicit,
 quod quando cœperit, ignoro : de his tamen
 multo ante Vegetium mentio reperitur. Tre-
 bellius in Gallienis : Dracones & signa tem-
 plorū, omniumq; legionum ibant. Vopiscus
 in Aureliano templum sanè solis, quod apud
 Palmiram aquilifer legionis tercię cū vexil-
 liferis, & draconario, cornicinibus, atq; liti-
 cinibus deripuerūt, ad eam formam volo, quę
 fuit, reddi. Isid. li. xviii. c. iiii Draconum signa
 ab Apolline morte Pythonis serpentis incho-
 ata dicit : dehinc à Græcis & Ro. in bello ge-
 stari cœpta. Res igitur vetusta fuit, sed tamen
 ego draconum mentionem in bello, nisi post
 Remp. oppressam non inuenio. Fuere autem
 dracones in panno picti purpurei. Marcelli-
 nus lib. xvi. Purpureis sub tegminibus texti
 circumdedere dracones, hastarū aureis, gem-
 matisque summitatibus illigati, hiatu vasto
 perflatiles, & ideo velut ira perciti sibilātes,
 caudarumq; volumina relinquentes in men-
 tum, Claud. l. ii. in Ruffin. *lateq; videres*

*Surgere purpureis vndantes anguibus hastas,
Serpentumq; vago calum senire volatu,
Et Panegyrico de consulatu Honorij,*

Hi picta draconum.

Colla leuant, multusq; tumet per nubila serpens.
Sidonius Paneg. ad Maiorannum, A.

semel iam textilis anguis

Discurrit per vtramque acie, cui guttur adactis

Turgescit Zephyris, patulo mentitur hiatu

Iratam pictura famem, pannoq; furorem

Aura facit,

Manipulis etiam sua signa fuisse Liuius ostendit li. xxvii. An, inquit, si eosdem animos habuissetis, signa alicui manipulo, aut cohorti hostis abstulisset? Quoniam verò in manipulis singulis binæ centuriæ fuere, singulæ quoque centuriæ singula signa videntur habuisse, Polybius enim in singulos manipulos signiferos binos electos dicit. Liuius libro eodem centuriones manipulorum, quorum signa amissa fuerant, distinctis gladijs discinctos destituit.

Et paulò post, C. Decimius Flavius tribunus mil. signo arrepto primi hastati, manipulum eius signi se sequi iussit. Cic. libr. i. de Diuin. Cum signifer primi hastati signum non posset mouere loco. Liuius li. 25. T. Pedanius princeps primus centurio cum signifero signum ademisset, & lib. XXVI. Nauis secundi hastati signum ademptum signifero in hostes infert. Et mox: Marcus Attilius legatus primi principis ex eadem legione signum infert

ferri in cohortem Hispanorum coegit, Antiquissimis temporibus manipuli signū, vt Plutarchus ait in Romulo, feni falcicudus fuit: vnde etiam manipuli nomen ortum volunt. Ouidius lib. 3. Fastorum

Non illi calo labentia signa tenebant,

Sed sua: qua magnum perdere crimen erat:

Ille quidem feno; sed erat reuerentia feno,

Quantam non aquilas cernis habere tuas.

Pertica suspensos portabat longa maniplos;

Vnde manipularis nomina miles habet.

Postea, vt Vegetius tradit lib. II. c. XIII. vexillum centuria habuit, litteris adscriptis ex qua cohorte, vel quota centuria illa esset.

Equites item vexilla habuere. Liuius l. IIX. eques ipse iam primis erat in conspectu: & Cornelius respiciens ad manipulos militum, quod manu quod voce poterat, monstrabat, vexilla se suorum parmasque cernere equitum. Tacitus lib. II. histor. ex ipsa vrbe hand spernenda manus, quinque pratoriae cohortes, & equitū vexilla cum legione prima. Veget. singulis turmis singula vexilla fuisse narrat lib. II. ca. XIV. Marcellinus lib. XVI. Dracones tribuit turmæ. Per purpureum, inquit, signum draconis summitati hastæ longioris aptatum stetit vnus turmæ tribunus.

Auxilia tum peditum, tum equitum sua pro more gentis habuisse verisimile sit, ea vero vexilla fuere. Liuius libr. XXV. Cohortis Pelignæ præfectus Vibius ereptum vexillum trans vallum hostium traiecit. Ex libro

xxxix. Quatuor millia militum amissa, & legionis secundæ signa tria, vndecim vexilla sociûm ac latini nominis in potestatem hostium venerunt.

Calones quoque, ceterique, agminis impedimenta sua vexilla habuisse tradit Vegetius libr. III. cap. VI. Veteres, inquit, ad exemplum & militum etiam impedimenta sub quibusdam signis ordinanda duxerunt. denique ex ipsis calonibus idoneos ac peritos usu legebant, quos non amplius quam ducentis sagittariis puerisque præficerent: hisq; vexilla dabant, ut scirent, ad quæ signa deberent impedimenta colligere.

Quamvis autem fere signa à vexillis distinxerim: tamen plerumque scriptores confundunt. hinc manipulorum & cohortium, ceterorumq; ordinum signa, vexillaq; promiscue nominantur.

Vexilla porro vnius legionis videntur aliquando diuersa fuisse signis alterius legionis. quare Appianus l. II. scribit: legionis quintæ vexillis elephantum inscriptum fuisse, quod elefantos auertisset.

Postremis temporibus Labarum inter insignia militaria nominatur; quod ego non aliud fuisse, quam imagines imperatorum puto. ut res quidem vetusta sit, nomen autem forte recens, meminit tamen Labari Tertullianus in Apologetico cap. XVI.

Hæc signa militaria, quemadmodum in antiquis nummis lapidibusque cernimus, plurimis ornamentis fuere insignia. hinc Herodianus lib.

nus lib. IV. de Antonino Imp. τὰ τῶν στρατοπέδων σύμβολα ἐπιμήκη ὄντα, καὶ χρυσοῖς ἀναθήμασι πολλοῖς κεκοσμημένα, μόλις ὑπὸ τῶν χρονονοτᾶτων στρατιῶτων φερόμενα, ἐπιδείκνυντο τοῖς ὁμοῖς ἔφερον αὐτὸς, id est, signa militaria longissima, & aureis donarijs multis ornata, quæ vix robustissimi milites ferrent, ipse humeris imponens gestabat. Et Arrianus, τὰ σημεῖα τῆς ἐπιλέκτου στρατιᾶς αἰετοί, εἰκόνες βασιλῆες, ἑμβλήματα πάντα χρυσὰ ἀνατεταμένα ἐπὶ ξυστῶν ἀργυρωμένων. id est, Signa exercitus aquilæ, imagines Imperatorum, ornamenta omnia aurea in hastis de argentatis extensa. Prælatos singulis legionibus fufius videtur indicare Dio li. 55. Augustus veteranos patris contra Antonium conuocauit, seruauitq; deinde, & sunt vna adhuc legio peculiaris, suos habēs fascēs, quemadmodum centuriones.

Signiferi, vt de ijs dicamus, in singulis manipulis ab ipsis centurionibus, vt ait Polybius eligebantur, qui quidem ex robustissimis & generosissimis fuere, nā vt ex Herodiano docuimus, signa militaria prægrauia fuere. Fuere autem signiferi inter milites ornamentis armisq; insignes. Marcellin. li. xx. Maurus quidā abstractum sibi torquem, quo vt draconarius utebatur, capiti Iuliani imposuit. Signiferos non solum fideles, sed etiā literatos fuisse dicit Veg. l. 2. c. 20. vt possent reddere rationē eorū, quæ apud signa deponebantur à militibus.

Signa militaria Romani non secus, atq; sacra omni religione venerabātur. Ex quo Ter-
tullianus

tullianus in apologetico ca. xvi. Religio Romanorū tota castrensis signa veneratur, signa iurat, signa omnibus dijs præponit. Omnes illi imaginum suggestus insignes, monilia cruciū sunt. Sympara illa vexillorū, & Labarorum, stolæ crucium sunt. laudo, diligentiam: nolistis nudas & incultas cruces consecrare. Et Dionysius li. VI. Milites, auctore Sicinio quodam, raptis signis à Consulibus defecerunt. nihil enim apud Romanos signis habetur venerabilius, haud secus quam deorum simulacra.

Hæc signa, rebus lætis, diebusque festis ornari inungiturque solebant. Plinius libr. xiii. cap. iii. Aquilæ, æquit, ac signa puluerulenta illa, & custodijs horrida inunguntur festis diebus, Suetonius in Claudio ca. xiii. Neque aquilæ ornari, neque signa conuelli mouerique potuerunt. Claudianus

*Lataturq; tamen mauortia signa rubescunt
Floribus, & subitis animantur frondibus hastæ.*

Contra vero in rebus aduersis signa erant inculta. Tacitus l. i. Ann. Druso propinquanti quasi per officium, obuiæ fuere legiones, non lætæ, ut assolet, neque insignibus fulgentes, sed illuie deformi. Et ibidem de funere Germanici: Præcedebant incompta signa, versi fasces.

Apud signa quoque iurarunt. Tacitus libr. xv. Annal. Adiecit iureiurando Parti cautum apud signa. Liuius libr. xxvi. stare hinc legionario, hinc classico. per omnes Deos paratos iurare magis quæ velint, quam quæ sciant
vera

vera esse: & obstringere periurio non se solum suumque caput, sed signa militaria, & aquilas, sacramenti que religionem. Apud signa captivi custodiebantur. Marcellinus lib. xxi. Vadomarium apprehensum rectori militum arcte custodiendum apud signa commisit.

Apud signa item fuit asylum. Tacitus lib. i. Annaliū. Neque aliud periclitanti subsidium, quam castra primæ legionis. illic signa & aquilam amplexus, religione se tuebatur. ac ni aquilifer Calpurnius vim extremam arcuisset; rarum etiam inter hostes, legatus populi Romani Romanis in castris sanguine suo altaria Deum commaculasset.

Cum igitur tantus honos ac religio signorum esset, maximo probro dabatur ijs, qui signum amisissent; quod etiam capite vindicabatur. Hinc sæpe legimus vexilla militibus signiferis erepta à ducibus in confertos hostes coniecta, ut repetendi studio milites ad fortiter faciendum incitarentur.

Dionysius li. viii. Aquilius Cōs. signiferis erepta signa in medios coniecit hostes: ut metu militaris pœnæ, quam daturi erant, nisi ea recepissent, rem fortiter gerere cogerentur. Liuius lib. ii. Appius signo amisso signiferos virgis cæsos securi percussit. Et li. xxxiv. Rōm in asperis prælijs sæpe tentatam; signa adempta signiferis in hostes iniecerunt, dum repetunt enixe signum, priores secundani se porta eiecere. Atque hæc quidem de signis militaribus, quæ ordines distinxerunt: nunc videamus,

deamus, qui magistratus singulis ordinibus fuerint præpositi.

Iosephus lib. 3. ca. VIII. αὐτὸς παντὸς ἀρχαῖ
ῥωμαίοις τάγματος, βασιλεὺς τε ὁιωνῶν ἀπάντων
καὶ ἀλκιμώτατος ὤν. ὃ δὲ καὶ τῆς ἡγεμονίας τεκμή-
ριον αὐτοῖς, καὶ κληδῶν ἐφ' ἧς αὐτοὶ ἰσχυροῦ τοῦ κρα-
τὸς δοκεῖ. id est, Aquila apud Romanos
toti legionis præest, quod omnium avium re-
gina sit & validissima. eaque & principa-
tus ipsis signum est, omenque victoriam re-
portaturos de ijs, contra quos proficiscun-
tur.

*De Magistratibus legionis, siue exerci-
tus totius.*

C A P. X.

Summam in exercitu vniuerso potestatem
Imperator habuit, populi, vt ostendimus,
comitijs creatus. Eius potestas, quod ad rem
militarem spectat, duabus rebus maxime cō-
tinetur, Imperio, & Auspicijs. Imperium à
populo lege Curiata, vt demonstratum est,
accepit: Auspicia in ipso magistratu insita
fuere. Hinc scribit Liuius lib. V. Camillum
non prius ab Ardea, vbi exsulabat, profectum
quam comperit legem Curiatam latam; quod
nec iniussu populi mutari finibus posset, nec
nisi Dictator dictus, auspicia in exercitu ha-
bere.

Quemadmodum autem imperium qua-
dam exercitus habendi bellique gerendi po-
testas

testas appellata est: ita auspicia ius quoddam fuit signis quibuldam ex lianupicum disciplina, Deorum voluntatem explorandi, ut auspicia & signa, quæ Imperatori offerrentur, ea à Dijs vere imitti, & ad rem publicam pertinere putarentur. Itaque si diuersa auspicia Imperatori, alijsque magistratui in bello essent ostensa, semper Imperatoris auspicijs stabatur, ut egregie docet Valerius in dīce-
Li. 2. c. 3.
 ptatione Luratijs Cos, & Valetij Pr. Quoniam igitur auspicia cum ipso magistratu fuere coniuncta, ideo soli magistratus auspicia habuere; ex quo fit Proconsules & Proprætores cum sine magistratu essent, auspicijs caruisse. id videtur significare Cicero libro II. de Nat. deor. Bellicam rem administrare maiores nostri, nisi auspicio noluerunt. quam multi anni sunt, cum bella à Proprætoribus & Proconsulibus administrantur, qui auspicia non habent? Sed de auspicijs diximus alio loco: nunc reliquam Imperatoris potestatem prosequamur. In Imperatoris enim potestate ius fuit dimicandi, oppugnandi, obsidendi, signum pugnae ac receptui dandi, castra locandi, mouendi, milites in æstiuæ & hybernæ deducendi, inducias cum hostibus faciendi, obsidesque accipiendi, quæ omnia aut ipse per se Imperator, aut de consilij sententia statuebat.

Hinc illa Ciceronis libro primo de Orat. si forte quæreretur, quæ esset ars Imperatoris; constituendum putarem principio, quis esset Imperator. qui cum esset constitutus
 admini-

administrator quidam belli gerendi; tum adiungeremus de exercitu, de castris, de agminibus, de signorum collationibus, de oppidorum oppugnationibus, de comœatu, de insidijs faciendis atque vitandis, de reliquis rebus, quæ essent propriæ belli administrandi: quarum qui essent animo & scientia compotes, eos esse Imperatores dicerem. hæc Cicerô.

Neque vero his tantum finibus Imperatoris potestas circumscripta est, sed priuatas etiam militum controuersias criminaque cognouit, eaq; cum alijs pœnis, quas infra commemorabimus, tum vero etiam capitali supplicio, si id rei commissæ atrocitas postulasset, vindicabant. Hinc Iuuenalis Satyra xvi

*Legibus antiquis castrorum, & more Camilli
Seruato, miles ne vallum litiget extra,
Et procul à signis*

Cæsar de bello ciuili. Quascumque controuersias inter se milites habuerant, sua sponte ad Cæsarem introduxerunt. Et Gellius libr. VII. cap. I. Scipio quodam die ius in castris sedens dicebat, tum è militibus, qui in iure apud eum stabant, interrogauit quispiam ex more: in quem diem locumque vadimonium promitti iuberet. Et Scipio manum ad ipsam oppidi, quod obsidebatur, arcem protendens perendie, inquit, sese sistant illo in loco atque ita factum. die tertio, in quem vadari iusserat, oppidum captum est, eodem die in arce eius oppidi ius dixit. Hæc Gellius; ex quo

exemplo colligitur ius esse dictum ab Imperatore in castris, militumque controuersias cognitās. Quod si accidisset, ut duo Consules in iisdem castris essent, alternis imperitabant. Liuius libr. 22 Varro postero die, cui fors eius diei imperij erat, signum proposuit & libr. 28. Quoniam forte eo die, quo pugnatum est, auspiciū Liuij fuisset.

Grauiores tamen causas Imperator cum cōsilio conferebat, & de consilijs sententiam statuebat. Cæs. l. 3. Gall. His nuncijs acceptis Galba concilio celeriter conuocato sententias exquirere cœpit. & Crassus non cunctandū existimauit, quin pugna decerneret. hac re ad conciliū delata, ubi omnes idem sentire intellexit, posterū diem pugna constituit.

Ad conciliū videtur legati Quæst. Tribb. primorum ordinū vocati centuriones. hinc Cæs. libro 1. Gall. tanquam nouum videtur illud fecisse, ut conuocato concilio, omnium ordinum ad id conciliū centuriones adhiberet. Item legati & quæstor Cæs. libr. 4. Gall. His constitutis rebus, & consilio cum legatis & Quæstore cōmunicato. & Legatis tribunisq; militum conuocatis & quæ ex Voluseno cognouisset & quæ fieri vellet, ostendit. lib. 5. Ad consiliū rem deferunt, magnæque inter eos exsistit controuersia. L. Aurunculeus compluresque Tribuni mil. & primorum ordinum centuriones nihil temere agendum existimabant. libr. 6. Labienus noctū tribunis mil. primisque ordinibus conuocatis, quid sui consilij sit, proponit.

Gum igitur tanta esset Imperatoris potestas, eam plurimis rebus ornarunt. quæ fere omnia numerat. Liuius libr. XLV. de Paulo Aemilio Procos. loquens: Cum decem legatis, inquit, in tribunal adscendit: assuetis regio imperio tamen nouam formam terribilem præbuit tribunal, summotor aditus præco, ad census, insueta omnia oculis auribusq; Et Cicero in Verrem. Comites illi tui delecti manus erant tuæ, præfecti, scribæ, medici, ad census, haruspices, præcones manus erant tuæ.

*in Prætor.
Sicil.*

Lib. 28. Tribunal proprium fuisse Imperatoris; Scipionis apud Liuium verba ostendunt, indignantis ab Albio, & Atrio imperium militare usurpatum. In prætorio, inquit, tetenderunt Albius & Atrius: classicum apud eos cecinit: signum ab ijs petatum est: sederunt in tribunali proconsulis Scipionis: lictor apparuit: submouente eo inceserunt: fasces & secures prælatæ sunt. Fuit autem Tribunal suggestus editior, ex cespite constructus, in quo sella curulis posita Imperator, aut ius dicebat, aut exercitum alloquebatur. itaque vbicunque Imperator erat, ibidem etiam tribunal excitabatur. Tacitus libr. 1. simul congerunt cespites, exstruunt tribunal, quo magis conspicua sedes foret & mox. Aggerebatur nihilominus cespes, iamque pectoriusque accreuerat. Plinius in laudatione Traiani; Decora facies consulis: multa post sæcula tribunal viridi cespite exstructum, nec fascium tantum, sed pilorum signorumque honore circumda-

cumdatum. Plutarchus in Pompeio βήματος δὲ ὄντος, ὃ δὲ τοῦ στρατιωτικοῦ γενέσθαι φθάσαντος, ὃ ποιοῦσι μὲν αὐτοὶ τῆς γῆς ἐκτομὰς βαδείας λαμβάνοντες καὶ καταλλήλου σωτιδέντες. Et Xiphilinus in Nerone de Boodicia Britanniae regina loquens: In tribunal, factum ex terra palustri, more Romano conscendit. Marcellinus libro XXIII. de Iuliano Imperatore: Ipse aggere glebali assistens, coronaque celsarum circumdatus potestatum, talia ore sereno differuit. Vopiscus in Probo. Undique ab omnibus acclamatum est, Probe Auguste, dii te seruent. deinde concursus, & cespiticius tribunal, appellatusque Imperator. Et Lucanus libro V.

Stetit aggere fulti

Cespitis

Fuit autem Tribunal amplum, quippe cum multos capere deberet; neque enim Imperator solus, sed legati etiam alijque conscendebant. Liuius libr. 8. Præco Q. Fabium Magistrum equitum citauit, qui ex inferiore loco ad tribunal accessit. Et mox. Ne tribunal quidem, inquit, satis quietum erat, legati circumstantes sellam, orabant. Et paulo post. Iussi de tribunali descendere legati. Appianus etiam libro quarto, in tribunal cum Cassio adscendisse dicit Senatores ac Prætores plures.

Eius præterea altitudinis illud est argumento, quod Tacitus scribit lib. 1. Annal. Aggerbatur nihilominus cespes, iamque pectori-

vsque ad creuerat, &c. & infra. Stabant pro concione legiones districtis gladijs: reus in suggestu per Tribunum ostendebatur; si nocentem acclamauerant, præceps datus trucidabatur.

Ornabantur præterea Lictores Prætores quidem, & Proprætores sex; Consules vero & Proconsules duodecim: Dictatores, 24. Plutarchus in Paulo; Prætor in Hispaniam missus est non cum sex securibus, quot habere solent Prætores, sed totidem alijs assumptis, ut imperij consularis dignitatem haberet. Appianus in Syriacâ, Prætores Romani ad exercitum miserunt, quos *ἑξαπλέκεις*, id est, sex securium appellant: quia consules duodecim securibus & fascibus Regum more utuntur, prætores autem, quia dimidium dignitatis habent, etiam dimidium insignium consecuti sunt.

Lictores è plebe fuere contempti homines, ut illa indicant apud Liuium lib. II. Quatuor & viginti lictores apparere Consulibus, & eos ipsos plebis homines: nihil contemptius neque infirmius, si sint qui contemnant. Posterioribus autem temporibus ex Brutijs, siue (ut in græcis scriptoribus, antiquisque inscriptione Rhegijs, vetustoq; nummo legi) Brettijs lictores eligebantur, hac ignominia affectis, quod ad Hannibalem primi defecissent, & cum eo perseuerassent, usque dum recederet de Italia, ut Gellius tradit libr. X. cap. III. Lictores à ligando dictos esse constat, vel quod virgarum fascis liga-

eos ferrent, vt Festus ait, vel quod fontes ligarent. vt Plutarchus in quaestionibus Rom. scribit. *Quæ. 67.*

Lictores igitur Imperatoribus apparebant cum virgarum fascibus, in quibus etiam erant secures. Poplicola enim Cos. teste Dionysio libr. VI. Fascibus in vrbe secures ademit, lege lata, vt tantum extra urbem magistratus securibus vterentur, cum bellum gererent, aut res externorum inuiferent, Hic verò mos præferendi fasces cum securibus à Tarquinio Prisco Hetruscorum exemplo inuectus esse dicitur, alij Romulo eius institutionem adscribunt, vt tradit idem Dionysius Lib. 16. libr. III. Fuere autem virgæ lictorum ex betula arbore, vt videtur significare Plinius. Porrò Lictores ita videntur magistratibus apparuisse, vt vnus post alium incederet. quod & in veteribus nummis marmoribusque cernitur, & Liuius significare videtur lib. xxiv. Cum obuiam, inquit, patri filius Cos. progrediretur, lictoresque verecundia maiestatis eius, taciti anteirent non submouentes patrem, præter vndecim fasces equo præuectus senex, vt Consul animaduertere proximum lictorem iussit; & is, vt descenderet ex equo, inclamauit; tum demum desiliens, experiri, inquit, volui fili, satin' scires Consulem te esse, &cæt. Neque enim vndecim lictores præteruehi potuisset, nisi singuli incessissent. itaque quemadmodum proximus lictor, vt ex eo loco intelligitur, dictus est, qui postre-

mus omnium lictorum ante magistratum ibat, ei que maxime omnium vicinus erat: ita primus lictor est appellatus, qui ceteris lictoribus præibat. Cicero epist. i. ad Fratrem. Apud quem primus lictor quieuit. Qui autem magistratui proximus incedebat, is quoque ipsi magistratui carissimus videtur fuisse. Sallustius in Jugurthina, Hiempsal in pido Thirmida forte eius utebatur domo, qui proximus lictor Jugurthæ, carus, acceptusque ei semper fuerat. In naui autem lictor ante proram sedebat, ac præternauigantibus, ut signum de naui deponerent imperabat, ut de Antonio & Aenobarbe scribit Appianus lib. V.

Lictoris munus fuit ingredientibus magistratibus turbam submouere. ex quo submotor aditus appellatur. Liuius libro XLV. Progre di præ turba occurrentium ad spectaculum non poterat: donec Consul lictores misisset, ui submouendo, iter ad prætorium facerent. Submoueabant autem & voce, & manu Liuius libr. XXIV. Lictor ut descenderet ex equo in clamauit. Festus vero scribit Matronas à magistratibus non submoueri solitas, ne pulsari contrectariue viderentur, neque grauidæ concuterentur. In submouendo maximum laborem habuit lictor, qui primus ibat, is enim omnem impetum, & turbam excipiebat. quare Cicero. ut Octauij facilitatem laudaret, primum lictorem apud eum quieuisse dicit. Idem lictores, quos magistratus iussit.

iussisset, comprehendebant, vestibulſque nudatos virgis cædebant, & securibus feriebant. quare Nonius Liſtores carnificis officio fungi ſolitos ſcribit. Hinc illa legati Regis Philippi contra Romanos, vt refert Liuius libr. XXXI. Prætorem Romanum, excelfo in ſuggeſtu, ſuperba iura reddentem, ſtipatum liſtoribus vident, virgæ tergo, ſecures ceruicibus imminent. Et libro vndecimo. Miſſi liſtores ad ſumendum ſupplīcium nudatos virgis cedunt, ſecuriſque feriunt.

Adcenſus miniſter fuit, quo magiſtratus, vt nomen indicare videtur, vtebantur in vocandis ijs, qui ius poſcerent: Adcenſum enim ab adciendo dictum eſſe docet Varro, libr. V. de lingua latina. Idem diutius, quam oportet, loquentibus ſilentium videntur impoſuiſſe. Cicero enim ad Fratrem ita ſcribit. Octavius iucundiſſimus fuit: apud quem primus liſtor quieuit, tacuit adcenſus, quoties quiſque voluit. dixit, & quam voluit diu, Videntur autem ſingulis magiſtratibus ſinguli adcenſi fuiſſe. Suetonius in Iulio cap. XX. Cæſar Cos. creatus antiquum retulit morem, vt quo menſe faſces non haberet, adcenſus ante eum iret, liſtores pone ſequerentur. Et de decemviris. Liuius libro III. Decimo die ius populo ſinguli reddebant. Eo die penes præfectum iuris faſces duodecim erant: collegis nouem ſinguli adcenſi apparebant. Adcenſum ipſi ſibi magiſtratus adſciſcebant,

ex libertis fere aliquem: eiusque munus honoratius aliquanto fuisse videtur, quam lictorum. hæc omnia ostendunt verba illa Ciceronis, quæ sunt in epistola prima ad Fratrem. Adcentius, inquit, sit eo numero, quo cum maiores nostri esse voluerunt, qui hoc non in beneficij loco, sed in laboris ac muneris, non temere nisi libertis suis deferebant.

Præconis officium fuit silentium indicare, ut magistratus oratio posset exaudiri: magistratūque edicta voce promulgari. Livius libr. IIX. Silentio nequidquam per præconem tentato, cum præ strepitu, ac tumultu nec ipsius Dictatoris, nec apparitorum eius vox audiretur. & libro XXVI. Præconi imperavit, ut lictorem lege agere iuberet.

Scribæ vero tabulas publicarum rationum confecerunt. Ex quo dixit in Frumentaria M. Cicero: Scribarum ordo est honestus, quod eorum hominum fidei tabulæ publicæ, periculaque magistratum committuntur.

Alij ministri, qui fuerint, nomen fere ipsum ostendit. Atque hæc de Imperatore pro instituta disputatione satis multa videri possunt.

Post Imperatorem sequitur Quæstor comitijs item populi creatus. Quæstores eodem modo fere, quo Imperatores legebantur. ubi enim legitimus quæstorum numerus populi
suffra-

suffragijs creatus esset, iubebat senatus pro-
 vincias sortiri, ut cum singulis Imperato-
 ribus singuli quæstores mitterentur. Cicero
 epistola prima ad Fratrem: Quæstorem habes
 nō tuo iudicio delectum, sed eum, quem fors
 dedit. Et in prætura urbana, Quæstor ex S.C.
 prouinciam sortitus es, obtigit tibi consula-
 ris. Hinc apud veteres Quæstori cum suo Im-
 peratore filij necessitudo intercessit. Cicero
 pro Plançio. L. Apuleius hunc tanti fecit, ut
 morem illum maiorum, qui præscribit in pa-
 rentum loco Quæstoribus suis Prætores esse
 oportere, officijs beneuolētiæque superarit.
 Et in Diuinatione in Verrem sic à maioribus
 nostris accepimus, Prætorem Quæstori suo
 parentis loco esse oportere: nullam neque
 iustiorē, neque grauiorē causam necessitu-
 dinis posse reperiri, quam cōiunctionem sor-
 tis, quam prouinciæ, quam officij, quam pu-
 blicam muneris societatem.

Quæstoris autem munus fuit pecuniam pu-
 blicam curare, quæ aut ab ærario deprompta
 in vsum esset exercitus expendenda, aut de
 hostium præda, prouinciaque exacta in æra-
 rium esset referenda. Itaque idem stipendium
 militibus numerabat, prædamque captam ex
 hostibus, aut custodiebat, aut vendebat, pe-
 cuniamque ad ærarium visi ita sum esset Im-
 peratori ferebat. Cicero in Verrem: pecunia
 attributa numerata est: profectus est Quæstor
 in prouinciam: venit in Galliam expectatus
 ad exercitū consularem cum pecunia. Et pau-
 lō post, cum Quæstor ad exercitum missus sis,

custos non solum pecuniæ, sed etiam consulis: particeps omnium rerum consiliorumq; fueris; habitus sis in liberum loco sicut mos maiorum ferebat. *Liuius lib. IV* Præda fuit aliquantum: venditum sub hasta consul in ærarium redigere Quæstores iussit. Et *lib. V*. Præda pars maxima ad Quæstorem redacta.

Videntur Quæstores etiam iurisdictionem exercuisse. *Cicero in Diuinatione*. Quæstor vocari ad se *Agonidem* iubet, iudicium dat statim. *Suetonius in Iulio cap. VII*. Quæstor iulterior Hispania obuenit, ubi cum mandato Prætoris iuredicundo cōuentus circumiret, Gadibus ingemuit.

Cum igitur talis esset Quæstor, scribis & lictoribus vsus est. *Cicero in Frumentaria*. Nuper, Hortensi, Quæstor fuisti: quid tui scribæ fecerint, tu potes dicere. Et in Prætura Siciliensi. Quæstores vtriusque prouinciæ cum fascibus mihi præsto fuerunt. Et pro *Plancio*. *Plancius* Quæstor ad me, lictoribus dimissis, insignibus abiectis, veste mutata profectus est. Quamuis autem lictoribus ornarentur Quæstores, tamen neque uocationem neque prehensionem habuere, ut ex *Varrone* tradit *Gellius*, libro XIII. cap. XIII.

Legati post Imperatorem præcipuum in exercitu locum habuere. Neque tamen eo iure Legatus versatus est in castris, quo Quæstor. is enim magistratus fuit, potestatemque comitijs à populo accepit: hic eam potestatem habuit, quam Imperator voluit, illius potestas ab Imperatoris potestate longe diuersa

uerfa fuit, vt ostendimus; huius eadem, quæ ipsius Imperatoris. Hic apud Imperatorem affecit, ille filij locum obtinuit.

Legatorum porrò, quātum quidem ad præsentem narrationem pertinet, duo genera fuisse, alterū, quod victis hostibus decernebat senatus, de quorum consilio Imperator pacis leges diceret, & prouinciam constitueret: de quibus infra dicemus. alterum eorum, qui cum ipso Imperatore proficiscebātur, vt ei in omni munere bellico operam nauarēt. Varro libro 1v. de lingua Latina. Legati, qui lecti publicè, quorum opera, consilioque vterentur peregre magistratus. Appianus lib. 1. Legatos Romani appellant, quos prouinciarum rectoribus addunt, vt ijs subsidio sint.

Legatorum numerus non videtur idem semper fuisse: sed in ea re dignitatis, prouinciæ, belli habitam rationem puto. Cicero enim *epist. 4.1.* quatuor legatos habuit in Cilicia, vt ipse ad *15 fam.* Catonem scribens significat. Quinctus verò *epi. 1. ad Q.F.* frater tres. Pompeio autem lege Gabinia xv legatos bello piratico datos Plutarchus, & Dio narrant. *Diol. 36.*

Legati aut à Senatu dabantur, aut ab Imperatoribus ex eiusdem Senatus auctoritate eligebantur. Hinc illud Ciceronis in Vatinius, qui sine S. C. legatus profectus est. Ne hoc quidem senatui relinquebat, quod nemo vmquam ademit, vt legati ex eius ordinis auctoritate legarentur? Factum est raro, vt populus deligeret Imperatorem: quis legatos audiuit vmquam sine Senatus

con-

consulto? Posterioris verò modi plura exempla occurrunt. Cicero enim C. Verrem multis allegationibus, ut legatis Dolabellæ proficisceretur, expugnasse scribit in prætura urbana: Atticum enim narrat Nepos in vita cū Q. Cicerone in Asiam ire noluisse, cum apud eum legati locū obtinere posset. Hinc etiam Africanus fratri se legatum iturum professus est: & alibi fratrem frater, filius patrem sibi legasse dicitur apud Liuium.

Reg. l. 2.

642. 9.

Fuit autem legatorum dignitas maxima: nam ex prætorijs consularibus, triumphalibusque aut certe viris rei militaris peritissimis eligebantur. itaque Cicero legatos appellat in oratione in Vatinius. Nuncios pacis, ac belli curatores, interpretes, bellici consilij auctores, ministros muneris prouincialis. Dionysius etiam lib. XI. legatum potestatem Imperatoris, sanctitatem & venerationem Sacerdotis habuisse narrat.

Legati in exercitu vices Imperatoris gerebant. Cæsar lib. II de bello ciuili. Neque se ignorare, quod esset officium legati, qui fiduciariam operam obtineret. Et libro III. Aliæ sunt legati partes atque Imperatoris, alter omnia agere ad præscriptum; alter libere ad summam rerum consulere debet. Itaque legatis, cum personam sustinerent Imperatoris, reliqui magistratus parebant, ut tribuni, centuriones, equites Romani, sociique. Liuius libro IIX. Cū polluta semel militari disciplina non miles centurionis, non cæturio tribuni, non tribunus legati, non legatus cōsulis, non

ma-

magister equitum dictatoris pareat imperio. Tacitus li. i. Annal. Etiam tum legato à centurionibus & optimo quoq; manipulariū parebatur. Ijdem pro tempore in prælio peditibus equitibusq; socijs, Romanisq; ab Imperatore præficiiebantur: propterea quod nulli ordini præcipue præerant. Li. l. x. Dextro cornu L. Volumniū, sinistro L. Scipionem: equitibus legatos alios C. Cæditium, & Trebonium præfecit. & li. xxxv. Sinistra sociorum equitum ala, & extraordinarij prima in acie pugnabant: præerant duo consulares legati.

Videntur quoque legati ius dixisse. Cicero pro Flacco. Gratidius legatus, ad quem est aditum, actionem se daturum negavit: re iudicata stari ostendit placere. Ornabantur autē fascibus atque licitoribus. Liuius libr. xxix. sine respectu non maiestatis modo, sed etiam humanitatis, in legatum impetum, licitoribus prius indignum in modum multatis, faciunt.

Post legatos sequuntur Præfecti Fabrum, & castrorum. Præfectus Fabrum in binis legionibus, idest, in exercitu cōsulari vnus omnino fuit. Itaque Præfectus Fabrum Ciceronis vnus tantum nominatur Q. Lepta, epist. vii. lib. iii Famil. vnus etiam Præfectus Fabrum in Appij exercitu appellatur epist. viii eiusdem libri. Cum autem scribit Cæsar in epistola ad Oppium & Balbum, quæ legitur lib. ix ad Atticum, duos Præfectos Fabrum in suam potestatem venisse, vtrumque in binis legionibus Præfectum Fabrum fuisse puto: vt duorū consulū

sulum exercitus, qui à Pompeio regebantur, duos omnino Præfectos fabrū habuerit. Hic Præfectus fabris præerat, machinisque bellicis, vt scribit Veget. lib. II. cap. XI.

Præfecti castrorū in singulis legionibus singuli videtur fuisse. Velleius enim in exercitu Q. Vari, qui trium legionū fuit, tres nominat castrorum Præfectos, L. Eggium, C. Eionium, & L. Ceditium. Tacitus etiam lib. XIV. Pœnius, inquit, Postumus Præfectus castrorum secundæ legionis. Eius munus ita explicat Vegetius lib. II. cap. X. Ad Præfectum castrorū positio castrorum, valli & fossæ destinatio pertinebat, tabernacula vel casæ militū cum impedimentis omnibus nutu ipsius curabantur. Præterea ægri contubernalis & medici, à quibus curabantur, expensæ etiam ad eius industriam pertinebant. vehicula, sagittarij, nec non etiam ferramenta, quibus materia secatur vel ceditur, quibusque aperiuntur fossæ circa situm valli & aquæ ductus. Item ligna vel stramina, arietes, onagri, balistæ, cæteraque genera tormentorum, ne deessent aliquando, procurabat. is post longam probatamque militiam peritissimus omnium legebatur; vt recte doceret alios, quod ipse cū laude fecisset. Hæc Vegetius. Idem quoque itineribus militum, & impedimentis, quæ inter eundū milites ferrent, videtur præfuisse. Ad eundem vigiliæ castrorum, & opera militaria spectarunt. Tacitus lib. I. Annal. Præcipua in Aufidienum Rufum Præfectum castrorum ira, quem direptum vehiculo sarciri

his grauant, aguntque in primo agmine, per ludibrium rogitantes, an tam immensa onera, tam longa itinera libenter ferret. quippe Rufus diu manipularis miles, dein centurio, mox castris Præfectus antiquam duramque militiam reuocabat, inuictus operis & laboris: & eo immitior, quia tolerauerat. Et lib. II. histor. Alphenus Varus Præfectus castrorum, deflagrante paullatim seditione, addit consilium, vetitis obire vigilias centurionibus, omisso tubæ sono, quo miles ad bellum cietur.

Quamvis autem militum segnitiam castigare potuit, tamen ei ad ultimum supplicium progredi non licuit. Hinc Tacitus libro I. Annalium. Præsentī, inquit, duorum militū supplicio repressi sunt, iusserat id Mennius castrorum Præfectus bono magis exemplo, quam concessō iure.

Numeratur à Vegetio Praefectus legionis:
sed eius, stante rep. mentionem fieri nō legi.

Has omnes Præfecturas Imperator dabat. Cic.ad Cæsarem.epi.5.li.7.fam.Trebatio ego neque tribunatum,neque præfecturam,neque alius beneficij certum nomen peto: benivolentiam tuam & liberalitatem peto.& epist.1.1.6.ad Attic.Brutus à Cicer.petijt,vt præfecturam Scaptio deferret.

Vtrum autē Tribuni (de his enim dicendum iam est) legionis totius cōmunis magistratus, an proprius peditū fuerit, controuersum esse potest: nōnulli enim solis peditibus pręfuisse Tribunos putāt, verisimilius tamē mihi sic legio.

legionis fuisse magistratum: nam Tribuni equitibus Romanis, socijsque præfuisse leguntur. Sallustius in Iugurthina, in vtrumque latus auxilios, equites Tribunis legionum & Præfectis cohortium dispersuerat. Lilius lib. X. X. I. X. Lentulus Ser. Cornelio tribuno milit. imperat, equites per patentes in hostiū acies vias permittere equos iubeat. Et libro XXXV equites legionum extra aciem in locū patentem Q. & P. Minucios tribunos militum educere iussit. Polybius quoque ducis imperia equitibus Tribunos edixisse narrat. Vbi, inquit, primū illuxit, equites & centuriones cuncti ad Tribunorum tabernacula se conferunt, & Tribuni ad consulem, is quid agendū sit, Tribunis edicit; Tribuni equitibus, & centurionibus, hi deinceps ceteris. Varro quoque lib. IV de lingua latina, Optiones in decurijs equiū lectos scribit à Tribunis. Hoc igitur constituto, ad reliquā explicationem numeri Tribunorum gradum faciamus.

Var. l. 4. Tribuni militum dicti sunt, vel, ut ait Varro, quoniam terni tribus Tribubus Ramnium, Lucerum, Tatiensium ad exercitum olim mitterentur; vel, ut placet Pomponio, quod Tribuni suffragio crearentur: vel demum, ut scribit Vegetius, quod iura tribuerent. Tribunorum neque numerus, neque lectio eadem semper fuit. Admodum enim Tribuni tres fuere, teste Varrone, cum legio ex tribus millibus conficeretur. Postea ut militum, ita & Tribunorum lectus est in legione numerus: atque ex tribus quatuor facti sunt. Itaque cum,

vti diximus, singulis annis quaternæ legiones, quæ consulibus duobus traderentur, scribi solerent; in eas Tribuni seni deni legebantur: cum antea in legiones quatuor XII crearentur, vt singulæ legiones ternos haberent Tribunos. Quatuor autem in legione Tribuni esse cœperunt anno CDXLII C. Iunio Bubulco III Q. Aemilio Barbula iterû Coss. vt scribit Liuius libro IX. Tulere, inquit, rogationem Tribuni plebis L. Atilius, C. Marcius, vt Tribuni militum seni deni in quatuor legiones à populo crearentur. Postremo, cum legio ex quinque millibus, & sex millibus scribi cœpta esset; Tribuni ad quatuor legiones viginti quatuor in singulas legiones seni creati sunt, quod sua aetate factum scribit Polybius lib. vi.

Vt autem numerus, ita lectio Tribunorum variata est. Primis enim temporibus ab Imperatoribus Tribuni omnes regebatur in quatuor legiones duodecim, id est, in singulas terni. Annò autem CCCXCI Q. Serulio Ahala II. L. Genucio Aventinensi II Coss. institutum est, vt Tribuni militum ad legiones suffragio fierent, id est, vt ego quidem arbitror, vt pars eorum suffragijs populi, pars Imperatorû arbitrio crearetur. Id aut ex Liuiolib. VII colligere videmur posse, cum de hac re ita scribit: cum eo anno primû placuisset Tribunos militum ad legiones suffragio fieri (nam & antea, sicut nunc, quos Rufulos vocant, Imperatores ipsi faciebant) I. Manlius L. P. secundum in sex locis tenuit. Sex locos

nominavit eorum, qui suffragijs fierent: quia reliqui lex, opinor, ab Imper. legebantur.

lib. 9.

Neque tamen ea lege Tribunorū numerus finitus videtur, quos vel populus, vel Imperatores crearent: ex quo fiebat, ut perquam paucis suffragio populi relictis locis, reliqui loci imperatorū beneficia ferme essent. Itaq; anno CDXLII L. Atilius, C. Marcius Tribb. pl. Livio teste, cum Tribunorū mil. numerū auxissent, ut seni deni in quatuor legiōes essent; illud etiam rogatione lata caverunt, ut deinceps a populo omnes crearentur. Ex eo igitur tempore Tribunatus militum suffragijs populi dari coeptus est; nisi si quando plebiscito aliquo ea potestas imperatoribus permessa fuit, ut bello Punico secundo, teste Livio lib. xxvii. Primis quatuor legionibus populus tribunos creavit: in ceteras consules miserunt. Idem bello Persico factum narrat libro xlii. In Tribunis militum, inquit, novatum eo anno propter Macedonicum bellū, quod Consules ex S. C. ad populum tulerunt, ne Tribuni militū eo anno suffragijs crearentur; sed cōsulum praeferunt; in ijs faciendis iudicium arbitriumque esset. Quod tamen haud diu observatum Livius idem ostendit, cum anno tertio post ita scribit libro vliii: Tribunos, non permissum, ut consules facerent, populus creavit. Hinc illa Scipionis apud Livium lib. xxviii. Quid populus Rom. cum imperium ablatum ab tribunis suffragio populi creatis ad homines priuatos detulisset? Creati sunt igitur per populum Tribuni mili-

militum oēs, vsq; ad L. Aemiliū Paulū iterū
 C. Liciniū Crassū Coss, quī fuit annus V.C.
 DXXCV. . Eo aut̃ anno, vt refert Liū. lib. XLIV.
 Senatus ob bellū Persicum decreuit, vt in le-
 giones parem numerū Tribunorum consules
 & popul. crearent: atque id deinceps, vt reip.
 populo, imperatoribusq; æquū seruātū cen-
 seo. Polyb. certe, qui bello Persico par, sui tem-
 poris militiā græcis litteris explicauit; Tri-
 bunos militū partim ab imperatorib. partim
 à populo creatos significat, cum ita scribit:
 διείλον σφᾶς αὐτοὺς οἱ νεώτεροι τῶν χιλιάρχων,
 καὶ ἀπὲρ ἂν ὑπὸ τοῦ δήμου κατασταθῶτιν, ἢ τῶν
 στρατηγῶν, εἰς τέτταρα μέρη. id est, Diuidunt
 sese iuniores tribuni, put à populo vel impe-
 ratoribus fuerint creati, in partes quatuor.
 Hinc duo genera Tribunorū facta sunt: alij ^{act. 1. ip}
 enim comitiati dicti sunt, Padiano teste, quod ^{Ver.}
 populi suffragijs crearentur; alij Rufuli siue
 Rutili, qui ab imperatoribus legebantur: sic
 appellati, auctore Festo, quod Rutilius Rufus
 de eorum iure legem tulerit. De vtrisque Li-
 uius lib. VII. Cum eo anno primum placuisset
 Tribunos militum ad legiones suffragio fieri
 (nam & antea, sicut nūc, quos Rufulos vocāt,
 imperatores ipsi faciebant) secundū in sex lo-
 cis T. Manl. tenuit. Quibus verbis Liū. suo tem-
 pore Tribunorū milit. alios populi suffragio,
 alios imperatorū lectione factos significat. Id
 quoq; ius fuisse Imperat. vt Tribunatū in ca-
 stris conferret, Cic in epist. ad Cæsarem ostē- ^{epist. 5. l.}
 dit. Huic ego neq; tribunatum, neq; præfectu- ^{7. fam.}
 ram, neque vllius beneficij certū nomē peto:

beneuolentiam tuam & liberalitatem peto. Et epist. 3. lib. 6. ad Attic. Scaptius à me Tribunatum cum accepisset, quem ego ex Bruti literis ei detulissem : postea scripsit ad me, se vti uolle eo tribunatu. De Tribunatu aut militum per populum collato testis est Suetonius in Iulio cap. v. Tribunatu militum, inquit, qui primus Romam reuerso per suffragia populi honor obtigit : & Plutarchus, qui Catonem Uticensem, in petitione tribunatus militum, legem, quæ candidato nomenclatorem adesse verabat, solum seruasse scribit. Sallust. in Iugurt. C. Marius ubi primū tribunatum militū à populo petit, plerisq; faciem eius ignorantibus, facile notus per oēs tribus declaratur.

Creabantur aut Tribuni, tum ex peditibus, tum ex equitibus rei militaris sciētissimi : pedites enim sex minimū stipendia habuere, equites verò decem, ut scribit Polybius. Quare cum inter Tribunos, alij plura, alij pauciora stipendia haberent, hinc factum est, ut alij iuniores, alij veteres Tribuni nominarentur, ut idem Polyb. est auctor. De veteribus Tribunis meminit Cice. act. 1. in Verrem, M. Creperius, L. Cassius, Cn. Tremellius, veteres Tribuni militares sunt designati.

Quo verò tempore Tribuni militū quatuor & viginti ad legiones quatuor creabantur, ut Polybij ætate factum esse ostēdimus ; Tribuni quatuordecim ex peditibus, qui stipendia sex haberent, legebantur, qui iuniores dicti sunt : reliqui decem Tribuni ex equitibus fiebant, qui annis X. equo meruissent, qui veteres sunt ap-

pellati, vt narrat Polyb. Cum igitur partim ex peditibus, partim ex equitib. Tribuni legerentur, hinc etiam factum puto, vt alij inter equites, alij inter pedites militarint. ijsq; præfuerint, quod supra docuimus. Hinc Liuius lib. iv. Erat inter equites Tribunus militum A. Cornel. Cossus. Cicero etiam cum Scaptio *epistol. 2.* præfecturâ pernegasset, ne is equitû opera ad *3. l. 6.* suos quæstus abuteretur; tamen tribunatum *ad A. 2. 10.* cohortesq; detulit: ex quo intelligimus, illû peditibus solum præfuturum fuisse: alioqui enim idem periculum fuisset in tribunatu & præfectura, si tribunus equitum similiter turmas habere potuisset.

Quomodo aut xxiv Tribuni in quatuor legiones distribuerentur, ita exponit Polybius. vbi dies delectus aduenit, congregatis omnibus in Capitolio, diuidunt sese xiv iuniores tribuni, prout à populo vel imperatorib. fuerint creati, in partes quatuor; propterea quod in quatuor legiones Rom. ferè copię diuiduntur. ac qui primi quatuor lecti sunt, eos in primam legionē distribuunt: tres qui deinceps, in secundā; quatuor subsequentes, in tertiam: & tres vltimos, in quartam. Ex decem autem veteribus tribunis, duos primos, primæ legioni: tres secundos, secundæ præponunt: duos deinceps, tertix: tres postremos, quartæ. Hęc Polyb. Quibus ex verbis in singulis legionibus senos Tribunos fuisse constat; ita vt exercitus consularis, qui duarum legionum Romanarum fuit, duodecim tribunos haberet, septem quidem iuniores, quinq; aut veteres.

Interdū tamen inter Tribunos viri cōsulares, prātorij, ædilicijq; fuisse legūtur: quos credo ab imperatorib. lectos, quis enim sibi persuadeat viros consulares se tribunatus militaris candidatos p̄fessos? Liu. l. xxii. Cęsi dicuntur 21 tribuni mil. consulares quidā, prātorijq; & ædilicij. & lib. 42. Duo consulares tribuni mil. cū eo missi C. Claud. Q. Mucius. & li. 44. C. Sulp. Gallus tribunus mil. secūdę legionis, qui p̄tor superiore anno fuerat. Senatus quoque interdum iussit, vt honoribus functi d. t. Tribuni à populo, & impp. legerentur, quod factū bello Persico narrat Liui. l. 44. Senatus decreuit, vt in octo legiones parem numerū tribunorū cōsules & populus crearēt: creari aut neminem eo anno placere, nisi qui honorem gessisset. Quoniam autem singulis annis quatuor legiones primæ scribebantur, quæ duobus Coss. traderetur: Tribuni, qui ijs legionibus præfuerūt, cæteris omnibus dignitate præstitere. Quare in legibus, in quibus reliqui magistratus adscribuntur, & hi præcipuè nominantur, vt in ea lege, quam Cicero in Cluētiana recitat, QVI TRIBVNVS MILITVM LEGIONIBVS QVATVOR PRIMIS. QVIVE QVAESTOR. TRIBVNVS PLEBIS. deinceps omnes magistratus nominat. Hinc illud Liuij l. 27. Primis quatuor legionibus populus tribunos creauit: in cæteras consules miserunt. Populus enim Tribunos, qui honoratiores erant, ipse creauit, in reliquis faciens cōsulum iudicium arbitriumq; iussit esse.

Ex Tribunis autem sex qui in vna legione
erant,

erant, bini duobus mensibus toti legioni, partique castrorum præerant, ac necessaria prouidebant, ut scribit Polyb. Hinc Liu. lib. xl. Secundæ legionis Fuluius Tribu. militū erat; is mensibus suis dimisit legionem, mensibus suis forte dixit, quibus legioni præerat Fuluius. Ex his Tribunis alter videtur fuisse honoration, qui primus dictus est. Liuius l. xli. L. Atius tribunus primus secundæ legionis.

Tribunorum munera in castris ita commemo-^{libr. 49}rat Macer leg. xii de re militari. officium ^{Dig.} Tribunorum est, inquit, milites in castris continere, ad exercitationem producere, claues portarū suscipere, vigilias interdum circumire, frumentationibus cōmilitonum interesse, frumentū probare, emālorum fraudē coercere, delicta secundum suæ auctoritatis modum castigare, principijs frequēter interesse, querelas cōmilitonum audire, valetudinarios inspicere. Hæc Macer, quæ præterea Polyb. auctoritate confirmari possunt; scribit enim Tribunos potestatem habuisse multandi, pignora capiendi, ac fustē cædendi milites: eosdem delectū habuisse, ætates singulas Triariorum, Principum, Hastatorū, & Velitū distribuisse; centurionatus ceterosq; ordines in exercitu assignasse: arma singulis militū ordinib. p̄scripsisse, milites sacramento adegisse: castrorum descriptionem, aliaq; militaria opera p̄basse, vigilias ordinasse. Ius autē Tribuni dicebant in principijs. Liu. l. 28. Forma castrorum constabat vna ea ipse, quod Tribunos iura reddere in principijs sinebant. Signum quoque siue tessera vigiliarū a Tribuno petebatur: vigi-

liaſq; ipſi Tribuni circumibant. Liu. l. xxix. A cuſtodibus probra in circumeūtis vigilias Tribunos iac̃ta. & mox. Forma Romanorum caſtrorū conſtabat vna ea ſpe, quod Tribunos & iura reddere in principijs ſinebant, & ſignū ab eis petebant, & in ſtationes ac vigilias ordine ibant. Tacitus li. xiii. Signum more militiq; petenti Tribuno dedit optimæ matris. Ad obeundas aut̃ vigilias vſi Tribuni videntur cornicularijs: forte quia corniculo ſua imperia ederent Tribuni. Front. lib. iii. Tamquam Tribuni cornicularius vigilēs quosdā excitauit. Valer. li. vi. c. i. M. Latorio tribuno milit. Cominius trib. pl. diem ad populum dixit, quod cornicularium ſuum ſupri cauſa appellaret. Et Suet. de claris Grāmaticis: Orbilius primo appariturā magiſtratibus fecit: deinde in Macedonia corniculo, mox equo meruit. Auſtor de viris illuſtribus. Scaurus primo in Hiſpania corniculo meruit: ſub Oreſte in Sardinia ſtipēdia fecit. Poſtremis autem tēporibus corniculariorū ordo nominatur: ſed ad noſtrū propoſitum non fuit. Quod aut̃ ordines aſſignauerint in legione præter Polyb. Liu. oſtēdit l. xlii apud quem ita loquitur Sp. Liguiſt. Ordinem, quo me dignum iudicent Tribuni militum ipſorum eſt poteſtatis. Et mox. Tribuni militares in legione prima primumpilum virtutis cauſa ei aſſignarunt. Iſdem miſſionū cauſas cognouerunt Tac. li. i. Annal. Miſſio per Tribunos maturatur. Et aciem inſtruebant. Liu. l. 44. Inſtabat tribunis militum, vt maturarent inſtruere.

Cum

Cum igitur tanta dignitas & potestas Tribunorum esset, multis quoque commodis sunt cohonestati, nam ex Principibus, Hastatisque singuli Tribuni, qui sex in legione fuerunt ternos manipulos Polybio teste sortiebantur; qui Tribuni tabernaculum erigebant, locumq; æquabāt, aut, si necesse esset ad impedimentorum custodiam sæpe muniebant. Ex ijs manipulis octoni milites. Singulis diebus ante Tribuni tabernaculum equosque excubabant, aliaq; ministeria exsequebantur. Reliqui autē duo manipuli (viginti enim in Principibus, Hastatisq; in legione fuisse diximus, ex quibus octoni deni Tribunis attribuebantur, singulis terni) locum, qui ante Tribunos erat, custodiebant, curabantq; ut aqua adpersus mundusq; esset. Fasces tamen ijs non fuisse prælatos Livijs ostendit li. xxix. Fugatis inquit ex principijs, ac paulo post è castris Tribunis, ad principes seditionis gregarios milites C. Albius Calenus, & C. Atrium Vmbrius delatum omnium consensu imperium est, qui nequaquam tribunicijs contenti ornamentis, insignia etiam summi imperij fasces securesque attrectare ausi. Appianus etiam in Libyca Tribunos militares annulo aureo vsos scribit, cum ceteri ferreo vterentur.

Posterioribus temporibus insigne honoris tribunicij, pugio tradebatur, quem *παγαζέριον* appellabant, Martialis

Militia decus hoc, & grati nomen honoris

Arma tribunicium cingere digna latus.

Dio in Traiano. Cum Traianus tribunatum militum Suræ traderet, parazonium, quo pro dignitate accingendus erat, nudum ei porrexit. Marcellus de militari testamento lege XXVI. Titius priusquam tribunus legionis factus esset, testamentum fecit, & postea cinctus, manente eodem testamento defunctus est.

*De alijs magistratibus peditum, equitum,
& auxiliorum.*

C A P. XI.

HActenus de ijs magistratibus, qui totis copijs præfuerunt: nunc dicendum est de ijs, qui peditibus, equitibusque tum legionarijs, tum socijs proprie præfuerunt. Singulis manipulis, quos in legione triginta fuisse diximus, bini centuriones præficiebantur, duabus lectionibus cooptati. ex quibus qui prior electus erat, centuriam quæ in dextro cornu manipuli fuit gubernabat; qui autem posterior, eam regebat quæ esset in sinistro: quod si centurionum alter abesset, qui relinquebatur, toti manipulo præerat. quam etiam ob causam centuriones duo, teste Polybio, eligebantur, ut si alter cecidisset, nunquam manipulus sine duce relinqueretur. Cum autem in legione centuriarum sexaginta, sit ut par quoque numerus centurionum esset. qui quidem in manipulis Hastatorum ita vocabantur Primi Hastati, vel primus hastatus centurio, & deinceps usque ad decimum hastatum, vel decimi hastati centurionem:

turionem: in Principibus vero, primi principis, vel primus princeps centurio, atque ita in singulis vsque ad decimum: in Triarijs vero primipilus, vel primipili centurio, & deinceps vsque ad decimum primipili, vel primipilum centurionem: Triarii enim ante Pilani, vt ait Varro, dicebantur. Liuius lib. 8. Duo primipili ex vtraque acie inter Triarios erant. Primumpilum enim centurionem fuisse Cæsar ostendit libro tertio bel. ciu. Crastinus euocatus in exercitu Cæsaris primumpilum in legione decima duxerat. Hic signo dato, sequimini me, inquit, manipulares mei. cum electi milites circiter 120. voluntarie eiusdem centuriæ sunt profecuti. Quoniam vero in singulis manipulis duo fuere centuriones, quorum honestior ille fuit centurio, qui prior electus dextram manipuli centuriam gubernabat, ideo ita distinguebatur, vt alter, verbi causa primus hastatus prioris centuriæ, alter posterioris diceretur; item princeps primus prioris centuriæ, & primus princeps posterioris centuriæ. vel certe prior, & posterior hastatus vel princeps, atque ita in reliquis deinceps. Cæsar li. III. de bello ciuili. omnibus primæ cohortis centurionibus interfectis, præter priorem principem. Spurius etiam Ligustinus apud Liuium libr. XLII. gloriatur à suis sibi Imperatoribus primum hastatum prioris centuriæ, & primum principem prioris ite centuriæ virtutis causa fuisse assignatos, Idem Liuius l. xxvii. manipulorum

pulorum centuriones nominat. Cæf. libr. 2. ciuil. Centuriones Marſi duo ex caſtris Curionis cum manipularibus ſuis viginti duobus ad Actium Varum perſugiunt. & Liuius lib. XXV. Titus, inquit, Pedanius primus princeps centurio cum ſignifero ſignum admiſiſet; iam hoc ſignum, & hic centurio, inquit, intra vallum hoſtium erit: manipulares ſui primam tranſcendentem foſſam, dein tota legio ſecuta eſt. Et paulo poſt Primipili centuriones vocat. Nonnunquam tamen centuriones etiam cohortibus præpoſiti leguntur. Liuius libr. 3. Cohortes ſibi quæque centuriones legerunt: hinc Senatores ſingulis cohortibus propoſiti, ſed & equitibus præfecti narrantur. Liuius lib. 4. Sex. Tempanium, A. Sellium & Antiftium, & Spurilium fecit, quos pro centurionibus ſibi præfecerant equites. Quamquam exiſtimo centuriones pro decurionibus uſurpari à Liuiio.

Centuriones, qui primis manipulis Haſtatorum, Principum, & Triariorum præerant, ceteris videntur fuiſſe honeſtiores: quare primorum ordinum primique centuriones vocabantur. Liuius li. 44. Ipſe cum tribunis primisque ordinibus vadit ad contemplandos tranſitus. Cæſ. li. 1. ciuil. Legatos de pace primorum ordinum centuriones mittunt. Cæſar lib. 1. de bello ciuili. Q. Fulginius primus haſtatus legionis XIV, qui propter eximiã virtutem ex inferioribus ordinibus in eum locum peruenerat. Et libr. III. eiufdem. Cæſar Scæuam centurionẽ ab octauis ordinibus ad primi-

primipilum se traducere pronunciauit. Tacitus libr. 1. Annal. Lucis propinquis barbaræ arx, ad quas Tribunos, ac primos ordinum centuriones mactauerant. Et lib. 11. Histor. Ante aquilam Præfecti castrorum, Tribuniq; & primi centurionum candida veste. Inter omnes tamen ordinū omnium cēturiones, honestissimus fuit Primipili centurio, qui etiam Primipilus, & primus centurio dictus est. Cæsar libr. 2. Gall. P. Sestium Baculum primipilum nominat; quem mox libr. 3. Primipili centurionem vocat. Liuius lib. VII. Lex sacra militaris lata est, nequis vbi Tribunus milit. fuisset, postea ordinum ductor esset. id propter P. Salonium postulatum est ab coniuratis, qui alternis piope annis & tribunus militum, & primus centurio erat, quem nunc primipili appellant. Huic reliquos sexaginta centuriones paruisse docet Dionysius lib. IX. Μάρκος, inquit, φλαβίος ἡρώδης τῶν ῥωμαίων τῇ λαμπρατάτῃ ἀρχῇ κεκοσμημένος, ἢ τὰς ἐξήκοντα ἑκατονταρχίας ἐπετελείτε, καὶ τὸ κελεύρομυον περὶ κελεύεινός. τούτους ῥωμαῖοι τοὺς ἡγεμόνας τῇ πατρίδι γλώττῃ περισπῆλους καλοῦσι. id est, M. Flauoleius ordinis cuiusdam nobilissimi ductor, quem centurias sexaginta sequi, & eius imperata facere lex iubet. hos ductores Romani primipilos vocant. Polybius etiā centurionē, qui ex omnibus primus fuisset electus, consilij etiam participem fuisse dicit. is vero sine dubio primipili centurio videtur fuisse. Eius quoq; dignitas intelligi-

tur ex

tur ex eo quod narrat Liū. li. XLIV. ab Aemilio Paulo institutum, vt Tribunus militū primipilo legionis secretum ederet imperium: ille, & deinde singuli proximo cuique in ordine centurioni dicere quid facto opus sit.

Sigon. li.

4. de

Præc. 2.

Quibus ex verbis illud etiam colligitur, vnam in legione primipilum fuisse, non autem plures, vt nonnulli scripserunt. quod etiam Dionysius docuit, cum primipilo sexaginta centurias, quot nimirum legio habuit, paruisse narrat. Centurionum lectio, vt capite proximo ostensum est, ad Tribunos spectabat, interdum tamen à militibus cooptatos legimus. Liuius libr. 3. Cohortes sibi quæque centuriones legerunt. Eligebantur autem vt scribit Polybius ex singulis generibus præterquam ex velitibus, qui natu minimi erant. Quærebantur autem, vt idem ait, centuriones non tam audaces & periculorum amatores, quam exercitus ductandi periti, animoq; firmo & constanti, quique non temere ad pugnam ruant: aut si ab hostibus vrgerentur, vitam potius, quam pugnae locum amittant. Atque ita fere ratio instituta fuit, vt ex inferioribus ordinibus ad superiores, centuriones promouerentur. Cæsar libr. V. Erant in ea legione fortissimi viri centuriones, qui iam primis ordinibus appropinquarent. Et li. VI. Centuriones nonnulli ex inferioribus ordinibus reliquarum legionum, causa virtutis, in superiores erant ordines huius legionis traducti. Et libr. I. belli ciuilis. Q. Fulginius propter eximiam virtutem ex inferioribus

ad

ad primum hastatum peruenerat. Et libro 3. eiusdem. Cæsar Scæuam ab octauis ordinibus ad primipilum se traducere pronunciauit.

Centurionum munus fuit, milites sub pignæ tempus instruere, vigilias obire, militum operibus adstare. Polybius. Vegetius li. i. cap. 25. hinc Lælius libr. XX. Equites in turmas, pedites in cohortes, sicut quondam à Romanis centurionibus didicerat, distribuit. Tacitus lib. XV: Addidit gloriæ Corbulo comitatem, epulaeque, & rogi ante rege causas, quoties nouum aliquid aduerteret, vt initia vigiliarum per centurionem nunciari conuiuium buccina dimitti. Et li. ii. Historiarum vetitis obire vigilias centurionibus, omisso tubæ sono, quo miles ad belli munia cietur. Idem militum controuersias dirimebant. Iuuenalis Satyra XVI

*Legibus antiquis castrorum, & more Camilli
Seruato, miles ne vallum litiget extra,
Et procul à signis: iustissima centurionum
Cognitio est igitur de milite,*

Itaque cum tanta esset centurionum dignitas; vilia quædam munera non exsequebantur, vt corbes, stercoraque gestare, vt auctor est Dio lib. LII.

Porro centuriones milites ad opus non modo verbis, & cohortatione, sed etiam verbis excitabant: quam ob causam vitem in manu gestabant, qua segnes castigarent. Plin. lib. XIV.

lib. XIV. cap. I. Centurionum in manu vitis optimo præmio tardos ordines ad lentas producit aquilas; atque etiam in delictis pœnam ipsam honorat. Hinc Macer li. XLIX. Digest. de re milit. Miles, si vitem tenuit, mutet militiam: si ex industria fregit, vel manum centurioni intulit, capite puniatur. Tacitus l. i. Annal. Centurio Lucilius interficitur, cui militibus facetijs vocabulum cedo alteram indiderant quia fracta vite in tergo militis, altetam clara voce, & rursus aliam polcebat. Spartianus in Hadriano. Nulli vitem nisi robusto, & bonæ famæ dedit. Hinc ipsi centuriones maximo erant militibus odio. Tacitus lib. i. Annal. Repente lymphati districtis gladijs in centuriones inuadunt. ea vetustissima militaribus odijs materies & læuendi principiu: prostratos verberibus multant, sexageni singulos, vt numerum centurionum adæquarent. Quare ipsi milites interdum operis vacationem, & verbera pecunijs a centurionibus redimebant. Propterea milites apud Tacitum conqueruntur lib. i. Annalium Denique in diem alius animam & corpus ælimari. hinc æuitiam centurionum, & vacationes manerum redimi. Et lib. i. Histor. Flagitatum, vt vacationes præstari centurionibus solitæ remitterentur, namque gregarius miles vt tributum annum pendebat. pars manipulis, pars per comitatus, aut in ipsis castris vagi, dum mercedem centurioni extolueret, neque modum oneris quicquam, neque genus quæstus pensi habebat. per latrocinia
& raptus

& raptus, aut seruilibus ministerijs militare otium redimebant, tum locupletissimus quisque miles labore ac seruitia fatigari, donec vacationem emeret. vbi sumptibus exhaustus, socordia miser elanguerat; inops pro locuplete, & iners pro strenuo in manipulum redibat. Porro gregarij milites per Tribunos ac centuriones quæ vellent ab Imp. petebant. Cæsar. lib. 1. Gall. Legiones per tribunos militum & primorum ordinum centuriones egerunt, vti Cæsari satisfacerent. lib. 7. Hæc eadem milites centurionibus tribunisque militum mandabant, vt per eos ad Cæsarem deferrentur. Atque hæc quidem de numero, ordineque centurionum. nunc deinceps reliqua videamus.

Singuli centuriones singulos sibi adiutores, quos Polybius ὀπαιτοὶ, id est, extremi agminis ductores appellat, cooptarunt; vt par numerus vragbrum & centurionum in manipulo legionisque esset. Hi à latinis forte dicuntur Optiones & Adcensi. cumque olim à consulibus vel Tribunis legerentur, postea à centurionibus legi cœpere, Festus. Optio, qui nunc dicitur, antea Adcentus appellabatur. is adiutor dabatur centurioni à Tribuno mil. qui ex eo tempore, quem velint centurionibus permissum est optare, & nomen ex facto sortitus est. Liuius lib. II. Duo primipili ex vtraque acie inter Triarios erant. Romano haud satis fidenti viribus, iam Romæ permissum erat ab consulibus, vt subcenturionem sibi, quem vellet, legeret.

N

Pedestri-

Pedestribus igitur copiis hi præfuerunt. Equitum vero singulis decuriis, quas in turma ternas fuisse diximus, singuli præerant Decuriones: ex quibus qui primus esset electus, reliquis duobus honoratior fuit, ac non suarantum d. curiæ, sed turmæ etiam præerat: eoque absente secundus totam turmam gubernabat. Et quamvis Polybius omnes communi nomine Decuriones appellatos dicat: tamen primus Decurio, qui toti turmæ præerat, præfectus quoque honestiori vocabulo dictus est. Cicero pro Marcello. Nihil sibi ex ista laude centurio, nihil Præfectus, nihil cohors, nihil turma decerpit Histius de bello Hispanico Caesar ob virtutem turmæ Cassianæ donauit milia tredecim & præfecto torques aureos duos. Hi autem tres Decuriones, eodem Polybio teste, olim totidem sibi ἑγᾶντες, id est, extremi agminis ductores cooptabant: postea vero ab Tribunis dabantur. Optionesque similiter atque in centuriis pedum nominati. utrumque docet Varro lib. o. v. de lingua. Ite Turma, terna est: in uabijt: quod terdeni equites ex tribus Tribubus Tariensium, Ramnensium & Lucerum fieb. nt. itaq. primi singularum decuriarum, Decuriones dicti, qui ab eo in singulis turmis, sunt etiam nunc terni. quos hi primo administratos ipsi sibi optabant, optiones vocari cœpti quos nunc propter ambitionem Tribuni faciunt. Eadem
fero

fere verbis iisdem ex Curiatij sententia Festus tradit. Præter hos autem Decuriones, qui in singulis decurijs erant, vnus aliquis videtur omnibus equitibus præpositus, & si Magister equitum cum dictatore affuisset, ipse vniuerso equitatu præerat: sin minus, alius præficietur, qui Præfectus equitum, vel ala generali nomine dictus sit. Plutarchus enim narrat in exercitu Cæsaris, Præfectum equitum Labienum fuisse. quis autem putet eum, qui Legatus Cæsaris tot annos res maximas gesserat, ac tandem omnium admiratione approbationeque ad Pompeium transierat, vnius turmæ fuisse Præfectum? Cæsar etiam libro III. belli ciuilib. C. Volusenum suum Præfectum equitum nominat, quem certe pluribus quam vnius turmæ equitibus præfuisse ex eo constat, quod eum Roscellus & Aegus fratres Allobroges, qui inter equites Cæsaris primas obtinebant, interficere voluerunt, vt cum aliquo munere ad Pompeium perfugerent. Cæsar li. primi belli Gall. extremo. P. Crassus adolescens qui equitatu præerat. Frontinus libro quarto, cap. 1. Stratag. Domitius Corbulo in Armenia, Aemilio Rufo Præfecto equitum, quia hostibus cesserat & parum instructam armis alam habebat, vestimenta per lectorem scidit. Sueton. in Tiberio cap. 30. Præfectum alq de vi & rapinis reum causam in senatu dicere coegit. Et in Augusto capite 38. Liberis senatorum militiam auspicantibus non tribunatum

modo legionum, sed & præfecturas alarum dedit ac ne quis expertus castrorum esset, binos plerumque laticlauios præposuit singulis alis. Quibus ex verbis honestâ hanc dignitatem intelligimus fuisse, videntur autem hi Decuriones eandem in equites, quam centuriones in pedites potestatem habuisse.

Auxilijs sociorum præerant Præfectiduo-
decim ab Imperatore constituti, qui eandem
vt scribit Polybius, in socios potestatem,
quam in Romanos Tribuni habebant. Liuius
lib. 26. Fuluius Tribunus mil. ac Præfectus so-
ciorum imperauit, vti duobus millibus equi-
tum delectis denunciarent, vt ad tertiam
buccinam præsto essent. Equitibus tamen v-
niuersis ciuis Romanus præficiebatur, forte
ne quid mouerent. Liuius libr. XXXV. C. Li-
uius Salinator præerat alarijs equitibus. For-
te etiam quæ de Alæ præfectura proxime di-
ximus, ad socios referri possunt.

Prætoria cohors suâ videtur habuisse Præ-
fectum: cuius Repub. euerfa, frequens mentio
est apud Tacitum: Dio li. 54. scribit ab Augu-
sto Prætorianorum militum duos Præfectos
institutos. Euocati si seorsum à Prætoria co-
horte fuissent centuriati suum quoque Præ-
fectum habuere, cuius meminit Cicero ep. 6.
lib. 3. famil.

Calonibus præficiebantur ex ipsis calo-
nibus idonei, vsuque periti, qui tamen non
amplius quam ducentis præessent. Vegetius
lib. III. cap. VI. Ex ipsis, inquit, calonibus ido-
neos ac peritos vsu legebant, quos non am-
plius

plius quam ducentis sagifarciarijs, puerisq;
præficerent.

Levis armaturæ peditibus aliquos præfuisse
verifimile fit; qui autem propriè ijs præpo-
fiti fuerint, constituere haud scio. Atque hæc
de bellicis Romanorum magistratibus.

*De armatura peditum, equitumq; Ro-
manorum.*

C A P. XII.

Vbi ordines peditum, equitumq; Tribu-
ni descripsissent, arma singulis ætatibus
ordinibusq; convenientia, vt Polybius ait,
præcipiebant. Romani porro peditum equi-
tumque armaturam, sæpe immutarunt, cum
dies & exempla ceterarum gentium, quibus
eum pugnabant, aliquid noui semper doce-
rent. Romuli autem tempore, quo nam gene-
re armorum sint vsu Romani, incertum est.
græca tamen vsos armatura, hinc licet conij-
cere, & quod à Græcis originem ducebant, &
quod Romulū Plutarchus pro argolicis cly-
peis Sabinorum scuta sumpsisse narrat. Cæ-
sar vero apud Sallustium de coniuratione,
Romanos arma atque tela militaria à Samni-
tibus sumpsisse dicit. sed hoc posterioribus
temporibus accidisse puto, cum bella inter
Samnites Romanosq; orta essent. Primus
Ser. Tullius cum classes censumq; institue-
ret, singulis classibus arma ac tela dedit, qui-
bus vterentur in bello, quæ deinceps viden-
tur retinuisse Romani. Singulos ordines pro-

pria arma habuisse à cæteris distincta Tacit. ostendit libro 1. Hist. Aperire armamentarium iussit, iapta statim arma sine more & ordine militæ, vt prætorianus aut legionarius insignibus suis distingueretur; miscetur auxiliariis galeis, scutisque.

Velites igitur, quos in quarta classe census fuisse diximus, ex Tullij institutione scutum, gladium, & hastam habuere, vt scribit Dionysius: adq; omnino verisimilius est, quam quod Liuius ait, nihil eos præter hastam & verutum gestasse. Polybius velitibus etiã galeã tribuit, quod posterioribus temporibus factum puto; vt etiam illud, quod pro scuto parmam acceperint, quam illis Polybius, & Liuius deinceps tribuunt. Cum enim in obsidione Capuæ Romani equitatu inferiores essent, ex omnibus legionibus iuuenes maxime vigore & leuitate corporum veloces elegerunt, qui misti inter equites militarent, atque his parmas, & iacula tribuerunt vt Liuius ait; velitesque item sunt appellati: paulatimque eorum armatura ad eos Velites translata videtur, qui inter pedites pugnabant. Parma igitur, quam velites posteriore ætate habuere, rotunda fuit & breuior quam equestris, magnitudine tripedali, firmitatem roburque habens cum ob structuram, tum ob magnitudinem, quæ tutando corpori satis esset, vt Polybius scribit libr. VI. Liuius lib. XXVI. de velitibus ad Capuam institutis. Eis parma breuiores, quã equestres datæ, inde enim verisimile est, veteres velites parmam sumpsisse, quam illis, vt di-

ut dixi, Polybius tribuit. Itaque idem Livius
 libr. XXXIX. cum veterum velitarum arma-
 turam immutatam scriberet. Veles, inquit,
 tripedalem parmam habet. & in dextra ha-
 stas, quibus eminus utitur, gladio Hispanien-
 si est accinctus, quod si pede colla o pugnand-
 ame est, translati in laevam hastis, stringit
 gladium. Quæ omnino descriptio cum Po-
 lybiana convenit. Veliti item parmam tri-
 buit Livius idem libr. o XXXI. Nec pedes
 concursator, & vagus, & prope seminudus
 par et argente armorum veliti Roman. par-
 mam gladiumque habenti; pariterque & ad
 fetuendum & ad hollem petendum arma-
 to. Et Varro à *πρὸς ἡμᾶς*, ita apud Nonium. *u. r. velis.*
 Quem sequuntur cum rotundis velites leves
 parmis. Velitum forte parmas extremis tem-
 poribus iterum sustulit C. Marius, (ut Fe-
 stus ait. u. Parmulis) datis in vicem earum
 Bruttianis, id est, ut idem. u. Bruttianæ in-
 terpretatur, Scutis, quibus Bruttiani ute-
 rentur. hæc autem scuta ovalis figuræ fuisse
 puto. in æreo enim nummo vidi militem
 cum ovali scuto, quod secundum longitudi-
 nem induebatur cum inscriptione *β. ε. τ. α. ρ.*
 sic enim Græci Brutios vocant: atque ita sa-
 ne in veteri inscriptione Rhegiæ adhuc legi-
 tur.

Hastæ velitum, quas Polybius *ῥόσφοι*,
 Dionysius *δόρυ* ita nominare videtur, mis-
 siles fuere, ut Livius docet lxxxix. cum eorum
 armaturam describit, in dextra, inquit, hastas
 N 4 habet,

habet, quibus eminus vtitur. Et libr. XXX. velites ancipites ad ictum vtrinque conijciebant hastas. Et libr. XXIIIX. velites primo missilibus territaere: deinde emissis leuibustelis, quæ irritare magis quam decernere pugnam poterant, gladios nudant. Et libro XXXI. velites emissis hastis cominus gladijs rem gerebant. Iam vero velites legionarios hasce hastas missiles habuisse Liuius ostendit libr. XXIV. ante institutos ad Capuam velites: Velites, inquit, quorum telum inhabile ad remittendum imperitis est; vix quemquã sine vulnere consistere in muro patiebantur. Et libr. XXVI. cum de noua velitum institutione differeret: septena, inquit, iacula quaternos longa pedes data, præfixa ferro, quale hastis velitaribus inest. Quæ cum dicit, veteres velites hastis vsos aperte demonstrat.

Hæ hastæ duos longæ cubitos fuere, teste Polybio, digiti crassitudine dodrantali præfixo ferro, in tenuitatem gracilitatemque ducto, vt post primum ictum reflecteretur, neque remitti posset. Itaque Liuius libr. XXIV. velitum telum inhabile ad remittendum esse dixit. Cum vero hastas scriptores tribuant veliti, facile conijcere possumus, eas fuisse plures, tot nimirum, quot vna manu comprehendere commode possent. nam Liuius libr. xxxix. scribit velites, si collato pede pugnam fuisset, trāsatis in læuam hastis, gladios strinxisse. Ad iaciendas hastas velites amen-

tis vte-

tis utebantur. Cæf. lib. v. Gall. Monet ut tragulam cum epistola ad amentum delegata, intra munitionem castrorū, adijciat. Cicero in Bruto Hastæ velitibus amētatiq̃ traduntur. Isidorus libro xix. cap. vii. Amentum vinculum est iaculorum hastilium, quod medijs hastis aptatur. Festus. Amenta, quibus ut mitti possint, vinciuntur iacula, ex Græcō quod est *ἀμματα* sic appellata: vel quia aptantes ea ad mentum trahunt.

Porro velitum hastas à pilis fuisse diuersas, contra quā nonnulli putant, Polybius ostendit, qui velitum *χρόσφοις*, Hastatorū verò, & principum ceterorum *ὄξυρῶς* fuisse dicit: & Liuius pila ab hastis velitaribus seorsum nominans libro XXXIX. Ingentem, inquit, vim pilorum, & velitarium hastarum parauerat.

Gladium veliti, ut dixi, Polybius, & Dionysius tribuunt, quem Liuius in explicatione census adimit: postea passim tribuit, ut libr. xxix. Velites emissis leuibus telis, quæ irrita re magis, quam decernere pugnam poterant, gladios nudant. Et libro xxxi. Velites emissis hastis cominus gladijs rem gerebant. Et li. 38. Et cum cominus venerant, gladijs à velitibus trucidabantur. Hic gladius breuior fuit, ad propiorem habilis pugnam. Hispaniensem Liuius vocat: Polybius generali nomine *μάχαιρα*, Hispaniensem verò cæteris tribuit, verisimile tamen est, gladium Hispaniensem peditum grauis armaturæ fuisse: deinde pro-

per insignes vtilitates, ac ete is etiam equi-
tibus vti paros. Gladius Hispanient vtrinq;
acutus fuit, Polybio teste, mucronemque exi-
mum, & obeliscum firmū validumq; habuit
Liu. lib. 32. veles tripedalem parmam habet,
& in dextra hasta, quibus eminus vtitur: gla-
dio Hispanientē est cinctus. quod si pede col-
lato pugnandum est, translati in leuam hastis,
stringit gladium. Et lib. vii. Armant inde iu-
uenem æqualem: pedestre scutum capit, Hi-
spano cingitur gladio, ad propiorem habili
pugnam. Hispanientem autem gladium vo-
catum puto, quod eum ab Hispanis Romani
mutuari essent, vtrinq; enim punctum magis,
quam cæsim feriebant, de Romanis quidem
testis Vegetius lib. i. cap. xii. De Hispanis au-
tem Lilius lib. xxi. Gallis, inquit, Hispanis-
que scuta eiusdem formæ fere erant: dispares
ac dissimiles gladij: Gallis prælongi, ac sine
mucronibus: Hispano punctum magis, quam
cæsim assueti petere hostem, breuitate habi-
les & cum mucronibus.

Hoc gladio ita veteres præcingebantur au-
ctore Polybio, quod etiā in antiquis marmo-
ribus videmus, vt ab sinistro humero ad de-
xtrum femur penderet: quæ causa fuit, vt bre-
uior esset, cum alioqui stringi commode non
posset. Hinc Festus arma dicit appellata, q̃
ex armis, id est, humeris penderent, vt gladius.

li 3. ca. 3. Iosephus tamen qui Romanam militiam Ve-
spasiano imperante explicauit. Romanos v-
triusque ex latere gladijs præcinctos dicit, ita
tamen, vt gladius dexter varius esset palmi,

sinister

sinister verò multo lōgior. vt gladius dexter
 nihil aliud quam pugio fuisse videatur: pu-
 gionibus enim Romanos vfos esse Cicero, Sal-
 lustius, Tacitus, ceteriq; tradidere. Dio etiam
 lib. xxxix Rom. pugiones Gallicis minores
 fuisse dicit, mucronemq; ex chalybe habuisse.
 Veget. quoque spathas & semispathas, id est,
 maiores & minores gladios militibus tribuit
 l. 2. c. 15. Porrò cingulū, ex quo gladius pende-
 bat, Baltheus siue Balteum dictum est, quod, vt lib. 4. 21
 ait Varro, è corio esset bullis distinctum. Pro-
 pertius lib. iv. eleg. xi.

Præbebant casibalte lenta boues.

In eodem balteo signa quædam fuisse, quæ
 militum in legione numerum ostenderent,
 tradit Isidor. l. 19 Originum cap. vltimo. Hoc
 Balteum militare quoq; cingulū appellatur.
 Cæt. l. 5. Transfigitur securum Pulso, & veru-
 tum in balteo desigitur. auertit hic casus va-
 ginam, & gladium educere conantis dexterā
 moratur manum.

Galeā veliti neq; Dionys. neque Lini. vnus
 verò Polybius tribuit quam simplicem fuisse
 dicit, lupi pelle, aliaue re simili contextam,
 quod & integumentum pariter, insigneq; es-
 set, vt in prælio strenuè ignauiterq; se gere-
 rent suos duces ij qui latere non possent. Pro-
 pertius lib. iv. eleg. xi.

Et galeæ hirsuta compta supina iuba.

Virgil. l. 7. de *Hernici Fulvosque lupi de pelle galeros.*
 Easde galeas struthiocameli pennis ornarū,
 vt ait Plin. l. 10. c. 1. Fas pennas tres fuisse, cubi-
 tiq; vnius longitudine scribit Pol. quas rectas

nigri vel punicei coloris, in galea, in coronæ modum ponebant, vt species cum per se pulchrior, tum hostibus esset terribilior.

Ex qua autē materia velitum galea fuerit, Polybius non tradit: ex ære autem fuisse inde adducor vt credam, quod reliquarum classum galeæ item æræ fuisse tradantur à Polybio, & Liniō. Camillum tamen bello Gallico aduersus Gallorum ictus, galeas ferreas lœui superficie fabricasse narrat Plutarchus in vita. Festus similes ait fuisse galeas naso sursum versus repando, quare Silas etiā dicit: ex hoc etiam potuit Propertius galeam supinam nominasse.

v. Sili.

Ac velites quidem ita armabantur, vt maxima tamē ex parte nudi essent. Hastati verò, totam armaturam teste Polybio gestarunt. ea autem fuit, vt idem ait scutum, galea, thorax, ocreæ, gladius, pila siue hastæ.

Scuta Romani videntur sæpe mutasse. Romulum enim pro argolicis clypeis Sabīnorū scuta Romanis dedisse Plutarchus refert. Ser. Tullius, vt Linius & Dionysius scribunt, primæ classis, id est, Triarijs clypeos dedit: quos *ἀσπίδας* Dionysius vocat: secundæ verò & tertiz, id est, Principibus & hastatis scuta, quæ *δυσκοῦς* idem appellat. Polybius Hastatis, Principibus, Triarijsque *δυσκοῦς* tribuit. Cæsar apud Sallustium Romanā Samnitibus armaturam sumpsisse dicit: Athenæus lib. vi. extremo Roman. *δυσκοῦ χερσίν* à Sānitibus sumpsisse dicit. Samnitium verò scutum ita descri-

describit Liuius li. IX. Forma erat scuti summum latius, qua pectus atque humeri tegitur fastigio æquali: ad imum cuneatior, mobilitatis causa. Idem Liuius bello Persico, Romanos scutis Ligustinis vsos narrat, libr. XLV. Missilib. procul regia auxilia melius pugnabant: comipus stabilior & tutior, aut parma, aut scuto Ligustino Romanus erat quāquam ibi Liuius de leui armatura loqui videtur. Clypeum ego rotundum fuisse puto, vel Virgilij auctoritate, qui Polyphemi oculū fuisse dicit, Argolici clypei, aut phœbeę lampadis instar. Festus quoque corium bouis ob rotunditatem clypeum vocatum dicit. Scutū verò ouali, aut quadrata figura portę instar fuisse verisimile est, ex quo *Συγέδς* Gręcis dictum videri potest. Samnitorium verò scuta ex vtriusq; composita fuere, superiore quidē parte lata, infima cuneata, vt Liuius ait.

Scutū, teste Polybio, superficie curua fuit, quod, vt opinor, sic melius militis non solum pectus, sed etiam latera protegeret. Hinc Liuius lib. XXXIX de Gallorum scutis. Scuta, inquit, longa, cęterum ad amplitudinem corporum parum lata, & ea ipsa plana malē tegebant Gallos. Dio tamen lib. XLIX etiam plana scuta in exercitu Ro. videtur agnoscere, cum in Testudinis descriptione dicit, eos, qui scuta curua haberent, extra in lateribus collocatos: qui autem lata scuta habuere, in medio positos, scuta super capita sustulisse: sic vt nō solum milites, sed etiam equi currulq; super ea testudine veherentur.

Fuit

Fuit verò latum scutū, vt scribit Polybius, pedes duos & semis. itaque pede ipso milite latius fuit, cum hominis vnus latitudo vnus pedis & semis fere sit, aut nō multo secus. Longitudo autem ordinaria fuit pedum quatuor, aut vt maxima esset, quatuor amplius digitis ordinariam superabant. itaque scutum totum fere militem tegebat, cum homo fere maior quinque pedibus non sit: quare modica inclinatione corporis oēs ictus vitare poterant. Hinc Liuius lib. xxxiv Missilibus Lacedæmonij pugnabant; à quibus se magnitudine scuti perfacile Romanus tuebatur miles. Et lib. ix de comparatione Macedonum & Romanorum militum, Arma inquit, clypeus, sarissæq; illis: Romano scutum maius corpore regumentum. Quibus verbis scutum clypeo maius fuisse significat. Scuti quoq; Romani amplitudinem illud ostendit, quod idem Liuius narrat lib. xlv à Paulo institutum: Vigiles etiam nouo more scutum in vigiliam ferre vult: non enim in pugnam vigilem ire, vt armis vtatur, sed ad vigilandum scuto præ se erecto stare galeatos; deinde vbi fessi sint innixos pilo, capite super marginem scuti posito sopitos stare, &c.

Erat verò, vt Polyb. narrat, ex duabus tabulis scutum compactum, taurino glutino, lintheisq; inter se coniunctis: exterior superficies vituli pelle obducebatur. vnde scuta dicta putat Festus ἀπὸ τοῦ σκύτους, id est, pelle. Liui. lib. xxiii. I ora detracta; scutis pelles, vbi feruida molliissent aqua, mādere conentur.

tur. Scutum videtur compactum ex axiculis. Marcellinus lib. 21. fere initio. Iulianus cum quariens scutum varijs motibus exerceretur in campo, axiculis, quis orbis erat compaginatius in vanū excussis, an. a remanserat sola. Plinius lib. xvi. cap. iv. ex aquaticis arboribus scuta præcipue facta scribit. Scuti ora, eodem Polybio auctore, ferrea lamina obducebatur, cum vt gladiatorum ictibus resisteret, tum verò ne terræ adhærens attereretur. Hanc laminam bello Gallico à Camillo additam, cum antea scutum ex solo ligno esset, scribit in vita Plutarchus. In medio scuto, teste Polybio, ferreus fuit umbo, tam firmi roboris, vt omnibus ictibus lapidum, telorumque resisteret.

Habuit præterea scutum lora, vt scribit Seruius, quibus ex humeris brachioque sinistro suspendebatur: ex quo dixit Virgilius libro II Aeneid. *Clypeique insigne decorum Induit, &c.* Quod idem scribit lib. xvii Polybius.

In scuto porro intrinsecus quidem, vt Vegetius ait lib. ii. cap. xix. vnius cuiusque militis nomen erat inscriptum, addito ex qua esset cohorte, quæque centuria: extrinsecus autem nomen erat Imperatoris adscriptum teste Dione libro XLIX. & libro L. Xiphilinus in Domitiano. Iulianus iussit milites suos & centurionum suorum nomina in scutis inscribere, quo facilius ij, qui præclarè aliquid, aut turpiter fecissent, cognoscerentur. Hirtius de bello Alexandr. Milites adeo fastebantur, vt C. Pompeij nomen in scutis inscriptum

scriptum haberent. Et mox. milites nomen Pompeij ex scutis detraxerunt.

Ad femur dextrum gladium Hispaniensem, similiter atque velites gestabant. Nec non galeam, ut illi æream habebant, quam præterea pinnis tribus puniceis nigrisue rectis longitudine fere cubitali ad instar coronæ cuiusdam adornabant: quæ pinnæ cum ad arma cetera in summo capite accederent, miles duplo maior videbatur, eiusque species cum pulchrior, tum hostibus terribilior reddebatur, ut ait Polyb. li. vi. Varro lib. iv de lingua Lat. Muri, inquit, Summa, Pinnæ, ab ijs, quas insigniti milites habere in galeis solent, & in gladiatoribus Samnites. Has pinnas struthionum fuisse ait Plinius lib. X. c. i.

Ocreæ tibiarum fuere tegumenta; ex quæ etiam Tibialia nominantur, ex ære fuisse Polybius, Dionysius, Liuius tradunt. Scribit lib. i. cap. xx Vegetius in dextris duntaxat cruribus ocreas habuisse; forte quia, ut idem præcipit, pedem dextrum, dum gladio cominus pugnatur, milites proferre debent: quare is nudatur, cum sinister scuto tegitur. Virg. l. vii. de Hernicis idem testatur: vestigia nuda sinistri instituere pedis, crudus tegit altera pero.

Polybius tamen, Dionysius, & Liuius ocreas numero multitudinis nominant, & in marmoribus crus utrumque tectum ocreis videmus. Liuius lib. ix Samnites sinistrum crus ocrea tectum habuisse narrat, quod de omnibus militibus videtur confirmare Iuuenalis Satyra vi.

*Balteus, & manica, & crista, crurisq, sinistri
Dimidium tegmen.*

Tegebant autem ocreæ, ut ex marmoribus videmus, solam tibiā fere usque ad genu: ne, dum scutum ad ictus vitandos attollitur, ima pars cruris tibiæque nudaretur. Ocreas Festus inæqualiter tuberatas fuisse dicit, unde illis nomen. Ocrem enim veteres montem confragosum nominabant. Liuius tamen & Dionysius tertię classi id hastatis adimunt. Pila præterea (sic enim *ὄστρεός* interpretor) teste Polybio duō gestabant, alterum quidem maius, alterum verò minus: minorā pila una cum ferro iaculis mediocribus paria fuere, ut cum Polybio scribit Dionysius libro vi. Maiorum pilorum alia tereti, alia quadrata figura fuisse, ait Polyb. id est, ut ego existimo, ut hastile ad medium usq; quadratū esset, quod ferro item quadratō præfigeretur, ut in Cælica scribit Appianus. Liuius quoque in pilo hastile quadratum agnoscit libro XXI. Falarica, inquit, erat missile telum, hastili ob longo, & cætera tereti, præterquam ad extremum, unde ferrum exstabat, id, sicut in pilo, quadratum.

Horum magnitudo fuit auctore Dionysio, quæ manum impleret, hoc est, quemadmodum scribit Polybius, ut teretia diametrum digitorum quatuor: quadrata eiusdem mensuræ lātera haberent. Porro maiorum minorumque pilorum eadem fuit hastilis longitudo, id est, Polybio teste, cubitorum trium,

vel ut scribit Dionysius, haud minor tribus pedibus. huic ligno ferrum, auctore Polybio, longitudinis eiusdem inferebatur, cætera, ut scribit Appianus, molle ac tenerum præter mucronem, qui cum firmus fuit, tum etiam, ut ait Polybius, hamatus: videlicet ut cum ictu inflecteretur, inhabile ad remittendum esset, aut si corpori adhæsisset, non facile extraheretur. Cæsar libro 1. Gall. Gallis magno ad pugnam erat impedimento, quod pluribus eorū scutis vno ictu pilorum transfixis & colligatis, cum ferrum se inflexisset, neque euellere, neque sinistra impedita satis commode pugnare poterant.

Ferrum autem, ut Polybius & Appianus narrant, ad medium vsque hastile interebatur, tamque firmiter connectebatur, ut prius ferrum frangeretur, quam nexus relaxaretur. Nectebatur enim multis fibulis, ut Polybius ait: Plutarchus tamen pili ferrum duabus fibulis ferreis colligatum fuisse narrat, earumque alteram à C. Mario bello Cimbrico sublatam, ac pro ea ligneum clauum repositum eo consilio, ut pilum in hostile scutum incidens non rectum hæreret, sed facto clauo ligneo, ferrum reflecteretur, atque hastile traheretur ob cuspidem flexam retentum. Dionysius pila utrinque ferro præfixa fuisse dicit, forte ut humi præfigi posset, ipse quoque ibidem pila, quæ ante tabernacula erant præfixa, arsisse scribit.

In pilis videtur nomen Imperatoris fuisse inscriptum: nam hac vna re dicit Plutarchus
notum

notum factum esse, Catuli opera victoriam de Cimbris partam esse, quod pila, quibus hostes fuerant interfecti, Catuli nomen haberent inscriptum.

Iam verò pilis vfos fuisse hastatos, Liuius ostendit libro XXVII. C. Decimius, Flauus Tribun. mil. signo arrepto primi hastati, manipulum eius signi se sequi iussit, pilaque in belluas conijci. Et lib. XXX. Hastati legionis vndecimæ conglobant sese, atque in elephantos pila conijciunt.

Primis tamen temporibus hastis vfi sunt hastati, & Dionysius, Liuiusque tertiæ classis, id est, Hastatis, hastas tribuunt. Varro etiam lib. IV. de lingua latina. Hastatos nominatos dicit, quod initio hastis pugnarent. Quando autem pro hastis pila acceperint, incertum est. Annotamen CDIV. Hastati hastas habuere. Liuius libro VII. Ab hastatis, principibusque prælium initum, præter virtutem locus quoque superior adiuuit, vt pila omnia hastæque, non tamquam ex æquo missa, vana caderent, sed omnia librata ponderibus figerentur. Ex quo loco illud etiam intelligimus hastas missiles fuisse.

Thoracem, siue loricam tertiæ classis id est Hastatis Liuius, Dionysius, & Polybius adiungunt. Polybius tamen eos pro lorica, ærea lamina, cuius in omnes partes latitudo vnus palmi esset, pectus munisse scribit; quam καρδιοφύλακα, id est, cordis munimentum nominarunt. Qui tamē censum supra decem millia drachmarum habuere, totum thoracem gestarunt, vt infra dicemus.

Hæc

Hæc igitur Hastatorum, quī in tertia classe censebantur, armatura fuit. Eandem omnino habuere Principes, teste Polybio; Dionysius etiam & Liuius Ocreas, quas tertiæ classi, id est, hastatis ademerūt; secundæ, id est, Principibus tribuunt.

Triariorum, quī in prima classe numerati sunt, arma eadem fuere, vt scribit Polybius; pro pilis tamen hastas habuisse narrat; quas etiam primæ classi tribuunt Liuius & Dionysius. Eisdem diserte dat Triarijs Liuius libr. viii. Triarij sub vexillis considebant, sinistro crure porrecto, scuta innixa humeris, hastas sub erecta cuspide in terra fixas tenentes. Triariorum hastæ non videntur missiles fuisse: itaque δόπατα à Polybio vocantur: & Liuius ostendit lib. iix. Triarij cum & semetipsi fatigassent, & hastas aut præfregissent, aut hebetassent. Et mox. Triarij hastis ora fodientes per manipulos prope intacti euasere. Varro tamen lib. iv de lingua latinâ Triarios pilis pugnasse dicit, & propterea Pilanos vocatos, quod etiam confirmat Ouidius lib. iiii Fastorum, Pilanos, Triarios nominans:

Hastatos instituitq, decem,

*Et totidem Princeps, totidem Pilanus habebat
Corpora.*

Porro cum Triarij in prima classe numerarentur, cuius census finitus est supra centum millia æris, vel, quod idem est, supra centum minas, id est, decem millibus drachmis siue denarijs (mina enim à Solone centum drachmis

mis finita est, ut Plutarchus scribit) totum, integrumque thoracem habuere, non, ut ceteri solum palmare illud pectoris munimentum. Polybius enim eos, quorum census amplius decem millium drachmarum fuit, thoracem habuisse narrat; hic verò primæ classis census fuit. Quamquam idem Polybius inter Hastatos quoque aliquos eiusdem census fuisse dicit, qui thoraces item habuerint. Thoracem, quem Latini lorica nominant, habebat fuisse tradit Polybius, id est, ut ego quidem puto, annulis confectum: quod etiam in antiquis marmoribus videmus. Ex ære fuisse docet Livius: postea ex ferro lorica fieri coepta sunt; Varro libr. IV de lingua Latina. Lorica, quod è loxis, de corio crudo pectoralia faciebant: postea succederunt Galli è ferro sub id vocabulum, ex annulis ferream tunicam. Plutarchus in Lucullo squamatas loricas nominat, id est, ex laminis ad instar squamarum confectas.

Vtrum autem Triarii scutum gestarint, controuersum esse potest. Polybius enim, uti diximus, Triarijs similiter atque hastatis, Principibusque scutum dedit. Livius autem, ut Dionysius primæ classis *ἀσπίδας* siue clypeos, secundæ tertięque *δορυσούς*, siue scuta tribuerunt. Idem tamen Livius libr. VIII scuta dedit Triarijs: Triarii, inquit, sub vexillis consistebant, sinistro crure porrecto, scuta innixa humeris, hastas sub erecta cuspide in terra fixas tenentes. At libr. XXII iisdem clypeos tribuit; consulem, inquit, lancea transfixit: spo-

liare cupientem Triarij obiectis clypeis, arcuere.

Sic igitur legionarij sine grauis armaturæ pedites armabantur: Leues autē, qui in quinta classe censebantur, fundis, missilibusque pugnarunt, vt Liuius & Dionysius tradunt, itaque scuto, gladio, cæteraque armatura videntur caruisse. Ac de scuto quidem verisimilis fit ex Vegetio cōiectura, cum funditori & sagittario non modicum impedimentum sit: de gladio verò possumus quoque conijcere ex Plutarcho, qui in Sullæ vita Romanos sagittarios collectis manu sagittis, hostes à quibus premebantur, propulsa ait. nam si gladium habuissent, verisimile est eum stricturos fuisse, vbi vicinitas hostis sagittarum iactum exemisset. Gladium tamen ijs tribuit Tacit. lib. xii. Sed eo quoque irrupere ferentarius, grauisque miles, illi telis assultantes, hi conferto gradu, turbatis contra Britanorum ordinibus, apud quos nulla loricarum, galearumue tegmina: si auxiliaribus resisterent, gladijs ac pilis legionariorum, si huc vertenter spathis & hastis auxilium sternebantur. Veget. verò l. i. ca. xx. totam armaturam sagittarijs tribuere videtur: Quid enim, inquit, pedes sagittarius sine cataphracta, sine galea, qui cum arcu scutum tenere nō potest, faciet. Et mox. Pilatæ legiones pter scuta etiā cataphractis galeisque fulgebant; vsque eo vt sagittarij sinistra brachia manicis munitur.

Fundæ, vt scribit Veget. lib. 3. cap. 14. ex lino vel setis fuere, quibus, contorto circa caput brachio,

brachio, non solum lapides, sed etiā glandes dirigebant. Est autē glans, Nonio teste plumbum in modum glandis informatum. Propertius lib. iv eleg. iii. Plumbea cum tortæ sparguntur pondera fundæ. Liuius lib. xxxix. de funda Aegiorum: Est non simplicis habenæ, ut Balearica, aliarumq; gentium funda, sed triplex scutale crebris futuris duratum, ne fluxa habenæ, volutetur in iactuglans, sed librata cum sederit, velut neruo missa excutiat. Et ibidem. Consul, quia non cominus pugnam, sed procul locis oppugnandis futuram præceperat animo, ingentem vim pilorum, velitarium hastarum, sagittarum, glandisq; & modicorum, qui funda mitti possent, lapidū parauerat. Et li. xxxvi Ex loco superiore fundis velut nimbū glandes, & sagittas simul, & iacula ingerebant. Sallustius in Iugurthina. Pars eminus glande, aut lapidibus pugnare. Hirtius de bello Africano officinas ferrarias instruere, sagittasq; & tela vti fierent complura, curare, glandes fundere, sudas comparare. Et de bello Hispaniensi. Glans missa est inscripta, quo die ad oppidum capiendum accederent, sese scutum positurum. Fiebant etiam glandes ex argilla Cæsar li. v. Feruentes fusili ex argilla glandes, fundis, & feruēfacta iacula in casas iacere cœperūt. Has glandes inflicto vulnere in corpus penetrasse, idē Liui. l. 38 ait. Galli cū aculeus sagittæ, aut glandis abditę introrsus tenui vulnere in speciem vrit, & scrutantes quæ vellant, telum non sequitur. Plut. in Antonio glandes *μολυβδίναι* vocat.

lib. 2.

Hæc igitur de leui armatura, postea verò cum ad Capuam noui essent velites instituti, qui pugnaret inter equites, eis auctore Liuius, parmæ breuiores, quam equestres, & septena iacula quaternos longa pedes data sunt, præfixo ferro, quale hastis velitaribus inest. Quamuis autem aliorum armorum metio non fiat, verisimile tamē est, eos & gladium, & galeam ceteraque ut velites reliqui habuisse.

Equites Romani, si Polybio credimus, non eodem semper armorum genere sunt vsi, antiquissimis enim temporibus loricas non habuere, sed ἐν περιώμασι, id est, succincti, ut ille ait, præliabantur. Quare consequebantur id quidem, ut ad descendendum ex equis, insiliendumq; leues & expediti essent, sed in congressibus præliisque maxime vulneribus erant expositi, cum fere nudi pugnarent. Hastæ præterea eorum tenues erant & graciles: itaque nec destinatum locum ijs ob agitationem ferire poterant, & sæpe solo ipso equorum motu agitatae frangebantur. Sed neque ab ima parte præpilatae erant: quare priore duntaxat parte erant utiles, qua fracta nullum amplius vsum præstare poterant. Scutum verò habebant ex corio bubalo, placentis umbilicatis, quæ in sacrificijs offerri consueuerunt, persimile: quod præterquā quod firmitatem non habebat, tum verò ubi imbre maduisset, decorticatum & tumens inutile omnino reddebatur.

Hæc igitur fuit primis temporibus teste Polybio, equitū armatura; quam cum inutilem esse

esse sensissent, aliā à Græcis mutuati sunt. quo
autem tempore id cœperit, cum Polybius re-
ticuerit, difficilis coniectura est. Quocunque
autem modo se res habeat, Equites Rom. Græ-
corum exemplo, lorica, scutum firmum, ha-
staſque cum robustas, tum ab ima parte præ-
pilatas, acceperunt. Hastas equitibus tribuit
etiam Linius libr. i. Imperat, vt hastas equites
erigere iubeat. Et libr. XL. Equites, detraſtis
frenis, bis vltro citroque cum magna strage
hostium infractis omnibus hastis, transcurrerunt.
Quibus ex verbis equitum hastas haud
missiles fuisse colligitur, vnde δέσπαρα Poly-
bius vocat. hinc etiam Linius lib. ii. de Bruto
& Arunte, qui in equis inter se concurrerunt,
Contrario, inquit, ictu per parmam vterque
transfixus, duabus hærentes hastis moribundi
ex equis lapsi sunt. Iosephus libr. III. Equites
ρόντερον, id est, contum longum gestasse scri-
bit; quem etiam contum equiti tribuere vide-
tur Vegetius lib. ii. cap. XIV. In pharetra præ-
terea tern a pluræue iacula lato ferro, hastis
magnitudine paria, suspensa habuisse. idem Iosephus
narrat. neque Linius negat, qui cum
spicula, tum missilia equitibus tribuit, vt lib.
III. Equites Romani impressione vna totum
hostium equitatum fudere, magnam vim ex
equis præcipitauere; ipsos equosque spiculis
confecere. Et li. VIII. Circumactis equis, cum
prior ad iterandum ictum Manlius consurre-
xisset, spiculum inter aures equi fixit. sed for-
te in ijs locis spiculum pro hasta dixit Linius:

At lib. VI. missilium diserte meminit; Equitum, inquit, turmæ immissæ, dato signo, ne singulorum morando cæde, spatium ad euadendum multitudini darent: satis esse missilibus ac terrore impediri cursum, obequitandoq; agmen teneri. Et Cæsar lib. I. ciuil. Equites vero ex loco superiore in aduersos tela coniciebant.

Galeas & loricas equitum similes fuisse galeis ac loriceis peditum Iosephus narrat. Liuius item equestrium loricarum meminit lib. xxx. Munera quæ legati ferrent Massanisæ regi decreuerunt bina equestria arma cum loriceis. Galeæ tamen Polybius non meminit: quam tamen equites habuisse præter Iosephum, antiqua marmora ostendunt. Ex tamen equitum facies non texere. Itaque Cæsar prælio Pharsalico militibus suis præcepit, ut Pompeianorum equitum ora oculosque peterent, quæ res Cæsari victoriam peperit, ut Plutarchus, Appianus, Frontinus, ceteriq; tradunt. Hinc illud, ut nouum de Persarum armatura scribit Marcell. l. 25. initio. Erant omnes cæterarum ferratæ, ita per singula membra densis laminis tectæ, ut iuncturæ rigentes compagibus artuum conuenirent, humanorumq; vultuum simulachra ita capitibus diligenter aptata, ut imbracteatis corporibus solidis, ibi tantum incidentia tela possent hære, quæ per cauernas minutas, & orbibus oculorum affixas parcius visitur, vel supremitates narium angusti spiritus emittuntur. Scutum equitibus Polybius & Iosephus tribuunt, quod *Supplex* appel-

appellant: Iosephus etiam obliquum id ad e-
qui latus gestasse dicit. Liuius tamen vbique
parmas assignat, lib. enim II. de equestri pugna
Bruti & Tarquinij contrario ictu per parmā
vterq; transfixus, duabus hærentes hastis mo-
ribundi ex equis lapsi sunt. Et ibidem. Equites
desiliunt ex equis, & pro ante signanis par-
mas obijciunt. Et lib. XXVI. velitibus datas di-
cit esse parmas breuiiores, quam equestres.

Nec gladium quidem in equitum armatura
Polybius nominauit; quo tamen longe ad
latus dextrum præcinctos fuisse narrat Iose-
phus. Longiorem autem gladium equites iccir-
co videntur habuisse, quod, opinor, non tam
propè semper quam velint, ad hostem possint
accedere. quare T. Manlius eques Roman. cum
Gallo pedestri pugna cōgressurus Hispanum
peditum gladium accepit, qui ad propiorem
pugnam magis habilis esset, vt scribit Liuius
lib. VII. Postea ipsi etiam equites Hispanien-
sem gladium videntur accepisse, sed cum for-
te longiorem quam peditum fecerunt. Liuius
enim de equestri pugna Romanorum & Ma-
cedonum, ita scribit l. XXXI. Postquam gladio
Hispaniensi detruncata corpora, brachijs ab-
scissis, aut tota ceruice desecta, diuisa à cor-
pore capita, patentiaq; viscera, & feditatem
aliā vulnerum viderunt, &c. Quibus verbis
illud etiam intelligitur Hispaniensi gladio
equites cæsim potius quam punctim vñs fuis-
se; contra quam supra de peditibus docuimus.
Vtrum aut equites ocreas habuerint, non me-
mini me legisse: habuisse tñ marmora vetusta
indicant.

indicant. Quare cum equites parmam, gladium, galeam, lorica, ocreas, hastamque habuerint. non plane intelligo, cur Scipio in extremâ pugna cum Hannibale, Italos equites tanquam leuius armatos ex equis descendere iusserit, quod pedites graui armatura impediti, neque elephantorum impetum vitare, neque fugientes hostes insequi commode possent ut in Libyca scribit Appianus certe enim nihilo leuius equites, quam pedites fuisse videntur armati; nisi fortè dicamus equites illo tempore neque galeas. neque ocreas habuisse, quod Polybius, qui Scipioni æqualis fuit, significare videtur, cum in equitum armatura hastæ, scuti, thoracisque duntaxat mentionem faciat.

Equi porro phaleris argenteis alijsque rebus magnifice ornabantur. Liuius lib. XXII. Præda ingēs parta: & præter equos virosque & si quid argenti, quod plurimum in phaleris equorum erat, omnis cetera præda diripiēda data est. Et lib. XXVI. Argenti, qui curuli sella sederunt, equi ornamenta, & libras pondos, ut habere possint. Quanquam autem phaleras equorum ornamenta fuisse constat inter omnes, quæ autem earum forma fuerit, dubium & controuersum est. Videntur tamē scuti similitudinem imitari, ut à naribus ad frontem ducta illustis lamina dilataretur in fronte, attenuata in imo: quod ex Suida colligitur. qui φοῦλαρα interpretatur, τὰς προμεταπίδος, τοὺς ἀσπίδους, τὴν κόσμησιν τὴν κατὰ τὸ μέτωπον τῶν ἵππων: hoc est frontis ornamenta.

namenta, scutula, id, quo frons equorum or-
 natur. addit tamen idem apud Herodotum si-
 gnificare τὰ περὶ τὰς γνάθους σκεπάσματα, id
 est maxillarum tegumenta. Seruius neq; fron-
 tem, neque maxillas, sed pectus phaleris or-
 natum significare videtur, qui versu illo ex
 libr. VII. Aurea pectoribus demissa monilia
 pendent; monilia, phaleras interpretatur. Mo-
 nile autem ex equorū collo propendere Fe-
 stus etiam scribit. Monile, inquit, ornatus mu-
 liebris: ex eò etiam equis propendens à col-
 lo ornamentum monile appellatur. Plinius
 quoque lib. XXXVII. cap. XII. satis plane di-
 stinguit à frontalibus phaleras: Quondam,
 inquit, tantę magnitudinis fuere, vt equis re-
 gum in oriente frontalia, atque pro phaleris
 pensilia facerent. Quę cum dicit sentire cum
 Seruio potius, quam Suida, vel Herodoto vi-
 detur: verbum enim pensilia quis non putet
 referri potius ad monile illud quod collo
 pendere diximus, quam ad illud scutulum,
 quo frons aut maxillę ornantur equorū? Rur-
 sus à Plinio & Seruio Gellius dissentit, aper-
 te phaleras à monilibus distinguens, cum ait
 libr. V. cap. V. Equitatum frenis, ephippijs,
 monilibus, phaleris præfulgentem. Horum
 scriptorum dissensio dubitationem parit, v-
 trum phalerę fuerint ornamentum frontis in
 equo, vt sentit Suidas, an maxillarū, vt Herō-
 dorus, an pectoris, vt Seruius. nam Gellius vt
 à Seruio plane dissentit, cum eas à monilibus
 separat, sic vtrum frontale cū Suida, an, vt ita
 dicam, maxillare cum Herodoto putet, in du-
 bio re-

bio relinquit. Ammianus libr. XX. Phaleras significare videtur monilia fuisse, sic enim de Iuliano scribit. Augustus renuntiatus iubebatur diadema proferre, negansque vnquam se habuisse, vxoris colli vel capitis poscebatur. eoq; affirmante primis auspicijs non cōgruere aptari mulieri mundo, equi phalera quærebatur, vti congrua ornatus speciem saltem obscuram superioris protenderet potestatis.

Equites stapedes & sellâ, quas nunc vocant, non habuere vt ex antiquis lapidibus intelligimus stragulum tamen vt in iisdem cernimus, equi dorso imposuere ad mollem vecturam, quod Ephippium, teste Nonio, appellarunt. Cæf. lib. 4. initio de Sueuis. Neque eorum moribus turpius quidquam aut inertius habetur, quam ephippijs vti. Itaq; ad quemvis numerû ephippiatorum equitum quamuis pauci adire audent. Xiphilinus scribit Nerone imperante, equites, dum quotannis recensentur, ephippijs primum vsos esse.

Qui autē ex prætoria cohorte fuere, equites quidem equitum ceterorum armatura sunt vsi: pedites vero pro scuto & pilis siue hastis, clypeum & lanceam habuere, vt scribit Iosephus libro tertio.

Imperator equitum armatura vsus est, nam hastæ & parmæ meminit Liuius de pugna Bruti Cos. & Tarquini j. l. ii. Decorum erat tum ipsis capeffere pugnam ducibus: adeoq; infestis animis concurrerunt, neuter dum hostem vulneraret, sui protegendî corporis memor, vt contrario ictu per parmam vterq; transi-

xus, dua-

xus, duabus hærentes hastis, moribundi ex e-
 quis lapsi sint. Habuit autem Imperator præ-
 terea plures equos magnifice ornatos, quibus
 in bello vteretur. Tacitus li. xv. Turbatus e-
 quus, qui insignia consularia gestabat, retro
 euasit. Plutarchus in Crasso, & Appian. in ἵππος
 Parthica. Equus ex imperatorijs insigniter τῶν στρα-
 ornatus, tracto per vim rectore, in flumē sub-
 mergus disparuit. Quæstor, Legati, Tribuni, τῆς
 & Præfecti equitum arma habuisse verisimile κῶν ἐπι-
 fit, quod ij plerumq; equitibus præpositi λε-
 gantur. Centuriones peditum armatura, pe- φαλῶς
 dites ipsi cum essent, vsi videntur: galeas τελευ-
 tæ, vt scribit Vegetius, transuersis & argen-
 tis cristis ornatas habuere, vt facilius cogno-
 sceretur à suis. Signiferi loricas minores ac-
 cepere, & galeas ad terrorem hostium vrsi-
 nis pellibus obiectas, vt idem ait. Socij & au-
 xilia cetera pro ritu suæ gentis arma gessere,
 vt Cretenses sagittarij, Baleares funditores,
 Numidæ equites &c. Certe auxiliorum arma
 à legionarijs diuersa fuisse Tacitus ostēdit, qui
 l. 12. gladios & pila legionariorum, spathas &
 hastas auxiliorū nominat. Et. Aperire, inquit,
 armamentarium iussit, rapta statim arma sine
 ordine & more militiæ, vt prætorianus aut
 legionarius insignib. suis distingueretur: mi-
 scentur auxiliarijs galeis, scutisq; li. 1. Hist.
 Hæc igitur de armis, quæ singuli ordines ha-
 buere: plurima præterea armorum, telorum-
 que genera in scriptoribus leguntur, sed mihi
 non fuit consilium armorum nomina recen-
 sere, sed vniuerse Rom. militiam explicare.

Arma

Arma autem Romani auro argentoque cœlabant, & ornabant. Iuuenalis Satyra XI.

*Tunc rudis, & Graias mirari nescius artes
Vrbibus enersis, prædarum in parte reperta
Magnorum artificum frangebat pocula miles,
Et phaleris gauderet equus, calatâq; cassis.
Argenti quod erat, solus fulgebat in armis.*

*Lib. 2. ca.
24. de
bel. iu-
daico.*

Id autem victis nationibus à Romanis fieri cœptum videtur. olim enim Romani horridis armis fuere. itaque aurata & argentata Samnitium arma Romani derisere, quod dōcēri à ducibus essent, horridum militē esse debere, non calatum auro argentoque, sed ferro & animis fretum, ut refert Liuius lib. IX.

Pila, hastæ, sagittæ, aliaque missilia, quoniam eorum copia ingenti opus erat, cū præliis exhaurirentur, Vehiculis, ut scribit Iosephus, post exercitum vehiebantur. Tacitus lib. 1. Histor. Vehicula cohortis, incipiente nocte, onerari à aperto armamentario iubet.

Illud autem extremo capite admonendum puto, Romanos priuatim arma non habuisse: quod à Porſenæ temporibus originem videtur habuisse. qui pacem ijs condicionibus fecisse dicitur cum Romanis, ut ne ferro nisi in agris colendis vterentur, auctore Plinio lib. XXXIV. cap. XIII. Itaque cum milites erant scripti, ijs arma publico ex armamentario, quod in Capitolio in arce fuit, tradebantur. Hinc Lucanus, iam rupes Tarpeia sonat. Liuius lib. III. Consules & armare plebem, & inermem pati timebant: dant tamen arma, non

ma, non vulgo, tantum vt incerto hoste, præsidium satis fidum ad omnia esset. Cicero pro Rabirio Perduell. Fit S. C vt C. Marius L. Valerius Coss. adhiberent Tribunos plebis, & Prætores, quoseis videretur: operamque darent, vt imperium populi Roman. maiestasque conseruaretur. adhibent omnes Tribunos præter Saturnium, Prætores præter Glauciam: qui Rempub. saluam esse vellent, arma capere, & se sequi iubent. parent omnes, ex ædificijs armamentarijque publicis arma populo Roman. C. Mario Cos. distribuyente dantur. Tacitus libro 1. Histor. Vehicula cohortis onerari aperto armamentario iubet. Et ibidem. Aperire: deinde armamentarium iussit, rapta statim armâ, sine more & ordine militiz.

De vestibus militaribus.

C A P. XIII.

QVemadmodum in pace Toga cõmunis Romanorum omnium vestis fuit, ita in bello sagum. Fuit autem sagum ex lana ad talos vsq; *Silius li. 17. Humeris impo-* demissum, fibula in humero colligatum quod *nit honorem Ful-* supratunicam induebant, vt ait Strabo l. 4. de *gulis.* Gallis. Varro virgula diuina apud Nonium, Cum neq; aptam mollibus humeris fibulam sagus ferret. Trebell. in Saturninõ. Conuiuio discumbere milites, ne inferiora nudarentur, cû sagis iussit, hieme grauibus, æstâte pellucidis. Liuius l. XXX. Munera quæ legati ferrent Massanisæ regi decreuerunt sagula purpurea duo cum fibulis aureis singulis. Cæsar lib. V.

P bell.

bell. Gall. Gladijs cespites circumcidere, manibus, sagulisque terram exhaurire. Et libr. i. bell. civil. Quos deprehendit, interfecit: reliqui coeunt inter se, & repentino periculo exterriti, sinistras sagis inuoluunt, gladiosque dstringunt, atque ita se à cetratis equitibusque defendunt. Quæ omnia, nisi saga longa essent, fieri non potuerunt.

Neque vero gregarij solum milites, sed centuriones, Tribuni atque adeo ipse Imperator sagum habuere. Sallustius libr. ii. Histor. apud Nonium. Occurrere duci, & prælium accendere; adeo vti Metello in sagum, Herculeio in brachium tela venirent. Metellus autem Pius erat Imperator, vt ex Frontino libro ii. cap. i. Stratag. colligitur. De sagulo centurionum meminit Suetonius in Augusto ca. XXVI. Cornelius, inquit, Centurio reiecto sagulo ostendens gladij capulum non dubitauit in curia dicere. Hic faciet, si vos non feceritis. Quod si Imperator sago est usus, quis iam de ceteris magistratibus dubitare potest, quin sago item sint vsi? Certe non solum ipsum imperatorem, sed lictores quoque comitesque sagatos fuisse Cicero in Pisonem docet; Togulæ lictoribus ad portam præsto fuerunt, quibus illi acceptis: sagula reiecerunt, & cateruam imperatori suo nouam præbuerunt. Suetonius in Vitellio, cap. XI. urbem ad classicum introijt paludatus, ferroque succinctus inter signa atque vexilla, sagatis comitibus, ac detectis commilitonum armis.

Impera-

Imperatoris tamen, Tribunorum, & Centurionum saga, à sagis gregaliorum militum diuersa videntur fuisse. Liuius lib. VII. Hæc omnia Tribunus sagulo gregali amictus, centurionibus item manipularium militum habitu ductis, ne ducem circumire hostes notarent, perluſtrauit. Forte autem colore inter se diuersa fuere: Imperatoris enim sagū purpureum fuit. Hirtius de bel. Afric. Cum Scipio sagulo purpureo ante Iubæ regis aduentum vti solitus eſſet, dicitur Iuba cum eo egisse, non oportere illum eodem vti vestitu, atque ipse vteretur. Itaque factum est, vt Scipio ad album sese vestitum transferret, Horatius lib. epod. IX. de Antonio imperatore

*Terra mariq; victus hostis punico
Lugubre mutauit sagum*

Ad quem locum Porphyrio: Deposuit, inquit, coccineam clamydem Antonius, qua scilicet imperator utebatur; & accepit lugubrem, id est, nigram. Punicum enim purpureum aut coccineum significat.

Imperator ad sagum addidit præterea paludamentum, quod proprium solius fuit Imperatoris. Apuleius Apologia priore: Quod imperatoribus paludamentum, quod pontificibus galerus, quod litens auguribus, &c. Liuius l. IX. Tum a Consulib⁹ abire lectores iussi, paludamentaq; detracta, tantam inter ipsos miserationem fecit, vt suæ quisq; conditionis oblitus, ab illa deformatione tantæ maiestatis velut ab nefando spectaculo auerteret

oculos. Et libr. XXV. de Graccho Procos. Inter hæc dicta paludamento circum læuū brachium intorto (nam ne scuta quidem secum extulerant) in hostes impetum fecit.

Fuit autem Paludamentum pallium ad talos fere vsque demissum, quod dextro brachio exerto, in sinistro humero nodo colligabatur, vt in statuis antiquis videmus. Purpureum siue coccineum auroq; mistum docet Isidorus lib. XIX. cap. XXIV. Paludamentum erat, inquit, insigne pallium Imperatorum cocco, purpuraque & auro distinctum. Hinc Plinius libr. XXII. cap. II. Coccum imperatorij paludamentis dicatum esse dixit. Plutarchus *φορβιξίδα* appellat, tum in Crasso, tum in Bruto in extremo. Album etiam esse potuisse scribunt Valerius libr. I. cap. VI. de Crasso, & Plutarchus in eiusdem vita. Hirtius etiam scribit Scipionem, deposito purpureo sagulo album sumpsisse. Hinc Sex. Pompeius notatur qui pro paludamento purpureo cæruleum vt Neptunum imitaretur, sumpserit Appian. li. V. Paludamento non solum Imperator; sed etiam lictores vsi sunt. addit Festus omnia militaria ornamenta, Paludamenta dici. Et Varro lib. VI. de lingua lat. Paludamenta, inquit, sunt insignia & ornamenta militaria. Ideo ad bellum cum exit imperator, ac lictores mutant vestem, & signa incinuerunt. Paludatus dicitur proficisci: quæ propterea quod conspiciuntur, quæ ea habent, ac fiunt palam, Paludamenta dicta.

a. Palu-
datis.

Plerique omnes Paludamentum, & Chlamydem

mydem eadē faciunt. Sed ea inter se videntur
separare Cicero in oratione pro Postumo, &
Valerius libr. I II. c. VI. qui in Scipione Asia-
tico, & Cornelio Sulla clarissimis Romano-
rum Imperatoribus illud tanquam insolens,
& à Romanis moribus alienum notant, quod
chlamydati fuerint. nimirum quod chlāmys
græcorum esset vestis, non Romanorum. Ta-
citus quoque libr. XII. diuersa ostendit, seor-
sim vtrumq; nominans. Ipse Claudius insigni
paludamento, neque procul Agrippina auro
ta chlamyde. Et Dio eadem de re ὁ δὲ κλάυ-
διος ὁ τε Νέρων στρατιωτικῶς ἐσάλησαν. ἤτε Α-
γριππῖνα χλαμύδι διαχρύσωέκοσμεῖτο. Plinius
libr. xxxiii. cap. 3. in extremo eadem de re lo-
quens videtur confundere. Nos, inquit, vidi-
mus Agrippinam Claudij Principis, edente
eo naualis prælij spectaculum, assidentem ei,
indutam paludamento, auro textili sine alia
materie. Isidorus quoque lib. xix. cap. xxiv. de
vtrisque separatim præcipit.

Interdum cum Trabea ad bellum profecti
Imperatores leguntur. Liuius libr. xxxii. Con-
sul trabeatus ad hostem ire pergit. Virgilius
lib. 7. Ipse quirinali trabea, cinctuq; Gabino
Insignis referat stridentia limina Consul. E-
go tamen Trabeam à Paludamento diuersam
fuisse non puto, nisi quod cum Paludamentum
vnius coloris esset, Trabea virgas quasdam
trabiū instar haberet intextas, vnde illi no-
men. Sic etiam Trebellius in Gallieno, saga
Trabeata nominat in Gallia: constat autem
Gallos discoloribus virgatisq; sagulis vsos.

Vt autem Imperator ad sagum adhibuit paludamentum, ita Tribuni, ceteriq; magistratus latum vel angustum clauum addidere, angustum quidem Equites, latum qui in senatū essent lecti. hinc laticlauij, & angusticlauij tribuni, id est, qui vel senatores, vel equites essent; ex utroq; enim ordine lectos interdum Tribunos ostendimus. Suetonius in Othone cap. X. Interfuit huic bello pater meus Suetonius Lenis, tertiæ decimæ legionis tribunus angusticlauius. Et in Domitiano cap. X. scribit, venia donatos tribunum laticlauium, & centurionem. Angustum porro clauum equitum fuisse (latum enim senatorium fuisse notius est, quam vt confirmatione sit opus) Ouidius ostendit lib. IV. Tristium el. vltima.

Curia restabat; clauī mensura coacta est

Maius erat nostris viribus illud onus.

Et Paterculus, qui de Mæcenate, qui semper continuit se in equestri gradu, ita scribit, vixit angusto clauo pane contentus. Clauī autem dicebantur ornamenta intexta in tunica, vel toga; quæ sic appellantur, quod capita clauorum imitarentur. Festus. Clauata dicuntur vestimenta clauis intertexta. & alibi. Tunica palmata à latitudine clauorum dicebatur; quæ nunc à genere picturæ appellatur. Varro lib. II. de Analogia; si quis tunicam in usu ita consuit, vt altera plagula sit angustis clauis, altera latis; vtraque in suo genere caret analogia.

u. Plāa
toga.

Charisius

li. 1. Cla-

uius, im

purpura-

ta vestis,

εμπό-

πος

349.

Milites aduersus frigus, caliq; iniurias, plagulam

penulam ad sagum addidere Seneca lib. III. de Benef. cap. XXIX. Quote pænulati isti in militum quidem non vulgarem cultum subornati; quò, inquam, te isti efferunt? & lib. V. ca. XXIV. Quidam ex cõmilitonibus Cæsari pænulam suam subtrauit. Isidorus lib. XIX. cap. XXIV. Pænula est pallium cum fimbrijs longis. Lacerna item vestis militaris fuit, pænule similis, nisi quod capitium, & fimbrias non habebat, vnde Lacernam dictam putat Festus. ^{n. Lucio} Propertius li. IV. eleg. III. Texitur hæc castris ^{re.} quarta lacerna tuis. Isidorus li. XIX. Lacerna, inquit, pallium fimbriatum, quo olim soli milites utebantur, inde autem lacernæ, quasi amputatis capitibus fimbriarum, neque ita laxis, vt sunt pænularum.

Lænam quæ *χλαῖνα* dicitur inter vestes militares numerat Nonius, pallij genus fuisse videtur. Nonius lænam super omnia vestimenta sumi solitam scribit. Strabo libr. 4. de Gallis, lænam dicit fuisse sagum densiore filo ex lana aspera, villisq; oblongis contextum. hieme gestabatur; vnde prouerbiū *ἐν θέρῃ τὴν χλαῖναν κατατρῖβεις*. Abolla vestis ite militaris auctore Nonio, palliū siue pænula videtur fuisse, sed duplex: quare diploidem dici nonnulli volunt. gloss. vet. Abolla *ἱμάτιον*.

Quamuis autem in principio huius capitis Togam pacis, vrbiſque vestem esse diximus; tamen ea quoque in castris sunt vsi. Plutarchus in Coriolano *ἦν δὲ τότε τοῖς ῥωμαίοις ὥς αἱ τάξις καθίστατο, καὶ μέλλουσι*

τοὺς θυρεοὺς ἀναλαμβάνειν, καὶ περιζώνουσθαι τὴν
τῆβεννον, ἅμα καὶ διαδήκας ἀγράφους γίνεσθαι
τριῶν ἢ τετάρων ἐπακουόντων ὀνομάζοντας τὸν

*n. Endo-
prociñtu* κληρονόμον. Et Festus. Apud antiquos, in-
quit, togis succincti pugnasse dicuntur. Hinc
apud Liuium sæpe legimus togas in exercitū
missas, vt lib. xxix. vestimenta exercitui de-
erant, mille ducentæ togæ, duodecim millia
tunicarum missa: Et lib. XLIV. Litteræ recita-
tæ Q. Marcij Cos. sunt; vestimenta militibus
ab Roma mittenda esse. C. Sulpicius Pr. VI.
millia togarum, xxx. tunicarum deportanda
in Macedoniam locauit.

Vegetius lib. I. cap. xx. milites ad sua vsque
tempora pileis ex pellibus, quos Pannoni-
cos vocabant, vsos scribit; ne grauis galea
videretur homini in prælio, qui gestabat ali-
quid semper in capite. Certe semper galeas
milites non gestasse Cæsar ostendit l. II. belli
Gall. Temporis tanta fuit exiguitas, hostium-
que tam paratus ad dimicandū animus, vt nō
modo ad insignia accommodanda, sed etiam
ad galeas induendas, scutis que tegmenta de-
trahenda, tempus defuerit. Et Hirtius de bel-
lo Africano. Iamque cum procul hostis con-
spici posset, milites in campo iubet galeari,
& ad pugnam parari.

Pedibus milites caligas induebāt, caligam
enim pedis tegumentum fuisse Tacitus osten-
dit li. I. Annal. Militari, inquit, vocabulo Ca-
ligulam appellabant, quia plerumque ad conci-
lianda studia vulgi eo tegmine pedum indue-
batur.

batur. Has autem caligas ab vrbanis calceis diuersas fuisse Dio ostēdit l. l. vii. qui eadem de re scribens Caligulā dictum ait, ὅτι ἐν τῷ στρατοῦ ἐδω τὸ πλεῖστον τραφεὶς τοῖς στρατιωτικοῖς ὑποδήμασι, ἀντὶ τῶν ἀσικῶν ἐχρήτο. id est, quod in castris enutritus militaribus calceis pro vrbanis vteretur. Caligæ, vt reliqui vrbani calcei, non solum pedem, sed etiam crus videntur texisse. Horat. lib. i. Sat. vi.

*Nam vt quisque insanus nigris medium impedit
crus*

*Pellibus, & latum dimisit pectore clauum:
Audit continuo, quis homo hic?*

Titinius in Setia apud Festum, Iam cum mulleis te ostendisti, quos tibi atim calceas. v. Mul-
leas.
Tertullianus de Pallio Impuro cruri purum, aut mulleolum inducit calceum. Ab ima pedum parte caligæ, siue calcei militares lignei erant clauis ferreis muniti. Iosephus lib. vi. lat. l. 7.
cap. vii belli Iudaici. Ἰουλιανὸς ἑκατοντάρχης cap. 3.
τὰ ὑποδήματα πεπαρμύρα πυκνοῖς καὶ ὀξεσίμ
ῆλοις ἔχων, ὥς περ τῶν ἄλλων στρατιωτῶν ἕκαστος,
κατὰ λιδοσρώτου τρέχων, ὑπολιπιδάινει, id est,
Iulianus Centurio calceos habens creberri- li. 7. c. 3.
mis & acutis clauis, vt ceteri solent milites,
confixos, dum strato saxeis crustis solo curre-
ret, labitur. Isidorus lib. xix. ca. vlt. Clauati,
eo quod minutis clauis, id est, acutis soleæ ca-
ligis vinciantur. Idem ibidem. Caligarius,
non à callo pedum, sed à calo, id est, ligno
vocatus, sine quo consui calciaméta non pos-

sunt, quod Græci καλοπόδιον dicunt; fiebant autem prius ex salice tantum. Hinc & calceamenta dicta, quod in calo, id est, in ligno fiunt; vel quod calcentur. hæc ille. Et Festus. Clauata dicuntur calceamēta clauis confixa. Hinc Iuuenalis Satyra III.

Plantamox vndique magna

Calcor, & in digito clauus mihi militis hæret.

Et Satyra vltima.

Cum duo crura habeas offendere tot caligatos.

Millia clauorum.

Iustinas lib. xxxix. in extremo de Antiocho. Argenti auriq; tantum, vt etiam gregarij milites caligas auro figerent, proculcarentq; materiam, cuius amore populi dimicant. Valerius lib. ix. cap. i. de eadem re. Antiochi exercitus magna ex parte aureos clauos crepidis subiectos habuit. Hinc etiā apud Plinium clauī caligarij nominantur, vt lib. xxxiv. ca. xiv. de ferro; Aliud breuitate sola placet, clauisq; caligarijs. Et libr. ix Pisces existunt squamis conspicui crebris atque præacutis, clauorum caligarium effigie.

Quamuis autem caligæ calcei militares fuerint, non tamen omnium militum, sed gregariorum duntaxat videntur fuisse. Suetonius in Augusto cap. xxv. Vallares ac murales coronas quam parcissime, & sine ambitione, ac sæpe etiam caligatis tribuit. Et in Caligula cap. ix. Caligulæ cognomen Castrensi loco traxit, quia manipulario habitu inter milites educabatur. Venuleius de custodia reo-

rum,

rum, libro XLVIII. Dig. Qui exercitum accepit, etiam ius animaduertendi in milites caligatos habet. Hinc Seneca caligam pro infima militia usurpauit de Brevitate vitæ capite XVII. Marius caliga dimisit, consularis exercet. Et libro V. de Beneficijs cap. XVI. C. Marius ad consulatum à caliga perductus. Iosephus tamen centurioni, item ut reliquis militibus caligas clauatas tribuit.

Seruus ad lib. VIII Virgilij crepidas etiam militibus tribuit, sed vel is fallitur, vel de suis loquitur temporibus. Crepidis enim, quas Romani soleas vocarunt, Græci vsi sunt, exque non totum pedem, sed plantarum duntaxat calces texerunt, cæteris fere nudis. Gellius libro XIII. capite XX. Omnia, inquit, ferme id genus, quibus plantarum calces tantum infimæ teguntur, cætera prope nuda, & teretibus habenis vincta sunt, soleas dixerunt; nonnunquam voce Græca crepidulas.

Id autem apud Romanos probrosum fuisse Cicero ostendit in Verrem, stetit in littore soleatus Prætor populi Romanor. & Tacitus libro II Annal. Pedibus intectis incedere, & pari cum Græcis amictu. P. Scipionis æmulatione, quem eadem factitasse apud Siciliam accepimus. Liuius autem Scipionem dicit fuisse cum crepidis libro XXIX. Ipsius etiam Imperatoris non Romanus mos, sed ne militaris quidem cultus iactabatur, cum pallio crepidisque inambulare in gymnasio, &c.

Hæc.

Hæc igitur de vestibus militaribus dicta sine satis. Quas quidem olim suo ipsi sibi milites sumptu curabant : C. deinde Gracchus Trib. pleb. teste Plutarcho, legem tulit, vt vestes militibus de publico darentur : neque tamen propterea quidquam de stipendio minueretur.

Atque his quidem vestibus Imperator militesque in bello extra urbem utebantur. Imperator tamen in vrbe, dum bellum indicturus, Iani templum aperiebat, aut in prælio se pro exercitu deuouebat, Gabino cinctu, vt dictum est, utebatur. Quid autem fuerit cinctus Gabinus, ita docet Persij vetus interpres, *Satyr. 5.* Habitum, inquit, Gabino dii penates formabantur, inuoluti toga super humerum sinistrum, & sub dextro. Et Seruius. Gabinus cinctus est toga sic in tergum reiecta, vt vna eius lacinia à tergo reuocata hominem cingat. Et *Bullaque succinctus* Isidorus lib. XIX. cap. XXIV Cinctus Gabinus est, cum ita imponitur toga, vt togæ lacinia, *laribus donata pendit.* quæ post tergus reijcitur, attrahitur ad pectus, ita vt ex utroque latere ex humeris pendeant. *li. 7. Ipse Quirinali trabea cinctusque Gabino.*

De tubis, lituis, cornibus, &c.

C A P. XIV.

QVoniam autem sæpè tempus incidebat, vt Imperator in bello aliquid militibus præcipere vellet, neque tamen ad vniuersos eius vox peruenire posset, varia signa sunt instituta, quæ semiuocalia nominarunt, quibus non solum Imperatoris iussa nota fierent, sed etiam

etiam militum animi ad fortiter agendum incitarentur. Hæc autem tubæ fuere, cornua, litui, buccinæ, classica, de quibus breuiter dicendum est.

Buccina, teste Vegetio lib. III. cap. v. appellatur, quæ in semetipsam æreo circulo flectitur. Ouidius 1 Met.

Caua buccina sumitur ille

Tortilis in latum, quæ turbine crescit ab imo.

Videtur enim Buccinum (osteorum est genus) imitata. Hac, ut scribit Isidorus lib. XIII. cap. IV. signum in hostes dabatur; insonansq; sollicitudinem ad bella denunciabat. Persius

Buccina iam priscos cogebat ad arma Quirites.

Cæsar lib. II. bell. ciuil. Varus terrore exercitus cognito, buccinatore in castris, & paucis ad speciem tabernaculis relictis, de tertia vigilia silentio exercitum in oppidum reducit. Liuius. Duces nec prohibere paucos temere rogantes, nec dare signum vniuersæ pugnæ volebant: vbi verò transeundi annis aperte signum dedere, buccinæ concrepuere, &c. Buccina quoque in vigiliis milites mitebantur: Polybius enim verbo *βουκινῶν* utitur. Hinc Propertius lib. IV. eleg. IV. Et iam quarta canit venturam buccina lucem. Liui. lib. VII. Decius tesseram dari iussit, vbi secundæ vigiliæ buccina datum signum esset, armati cum silentio ad se venirent. Et lib. XXVI. Fulvius Tribunis mil. ac Præfectis sociorum imperauit, uti duobus millibus equitum delectis

lectis denunciarent, vt ad tertiam buccinam præsto essent. Vegetius tamē tuba ad vigilias inductos milites scribit libro ii. cap. xxii. & lib. iii. cap. viii. Buccina quoque conuiuium dimittebatur. Tacitus libr. xv. Addit gloriæ Corbulo comitatē, epulasq; & rogitante reger causas, quoties nouū aliquid aduerterat, vt initia vigiliarum per centurionem nunciari, conuiuiū buccina dimitti, & structa ante auguralē aram, subdita face accendi: cuncta in mains attollens, admiratione prisci moris affecit. Poly. lib. 14 tubicines & buccinatores conuiuij tempore cecinisse scribit. Tuba, vt

Veg li. 3. Vegetius, & Acron scribunt, directā fuit, ped-
c. 5. Acron ditumque propria. Ouid. lib. i. Metam.
ad odam

Non tuba directi, non aris cornua flexi.

1. Hor.

Quoties autem tubicines canebant, ijs non signa, sed milites obtemperabant. Cæsar libro iii. ciuil. Cæsar suos per Antonium cohortatus, tuba signum dari, atque in hostes impetum fieri iussit. Itaque siue ad opus, vel ad exercitationem milites exituri erant, sine signis à tubicine euocabantur, atque ab eodem reuocabantur, vt scribunt Modestinus, & Vegetius lib. ii. cap. xxii. Liuius lib. xxxvii. Prætor tubicines canere iubet, vt, si qui per agros palati essent, redirent. Tacitus libro ii. hist. Omisso tubæ sono, quo miles ad belli munia cietur. Cæsar libro vii. Cæsar receptui cani iussit; legionisq; decimæ signa constitere: at reliquarum milites legionum, non exaudito tubæ sono, tamen à Tribunis militum legatisq; retinebantur. Isidorus libr. xlii.

tum

tum in euocandis, tum in reuocandis militibus vario tubæ sonitu veteres vfos esse scribit. Hinc Liuius lib. xxv. Terrorem, inquit, tuba audita ex theatro faciebat. nam Romana erat, à proditoribus ad hoc ipsum præparata, & inscients à Græco inflata: quis aut quibus signum daret, incertum efficiebat. Cornua olim ex vrorum, vt ait Vegetius, vel bubalis cornibus, vt Varro, fiebāt; postea ex ære facta sunt, vt idem ait Varro. Ouidius lib. i. Metamorphoseon.

Non tuba directi, non aris cornua flexi.

Cornicines canebant, cum aut mouebantur signa, ut iam mota figēda essent; itaq; cursu imperio non milites, vt in tubis, sed signa parebant, vt Modestinus, & Vegetius libr. iii. cap. v. scribunt. Liuius li. xxiv. Cornu signū dare iubet, vt ceteræ copiæ admouerentur. In prælio tamen tubæ, cornuaque simul canebant teste Vegetio libr. ii. cap. xxii. Liuius li. ix. Ante imperium deinde concentum tubarum ac cornuum, cursu effuso in hostem feruntur. Et lib. xxx. Tubæ cornuaque ab Romanis cecinerunt, &c. Et lib. ii. Hernicorum cohortem in stationem educit cornicines tubicinesque in equos impositos canere ante vallum iubet, sollicitumque hostem ad lucem tenere. Tacitus libro i. Annal. Postquam hædere munimentis, datur cohortibus signum, cornuaque & tubæ concinuere, & in clamore & impetu tergis Germanorum circumfunduntur. Et libro secundo. Sentius occinere cornua, tubasque, & peti aggerem, erigi

erigi scalas iussit: Qui cornu tubaque cecinerunt, Aeneatores dicti sunt, quod vtraque fierent ex ære. Festus. Aeneatores, cornicines dicuntur, id est, cornu canentes. Suetonius in Iulio cap. xxxii Rapta ab vno æneatore tuba profiluit ad flumen.

Lituus incurruus fuit, sonumque habuit acutum, vt tuba grauem, teste Acrone ad odam primam Horatij. Charisius li. i. Lituum genus tubæ minoris fuisse dixit. Festus. Lituus, inquit, appellatus est, quod liti sit testis. Est enim genus buccinæ incurruæ, quo qui cecinerit dicitur Liticen. Ennius

Inde loci lituus sonitus effundit acutos.

Equitum fuisse; vt tubam peditum docet Acron. Priscianus tamen de XII versibus Aeneid. lib. v. Equites dicit vfos esse tubis. Salustius in Iugurthina idem significat. De improviso, inquit, vectigales, item cohortium, turmarum, legionum tubicines simul omnes tuba canere iubet.

Classicum nullius fuit ordinis militum, sed solius imperatoris; atque eo duntaxat præsentente, classicum canebatur, fuitque insigne imperij, vt Modestinus, & Vegetius lib. ii. cap. xxii tradidere. Hinc à Propertio lib. iii. eleg. ii. Prætorium nominatur. Et Liuius lib. xxix de Albio, & Atrio, qui in militari seditione imperium proconsulare sibi vsurparât; In prætorio tetendegunt, classicum apud eos cecinit. Quod si duo Imp. p. adessent bis classicum canebatur. Cæs. lib. iii. ciu. Pompeius suum cum Scipione honorem partitur: classi-
cumque

cumque apud eum cani, & alterum illi iubet Prætorium tendi. Hinc Asdrubal assuetus Romanis moribus, duos Consules in iisdem castris esse suspicatus est, quod bis signū cecinisset. Liuius libro xxvii. Classico canebatur, cum concio aduocabatur ab Imperatore, vel extremo supplicio in aliquem animaduertebatur, vt Modestinus & Vegetius scribunt. Liuius libro v. Luce orta, vocatis classico ad concilium militibus, ad Tribunos, cum & recte & perperam facto precium deberetur, &c. Et lib. vii. Vbi ad prætorium ventum est, consul classico ad concionem vocat. Et lib. iix. Quod vbi audiuit consul, ex templo filiū auersatus, concionem classico aduocari iussit: & mox lictor deliga ad palum, &c. Et in eodem libro, classico extemplo concionem aduocauit; Accede lictor, inquit, &c. Sed alijs quoque de causis classicum canebatur. Liuius libro ii. Prima luce classico signum profectionis dedit.

Atque hæc quidem de classico. quid autem fuerit, haud dictu procliue est. Seruius ad lib. vii Virgilij, classicum, & tubam flexilem, & sonum ipsum, qui tuba emittitur, significare dicit. Priscianus lib. v. de xii versibus Aeneidos: classicum, tubam item esse dicit, & quod ea vterentur classes equitum, classicum appellatū. Asconius in Diuinationem Ciceronis, & tubam, & sonum, quo in navibus vterentur, classicum esse significare videtur. Cani, inquit, remigibus celeuma per symphoniacos solebat, & per assam vocem,

Q id est,

id est, ore prolata, ut in Argonautis per cytharam. possumus etiam intelligere ad hoc symphoniacos capi solere, ut in classe pugnantibus classicum canant, unde ipsi tubæ classis nomen positum est classicum. Cum his videtur sentire Suetonius in Iulio ca. xxxii. Ad quem audiendum cum præter pastores plurimi etiam ex itationibus milites concurrissent, interque eos & æneatores, rapta ab uno tuba, profiluit ad flumen, & ingenti spiritu, classicum exorsus perterritus ad alteram ripam. Et Varro libro quarto, de lingua Latina, Classicum cornu fuisse videtur significare. Classicus, inquit, à classe; item qui cornu canit. Et Propertius lib. iii. eleg. ii.

Nil tibi sit raucoprotoria classica cornu Flare.

Et Modestinus, Vegetiusque libro ii. cap. xxii Classicum appellatur, quod buccinatores per cornu dicunt, vel cum in militem capitaliter animaduertitur. Isidorus quoque libro xix. classica dicit esse cornua, quæ conuocandi causa erant facta, & à calando classica appellata.

Forte verisimile est apud Imperatorem omnes simul tubicines, cornicines, liticines, ceterosque certo quodam sono cecinisse, idque appellatum classicum. Polybius enim libro xiv. scribit Romanorum fuisse consuetudinem, ut cœnæ tempore cuncti tubicines ac buccinatores simul ante prætorium canerent, quod signum erat, ut nocturnæ vigiliæ suis locis disponderentur. Liuius libro xxiv. Postero die ubi signa cœperunt canere,

canere, primi omnium parati, instructique ad prætorium conueniunt. Dio libro XLVII: scribit sub initium certaminis tubicines in orbe constitutos certum modulationis genus cecinisse, quo milites monebantur, ut in ordine starent, armaque expedirent. Quod aliquis forte classicum possit interpretari.

Singulæ autem cohortes ac turmæ tum legionis, tum auxiliorum suos habuere tubicines. Sallustius in Iugurthina: De improviso, inquit, vestigales, item cohortium, turmarum, legionum tubicines simul omnes tuba canere iubet.

Seruius Tullius Rex cum classes institueret, iussit, ut cornicines tubicinesque in tres, ut ait Lilius, vel in duas, ut Dionysius, centurias iuniorum seniorumque distributi, quartam vel quintam classem (in hoc enim Lilius à Dionysio dissentit) sequerentur. Sed Lilius quidem solum cornicines tubicinesque nominat, Dionysius autem præterea σαλπιδας, τυμπανιδας, βουκανιδας, καὶ τοὺς ἄλλοις τιτὶ μὲν ὀργάνοις ἐπισημαίνοντας τὰ παρακλητικὰ τοῦ πολέμου. id est, tubicines, tympanistas, buccinatores, quique alijs instrumentis, quæ bello opus essent, significarent. Tympanorū tamen usum apud Romanos non memi-

ni me legere. Ijs verò Parthos
 usos esse narrat Appia-
 nus in Parthica.

Stipendium Romani milites neque ab initio Urbis meruere, neque eodem anno equites, quo pedites acceperunt: sed de suo quisque militiq; muneribus fungebatur. Festus. Priuato sumptu se alebant milites Romani pene ad id tēpus, quo Roma capta est à Gallis. Recte id quidem, nam peditibus stipendiū de publico persolutum est anno CCCXLVII V.C. Anxure Volscorum oppido capto & direpto: equitibus verò tertio anno post, bello Veienti. Vtriusq; rei testis est Liui. de Peditibus quidem lib. iv. Additum, inquit, omniū maxime tempestiuo principum in multitudinē munere, vt ante mentionem vllā plebis, Tribunorumū decerneret Senatus, vt stipendium miles de publico acciperet; cum ante id tempus de suo quisq; functus eo munere esset. De Equitibus verò sic idem scribit li. v Placuit omnibus voluntariam extra ordinem professis militiam, æra procedere; & equiti certus numerus æris est assignatus: tum primum equis merere equites cœperunt. Quod autem tum primum equites merere cœpisse dicuntur, id ita videtur intelligendū, vt æra sint equitibus assignata, quibus militiq; munere ipsi fungerentur: nam ad equos emendos alendosq; iam inde à Ser. Tullio rege æra de publico dabantur, vt supra ostensum est. Hinc Liuius lib. iiii. L. Tarquitium patriciæ gentis stipendia pedibus propter paupertatē fecisse dicit.

Quan-

Quantum autem militare stipendiū fuerit, haud facile dictū est. Polybius diurnum stipendium (*ὁψώνιον*, ille vocat, qua voce stipendium significari colligitur ex eodem libr. XI. cum loquitur de seditione militū Africani) pediti obolos duos fuisse scribit, duplex cēturiōni, equiti drachmā. Liuius equitem stipendium triplex meruisse dicit; idque à. Cn. Cornelio Tribuno militum consulari primū datum anno v. C. CCCLIV. Et lib. septimo, id ut iam fulgo factitatum commemorat. Cum igitur peditis stipendium duorum fuerit obolorum, equitis autem triplex, conficitur necessario, ut eques sex obolos, siue, ut Polybius ait, drachmam acceperit: drachma enim, Plinio, Vitruuio ac Polluce auctoribus, sex obolos pondere effecit. Quæ si ad rationem Romanæ pecuniæ velimus reuocare; inueniemus equites diurnum stipendium denarium accepisse; pedites aliquanto amplius quam tres asses. Drachma enim græcus nummus Romano denario respondit, qui, teste Plinio, in militari stipendio pro decem assibus semper est datus: itaque oboli duo, tres asses, & alterius tertiam partem effecere.

Igitur antiquissimis temporibus, peditis diurnum stipendium, Romano nummo trium assium fuit: vix digna merces, pro qua tot labores, tot pericula subirent. Idque ad Iulij Cæsaris Dictatoris tempora permansit: qui, ut Suetonius ait, stipendium legionibus perpetuum duplicauit: id est, ut ego quidem interpretor, ut esset assium sex, septemque.

*Sueton.
cap. 49.*

Postea Augustus cum rem militarem corrigeret, & ad tertam stipendiorum præmiorumque formulam adstringeret; videtur stipendium militare decem assis constituisse. Certe ordinarium hoc stipendiū fuisse post Augusti mortem sub initia principatus Tiberij, Percennius quidam gregarius miles in Pannonica seditione ostendit apud Tacitum libro I Annal. Enimvero, inquit, militiam ipsam grauem, infructuosam, denis in diem assibus animam & corpus æstimari: nec aliud leuamentum, quam si certis sub legibus militia iniretur, ut singulos denarios mererent.

*Plin. lib.
33. cap 3.
Festus v.
Sextantarij, &
grauæ æs.
Virgini
li. 3. ca. 1.*

Itaque eo tempore pedites denos in diem asses merebant: tum primū denarium postulare cœperūt, & impetrarūt. Cuius postulati ratio pluribus explicanda est, ut tota hæc disputatio magis eluceat. Asses initio, ut Plinius ac Festus scribunt, librales fuere; denariusque denis assibus, id est, decem libris æris permutabatur.

Punico bello primo institutum est, ut asses pondere sextantario ferirentur, hoc est, ut binarum uncias essent singuli. Postea bello Punico secundo unciales facti sunt, auctusque eorum numerus in denario; ut assibus sexdecim denarius æstimeretur. Mox lege Papiria semunciales perculsi. Hac postrema assis mutatione (neque enim postea mutatum ad Vespasiani usque tempora, Plinius eorum æqualis tradit) nihil esse variatum in denario assium numerum existimo; sed asses sexdecim minore quidem pondere, numero au-

tem

tem eodem, in denario vt antea fuisse, aut maiore etiam numero, quam antea: namque causa bello Punico secundo alium numerum pondere imminuto auxerat in denario: eadem potuit, lege Papiriana, efficere, vt, semuncia detracta, plus tamen alibus denarius permuraretur. Sed cum id nemo tradat, denarium eodem quo antea, alium numero & precio, pondere tantum diuerso, remansisse credibile videtur.

Ex hac autem tanta alium ponderis, æstimationisque varietate, cum fere quæstus ad omnes veniret, soli milites lucri expertes fuere: videlicet quibus non asses sexdecim, quot extremis temporibus diximus denarium pependisse; sed decem asses nouo pondere, veteri æstimatione pro denario darentur, tertiæ fere partis denarii iactura. Itaque illi denarium non antiqua & militari, sed præsentis æstimatione postulabant: qua re impetrata, dimidio plus in dies singulos lucrati sunt.

Alij deinceps Imperatores diurnum militis stipendium videntur auxisse, vt singulis mensibus denarios quinque & septuaginta, hoc est, aureos ternos acciperent (in aureo enim denarios siue drachmas quinque & viginti fuisse Dio & Zonaras docent) Domitianus postea quartum aureum menstruo stipendio addidit: hoc enim significat Suet. cum ait; Ad-

*Dio l 55.
Zonaras
Tom 2.
de Augu.
cap 7.*

didit & quartum stipendium militi aureis ternis, vt ad tres aureos quartum addidisse dicat

Zonaras enim Domitianum militare stipendium auxisse scribit: cumque antea quinque & septuaginta drachmas milites singuli mererent, Domitianum iussisse, ut centum darentur.

Concludimus igitur sic. Initio cum stipendium de publico merere pedites coeperunt, ternos in diem asses habuere: senos deinde septenosque; tum denos; postea denarium; postremo singulis mensibus aureos ternos, quibus quartum addidit Domitianus. Neque dubium videri potest, quin centurionum, equitumque stipendia aucta etiam proportionem fuerint. Centurio enim duplex, Eques autem triplex stipendium meruit, ut Polybius docet. Equites tamen illi, quos de nobis equis viros in bello diximus, duplex quoque stipendium, quam ceteri qui singularibus equis uterentur, acceperunt, quod Pararium æs appellabatur, auctore Festo. Prætoriarum cohortis milites sesquiplext stipendium meruere: quod à P. Africano institutum scribit Festus. Postea Senatus, quo fidelem Augusti custodiam gererent, duplex ijs stipendium decreuit, ut narrat Dio lib. LIII. Percennius in seditiosa illa oratione, quam Tacitus refert in primo Annali, cum quereretur militibus legionarijs denos in diem asses dari; Prætorias cohortes binos denarios accepisse dicit: meruisse enim videtur asses triginta, qui binos denarios, duobus assibus minus efficiunt. Auctis deinde militum cæterorum stipendijs, æra quoque Prætorianorum aucta esse quis poterit dubitare?

Socij

Socij æra à suis ciuitatibus habuere: ac propterea singulæ ciuitates cum Præfecto mittebant aliquem, qui ijs stipendia numeraret, vt Polybius ait. Hinc Cæsar libr. III. bel. ciuil. de Roscillo & Aego Allobrogibus, qui suæ ciuitatis equitibus præerant; Falsum ab ijs equitum numerum referri, quorum stipendiū auerterent. Interdum tamen Romani ijs stipendia soluerunt: id autem primum factum in Hispania bello Punico secundo scribit Liuius l. XXIV. in extremo. Cum Romani Celtiberos mercede conduxerunt: Zonaras autem, in Sicilia bello Punico primo, Gallos mercenarium militem in castris Romanorū primum fuisse narrat Cæcilio Metello, N. Fabio Coss.

Hoc autem stipendio non victum sibi modo, sed vestes, arma, tentoria, ceteraque quæ vsus posceret, milites comparabant: additq; Polybius, licet hæc de publico militibus aliquando essent curata, tamen semper ex diurna mercede pro ijs ratam pecuniæ summam à Quæstore fuisse detractam. Qua re adductus C. Gracchus Trib. pl. legem tulit, teste Plutarcho, vt vestes militibus de publico darentur, nec propterea quidquam de stipendio minueretur. Quæ lex postea, aucto militibus stipendio, videtur abrogata: nam apud Tacitum Percennius idem sic queritur. Militiam ipsam grauem, infructuosam, denis in diem assibus animam & corpus æstimari, hinc vestem, arma, tentoria, hinc sæuitiam centurionum, & vacationes munerum redimi. Fru-

mentum tamen antiquissimis temporibus
 na cum stipendio militibus de publico da-
 tum idem Polybius narrat: Ac pedites quidē
 ex tribus partibus medimni Attici (is Roma-
 no modio æqualis est, vt scribit Nepos in At-
 tici vita) duas tritici, singulis mensibus ac-
 cepere: equites vero medimnos tritici duos,
 hordei ad alendum equum septem, pro hor-
 deo tamen pecuniam interdum accepisse quā
 Hordiarium nominarent, testis est Festus. So-
 cijs item peditibus tantundem, quantum Ro-
 manis datum: equitibus autem tritici medi-
 mnus, ac tertia pars alterius; hordei medimni
 quinque: quæ ipsis muneris loco tributa Po-
 lybius scribit. Seuerus tamen Imperator pri-
 mus frumenti summam militibus auxit, vt re-
 fert Herodianus li. iii. Hinc in historijs pas-
 sim legitur facta militibus frumenti distri-
 butio. Cæsar li. i. Gall. Vbi se diutius duci in-
 rellexit Cæsar, & diem instare, quo die fru-
 mentum militibus metiri oporteret. & li. vi.
 Post diem septimum sese reuersurum confir-
 mat, quam ad diem legioni deberi frumen-
 tum sciebat. Liuius libr. xxxvii. Stipendium
 militare, & frumentum duplex post trium-
 phum militibus datum.

Atque hæc quidem de stipendio gregario-
 rum militum satis dicta sunt. De Magistratuū
 stipendio deinceps dicendum est. Centurio-
 nes alterum tantum ac pedites supra ex Poly-
 bio ostensum est accepisse. Tribuni stipendiū
 quantum fuerit; non plane, vt puto, constat: o-
 pimū certe fuisse apparet ex Iuuenalis sat. 3.

Alii

Alter enim, quantum in legione Tribuni

Accipiunt; donat Caluina vel Catiena.

Et Plinio qui lib. xxxiv non sine stomacho scribit, Nec pudet candelabrum Tribunorum militarium salarijs emere.

Quidam Tribuni stipendium talentum fuisse colligunt ex Strabone, qui Tigranem militibus Pompeij diuississe dicit drachmas quinquaginta, centurioni mille, tribuno, talentum; vel, vt Plutarchus scribit in vita Pompeij, militi dimidiam argenti minam, Centurioni minas decem, Tribuno talentum; hoc est sex millia drachmarum (tot enim talentum drachmis æstimatum, Plinius, Pollux, ac Festus tradunt) siue minas sexaginta, cum mina à Solone centum drachmis finita sit, vt scribit in vita Plutarchus. Plin. l. 21. c. vlt. Sed, ni fallor, donatium illud fuit à barbaro Rege collatum, non legitimum stipendium à Romano Imperatore numeratum. Sed neque ex donatiui summa, ordinarij stipendij quantitas colligi potest: cum donatium pro liberalitate Imperatorum ac prædæ copia maius minusq; fuerit. Centurioni stipendium duplex fuisse ostendimus, eadem proportio non raro seruata in donatiuo, sæpe etiam variata est: nam in Tigranis donatiuo amplius decuplum accepit Centurio. Appianus libro quarto, singulis militibus à Bruto & Cassio datas dicit drachmas mille quingentas, centurioni quincuplum, Tribuno amplius. Idem Antonium distribuiffe scribit militi drachmarum quinque millia, Centurioni quincuplum

*Hermel.
inc. 3. li.
34. Plin.
li. XI. fere
extremo.*

*Plin. l. 35.
cap. XI.
Pollux l.
9. Festus
u. Talen-
tum.*

cuplum, Tribuno duplo amplius. Ergo hoc etiam inter reliqua antiquitatis incerta, obsecurum sit quantum fuerit Tribuni stipendiū. Neque dubium esse potest quin Legati, Quæstores, alijque multo plura acceperint quam Tribuni.

Ipsi autem Imperatori, quod certum est, omnia de publico præbebantur, vestes, vasa, vehicula, muli, tabernacula, triticum, ordeum, sumptusque reliquus, non solum in ipsum, sed etiam in comites ac necessarios eius. Cicero de signis. Maiores nostri neminem qui cū potestate aut legatione in prouinciā esset profectus, tam amentem fore putauerunt, ut emeret argentum, dabatur enim de publico: aut vestem, præbebatur enim legibus. Liuius libr. XXX. Tabernacula, militaremque suppellectilem, qualem præberi consuli mos est. & li. XLII. initio. Ante L. Postumiū cons. nemo vmquam locijs in vlla re oneri aut sumptui fuit: ideo magistratus mulis, tabernaculisque, & omni alio instrumento militari ornabantur, ne quid tale imperarent locijs. Suetonius scribit Augustum instituisse, ut ad mulos & tabernacula quæ publice locari solebant, certa pecunia constitueretur. Plutarchus etiam Catonem refert non plus tritici in se ipsum, suumque comitatum; quam tres atticos medimnos singulis mensibus accepisse: in iumenta vero singulis diebus ordei minus trium semimedimnorū. Atque idem significat Magistratus in prouincias euntes tabernacula, lectos, vestesque de publico accepisse: cifi-

se : eisq̃ue rebus Catonem abstinuisse.

Quamuis autem diurna mercede stipendiū
Romani militis cum Polybio æstimauimus,
id tamen non sic est intelligendum vt in sin-
gulos dies acciperent stipendium, sed potius
in sex menses, aut etiam in annum. Varro de
vita populi Rom. vt citat Nonius. Stipendiū
appellabatur æs, quod militi semestre aut an-
nuum dabatur: Liuius li. V. Annua æra habes,
annuam operam ede: antu æquum censes mi-
litia semestri, solidum te stipendium annuum
accipere? Et libr. XLII. Bis quæ annua mere-
bant legiones stipendia feci. Hinc, stipendia
pro militiæ annis vsurpantur. Hirtius l. VIII.
vndecima legio octaua iam stipendio functa.
Quare cum Fuluius Trib. mil. ante persolutū
stipendorum tempus legionem dimisisset,
iure iurando adegit centuriones, æs in æra-
rium ad Quæstores esse delaturos, vt scribit
Liuius lib. XL. Ad stipendium accipiendum
milites nominatim citabantur. Liuius libro
XXVIII. Citati milites nominatim apud Tri-
bunos militum in verba P. Scipionis iurarūt,
stipendiumq̃; ad nomen singulis persolutum.
Scribit Isidorus certas notas additas eorum *li. i. c. 23.*
nominibus qui stipendium acceperant. Sti-
pendium autem milites in balteo siue zona
habebant. hinc Liuius lib. XXXIII. de militi-
bus. Negotiandi ferme causa argentum in zo-
nis habentes in com meatibus erant. Vopi-
scus in Aureliano. Miles stipendium in bal-
teo, non in popina habeat. Spartianus in Pe-
scennio. Idem iussit, ne in zonis milites ad
bellum

Lib. 15. c.
12.

bellum aureos vel argenteos nummos portarent; sed publice cōmendarent recepturi post prælia quod dederant. & Gracchus in oratione quadam apud Gellium. Zonas quas plenas argenti extuli, eas ex prouincia inanes retuli.

Porro stipendium, frumentum, vestes, ceteraque quæ de publico debebantur, Quæstor curabat ex ea pecunia, quæ iussu senatus, vt Polybius ait, ipsi Romæ fuerat à Tribunis ærarijs adnumerata. Vt enim Quæstores ærarij pecuniam tractabant, quam in ærarium inferrent; ita Tribuni ærarij, quam ex ærario sumtam Quæstori Imperatoris in stipendium exercitus erogarent. Videntur autem singulis legionibus stipendium singuli Tribuni, vitandæ confusionis causa, curasse. Vnde Festus Primanum Tribunū fuisse dicit, qui primæ legioni tributum scribebat.

Pecunia quæ à Tribunis Quæstori assignabatur, *Attributa*, siue *Attributum* dicta est. Varro li. IV. de lingua lat. Pecunia quæ assignata erat, *Attributum* dictum, ab eo, quibus attributa erat pecunia, vt militi reddant, Tribuni ærarij. Et libr. i. epistolicarum quæstionum, auctore Gellio. Pignoris capio ob es militare, quod æs à Tribuno ærario miles accipere debebat. Afconius ad libr. i. Verr. Pecunia attributa, quæ in stipendium militum de ærario a Tribunis ærarijs adnumerari Quæstori solet. Hinc Cicero libro IV. Verrin. Pecunia attributa numerata est; profectus est Quæstor in prouinciam, venit in Galliam expectatus ad exercitum consularem cum pecunia

pecunia. Et paullo post de rationibus à Quæstore Verre in ærarium relatis. Accepi, inquit, vicies ducenta triginta quinque millia. quadringentos septemdecim nummos. dedi stipendio, frumento, legatis, proquæstoribus, cohorti prætorix HS mille sexcenta triginta quinque millia, quadringentos septemdecim nummos. Ad quem locum Asconius. Hæc, inquit, omnia nomina sunt erogationum, quibus aut stipendium militibus dedisse se dicit Verres, aut frumentum coemisse in annonam exercitus, aut legatis, & proquæstori in sumptum dedisse: eis enim alimenta de publico dantur. Hoc in munere stipendij militibus numerandi Quæstori qui aderant, Libripendes dicti, veteri nomine retento, consuetudine immutata, qua olim asses, ut Plinius ait, non numerabantur, sed pendebantur.

Atque hæc quidem de stipendio, quod olim non dabatur: postea ubi de publico conferri coeptum, simul etiam tributum ex censu indictum est, unde stipendium conficeretur. Hinc ansam cepere Tribuni plebis beneficiū senatus reprehendendi, cū dicerent illa quæ Liuius refert l. 4. Vnde enim eam pecuniam confici posse, nisi tributo populo indicto, Et mox. Indicto iam tributo, edixerunt etiam Tribuni auxilio se futuros, si quis in militare stipendiū tributū non contulisset. Patres bene coeptā rem perseueranter tueri: conferre ipsi primi, & quia nondum argentum signatū erat, æs graue plaustris quidā ad ærarium conuehentes, speciosam etiā collationem faciebant, cū
senatus

senatus summa fide ex censu contulisset; primores plebis nobilium amici, ex composito conferre incipiunt: quos cum & à patribus collaudari, & à militari ætate tanquam bonos ciues cōspici vulgus hominum vidit, repente spreto tribunicio auxilio, certamen conferendi est ortum. Et libr. V. Romæ simul delectu, simul tributo conferendo laboratum est: quantum enim augebatur militum numerus, tanto maiore pecunia in stipendium opus erat; eaque tributo conferebatur.

Ergo ex eo tēpore Populus Roman. tributum pendere cepit in stipendia militū; duravitque tributi collatio vsque ad L. Pauli Macedonicum triumphum, post annum vrbis DLXXXVI. is enim tantum in ærarium pecuniæ inuexit, vt finem attulerit tributorum, quemadmodum Cicero, Pliniusque tradidere. Addit Plutarchus tātā pecuniam à Paulo esse illatam, vt populus Roman. vsque ad consulatum Hirtij & Pansæ tributo conferendo vacarit. Quæ de ordinaria tributi collatione videntur esse intelligenda: nihil enim prohibet, quin aliquando in angustijs ærarij extra ordinem tributum indictum esse possit. certe, quod negare nemo potest, frequens post Hirtij ac Pansæ consulatum, tributi collati mentio reperitur.

Postremis temporibus Augustus perpetuis legionibus constitutis, M. Aemilio Lepido, L. Arrantio Coss. an. v. c. DCCLVIII. Aærarium militare instituit, non solum ex vigesima hæ-

*Cicer. de
officijs
Plin. l. 33.
ca. 3.*

ma hereditatum legatorumq; & quinquage-
 sima mancipiorum venalium, quod scribit
 Dio: sed etiam ex centesima rerum omnium *Libr. 55.*
 quæ venderentur ut Tacitus significare vide-
 tur libro 1. Annal. in extremo. Centesimam,
 inquit, rerum venalium post bella civilia in-
 stitutam deprecante populo; edixit Tiberius,
 militare ærarium eo subsidio niti. Hæc in-
 tellexit Suetonius, cum in Augusto scribit,
 ut perpetuo ac sine difficultate sumptus ad
 tuendos milites prosequendo sique suppete-
 ret; ærarium militare cum vectigalibus novis
 constituit. Huic ærario Augustus, Dione te-
 ste, tres Prætorios præfecit: atque ijs singu-
 lis præter ceteram ministrorum tur-
 bam, binos etiam lictores
 attribuit.

R

LIBER

LIBER QVARTVS.

De die, locoq; militibus ad conueniendum indicto.

CAPVT I.



Dilectu igitur perfecto, militiæque gradibus armisq; distributis, Imperator locum indicabat, quo scripti milites omnes Romani, socijque ad certam diem conuenirent. Polybius libr. VI. Liuius libr. xxxvi. M. Acilius Cos. edixit, vt quos L. Quinctius milites concripfisset, & quos socijs nominique latino imperasset, quos secum in provinciam ire oporteret, & tribuni militum legionis primæ & tertiæ, vt omnes Brundisium Idibus Maijs conuenirent. Hanc vero diem Imperator ex auctoritate senatus, rite captatis in templo auspicijs pro concione edicebat. Liuius lib. xxiii. De exercitibus ita decretum est, vt duabus legionibus vrbans Ti. Sempronius Cos. Cales ad conueniendum diem ediceret. Et libr. xxxiv. Minutius Cos. cui Ligures provincia obuenerat, ex auctoritate patrum in rostra adscendit, & edixit, vt legiones duæ vrbans, quæ superiore anno conscriptæ essent, post diem decimum Aretij adessent. Et libr. xxxvii. L. Cornelius Cos. pro concione edixit, vt milites, quos ipse in supplemen-

plementum scripſiſſet, vt hi omnes Idibus
 Quinctilibus Brundisium conuenirent. De
 auſpicijs porro idem Liuius teſtis eſt libro
 XLV. Conſul cum legionibus ad conuenien-
 dum diem dixit, non auſpicato templum in-
 trauit: vitio diem dictam eſſe augures, cum
 ad eos relatum eſt, decreuerunt. legiones Ro-
 manæ, quod vitio dies exercitui ad conue-
 niendum dicta erat, Romæ manſerant. Quod
 ſi Imperator veterem exercitum à deſeſſore
 acciperet, edicto, litteriſque miſſis diem lo-
 cumque ſimiliter deſignabat. Liuius li. XXI,
 Conſulum deſignatorum alter Flaminius, cui
 ex legiones, quæ Placentiæ hibernabant, ſor-
 te euenerant; edictum, litteraſque ad conſu-
 lem miſit, vt is exercitus idibus Martijs Ari-
 mini eſſet in caſtris. Ad diem dictam milites
 omnes præſto erant cum vallo, armis, cita-
 rijs, alijsque rebus neceſſarijs. Liuius lib. III.
 Dictator cum magiſtro equitum in concio-
 nem venit, iuſtitium edicit, claudi taber-
 naſ tota vrbe iubet, vetat quemquam priua-
 tæ quidquam rei agere, tum quicumque æta-
 te militari eſſent, armati cum cibarijs in die
 quinque coctis, valliſque duodenis ante ſo-
 lis occaſum Martio in campo aſeſſent.

Qui autem miles die, qui prædictus fuerat,
 abſuiſſet, neque excuſatus eſſet, infrequens
 dabatur, vt ex Cincio docet Gellius li. XVI.
 capite quarto. Itaque omnes aſeſſe coge-
 bantur, teſte Polybio; atque ad id etiam iu-
 reiurando adigebantur, ſe inſſu Imperato-
 ris conuenturos, neque iniuſſu abituros his

additis exceptionibus, quas ex eodē Cincio Gellius exponit. Nisi funus familiare fuerit; Feriæ vindemiales; Calendæq; quæ non eius rei causâ in eum diem collatæ sint, quo is eo die minus ibi esset; morbus santicus; auspiciumue, quod sine piaculo præterire non liceat; sacrificiumue anniuersarium, quod recte fieri non posset, nisi ipse eo die ibi sit; ius hostisue status, conductusue dies cum hoste. Si cui eorum harumce quæ causâ erit, cum se postridie, quam per eas causas licebit, eo die venturum, aditurumque eum, qui cum pagum, vicum, oppidumue delegerit. hæc ille. Atque morbi quidem, & auspiciorum meminit etiam Polybius: funeris vero familiaris Dionysius libro XI. Huius iurisiurandi meminit etiam Livius libr. III. Nobis, inquit, Quintus, nihil delectu opus est, cum quo tempore P. Valerius ad recipiendum Capitolium arma plebi dedit, omnes in verba iurauerint, conuenturos se iussu consulis, nec iniussu abituros. Atque initio quidem milites hoc iureiurando non adigebantur à Tribunis, sed ipsi inter se ubi in centurias decuriasq; descripti essent, equites peditesq; cōiurabant, sese iussu consulum conuenturos, neque fugæ atque formidinis ergo abituros, neque ex ordine recessuros, nisi teli sumendi, aut petendi, aut hostis feriendi, aut ciuis seruandi causâ: bello deinde Iunico secundo Paullo & Varrone Coss. id ex voluntario inter milites scedere, à Tribunis ad legitimam iurisiuradi adactionem translatum est, vt scribunt

bunt Liuius lib. XXII. & Frontinus lib. IV. ca.
1. Stratag.

Non solum igitur milites se ad diem, quam dixisset imperator, conuenturos iurabant, sed etiam se iniussu non abituros. Quæ tamen causæ militem excusabant, quo minus ad diem dictam adesset, eadem etiam efficiebant, ut ab Imperatore commeatum impetraret. Commeatus autem dicitur auctore Festo tempus, quo miles ire redireque commode posset. Sic Virginus, ut filix pudicitix succurreret, funus familiare ementitus, abeundi à castris potestatem ab Imperatore extorsit, ut tradit Dionysius libro XI. Dabatur vero commeatus vel singulis militibus, vel pluribus qui sub signo mittebantur. Hirtius de bello Africano. Eodem tempore ex legionibus omnibus milites, qui aut morbo impediti, aut commeatu dato cum signis non potuerant ante transire in Africam; ad millia quattuor, equites quadringenti, funditores, sagittarii que mille vno commeatu Casari occurrerunt. Porro cum dabatur commeatus, dies etiam præscribebatur, ad quem reuerti deberet: atque militis nomen qui commeatum accepisset, & quot dierum notabatur ut scribit Vegetius libro II. capit. XIX. Qui autem ad diem commeatus non redisset, neque excusatus esset ut emansor & desertor capite puniebatur, quemadmodum tradunt iurisconsulti Digest. libro XLIX. de re militari. Auctor ad Herennium libr. primo. Necessitatem excusabit, ut ille, qui ad diem com-

meatus non venit, quod eum aquæ interclusissent.

De Profectione Imperatorum ex vrbe.

C A P. II.

PRæmissis militibus ipse mox Imperator sequebatur, verum antequam id faceret, si Consules essent, qui exirent, ferias latinas indicabant, Ioui que Latiali sollemne sacrum in monte Albano faciebant, ait que Dio libr. XLVI. nunquam Consules ante latinas ex vrbe profectos esse, quin ea res magno ipsis, rei publ. steterit. hinc Liuius libr. XXV. Romæ Consules Prætores que vsque ante diem V. Kalend. Maias latinæ tenuerunt, eo die, perpetrato sacro in monte, in suas quisque prouincias proficiscuntur.

n. Nuncupata per spolia.

Quo autem die ex vrbe in prouinciam exiebant, in Capitolium profecti sollemnia pro Republ. vota nuncupabant; quæ vota nuncupata dicta sunt, & in tabulas referebantur. Festus. Vota nuncupata dicuntur, quæ consules & Prætores cum in prouincias proficiscuntur faciunt, ea in tabulas præsentibus multis referuntur. Cicero de supplicijs. Cum paludatus exisset, vota que pro imperio suo, communi que populi Rom. salute nuncupasset. Cæsar l. i. ciu. Paludati votis nuncupatis exeunt. Hinc illa apud Liuium libro XXI. Senatus indignantis, quia C. Flaminius hæc omisisset: Non cum senatu modo, sed cum dijs immortalibus C. Flaminium bellum gerere: comitia Prætorum, & Capitolium, & sollem-

nem

nem votorum nuncupationem fugisse, ne latinas indiceret, Ioui que latiali sollemne sacrum in monte Albano faceret, ne auspicato profectus in Capitolium ad vota nuncupanda, paludatus inde ad prouinciam iret. Similia Cicero de Antonio V. Philip.

Vota autē ex S. C. præeunte Pontifice Max. fiebant. Liuius libr. IV. Dictator præeunte A. Cornelio Pont. Max, ludos magnos tumultus causa vouit. Et libro quinto. Dictator, satis iam omnibus ad id bellum paratis, ludos magnos ex S. C. vouit Veijs captis se facturum.

Prodigia quoque, si quæ essent nunciata, antequam proficisceretur Imperator, procurabantur. Liuius libro XXIII. Consules duabus vrbani legionibus scriptis, supplementoque in alias lecto, priusquam ab vrbe mouerent, prodigia procurarunt, quæ nunciata erant. Et libr. XXVII. Prætores in prouincias profecti. Consules religio tenebat, quod prodigijs aliquot nunciatis, non facile litabant. Et libr. XXXIII. Priusquam Prætores ad bellum prope nouum proficiscerentur, aut ipsi consules ab vrbe mouerent, procurare, vt assolet, prodigia quæ nunciabantur, iussi. Et libro trigesimo septimo. Priusquam consules in prouincias proficiscerentur prodigia per Pontifices procurari placuit.

Munus gladiatorium, venationesque, data ab Imperatoribus, priusquam proficiscerentur, scribit in Maximi & Balbini vita Capi-

tolinus: cuius moris originem sic idem explicat. His gestis, celebratisq; sacris, datis ludis scenicis, ludisq; Circensibus, gladiatorio etiam munere, Maximus, susceptis votis in Capitolio, ad bellum contra Maximinū missus est cum exercitu ingenti, Prætorianis Romæ manentibus. Vnde autem mos tractus sit, ut proficiscentes ad bellum Imperatores munus gladiatorium & venatus darent, breuiter dicendum est. Multi dicunt apud veteres hanc deuotionem contra hostes factam, ut ciuium sanguine litato specie pugnarum, se Nemesis, id est, vis quædam fortunæ satia- ret: alij hoc litteris tradunt, quod verissimilius credo, ituros ad bellum Romanos debuisse pugnæ videre, & vulnera, & ferrum, & nudas inter se cohortes, ne dimicantes in bello armatos hostes timerent, aut vulnera & sanguinem perhorrescerent. Hæc Capitolinus.

Omni- bus autem, quæ assolent, diuinis humanisq; procuratis Imperator, sumpto paludamento cum lictoribus item paludatis, alijsq; insignibus imperij, amicis prosequenti- bus ac bene ominantibus proficiscetur ad portam. Liuius libro xxxi. P. Sulpicius Cos. secundum vota in Capitolio nuncupata, paludatus cum lictoribus profectus ab vrbe Brundisium venit. & libro quadragesimo quinto. Consul proficiscens Prætorū paludatis lictoribus in prouinciam & ad bellum, vota in Capitolio nuncupat. Cicer. epist.

epist. vi. lib. xiii famil. Cum te prosequerer paludatum. Et in Pisoniana. An cum proficiscebamini paludati in prouincias, consules vos quisquam putauit? itaque, credo, si minus frequentia sua vestrum egressum ornando atque celebrando: at omnibus saltem bonis, ut cōsules, non tristissimis, ut hostes aut proditores prosequerentur? Hinc Liui. lib. xxi in C. Flaminio Cos. illud tamquam nouum & insolens obseruauit, Lixæ modo, sine insignibus, sine lictoribus, profectum clam, furtim; haud aliter quam si exsilij causa solum vertisset. Et de C. Claudio li. xli. C. Claudius Cos. veritus, ne forte ea res prouinciam exercitumque sibi adimeret, non votis nuncupatis, non paludatis lictoribus, vno omnium certiore facto collega, nocte profectus præceps in prouinciam abiit.

Ad portam Imperator, Prætoris nomine salutabatur, quem morem sic explicat Festus; Prætor, inquit, ad portam nunc salutatur is, qui in prouinciam Proprætore aut Proconsule exit, cuius rei morem ait fuisse Cincius in libro de Consulum potestate talem. Albanos rerum potitos vsque ad Tullum regem. Alba deinde diruta vsque ad P. Decium Murem Conf. populos latinos ad caput Ferentinæ, quod est sub monte Albano, consulere solitos, & imperium communi consilio administrare. itaque quo anno Romanos imperatores ad exercitum mittere oporteret, iussu nominis latini, complures nostros in Capitolio à Sole oriente auspicijs operam dare solitos.

vbi aues addixissent, militem illū, qui à comuni Latio missus esset, illum, quem aues addixerant, Prætorem salutare solitum; qui eam Prætoris nomine obtineret. Hæc Festus.

Imperator ad portam profectus, salutatusque, aut continuo ad exercitum proficiscebatur, aut si quid in vrbe negotij haberet, extra urbem per aliquot dies commorabatur; propterea quod cum imperio in vrbe esse non posset. Qui quamdiu extra urbem cum imperio subsistebat, ad urbem esse dicebatur. Cicero in Sextiana. Erat Pompeius ad portas, erat cum imperio. Et in Prætura Siciliensi. Verres, simulatque ei sorte prouincia Sicilia obuenit, statim Romæ, & ad urbem, antequam proficisceretur, &c. Ad quem locum ita scribit Asconius. Omnis magistratus, qui intramuranus non est, nec urbanus, si administrator eius Romæ est, ad urbem dicitur. Idem Asconius alibi: ad urbem dici solet de ijs, qui cum potestate prouinciali nondum in prouinciam profecti essent.

As. 1. in
Ferr.

Quantam autem dignitatem hæc Imperatoris profectio haberet, Liuius declarat libr. XLII. Per hos forte dies P. Licinius Cos. votis in Capitolio nuncupatis, paludatus ab vrbe profectus est. Semper quidem ea res cum magna dignitate ac maiestate geritur: præcipuè conuertit oculos animosque, cum ad magnum nobilemque, aut virtute, aut fortuna hostem, euntem consulem prosequuntur. Contrahit enim non officij modo cura, sed

sed etiam studium spectaculi, ut videant ducem suum, cuius imperio consilioque summam reip. tuendam permiserunt. Subit deinde cogitatio animum, qui belli casus, quam incertus fortunæ euentus, communisq; Mars belli sit; aduersa, secunda, quæque inscitia & temeritate ducum clades sæpe acciderint, quæ contra bona prudentia, & virtus attulerit, quem scire mortalium, utrius mentis, utrius fortunæ consulem ad bellum mittant: triumphantem, ne mox cum exercitu victore scandentem Capitolium ad eosdem deos, à quibus proficiscatur, visuri: an hostibus eam præbituri lætitiā sint. Hæc Liuius. Quibus ex verbis quantæ ea res maiestatis fuerit, intelligimus. Neque id sanè immerito: neque enim legitimum habere imperiū putabatur is, qui hæc solemnia non seruasset.

Hinc illa de C. Flaminio Cos. qui simulato itinere priuatus clam in prouinciam abierat; Quod illi iustum imperium, quod auspiciū *Lin. l. 22.* esset magistratus, id à domo, publicis priuatisque penatibus, Latinis feriis actis, sacrificio in monte perfecto, votis rite in Capitolio nuncupatis, secum ferre, nec priuatum auspiciū sequi. Hinc etiam C. Claudij Cos. qui non votis nuncupatis, non paludatis lictoribus præceps ad exercitum venerat, à militibus cōtemptum imperium est, Quod tum *Lin. l. 41.* consulis imperio dicto audientes futuros sese dicerent; cum is more maiorum secūdum vota in Capitolio nuncupata, lictoribus paludatis profectus ab vrbe esset.

CAP. III.

Vbi igitur Imperator ad exercitum peruenisset, eum rite lustrabat, concioneq; aduocata, aut vetera emendabat, aut noua instituebat. L. Iulius li. xxiii. T. Sempronius Cons. Sinuessæ, quo ad conueniendum diem edixerat, exercitu lustrato, transgressus Vulturnum flumen, circa Linternum castra posuit. Et li. xxxviii. Vere primo Ephesum Cōsul venit, acceptisque copijs à L. Scipione & exercitu lustrato concionem apud milites habuit.

In Crasso.
Appia in
Paribica
Fuit autem Lustratio solemne sacrificium, quo cæsis victimis exercitus expiabatur, teste Plutarcho, qui illud etiam cum Appiano veluti augurij infelicitissimi obseruauit, quod Crasso in exercitus lustratione, extra ab haruspice porrecta exciderint. Id autem sacrificium extra castra fiebat, vt scribit in Bruto Plutarchus. Ex quo Dio lib. xlvii Octauiano milites timoris accusatos scribit à Bruti, Cassijque militibus, quod intra castra lustrarentur. In lustratione milites, & Imperator coronati fuere, vt docet in Marcello Plutarch. Hinc idem in Bruti vita narrat, ostenti loco acceptum, quod Cassio in lustrando exercitu coronam inuersam licetor obtulisset. Porro sumptum & hostias ad sacrificium ipse Imperator suppeditabat, auctore in eadem vita Bruti Plutarcho, qui dicit singulis militibus à Bruto distributas drachmas quinquagenas & frumentum: ab Antonio autem & Cæsare
quinās

quinas drachmas, & modicum frumentum. Illud etiam in lustratione obseruatum est, vt qui hostias duceret ad sacrificium, bonis nominibus eligerentur. Cicero li. i. de Diuinat. Cum imperator exercitum censor populum lustraret, bonis nominibus, qui hostias ducerent, eligebantur. Bona autem nomina sunt, vt alibi diximus, Valerius, Saluius, Statorius. Idem mos in lustranda classe obseruatus est; Liuius lib. xxxvi. C. Liuius præfectus Romanæ classis, lustrata classe ad Lacinium altum petit. Et lib. xxxvii. Accepta à Liuiio classe, & sacrificio, vt assolet, rite factò, Aemilius consilium aduocauit. Et lib. xlv. Delphis Apollini pro me, exercitibus & classibus lustra sacrificauit. Morem autem lustrandæ classis narrat Appianus, vt quidem Candidus interpretatur, cum parata essent omnia, Cæsar clas- lib. 5. bel. civil. sis exercitum hoc modo purgauit.

Altaria primum maris in littore sita alluuntur vndis, multitudo omnis circumquaque magno silentio per naues assidet. Sacerdotes in mari confidentes sacra faciunt, terque per exercitum scaphis circumuecti purgamina sacra deferunt, ducibus vna ad nauigantibus, & purgamina extollentibus, vt ab exercitu quæque depellant, diuidentes deinde ea, partem in mare proijciunt, partem altaribus impositam flammis adolent, ac protinus omnis multitudo ea benedicit. Sic Romani classem purgare solent. Hæc Appianus. Solemnem autem precationem, quæ cæta porricebantur in mare, Liuius exponit lib. xxix. Vbi illuxit, Scipio

Scipio è prætoria naui, filétio per præconem facto. Dij deæque, inquit, qui maria terrasque colitis, vos precor, quæsoq; quæ in meo imperio gesta sunt, geruntur, postque gerentur, ea mihi, populo, plebi que Romanæ, socijs, nominique latino, qui populi Romani, qui que meam sectam, imperium, auspiciumq; terra, mari, omnibusque sequuntur, bene vertant, ea que vos omnia bene iuuetis, bonis auctibus auxitis: saluos incolumesq; victis perduellibus victores spolijs decoratos, præda onustos, triumphantesque necum domos reduces sistatis: inimicorum, hostiumque vlciscendorum copiam faxitis: quæq; populus Carthaginienf. in ciuitatem nostram facere molitus est, ea vt mihi populoque Rom. in ciuitatem Carthaginienf. exempla edendi facultatem detis. Secundum eas preces, cruda exta, cæsa victima (vti mos) in mare præiecit, tubaque signum dedit proficiscendi. Hæc Liuius.

Exercitu, classeue lustrata, Imperator, vt dixi, concionem aduocabat, & quæ vellet in exercitu præcipiebat. Liuius li. xxxiix. Consul acceptis copijs à L. Scipione, & exercitu lustrato, concionem apud milites habuit: quæ, collaudata virtute eorum, quod cum Antiocho vno prælio debellassent, adhortatus est eos ad nouum cum Gallis suscipiendum bellum. Et lib. xxxvii. Accepta à Liuiio classe, & sacrificio, vt assolet, rite facto, Aemilius cõsiliu aduocauit. Tacitus libro xv. Lustratum rite exercitum ad concionem vocat. L. Paulus in concione apud Liuium, bello Persico mutasse se quæ-

se quædam in exercitu dicit, quæ magna impedimenta victoriæ essent. Eadem de Scipione epitoma LVII. & apud Appianum in Libya. Item de Metello Sallustius in Ingurthina narrat; quorum vterque multa in exercitu correxit.

De itineribus militaribus, siue de agmine.

C A P. IV.

EXplicatis ijs, quæ ad belli apparatus in vrbe facere videbantur; tempus iam est, vt exercitum ex vrbe educamus, & quinam ordo fuerit exercitus in incedêdo videamus. Agminis (sic enim, Isidoro teste, exercitus ad *lib. 9. o. iter instructus appellatur*) duo genera dicit *rig. c. 3. esse Seruius. Quadratum, quod immistis etiam iumentis incedit, vt vbiuis possit considerare: in fragmē tis apud Scalig. in Festū v. cōpilare.* Pilatum alterum, quod sine iumentis incedit, sed inter se densum est, quo facilius per iniqua loca transmittatur. Scaurus de vita sua. In agrum hostium veni: pilatim exercitum duxi. Asellio Sempronius, quartum signum accedebat, siue pilatim, siue passim iter facere volebat. Seneca epist. LX. Ire quadrato agmine exercitum, vbi hostis ab omni parte suspectus est, pugna paratum. Et Liuius lib. x. Fabius, impedimentis in locum tutum remotis, præsidioq; modico imposito, præmonitis militibus adesse certamen, quadrato agmine ad hostium latebras succedit. Quæ Liuij verba haud verum esse ostendunt, quod Seruius docet, quadrato agmini iumenta fuisse immista.

Quo-

Quoquo autem modo se res habeat, non idem semper videtur fuisse ordo incedendi: plerumque tamen is fuit, quem Polybius lib. VI describit, ut primi quidem extraordinarii essent pedites, quos dextrum sociorum peditem cornu sequebatur: tum impedimenta eorum omnium, qui præcesserant; post quæ prima Romanorum legio incedebat, habens à tergo sua impedimenta; deinceps secunda legio (duabus enim legionibus exercitum consularem constare diximus) post se sua item habens impedimenta, quæ sociorum sinistri cornu impedimenta sequebantur: sinistrum enim cornu extremum agmen cogebat. Equites enim suas quisque partes sequebantur, id est, extraordinarii equites pedites extraordinarios, legionarii legionarios: & dextri, vel sinistri cornu equites, dextri vel sinistri cornu pedites. Aut etiam equites in latera diffusi impedimenta tuebātur. Porro ita in incedendo ratio fuit instituta, ut alternis diebus suā vicem una legio, sociorumque cornu, præcederet, sequereturque quo omnes æqualiter aquisitionis, frumētationisq; participes essent. Quod etiam scribit Iosephus lib. III. capit. III. vel VI. Quod si à tergo periculi suspicio esset, cætera quidem eodem modo peragebantur: sed extraordinarii, qui primi esse solerēt, in extremo agmine collocabantur.

Alia quoq; ratio fuit agminis temporibus parum tutis. in locis enim patentibus triplicem aciem pari inter se interuallo distantem faciebant, Hastatorum, Principum, & Triariorum,

riorum, ita ut singulas acies sua præcederent
 impedimenta. Cum autem ad hostes peruen-
 tū erat, aut in dextram, aut in leuam sese con-
 uertētes, minima corporis agitatione, ex im-
 pedimentis signa in hostes efferebant. Hæc
 quidem Polybius; qui tamen multis in rebus
 deficit: multo clarius, meo quidē iudicio, ag-
 minis ordinem Iosephus explicauit l. III. c. v. *Gr. lib. 3.*
 & lib. VI. cap. II, belli Iudaici. Primi enim, ut *cap. 8. O*
 inquit ille, leuis armaturæ auxilia incedebāt, *li. 5. c. 6.*
 quos Romani peditatus equitatusq; pars se-
 quebatur; deinceps metatores castrorum, via-
 rumq; stratores; post hos erant Imperatoris,
 aliorumq; magistratuum impedimenta, mul-
 tis equitibus custodiæ causa comitata; tum
 ipse Imperator ibat, lectissimis peditibus e-
 quitibusq; suæ cohortis cinctus; sequebātur
 deinceps fabri, expugnandarum urbium ma-
 chinas ferentes: deinde magistratus reliqui,
 & tribuni lectis militib. stipati: post hos aquila,
 cæteraq; signa militaria, nec non cornici-
 nes, tubicinesq; sequebantur: post quos erat
 cum cæturionibus, reliquus exercitus in suas
 legiones ordinesq; descriptus: singulas autē
 legiones serui eius legionis cum impedimē-
 tis sequebantur, post quos erat, reliqua mer-
 cenariorum multitudo: Impedimenta in ex-
 tremo agmine fuisse ostendit etiam Hirtius
 de bel. Afric. Labienus agmen eius extremum
 carpere cœpit, atq; ita lixarū mercatorumq;
 qui plaustris merces portabant, interceptis
 sarcinis: extremum deinde agmen peditum
 iūm q; manus claudebat, hæc ex Iosepho

Milites porro in itinere non solum arma, sed pleraque etiam alia impedimenta gestabant. Polybius lib. xvii. scuta humeris, loris coriaceis suspensa, manibusque galeas gestasse milites in itinere scribit: unde Hirtius de bello Afric. Milites in campo iubet galeari, & ad pugnam parari. Iosephus autem libr. III præter arma, ferram, cophinum, ferculū, securim, fenem, falcem, catenam, triduique cibaria gestasse scribit: ut parum inter ipsos & onusta iumenta interesset. Liui. li. vii Romano, qui expeditus quantum humeris inter arma geri possit, frumenti secum attulisset, defutura omnia. Marcellinus lib. xvii. viginti dierum frumentum, ad usus diuturnitatem excoctum, buccellatum, ut vulgo appellant, humeris imposuit libentium militum. Cicero etiam dimidiati mensis cibaria tulisse tradit: armaque non magis in onere, quam membra posuisse. Nostri exercitus, inquit, primū unde nomē habeant, vides: deinde qui labor, quantus agminis, ferre plus dimidiati mensis cibaria, ferre si quid ad usum velint, ferre vallum: nam scutum, gladium, galeam in onere nostri milites non plus numerant, quam humeros, lacertos, manus: arma enim membra militis esse dicunt, quæ quidem ita geruntur apte, ut, si usus foret, abiectis oneribus, expeditis armis, ut membris pugnare possint.

Et Lampridius in Alexandro. Milites expeditionis tempore ita disposuit, ut in mansionibus annonas acciperent, nec portarent cibaria decem & septem, ut solent, dierum
nisi

nisi in barbarico. Si quis forte secum frumentum non tulisset, is videtur ab alijs emisse. Cæsar lib. I. civil. Frumenti copiam legionarij nonnullam habebant, quod dierum viginti duorum ab Illelda frumentum iussi erant efferre: cetrati, auxiliareſque nullam, quorū erant, & facultates ad parandum exiguæ, & corpora insueta ad onera portanda.

Vallōs præterea plures aut pauciores gestabant. Linius libro tertio. Dictator iubet, quicumque ætate militari essent, armati cum cibarijs in dies quinque coctis, vallīsque duodenis ante solis occasum Martio in campo adessent. Et epitoma L. VII. Triginta dierum frumentum, ac septēnos vallōs ferre cogebat: ægre propter onus incedenti dicebat, cum gladio recte vallare scieris, vallum ferre definito. Fuit autem vallus Romanorum, ut scribit libro XVII. Polybius, ligneus palus duos, tresve, ad summum quatuor ramos habens, quibus in munitione castrorum, uti dicimus, utebantur. Propertius libro quarto, eleg. tertia.

Occidat, immerita qui carpsit ab arbore vallum.

Præceptum autem Vegetij est libro primo, cap. XIX ut iuniores pondus ad LX libras ferant, & iter faciant gradu militari. Talem militem Virgilius describit libro tertio, Georg.

Non secus ac patrijs ater Romanus in armis.

Iniusto sub fasce viam dum carpit, & hosti

Ante expectatum positus stat in agmine castris.

C. Marius tamen, vt ait Frontinus, recidentorum impedimentorum causa, quibus maxime exercitus agmen oneratur, vasa & cibaria militum in fasciculos aptata furcis imposuit, sub quibus & habile onus, & facilis requies esset; vnde & in prouerbiū tractum est Muli Mariani. De his meminit Festus. Muli Mariani dici solebant, à C. Mario instituti, cuius milites in furca, interposita tabella, varicosius onera sua portare adlueuerant. Idem alibi. Aerumnulas Plautus refert furcillas quibus religatas sarcinas viatores gerebant, quarum vsum, quia C. Marius retulit, muli Mariani postea appellabantur.

Agmine quadrato videntur vsi locis temporibusq; suspectis, Marcellinus l. 24. initio. Metuens ne per locorum insolentiam insidijs caperetur occultis, agminibus incedere quadratis exorsus est: excursatores quidem quingentos & mille sensim præire disposuit: ipse verò medios pedites regēs, quod erat totius roboris firmamentū, dextra legiones aliquas cū Neuita supercilia fluminis præstringere iussit Euphratis. cornu verò læuū cum equitū copijs Arintheo tradit, & Ormisdē ducendum confertius plana camporum & mollia, agmina verò postrema Dagalaiph^o cogebat & Victor, vltimusq; omnium Osdruenæ Dux Secundinus. Deinde vt hostibus si erupissent vsquā vel cōspicantibus procul timorē multitudinis maioris incuteret, laxatis cuneis iumenta dilatauit, & homines, vt decimo pæne lapide dispararentur à signiferis primis.

Sar-

Sarcinas verò & calones & apparitionē imbellē, impedimentorumq; genus omne inter utrumque latus instituit procedentium ordinum, ne qua vi subita raperentur, ut sępe contingit improtecta.

Quadrato enim agmine, milites facillimē in omnes partes sese cōvertere poterant, quā hostis inuaderet: ipseq; Imper. vbique adesse & prospicere, quod contra longo agmine accidebat. Hinc Cæf. l. 5. factum illud respōdit, longissimo agmine, maximisq; impedimentis incedunt. &. Cum propter longitudinē agminis minus facile per se omnia obire, & quid quoquo loco faciendū esset pręuidere legati possent, iusserūt pręnunciari, ut impedimenta relinquerent, atque in orbem consisterent. Cæf. l. 2. bel. Gall. duplicem agminis ordinem ostendit, alterū temporibus tutis, alterum hostibus propinquis. Priorem ita explicat. Inter singulas legiones impedimentorum magnum numerum dicit intercessisse, atq; legionem vnā ab altera magnum spatiū abfuisse.

Posteriorem aut, cum hostis vicinus erat, sic idem declarat: ut sex legiões duceret expeditas; post eas totius exercitus impedimenta collocaret: inde dux legiones totum agmen clauderent, pręsidioq; impedimentis essent, equites cum funditoribus sagittarijsq; totum agmen pręcederent. Eandem agminis rationem Hirtius exponit lib. 8. bel. Gal. quadratūque agmen vocat, Agminis ordinem ita constituit, ut legio septima, octaua, nona ante omnia irent impedimenta: deinde omnium

impedimentorum agmen (quod tamen erat mediocre; ut in expeditionibus esse consuevit) cogeret undecima. Hac ratione pæne quadrato agmine instructo, in conspectu hostium celerius opinione eorum exercitum adducit. Videtur autem in incessu quidam modus seruatus. Marcel. lib. xvi. de Iuliano. Cum exercere præludia disciplinæ castrensis philosophus cogeretur ut princeps, artemq; modulatus incedendi per Pyrrichiam concinentibus disceret fistulis, &c. Et l. xviii. de Sabiniano imbelli duce. Militari Pyrrichi sonantibus modulis pro histrionicis gestibus in silentio summo delectabatur.

De itineribus autem militaribus Vegetij lib. i. c. ix. præceptum est, militari gradu xx millia passuum, horis quinque dumtaxat æstiuis, conficienda esse: pleno autem gradu, qui citatior est, totidem horis xxiv millia peragenda esse. Hæc non solum præcepit Vegetius, sed veteres Imp. multo ante sunt exsecuti. Cæsar enim, ut ipse scribit lib. vii. post mediam noctem Gergobia cum quatuor legionibus equitatuque profectus, millibus passuum quinque & viginti confectis, Heduorum agmen affecutus est, iisque sibi reconciliatis, ante ortum solis rediit in castra. Ex quo colligitur Cæsarem horis minus xxiv. amplius quinquaginta millia passuum confecisse; duplo magis quam Vegetius præcepit; nam verisimile est horas aliquotum Heduorum pacificationi, tum militum quieti esse tributas. Idem Cæsar, ut scribit lib. v. acceptis hora circiter undecima diei de

Q Cice.

Q Ciceronis obsidione literis, nūcium ad M. Crassum, qui aberat millia passuū viginti quinque, misit, vt ad se veniret: hora ferè tertia Crassus aduenit, Cēsar post horam tertiā profectus, eo die millia passuū viginti processit. Et lib. 3. ciuil. Meridiano ferè tempore signo profectionis dato, exercitum educit: duplicatoque eius die itinere, viii millia passuum ex eo loco procedit. Ac licet veterum miliaria paulò, quā nunc, breuiora fuerint, horę autem æstiuę fere duplo quam hibernę longiores: tamen id multum est, ac p̄ne incredibile, cum ab onustis conficerentur. Hinc secundis, tertijs, quartis, quintis, sextis, decimis, septuagesimis castris legimus apud Liuium, quibus significatur iter legitimū, quod duobus, tribus, quatuor diebus conficitur. Sic enim scribit lib. 38. Consul, quia vado superari amnis non poterat, transgressus Mæandrum ad Hieram comen peruenit. Hinc alteris castris ad Harpasum flumen ventum est, ex eo loco ad Tabas tertijs castris peruētum. Et lib. xxi. Quartis castris ad Insulam peruenit. Et lib. xxix Cum cetero exercitu quintis ferme ad Illiturgim castris peruenit, lib. xxxvii sextis castris ad caput Caici amnis perueniunt, lib. xl septimis castris ad radices montis peruenit, lib. xxviii. Profectus, decimis castris peruenit ad Iberum flumen, libro xlv Quintis decimis castris Passaronem peruenit, libro vigesimo octauo. Scipio cum cæteris copijs, septuagesimis castris, Tarracōnem redijt.

Quod autem hoc dicendi genere iter, quod ijs diebus conficitur, significetur, Liuius videtur ostendere lib. xxxiix. Principio veris, Iustrato exercitu profectus, die octauo Apameam venit. ibi triduum statiuus habitis, tertijs rursus ab Apamea castris, in Pamphylia peruenit. Quod etiam colligitur ex Iosepho in extremo libr. iv. vel v. de bello Iudaico. Marcellinus li. xvi. in extremo. Argentorato cum pugnaretur, mansione quadragesima disparatus.

De castrorum metatione.

C A P. V.

ROmani, vt in re militari vniuersa ceteras nationes omnes superarunt, ita in metandis castris se ipsos vicisse videri possunt: ex quo non sine causa Polybius ac Iosephus Romanorum in castris ponendis rationem ac disciplinam ad cælum extollunt. Hinc Phil. Maced. rex cernens Romana castra, admiratus esse dicitur, & vniuersam speciem castrorum & descripta suis quæque partibus, tum tendentium ordine, tum itinerum interuallis, & negasse barbarorū ea castra ulli videri posse, vt refert Liuius l. xxxi. Hanc metandi rationem Romanos à Pyrrho Epirotarū rege didicisse scribit Frontinus. Antiquissimis enim tēporibus Romani castra per corpora cohortium veluti mapalia constituere soliti erant, cum solos vrbiū muros nossent: Pyrrhus primus totū exercitū sub eodē vallo cōtinere instituit. Romani deinde victo illo castrisq; eius

*Poly. l. 6.
Ioseph. l. 3.
bel. Iuda.
cap. 3.*

*lib. 4 c. 1.
Strat. 6.
Lin. l. 35.*

eius potiti & ordinatiōe notata, paulatim ad hanc metandi rationē peruenerunt. Quantæ postea sint castrorū vtilitates, quantiq; ea fecerint Romani egregie docet Paul. in illa oratione ad milites, quam refer. Liuius l. XLIV. Maiores vestri castra munita portum ad omnes casus exercitus ducebant esse; vnde ad pugnam exirent, quo iactati tempestate pugna receptum haberent. Ideo cū munimentis ea sepissent, præsidio quoq; valido firmabant; quod qui castris exutus erat, etiam si pugnando acie vicisset, pro victo haberetur. Castra sunt victori receptaculum, victo perfugium. patria altera est militaris hæc sedes, vallumque pro manibus, & tentorium suum cuique militi domus ac penates sunt. Plura apud Vegetium aliosq; rei militaris scriptores.

Castrorum duo genera fuere alterum longioris temporis, alterum breuioris. Longioris temporis castra vel æstiuæ fuere vel hiberna, in quæ æstiuis hibernisque mensibus milites sese recipiebant, quod tempus illud ob summum calorem & frigus bello minime sit plerumque opportunum. Quamquam hisce mensibus in sociorū oppida non raro in æstiuæ aut hiberna milites missos fuisse legimus. Liuius libr. 38. Instare hiemem aut sub pellibus habendos milites fore; aut si concedere in hiberna vellent, differendum in æstatem bellum. Et lib. 46. Exercitus in hiberna dimissus est; maximam partem copiarum Amphipolis, reliquas propinquæ vrbes accepere: multo ramen grauior fuit sub pellibus, quam

in oppidis hibernatio. Cæsar li. iii. extremo. Eiusmodi tempestates sunt consecutæ, vt continuatione imbrium diutius sub pellibus milites contineri non possent: itaque exercitum Cæsar in hibernis collocavit.

Vt autē hieme non in ciuitates milites deducerentur, sed vt in castris continerentur, Veienti primum bello institutum scribit Liuius lib. v. Hinc militibus Cannensibus ignominia causa additum scibit Liuius lib. xxvi. His ne in oppidis hibernarent, neuē hiberna propius vllam urbem x. millibus passuum ædificarent. Hirtius de bello Africano. Cæsar, inquit, non more superiorum Imperatorum in hibernis exercitum continebat, sed intertio quartoq; die procedendo castra commutabat. Liuius libr. vii. Consul educto in æstiuam milite, exercitum purgare missionibus instituit. Sed tamen omnium castrorum eadem fuit in metando forma & descriptio, vt Polybius scribit.

Præmittebatur igitur Tribunus cum Centurionibus ac metatoribus; qui locū castris eligerent, dimetirentur, atque vbi opus esset complanarent, vt ait Polybius & Iosephus libr. iii. bel. Iud. Hinc Cæsar l. ii. bel. Gall. Exploratores Centurionesq; præmittit, qui locū castris idoneum deligant. Cicero Phil. xi. Saxa nescio quis castrorum antea metatur; nunc, vt sperat, urbis. Plinius li. x. c. iv. auctor est, nunquam legiones hibernasse in castris, vbi aquilarum non esset iugum. Primum igitur omnium Prætorio locus eligebatur, vexillo

xillo albi coloris defixo, deinde Tribunorū, legionumque tentoria puniceis designabant vexillis, viarumque & aliorum locorum signa constituebant aut hastis puris aut diuersi coloris vexillis: Quæ omnia Romani & propter mensurarum notitiam, & propter frequentem consuetudinem celerrime exsequebantur, Polybius. Vbi reliquus aduenisset exercitus, ex signis humi defixis statim quid sui muneris esset quisque agnoscebat; cum castrorum metandorum ratio vna atque eadem à Romanis perpetuo seruaretur. Dum vero castra munirentur, equites & pars peditum, ceterique qui legis aut Imperatoris beneficio munerum habebant vacationem, erant in armis contra subitōs hostium incursus. Quam urgente aliqua necessitate omnes ad opus coacti sunt: hinc equites quod ad munitionum opus explicandum ire iussi, facere id neglexissent, à Censoribus notatos fuisse Valerius & Frontinus tradidere. Triarii fere castra munisse leguntur: qui scutis sarcinisque suis in orbem circa signa dispositis, cincti gladio, opus peragebant, ut scribit Vegetius l. 3. Hinc Liuius l. vii. Ab Romanis nec opus intermissum: triarii erant qui muniebant, & ab hastatis principibusque, qui pro munitoribus intenti armatique steterant, prælium initum. Et lib. 35. Totius agminis sarcinas in medium coniici iussit, ac Triarios vallum circumijcere. & li. 44. Nec antequam prima frons valli ac fossæ producta est, ex statione equites reuocati. Cæsar lib. i. bel. Gall. Castris idoneum locum delegit.

delegit, acieque triplici instructa, ad eum locum venit, primam & secundam aciem in armis esse, tertiam castra munire iussit. Et lib. i. bel. ciuil. Prima & secunda acies in armis, ut ab initio constituta erat, permanebat; post hos opus in occulto acies tertia faciebat. Iam vero alibi demonstratum est Triarios in tertia acie fuisse. Tacitus lib. XI. Ferunt militem quia vallum non accinctus foderet; alium quia pugione tantum accinctos foderet, morte punitos.

Præfectus Castrorum ipse ex arte Centurionibus edicebat quid esset agendum: Centuriones opus inter milites distribuebant, atque ut ex præscripto omnia fierent; urgebant: ipsi autem Tribuni obibant opus ac probabant, ut supra narratum est.

Primum igitur omnium fossa ducebatur, quæ pro periculi magnitudine, maior minorve fuit. Vegetius l. iii. imparem numerum legionis causa obseruatū dicit in fossæ dimensione: quod tamen non semper obseruatum scriptorum passim exempla ostendunt. In aperienda autem fossa non tantum id curabant ut humus egereretur, quam ut cæspites excinderentur. Cæspes autem dicitur qui herbarum radicibus continet terram; formamque lateris habebat: eratque auctore Vegetio lib. tertio, altus semis pedem, latus pedem, longus pedem semis. Hi cæspites inter se ordinati ad instar muri post fossam collocabantur, & aggerem faciebant, supra quem valli defigebantur densissimi, ramis surculisque inter se ita

se ita complicatis, vt ne manus quidem interponendæ spatium esset, neque sine ingenti labore vel vnus vallus reuelli posset, vt scribit Polybius lib. xvii. Hinc Plinius lib. xxxv. Cæspitum naturâ castrorum vallis accommodata. Liuius lib. xxxiv. Circumspectare atque agitare Dux cœpit, si quo modo posset vallum circumijcere; sed erat adeo nudus tumulus, & asperi solis, vt nec virgulta vallo cedendo, nec terra cœspiti faciendo, aut ducendæ fossæ, alijsve vni operi apta inueniri posset. Tacitus li. Neque is miseriarum finis, struendum vallum, petendus agger, amissa magna ex parte, per quæ egeritur humus, aut exciditur cœspes. Beda lib. i. Histor. Anglic. cap. v. Vallum, quo ad repellendam vim hostium castra muniuntur, sit de cœspitibus; quibus circumcisis è terra, velut murus extruitur altus super terram: ita vt in ante fiat fossa, de qua leuati sunt cæspites, supra quam sudes de lignis fortissimis præfiguntur. Ouidius libr. i. eleg. penult. vallum pectinis dixit, quod pectinis dentes vallum imitarentur.

Quod si locus adeo esset saxosus, vt cœspiti cædendo non esset aptus; cœspes longius petebatur. Cæsar lib. ii. bel. Gall. Milites qui paulo longius aggeris petendi causa processerant, accersendi. Et lib. i. bell. ciuil. Quod longius erat agger petendus, in potentiam similem rationem instituit.

Sin autem terra solutior esset, vt cœspes nõ posset abscindi, sepibus hinc inde factis, quæ de fossa egesta fuisset, terra congerebatur, su-

praquam valli, vt diximus, profigebantur. Auctor Vegetius l.i. & iii. super hunc deinde aggerē & pinnae, & turres cum opus fuit, construebantur, vt vrbis speciem referret, quemadmodum cum Iosepho idem Vegetius tradit, vt passim apud auctores exempla demonstrant.

Castrorum formam Polybius & Iosephus quadratam fuisse significant. Vegetius autem etiam rotunda, trigona, oblonga castra agnoscit; quamquam ipse ea pulchriora credit, quibus ultra latitudinis spatium, tertia pars longitudinis additur. Hirtius de bell. Afric. Lunatis castris in Thapsi obsidione Cæsarem vsum esse narrat.

Castra portas quattuor habuere, vt scribit Iosephus libr. iii. in singulis videlicet lateribus singulas: quæ quidem portæ amplæ patentesque fuere, adituque faciles.

Prima porta Prætoria fuit, quæ aut hostes spectabat, aut eam partem ad quam erat profecturus exercitus, vt ait Vegetius libr. i. vel, in quam erat facilior exitus ad aquandum & pabulandum, vt ait Polybius. Hinc Festus ex Prætoria porta exercitum ad prælium educum ait. Dicitur autem Prætoria, quod ad Prætorium tabernaculum Imperatoris, recta duceret. Meminit etiam portæ Prætoriae Tacitus lib. i. Histor.

Altera porta Prætoriae ex diametro respondens Decumana fuit, hosti auersa. Liuius libr. iii. Furius Cos. in incautum hostem Decumana por-

na porta erupit. Tacitus libr. 1. Annal. Tanta
 deinde consternatio irrupisse Germanos cre-
 dentium, ut cuncti ruerent ad portas; quartam
 Decumanam maxime petebatur, auersa hosti &
 fugientibus tutior. Hæc eadem dicta videtur
 Quæstoria propterea quod ad Quæstorium
 ferret quod erat post Prætorium. Liuius lib.
 X. Ab tergo castrorum Decumana porta im-
 petus factus est: itaque Quæstorium captum,
 Quæstorq; ibi L. Optimus Pansa occisus est.
 Et libr. xxxiv. Tumultus ab aduersa parte ca-
 strorum est coortus, in portam Quæstorianam
 irruperant Galli. Hyginus. Quæstorium dici-
 tur, quod alioquin Quæstores ibi pedituram
 acceperint, quod est supra Prætorium in ri-
 gore portæ, quæ à cohortibus decimis Decu-
 mana est appellata.

*apud Li-
 psium in
 Tacitum
 lib. 2.*

Tertia portæ respectu ipsius Prætorij Dex-
 tra principalis dicebatur. Liuius libr. quar-
 to. Intentos hostes in vallum, egressus dex-
 tra principali, cum Triarijs repente inua-
 dit.

Quarta portæ dextræ opposita Sinistra prin-
 cipalis appellata est. Vtrique portæ nomen
 impositum à Principibus qui ibi tendebant;
 Scribit Festus. Principalis, inquit, castrorum
 porta nominatur, quod in eo loco est, in quo
 Principes ordines tendunt. Quamquam pu-
 to potius à Principijs: sic enim vocabatur
 locus in Castris. Liuius libro trigesimo quar-
 to. Duæ legiones duabus principalibus portis
 signa efferre iussæ. omnium portarum memi-
 nit Liuius li. 46. Ad quatuor portas exercitus
 instruitur.

instruxit, vt signo dato simul ex omnibus partibus eruptionem facerent. Quatuor extraordinarijs cohortibus duas adiunxit, erumpere extraordinaria porta iussit. Ad dextram principalem Hastatos legionis primæ instruxit. Tertia legio aduersus principalem sinistram portam instructa est. Q. Fuluius Flaccus legatus cum dextra ala ad Quæstoriam portam positus. Hæc Liuius. sed quam ipse vocet extraordinariam, equidem non possum diuinare. Alij aliter explicant: aridet tamen illa coniectura, vt pro extraordinaria, legatur ordinaria, & significetur Prætoria, qua, vt diximus, vsitatu fuit ad prælium egredi. Nisi forte intelligat portulā aliquā, quæ propter quatuor principales, in aliquo esset latere castrorū: Leo enim Imperator, quamuis quatuor tantum portas maiores & publicas, vt ipse vocat, in castris agnoscat; tamen portulas paruas propterea complures dicit fuisse in lib. de bell. apparatu cap. xi. Addunt nonnulli Quintanam, magno utique errore vt mox ostendam. Atque hæc quidem exterior fuit castrorum species atque forma.

Longe à vallo pedes ducētos ex omni parte tabernacula militum figebantur, quod spatium magnas ijs præbebat utilitates, quas Polybius numerat, primum enim cum omnes viæ ad illud ducerent, fiebat vt sine tumultu aut oppressione ingredi possent: deinde eo inferebant prædam quam ab hostibus cepissent; præterea ibi etiam pecora afferuabant: postremo. q̃ maximum fuit, extra teli iactum constituebantur.

Mili-

Militum tabernacula fiebant de pellibus; hinc passim reperitur esse sub pellibus, continere milites sub pellibus. Festus. Tecta castrrensia, quamuis pellibus contegantur, Tabernacula tamen dicuntur. Hirtius bel. Afric. Per quam pauci sub pellibus acquiescebant; reliqui ex vestimentis tentoriolis factis, atque arundinibus corijsque contextis proteguntur. Has pelles Imperatores à ciuitatibus exigebant. Cicero in Pisonem. Omni totius prouinciæ pecore compulso, pellium nomine; omnem quæstum illum domesticum paternumque renouasti.

Primum autem quemadmodum dictum est, Imperatoris tabernaculum erigebatur eo loco, vnde in omnes partes latissimus esset despectus, & imperium facillime percipi posset. Hoc Prætorium appellabant eo more, quo Duces omnes olim Prætores etiam nominati sunt. Varro. Prætor olim dictus quicumque præiret exercitui. Asconius veteres omnem magistratum cui pareret exercitus, Prætorem appellarunt. Festus. Initio Prætores erant qui nunc Consules, & in bella administrabant, quorum tabernaculum quoque dicebatur Prætorium. Iosephus Imperatoris tabernaculum Deorum templo simillimum fuisse narrat. Videtur hoc Prætorium fuisse columnis sustentatum; nisi nos fallunt veteres nummi: certe hoc Marcellinus significat libro xxv. Imperatori non cupedia ciborum ex regio more, sed sub columellis taberna-

culi parcus cenaturo pultis portio parabatur exigua-

In eodem quoque loco erat Imperatoris supellex, arma equi, & alia ad vsum necessaria: nam Dionysius lib. ix. haud longe ab initio C. Manlij Cos. Prætorio de cælo tacto, illa omnia conflagrasse narrat.

apud Li-
psii li. 2.
Ann Ta-
cui.

A parte dextra Prætorij fuit ara, vbi Imperator sacrificabat, & auguria captabat, vt Hyginus significat quâquâve bis corruptissimis: hinc Tacitus lib. ix. Annal. aram Auguralem nominat in castris Corbulonis, & libro 2. Annal. Nocte cœpta, inquit, egressus Augurali, per occulta & vigilibus ignara, comito vno adit castrorum vias. Et Dionysius lib. ix. cum in C. Manlij Cos. Prætorium fulmen decidisset, & tabernaculum dissipasse, & foculum, ἐγίαρ, euertisse scribit.

Læua autem Prætorij parte, vt idem ait Hyginus, Tribunal fuit, de quo superius multa diximus. Tribunal prope Prætorium fuisse tum ratio suadet, tum indicat Livius libr. 22. Ad Prætorium eius signa cum tulerimus. & mox subdit, vt constituta sunt ante tribunal signa.

Iuxta Prætorium, carcerem quoque fuisse verisimile est, vt loco maxime commodo & tuto, quemadmodum etiam Romæ foro carcer imminebat; certe carcerem in castris fuisse ostendit Tacitus lib. 1. Annal. loquens de seditione in castris concitata. Blæsus, inquit, paucos ad terrorem ceterorum affici verberibus,

ribus, & claudi carcere iubet; Et mox. Accurritur ab vniuersis, & carcere effracto, soluantur vincula Iuuenalis satyra vi.

Inde fides arti, sonuit si dextera ferro,

Lauag, si longo castrorum in carcere mansit.

In eo carcere non solum captiui, sed etiam nocentes & seditiosi milites, vt ex Tacito vidimus asseruabantur.

Cum igitur tam multa essent prope Prætorium, recte circa illud aream quadratam centenū quaquā versus pedum relictam fuisse Polybius dicit. Legatus etiam ibidem sua tabernacula habuisse probabilissimum est, vt semper Imperatori adessent.

Imperatoris porro tabernaculum portam Prætoriam respiciebat, qua vel in prælium vel in pabulationem exitus erat, vt diximus. Aversa Prætorio, atque in eandem Prætoriam portam spectantia Tribunorum tabernacula constituebantur in recta linea quæ parallela erat areæ quadratæ, ab ea tamen pedes quinquaginta distabant; ibiq; etiā equi, iumenta ac cetera Tribunorum impedimenta collocabantur. Tribunorum tabernacula æqualiter inter se distabant, tantumque spatij in latitudinem extendebantur, vt totam Romanī legionum latitudinem æquarent. Erant enim in duabus legionibus, qui exercitus est consularis, Tribuni duodecim; videlicet in singulis seni.

A tabernaculis Tribunorum vsque ad alia tabernacula militum, centenū pedum

via intercedebat, quæ Principia dicebatur, ubi Tribuni ius dicere solebant, quare, ut ait Polybius, maxima semper hominum frequentia celebrabatur. Liuius libro vii. Nec in circulis modo fremere, sed iam in principijs ac prætorio in vnum sermones confundi: & lib. xxxvii. Ibi in principijs sermo inter Tribunos militum secretus oritur; inde ad aures ipsius Aemilij peruenit. & libro xxviii. Milites Tribunos iura reddere in principijs sinebant. Ibi in Principijs signa legionum fuisse puto, cum Tacitus libro 4. Annal. dicat. Tiberius coli effigies eius inter Principia legionum sinerent. Videtur autem excitatum inibi sacellum, ne sub dio signa essent, Herodianus libro quarto, loquens de Antonino qui Seuero successit, ut autem, inquit, castra attigit, templumque vbi signa ac simulacra exercitus adorantur, procidens humi gratias agebat, & quasi salutem adeptus sacrificauit. Tacitus libro 1. Annal. de seditione legionum Germanicarum. Neque aliud, inquit, periclitanti subsidium, quam castra primæ legionis, illic signa & aquilam amplexus, religione sese tutabatur: ac ni aquilifer Calpurnius vim extremam arcuisset; rarum etiam inter hostes, legatus populi Romani Romanis in castris, sanguine suo altaria Deum commaculauisset. Vegetius libro iii. capit. viii. Prima omnium signa locis suis intra castra posita fuisse dicit, quippe cum nihil esset venerabilius eorum maiestate militibus: deinde Duci Prætorium, eiusque comitibus, ac Tribunis

bunis tabernacula præparari: postremo ceteris militibus ordine.

Igitur centenum pedum spatio à Tribunorum tabernaculis intermisso, equites utriusque legionis inter se oppositi, atque aduersi tendebant; sic tamen ut inter ipsos via similiter pedum quinquagenum relinqueretur. Longitudo tabernaculorum equitum eadem fuit quæ ipsius viæ, pedum videlicet centenum, usque ad ipsum vallum; altitudo quoque ferme æqualis, ita ut quadratam figuram referrent. Equitibus auersi, tabernaculis tamen coniunctis, Triarii collocabantur, ita ut singulis equitum turmis singulæ Triariorum centuriæ responderent: quæ propter fiebat, ut longitudo par esset; altitudo tamen duplo minor pedum quinquagenum; quoniam Triarii dimidio, ferme pauciores sunt, quam ceteri ordines.

Iterum via alia pedum quinquagenum interiecta, Triarij aduersi Principes locabantur, ita ut utrique in ipsam viam respicerent. Principibus auersi, tabernaculis coniunctis erant Hastati, centurijs utrorumque inter se respondentibus. tam secundum altitudinem, quam secundum longitudinem, quæ erat centenum pedum; sicut de equitibus dictum est: nam hi pares inter se numero fuere.

Rursus alia via quinquagenum similiter pedum intercedente, Hastatis aduersis sociorum equites tendebant; quibus similiter auersi tabernaculis coniunctis collocabantur

lociorum pedites in vallum spectantes: Horum omnium longitudo par fuit Romanis legionibus; altitudo tamen proportionē augebatur; quemadmodum peditum lociorum numerus par fuit Romanis; equitum duplo maior. Excipiuntur tamen ex hoc numero extraordinarij, qui alibi tendebant, vti dicemus.

In singulis siue turmis, siue Centurijs, tam Romanorum, quam lociorum, primatabernacula fuere eorum qui ordines ducebant, Decurionum, Centurionum, Præfectorum.

Quoniam autem singuli ordines tam peditum quam equitum siue Romanorum, siue lociorum in decem partes tribuebantur; & in castrorum metatione singule partes secundum longitudinem sibi respondebant, licet alia quæ secundum altitudinem differrent, vti diximus: Post quintam cuiusque ordinis partem, alia via pedum quinquagenum rotam Castrorum latitudinem intersecabat, quam viam nominabant Quintam, quod post quintos ordines relinqueretur.

Locus autem qui post Tribunorum tabernacula fuit ex vtraque parte Prætorij, Quæstorij attribuebatur. Atque à dextera quidem parte ipsius Quæstoris tabernaculum fuit; à sinistra vero eorum, & reliqui commeatus Quæstoris curæ commissi, qui locus dicebatur Quintana, vbi videlicet rerum venalium licitatio fieret. Hoc enim significat Quintana, neque vt aliqui putant, porta Castræsis fuit.

Sueton.

Suetonius in Nerone capit. XXVI. Quintana
domi constituta, vbi portæ & ad licitationem
diuidendæ prædæ præcium assumeretur. Li-
uius libro XLI. Prætorio deiecto ad Quæ-
storium forum, Quintanamque hostes perue-
nerunt. Paulus Felti compilator Quintanam
esse dicit in castris, vbi rerum vtenfilium fo-
rum fuit; non tamen placet quod addit por-
tam fuisse: nam quomodo Feltus ipse scripse-
rit, ignoramus. Ibi quoque videtur fuisse ar-
mamentarium, cum eius cura ad Quæstorem
pertineret; licet quoque particularis custos
adhiberetur. Tacitus libro primo Histor.
Vehicula cohortis onerari aperto armamen-
tario iubet. Et ibidem. Aperiri deinde ar-
mamentarium iussit, raptâ statim arma si-
ne more, & ordine militiæ. Seneca de Tran-
quillo libro primo, cap. tertio. Neque ille so-
lus militat, qui in acie stat, & cornu dextrum
læuumque defendit; sed qui portas tuerur, &
statione minus periculosa, non otiosa ta-
men fungitur, vigiliasque seruat, & arma-
mentario præest. & libr. Dig. de re milit. Ar-
morum custodi plerumque culpa imputa-
tur, si arma militi commisit non suo tempo-
re.

*l. quæstorium
meum.*

Porro Forum & Quæstorium tantum spatij
secundum latitudinem occupabant, quantum
Tribunorum tabernacula; via tamen, inter
hec, vti dictum est, pedum quinquagenum in-
teriecta.

Quæstorio Ieroque aduersi ex vtraque par-
te, via quinquagenum pedum interposita,

equites auocati, quos ἀπολέκτους Polybius vocat, & voluntarij locabantur, quibus auersi ex vtraque similiter parte in vallum spectantes tendebant euocati & voluntarij pedites.

A tergo Prætorij Quæstorij forisq; centenū pedum via interfecante, quæ Tribunorū tentorijs erat parallella, ac tantundem spatij in latitudinem occupabat; Equites extraordinarij sociorum tendebant, ipsum Quæstorium Iorumque ac Prætorium spectantes. Quibus auersi posteriorem partem castrorum respicientes locabantur extraordinarij pedites. Inter equites autem peditesque extraordinarios legionis vtriusque, vt inter alios quoq; ordines diximus, via pedum quinquagenū intercedebat, quæ à tergo Prætorij ad posteriorem Castrorum partem, portamque Decumanam ferebat.

Spatium deinde quod relinquebatur ex vtraque parte extraordinariorum, attribuebatur ijs qui in dies adueniebant. Mercatores, alijque opifices extra castra sub vallum tendebant. Cæsar libro 6. vt qui sub vallo tenderent mercatores, recipiendi sui facultatem non haberent.

Hæc igitur de castrorum metatione prout eam describit Polybius; quæ etiam pro numero militum pro portione aut augebatur, aut minuebatur.

Quod si vterque Consul simul castrametarentur, nihil aliud cogitare oportet nisi duos exerci-

exercitus pariter auersos inuicem cōiunctos esse, & contingentes sese ad tabernacula extraordinariorum, vt idem ait Polybius. Atq; his expositis, deinceps videamus quæ nam fuerit castrorum disciplina.

De castrorum disciplina.

C A P. VI.

Vbi primum castrametati fuissent, Tribuni ab omnibus qui in castris essent, siue liberi, siue serui singillatim iusiurandū exigebant se nihil è castris furto ablaturos: imò etiam si quid inuenissent, allaturum ad Tribunos, Auctor Polybius. Eius iuramenti formula refertur à Gellio his verbis. In magistratu C. Lælij, in exercitu, decemque millia passuum prope, furtum non facies dolo malo, solus, neque cum pluribus, pluris nummi argentei in dies singulos. Extra hastam, hostile, ligna, pabulum, vtrem, follem, faculam, si quid ibi inueneris, sustulerisue, quod tuum non erit, quod pluris nummi argentei erit, uti tu ad C. Lælium, siue ad quem iusserit, proferas, aut profitebere in triduo proximo, quidquid inueneris, sustulerisue dolo malo, aut domino suo, cuium id esse censebis, reddes, uti quod recte factum esse voles. Hæc Gellius. Vbi hoc iusiurandum fuisset exactum; suis quisq; locis ordinabatur. Ex hastatis autem principibusque legionis cuiusque, manipuli duo ad eius vix custodiam designabantur, quæ ante Tribunos erat; cum enim ea maxime celebrare-

tur, studium adhibebatur, vt adpersa purgataque esset. Ex reliquis autem duodeuiginti manipulis, singuli Tribuni ternos fortiebantur. Hi manipuli Tribuno tabernaculū constituebant, locum sternebāt, æquabantque, & si opus esset ad vasorum custodiam, sæpe muniebant. Dabant quoque hi tres manipuli singulis diebus binas custodias siue excubias, quæ singulæ quaternis hominibus constabāt, quorum pars ante tabernaculū Tribuni, pars post tabernaculum iuxta equos excubabat. Triarij à Tribunorum ministerijs eximebantur illi quidem, sed ijs cura demandabatur equorū, ne aut vinculis implicati læderentur, aut soluti, & inter se irruentes turbas & tumultus excitarent.

Ex omnibus tamen manipulis vnus quotidie in urbem suam quisque vicem ante Imperatorem excubabat, quod præsidio simul & ornamento erat Imperatori.

Velites, vt ait Polybius, per diem extra vallum custodiam agebant: neq; solum velites, sed etiā equites, Festus. Procubitores dicuntur fere Velites, qui noctu custodię causa ante castra excubabant, cum castra hostium in propinquo sunt. Vegetius etiam præcepit lib. III, vt equites nocturnas excubias faciant extra vallum. Cæsar lib. IV bello Gall. Qui pro portis castrorum in statione erant, Cæsari renunciarunt, & libro V. Impetu in eos facto, qui erant in statione pro castris collocati, acriter pugnaverunt, libro primo bell. ciuil. Quæ in statione pro castris erant Afranij

nij cohortes, breuiore itinere ad eundem occupandum locum mittuntur. Hirtius de bello Africano. Turmæ equitum, qui pro vallo in stationibus esse solebant.

Hoc veteres dixerunt Prætendere, easque custodias Prætenturas, & stationes agrarias nominarunt. Marcellinus libro xvi. Dum castrorum opera mature consurgunt, militisque pars stationes prætendit agrarias. Et lib. xiv & quia Mesopotamiæ tractus omnes crebro inquietari sucti, prætenturis & stationibus seruabantur agrarijs. Et li. xxv. salubriter & caute castra metata: prætenturæ stationesque agrariæ totis rationibus ordinantur.

Præter hæc tres fiebant excubiæ, vna apud Quæstorem, duæ autem apud legatos & consiliarios.

Cum autem castrorum forma quadrata esset, duo latera socij custodiebant, iuxta quæ ipsi tendebant: frontem verò, & posteriorem castrorum partem legionis Romanæ seruabant, ita vt vnaqueque legio suum latus custodiret. In singulis autem portis deni Velites stationem habebant, vt ait Polybius. Hinc Sallustius in Iugurthina; castra munire, excubitu in porta cohortes ex legionibus, pro castris equites auxiliosos mittere: propterea alios super vallum in munimentis locare, vigilias ipse circuire. Claudebantur enim noctu portæ, & clauēs à custodibus ad Tribunos deferrebantur, vt dicitur in l. Officiū regentis: Dig. de milit. Et capitale fuit fossam

aut vallum transilire: quod ex Remi facto originem duxisse tradit Zonaras tom. 2. initio.

Quod autem diximus castrorum ambitum à socijs Romanisque fuisse vigilijs custoditum; id non est sic intelligendum, quasi totis castris cōtinenter fuissent vigiliæ, sed solum certis locis, spatijsq; intermissis. Hinc illud præter morem apud Cæsarem li. 1. bel. civil. Cæsar, inquit, his operibus, quæ facere instituerat, milites disponit nō certis spatijs intermissis, vt erat superiorū dierum cōsuetudo, sed perpetuis vigilijs stationibusq; vt contingant inter se, atque omnem munitionem expleant.

Vigiles olim hastas, & pila, & scutū deferabant ad nocturnas excubias: sed cum plerumque accideret, vt vigiles scuto hastæq; innixi dormirēt, Paulus Aemilius instituit, ne quid eorum secum deferrent, vt magis somno resisterent, vt auctor est in Pauli vita Plutarchus. Qua de re Liuius etiam ita scribit libr. XLIV extremo. Vigiles, inquit, nouo more, scutum in vigiliam ferre vetuit: non enim in pugnam vigilem ire, vt armis vtatur, sed ad vigilandum, vt cum senserit hostium aduentum, recipiat se excitetq; ne ad arma alios; Scuto præ se erecto stare galeatos: deinde vbi fessi sint, innixos pilo, capite super marginem scuti posito sopitos stare, vt fulgētibus armis procul conspici ab hoste possit, ipse nihil prouideat. Hæc Liuius. Pauli autem institutum etiam ad posteriora tempora manauit: hinc Seneca epist. xxxvi. Stans etiam aliquando saucius pro vallo peruigilet, & ne pilo quidem

dem incumbat, quia solet obrepere interim somnus in aliquod adminiculum reclinatis.

Ad excutiendum præterea somnū vocibus & clamoribus sese excitabant. Vnde illud apud Tacitum lib. V histor. Vigiles flagitium suum ductis dedecore excusabant, tamquam iussi silere, ne quietem eius turbarent: ita intermisso signo & vocibus, se quoque in somnum lapsos.

Nocturnas autem vigilias sic Romani, Polybio auctore, cōmittebant. Ex decimis quibusque signis tam peditum quam equitum, quæ quidem ad frontem castrorum postrema tendebant, vir vnus eligebatur, qui à vigiliarum onere liber, paulò ante occasum solis ad Tribuni tabernaculū accedebat, & ab eo tesseram, siue signum (id autem erat lignea tabella inscriptū) accipiebat, quam testibus adhibitis, signi centurioni reddebat, isque deinceps proximo centurioni similiter tradebat, quousque ad primum signū p̄ueniretur, quod iuxta Tribunos tendere solet; eius autē signi centurio ante solis occasum ad Tribunal referrebat tesseram: & si quidem relaxe omnes fuissent, intelligebant tesseram & imperium ad omnes peruenisse; quod si aliqua defuisset, facile ex inscriptione cognoscebāt ubi peccatum fuisset, & p̄enam irrogabant. Atque eos quidem qui in singulis ordinibus vigilias agere deberent, ipsi ordines per se statuebant: in ceteras autem vigilias Imperator mittebat. Vigilibus igitur in quolibet ordine designatis, eos qui primam vigiliam acturi

acturi erant, ordinis cuiusque Tergiductor velperi, quisque suos ad Tribunal deducebat. is singulis ligneam dabat tabellā, in qua erat certa inscripta nota: qua accepta in suas stationes proficiscebantur.

Vigilias deinde obeundi munus equitibus mandabatur. Turmæ enim præfectus vni ex Tergiductoribus sub auroram edicebat, ut adolescentes quatuor eligeret, qui nocturnas obituri essent vigilias: post hæc sub vesperam proximæ turmæ Præfectum monebat, vigilias circumeundi curam in sequentem diem ad ipsum pertinere. Illi autem qui à Tergiductoribus fuerant electi, Tribunal adibant, & scriptum accipiebant, quot, quasque vigiliarum rationes obire deberent. His peractis apud primum manipulum Triariorum quiescebant, tantisper dum primæ vigiliæ signum daretur. Hoc enim munus ad eius manipuli centurionem spectabat. Vbi tempus aduenisset primam vigiliam obeundi, qui eam fuerat sortitus, ad loca sibi designata proficiscebatur, secum habens ex amicis testes: neque solum vallum & portas, sed singulas centurias decuriasque lustrabat. Quod si vigilantes reperisset, ab ijs tabellam accipiebat: sin autem dormire, aut stationem deseruisse offendisset, eos qui adorant contestatus, silentio præteribat. Atque eadem ratio seruabatur à cæteris, qui alias deinceps erant obituri vigilias. Orta luce eqtes, qui vigilias nocturnas circuiuerāt, tabellas omnes quas à vigilibus acceperant, ad Tribunal referebant:

bant: si numerus minor fuisset tabellarum, ex nota facile intelligebat Tribunus, cuius stationis tabella desideraretur: accitoque eius ordinis centurione, inquirebat utrum apud vigiles, an verò apud circuitores culpa resideret, cõuictumque criminis fuisse percutiebat.

Solitos vigilias obire equites Liuius etiam ostendit lib. xxii initio, quæ inter alia prodigia nunciata narrat. Circumcuncti vigilias equiti Scipionem arsisse. Neque solum equites, sed centuriones, Tribuni atque adeo ipse Imperator vigilias obibant. Tacitus libro secundo historiarum. Alphenus Varus Præfectus castrorum, deflagrante paulatim seditione, addit consilium vetitis obire vigilias centurionibus, sic quique centuriones videntur obisse suorum duntaxat ordinum vigilias. Cæsar lib. primo, bell. ciuil. Tribunos militum & Præfectos circummittit. Liuius lib. xxviii. A custodibus probra in circumcunctes vigilias Tribunos iacta.

Porro nox in quatuor vigilias diuidebatur, quarum singulæ ternas horas continebant, vti ait Suidas. *ὑποφυλαχὴ*, ita vt quarta vigilia in auroram terminaretur.

Liuius lib. xxxvi. Consul cum nocte media intermisset oppugnationem, quarta vigilia rursus ab tribus partibus aggressus est, & mox iam dilucescebat, &c.

Vigiliarum signa ac distinctiones primi ordinis Triariorum centuriones buccina dabant, vti ex Polyb. diximus. Hinc dicit Tacit. li. 15.

Ini-

Initia vigiliarum per centurionem nunciari. Et Liuius lib. vii. Decius tesseram dari iussit, vbi secundæ vigiliæ buccina datum signum esset, armati cum silentio ad se venirent. Et lib. xxvi. Fuluius Tribunis militum ac Præfectis sociorum imperauit, vt duobus millibus equitum delectis denūciarent, vt ad tertiam buccinam præsto essent. Quamquam Vegetius tubam dicit adhibitā ad distinctionem vigiliarum.

Ac vigiliarum quidem cura, vt in singulis ordinibus recte atque ordine peragerentur, ad ipsos ordinum ductores spectabat. Vniuersum autem latus quod vni legionis erat commissum, bini Tribuni eiusdem legionis curabant: ad quos etiam reliqua eiusdem legionis cura pertinebat. Nam, vt supra demonstratum est, ex Tribunorū numero (seni autem erāt in singulis legionibus) bini duobus mensibus imperabant & necessaria procurabant. Eademque gubernandi & imperandi ratio erat Præfectorum in socios. Polybius, Vbi primum illuxisset, milites ad centuriones conueniebant salutandi causa: centuriones & equites ad Tribunos, Tribuni verò ad Imperatorem. Is Tribunis edicebat quid facto opus esset, Tribuni ducis imperium equitibus ac centurionibus significabant: illi deinceps reliquo exercitui; quemadmodum vna cum Polybio scribit Iosephus. Eodemque modo sub occasum solis ad Imperatorem conueniebant, tum honoris, tum imperij accipiendi causa. Tacitus l. xiii. Signū more militū petenti

petenti Tribuno dedit. Optimę matris. Liui. li. xxviii de Tribunis, qui imperium sibi per seditionem vsurpauerant, in Prætorio tetenderunt, classicum apud eos cecinit, signum ab ijs petatum est. Et lib. xxvii Fuluius dimitteus prætorium, Tribunis militū ac Præfectis sociorum imperauit, vt ad tertiam buccinam præsto essent, libro xxx Scipio Tribunis edicit, vt vbi prætorio dimisso, signa concinuissent, exemplo educerent è castris legiones. libro xxxvii Acilius priusquam prætorium dimitteret, denunciavit, vt ante lucem armati paratiq̃ue essent. Dimittere autem Prætorium dicitur Imperator, cum nocturnę quietis captandę causa eos qui ad ipsum conueuerant dimittit.

Illud postremo ex Iosepho addens finem faciam: in castris vnum atque idem fuisse omnibus cibi somniq̃ue capiēdi causa tempus attributum. Cum autem Imperator cibum sumeret, solebant omnes tubicines ac buccinatores simul canere ante Prætorium, vt scribit Polybius lib. xiv. Hinc Tacitus libro xv. Addit glorię Corbulo comitatem epulasq̃ue & rogitante Rege causas, quoties nouum aliquid aduerterat, vt initia vigiliarum per centurionem nunciari, conuiuium buccina dimitti, cuncta in maius attollens, admiratione prisca moris affecit.

Neque id omittendum, cum ad precium egrederetur, semper aliquos in castris remansisse custodię causa: Hi autē fere Triarii orāt, vt Linius lib. 2. Dionys. lib. 8. significant.

Vbi Castra erant mouenda, tuba primum signum dabatur profectionis: quo audito tabernacula milites tollebant, & sarcinulas componebant: non tamen audebant ceteri sua tabernacula deponere, priusquam Imperatoris ac Tribunorum tabernacula detensa vidissent. Deinde alterum signum tuba similiter dabatur, vt parati essent, ac tunc iumentis onera imponebant, & castris ignem iniiciebant, ne quando hostibus vsui ea esse possent. Vbi verò tertium signum auditum fuisset, incedere incipiebant eo ordine, quem exposuimus cum de itineribus militaribus ageremus. Hæc Polybius & Iosephus. Quæ præterea confirmari possunt Cæsar's testimonio lib. iii. bel. ciuil. Vt militare institutum seruaretur, & ne citissima eius profectio cognosceretur, conclamari iussit. Et infra. Signo profectiois dato, tabernaculisque detensis. Ibidem. Vasis militari more conclamatis, progressus millia passuum tria, loco idoneo & occulto omnem exercitum equitatumque collocauit. Et libro i. Signum dari iubet, & vasa militari more conclamari.

LIBER QVINTVS.

De Preparatione ad prælium.

CAP. I.



VI ad hostem ventū esset, reliquæ de pælio cōsultatio fuit. Quod si pugnare placuisset, Imperator signo pugne proposito, per tesseram edicebat militibus, in quam diem vel horā parati esse deberent ad pugnā. Cæf. l. 3. Gall. Crassus non cunctandū existimauit, quin pugna decerneret. hanc re ad conciliū delata, vbi oēs idem sentire intellexit, posterum diem pugne constituit. Liu. l. 6. Romanus Dictator latus ad milites iam arma, ad propositū pugne signum, sicut edictū erat, luce prima capientes processit, l. 9. Consul extemplo tesseram dari iubet, vt prandeat miles, firmatisq; cibo viribus arma capiat, li. 28. Tesseram vespere per castra dedit, vt ante lucem viri equiq; pransi essent: armatus eques frenatos fratrosq; teneret equos.

Pugne porro signum, tunica seu vexillum fuit rubrum siue purpureum super Prætorio extensum. Plutarchus enim in Fabio τὸ τῆς μάχης σημεῖον dicit fuisse χιτῶνα κόκκινον ὑπὲρ τῆς στρατηγικῆς σκηνῆς διατενόμενον. Et in Bruto, Cæsare, ac Marcello ἀγῶνας σύμβολον. φοινικοῦ χιτῶνα appellat. Ildorus libro xix. cap. xxii Russara, inquit, tunica, quam Græci phœniciā vocant, sub consulibus Romani vsi sunt milites: vnde etiam Russati vocabantur.

Solebat enim pridie quam dimicandum esset, ante principia poni, quasi admonitio & indicium futuræ pugne, hæc ille. Hinc Cæsar lib. 11. bell. Gall. Cæsari omnia vno tempore erant agenda: vexillum proponendum, quod erat insigne, cum ad arma concurrere oportebat. Et de bel. Alex. Demitti antemnas iubet, & milites armari; & vexillo sublato, quo pugnandi dabat signum, idem ut facerent, significabat. Marcellinus libr. xx Matutine lucis exordio, signo per flammeum erecto vexillum, circumvaditur ciuitas. Et lib. xxvii. Cum undique ad arma conclamaretur, imperio principis & ductorum stetit regibilis miles, vexillum operiens extollendum, quod erat opportune subeundæ indicium pugne.

Quod si Imperatores duo, ut consul uterque adesset; separatim apud utrumque pugne signum proponebatur, ut scribit in Bruto Plutarchus.

Signo pugne proposito, milites sese ad certamen comparabant, arma expediebant, moribus. *li. 3. c. 11.* dicoque cibo vires confirmabant, ne, ut ait Vegetius, longiore conflictu defatigarentur inedia, & sumptâ esca redderet citatiores. Quod præterea Liuij testimonio confirmari potest, qui lib. xxiv Milites, armis expediendis, quod reliquum diei fuit, consumpserunt, libr. xxv Reliquum diei expediendis armis, & curatione corporum consumptum.

Interea Imper. auspicijs sacrificijsque Deorum voluntatem explorabat, utrum ne victoriam pollicerentur, ijsque propitijs in pugna esset

esset vsurus. Quod si auspicia extraque certam victoriam, hostiū fugam, stragemq; ostendissent, Imperator ad aciem instruendā egrediebatur. Liui. l. vi Romanus Dictator, castris eo die positis, postero, cum auspicato prodijisset, hostiaq; cēsa, pacem Deūm adorasset; lētus ad milites iā arma ad propositū pugnae signum, sicut edictum erat, luce primā capientes, processit, lib. ix. Romani consules priusquam educerent in aciem, immolauerunt. Et lib. ix Agentibus diuina humanaque quę assolent, cum acie dimicandū est, consulibus; Tarentini legati occurrere, responsum exspectantes, quibus Papirius ait: Auspicia secunda esse, Tarentini, pullarius nunciat; litatum præterea est egregie: auctoribus Dijs, vt videtis, ad rem agendam proficiscimur. Hinc illa cōtra morem facta ab eodem notantur lib. v. Tribuni milit. non deorum saltem, si non hominū memores, nec auspicato, nec litato instruunt aciem. Antequam autē instrueretur acies, aut etiam ea iam instructa: Imperator cōcionem ad milites habebat: quod interdū quoq; ante propositum pugnae signum fiebat; cum Imperator optimum iudicaret, vt milites suum consilium præcognoscerent. Liuius libr. xxxiv. In hunc modum maxime adhortatus, pronunciat, se nocte ad castra hostium ducturum: nocte media, cum auspicio operam dedisset, proficiscitur.

Vocabantur autem ad concionem milites in Prætoriiū à præconibus, vt scribit Dionys. lib. ix. Liuius lib. i. Vocari, inquit, ad concio-

nem vtrumque exercitum iubet: præcones ab extremo orsi, primos exciungere Albanos.

Vbi verò milites in Prætorium conuenissent, Imperator pro tribunali eos alloquebatur. Liuius lib. ix. Publius Cos. cum dimicaturus esset, prius alloquēdos milites ratus, concionem aduocari iussit. Ceterum sicut ingenti alacritate ad Prætorium concursus est, ita præ clamore poscentium pugnam, nulla adhortatio Imperatoris audita est. Et li. xxiv. Postero die, vbi signa cœperunt canere, parati instructique ad prætorium conueniunt. Et lib. xxix. Vocati ad concionem, ad tribunal Imperatoris concurrunt: simul imperator in tribunal conscendit.

In ea concione Imperator spem victoriæ, deosque propitios fore ostendebat, militum suorum virtutem extollebat, hostium deprimebat: gloriâ, partaque decora, comodaque victoriæ, fugę ignominiam & damna proponebat: prædam, coronas, cæteraque præmia pollicebatur, quarum rerum omniū Liuianę conciones sunt refertę.

lib 3. bel. Iudae. Post concionem præco ad dextram Imper. adstans, vt scribit Ioseph. ter milites interrogabat, vtrumne ad proelium esset parati: ijque ter itē sese paratos esse clamore respōdebant, atque ex clamoris alacritate Imperatores de militum animo coniecturam facere solitos, scribunt in Crasso Plutarchus, & Appianus in Parthica. Hinc Liuius lib. iiii. Consul, concione aduocata, si iam satis animi est, inquit, decernique placet, agite dum clamorem, qualem

lem in acie sublaturi estis, tollite hic indicē voluntatis, virtutisq̃ue vestre. Et lib. vii. Tesseram dari iubet, vbi secundæ vigilię buccina datum signum esset, armati cum silentio ad se venirent, quo vbi, sicut edictum erat, taciti conuenerunt: Hoc silentium milites, inquit, emissio militari assensu, in me audiendo seruandum est.

Milites igitur vt se paratos ad proelium ostenderent, clamoribus concionantem Imperatorem crebro interpellabant, dextras erigentes, clypeosq̃; gladijs percutientes, vt scribit Iosephus. Ex quo Isidorus li. i. c. xxv. Mos est, inquit, militaris, vt quoties cōsentiāt exercitus, quia voce non potest, manu promittat: alij, quia voce non possunt, gladiorum motu salutant. Et Marcell. lib. xv. Militares omnes, horrendo fragore scuta genibus illidentes, quod est prosperitatis indicium plenum (nam contra cum hastis clypei feriūtur, iradocumentum est doctoris) immane, quo quantoq̃ gaudio, præter paucos Augusti probauit indicium, libro xxii. Hac fiducia spei maioris animatus inferior miles, hastis feriendo clypeos, sonitu assurgens ingenti, vno propenodū ore, & dictis faucebat, & cœptis. Et li. xxv. Incredibile dictu est, quanto ardore milites ad vindictam ira & dolor feruentior inuolabat, hastas ad scuta concrepantes, etiam mori, si tulisset fors, obstinatos. Hinc Liuius lib. xxviii. Exercitus, qui corona concionem circumdederat, gladijs ad scuta concrepuit.

De acie instruenda.

CAP. II.

Imperator cum ad prælium milites satis armatos vidisset, aciem vel in castris, vel extra castra instruebat. Liuius libr. ix. Consul vti armatos paratosque vidit, signa extra vallum proferri iussit, & haud procul hoste instravit aciem. Et libr. xl. Ad quatuor portas castrorum exercitum instruxit, ut signo dato, simul ex omnibus partibus eruptionem facerent.

Acie autem Imperator ipse una cum Legatis, Tribunis, centurionibusque instruebat. Liuius libro xl. Copias omnes partim Prætor ipse, partim per legatos, tribunosque militum instruxit. Et libr. xxx. Equites in turmas, pedites in cohortes, sicut quondam à Romanis centurionibus didicerat, distribuit.

Porro exercitus ad pugnam instructus, Acies generali vocabulo dicebatur, constabatque tribus partibus, cornibus, subsidijs, & eaque Acies proprie nominata est. Singulorum partium instruendarum alia temporibus alijs ratio fuit, prout locus, hostisque ac temporis necessitas postulauit: neque nunc necesse est omnia omnium Imperatorum stratagemata recensere. Vsitatus autem ac legitimus ordo aciei fuit per Hastatos, Principes, ac Triarios Velitibus, quemadmodum diximus, admistis. Nam, ut scribit Dionysius, milites non solum ex censu legebantur, sed ex eodem arma illis, atque in pugna locus assignabatur.

Acies

Acies igitur, vt de singulis partibus dicamus, triplici constabat peditum ordine. Primi enim Hastati, post eos Principes, postremi Triarii in manipulos singuli, cohortesq; instructi locabantur, vt ait Liuius lib. IIX. Hinc idem lib. XXII. Pugna exorta est non illa ordinata per principes, hastatosq; ac triarios: nec vt pro signis antesignanus, post signa alia pugnaret acies: nec vt in sua legione miles, aut cohorte aut manipulo esset. Et lib. XXX. Instruit primos hastatos, post eos principes; Triarijs postremam aciem clausit: non confertas autem cohortes, ante sua quamque signa instruebat, sed manipulos aliquantum inter se distantes; vt esset spatium, quo elephantum hostium accepti, nihil ordines turbarent. Ex quibus postremis verbis illud etiam colligitur, manipulos in cohorte non secundum profunditatem; sed secundum latitudinem instrui solere; vt spatium inter manipulos esse posset, quo elephantum reciperentur. Sic lib. VIII. Receptis in interualla ordinum Antepilanis. Quoniam vero Hastati Principesq; ante Triarios locabantur, Antepilani communi vocabulo dicti sunt, vt ostendit Liuius lib. IIX. in illa Romanorum latinorumque pugna: Triarios enim Pilanos quoque dictos supra docuimus. Locus autem vbi Principes erant, qui erat in acie medius, vt in castris, ita & in acie, Principia dictus est. Liuius lib. II. in extremo. Abtergo erant cliui, in quos post principia integris ordinibus tutus receptus fuit. lib. III. Equites suæ cuique parti

post principia collocat. Et lib. II. X. Receptis in interualla ordinum antepilanis, principia latinorum perturbant. Donatus in Eunuch. act. 4. sc. 7. Principia locum fuisse dicit in acie: vtrum autē in acie media an extrema fuerit, ait esse controuersum.

Hi ordines Hastatorum, Principū, ac Triariorum, Acies vt dictum est, generali nomine vocabantur: & Media acies, quod vtrinq; cornibus alisq; vt mox dicemus, cingeretur: sed & singuli ordines acies quoque dicti sunt; vt prima acies hastatorum esset, secunda principum, tertia ac postrema Triariorum, vt scribit Liuius lib. I. IX. Hinc idem li. XLIV. Ex postrema acie triarios primos subducit, deinde principes, stantibus in prima acie hastatis, Cæsar l. I. Gall. Acie triplici instructa ad eum locum venit: primam & secundam aciem in armis esse, tertiam castra munire iussit. Triarios enim castra munire solitos supra ostensum est.

Singulæ porro, siue acies, siue ordines Hastatorum, Principum, ac Triariorum in suis manipulis & cohortibus sua signa ac vexilla habuere, quibus in acie agnoscerentur. Hinc illud Cæsar reprehendit, vt ab timore profectum li. I. ciu. Collatis in vnum locum signis, conferti, neque ordines neq; signa seruarent. Et l. II. Gall. Cæsar vbi suos vrgeri, signisq; in vnum locum collatis, duodecimæ legionis milites confertos, sibi ipsos ad pugnam esse impedimento vidit, signa inferre, & manipulos
laxare

laxare iussit, quo facilius gladijs uti possent.

In Manipulis prima videntur incessisse signa: cohortis vero signum in postrema cohorte videtur fuisse collocatum. Liuius l. 30. Non confertas cohortes, ante sua quamquo signa instruebat. Manipulorum vero signiferos semper primos in hostes incessisse, passim legitur in historijs. Hinc Hastatorum prima signa, postrema Triariorum dicuntur. Liuius l. ix. Nec prius inclinata res est, quam secunda acies Rom. ad prima signa, integri fessis successerunt. li. 30. Principes post Hastatorum prima signa in subsidijs triarios constituit. libr. xxxvii. Hastatorum prima signa; deinde principum erant, triarii postremos claudebant.

Aquila vero totiusque legionis signa post hastatos ante principes fuere: ita ut Hastati ante signa essent, qui propterea Antesignani dicti sunt; Principes sub signis; Triarii vero post signa. Liuius li. ix. de pugna latinorum ac Romanorum, & alibi. Cæsos hastatos principesque, stragem & ante signa, & post signa factam, triarios postremo rem restituisse. lib. nono. Cadunt antesignani: & ne nudarentur propugnatoribus signa, sit ex secunda prima acies. libr. xxii. Pugna exorta est non illa ordinata per principes, hastatosque ac triarios, nec ut pro signis antesignanus, post signa alia pugnaret acies. lib. xxiii. Triplex stetit Romana acies: peditum pars ante signa locata, pars post signa accepta: equites cornua cinxere.

Singula

Singulæ porro acies Hastatorum, Priuelpum, ac Triariorum suis subsidijs firmabantur(hanc enim quasi secundam aciei partem esse diximus)quod à Laconibus inuentum Romani postea à Carthaginien sibus acceperunt, vt li.3.c.17.scribit Vegetius:quanquam multo ante Punica bella subsidiorū in acie Romana meminit Liuius. Subsidia autem milites appellantur, qui ad subitos prælij casus reservabantur.

Subsidiorum autem quanta sit vtilitas, sic fere explicat Vegetius lib.in.Hac dispositione nulla melior inuenitur:si enim cuneus agendus sit,aut forfex, aut serra ducenda; superfluos habere debes post aciem, de quibus illa facias:nam si de loco suo ordinatum militem transferre cœperis, vniuersa turbabis. Si globus hostium separatus partem aliquam virgere cœperit,nisi superfluos habeas, quos contra globum possis opponere, siue equites siue pedites de acie tuleris, dum aliam vis defendere, aliam periculosius denudabis. Denique ita concludit.Si bellatorum copia non abundet, melius est aciem habere breuiorem, dummodo in subsidijs plurimi collocentur. Vnde illud in Romanis Liuius reprehendit lib.IV.Non subsidijs firmata acie concursus est.& l.IX.de Hetruscis, Quia nullis recētibz subsidijs fulta primaacies fuit; ante signa, circaque omnes ceciderunt.

Igitur post singulas acies sua fuere subsidia,vti diximus; quod ostendit Liuius eo loco, quem proxime citauimus. Quia nullis recenti-

recentibus subsidijs fulta prima acies fuit, &c. lib. xxxiv. Fessos iam suos Consul, ex secunda acie subsidiarijs cohortibus inductis, accendit. Et lib. xxxvii sexdecim elephantos post triarios in subsidio locatos.

Præter hæc subsidia, quæ post singulas acies collocabantur, alia fuere subsidia, quæ vel in extremo (quod Vegetius præcipit) vel alio commodiore loco, à cetera acie separata constituebantur. Liuius lib. v. Paullum erat à dextera editi loci, quem subsidiarijs repleri placuit. Et lib. xxix. Lentulus, coepta parum prospere pedestri pugna, tantum moratus, dum cedenti duodecimæ legioni, quæ in lauo cornu aduersus Illergetes locata erat, tertiam decimam legionem ex subsidijs in primam aciem firmamentum ducit; postquam æquata ibi pugna est, ad L. Manlium inter prima signa hortantem, ac subsidia quibus res postulabat, locis inducentem venit, hæc Liuius; quibus verbis primorum signorum subsidia à ceteris fuisse diuersa significat. Et lib. x. subsidia non vno in loco posita ostendit; subsidia, inquit, suis quæque locis, & Præfectos subsidijs attribuerat.

Hæc omnia subsidia in manipulos, & cohortes fuere diuisa; quare & subsidiariæ cohortes dicuntur. Liuius lib. ii. Ex subsidiarijs manipulos aliquot in primam aciem secum rapit. lib. ix. subsidiarias cohortes, quæ integræ ad longioris pugnae casus reservabantur, in primam aciem emisit. Et libro trigesimo quarto. Fessos iam suos Consul, ex secunda acie

acie subsidiarijs cohortibus inductis, accendit.

Atque post singulas acies videntur paucae cohortes constitutae: post aciem vero totam integrae legiones in subsidijs collocatae leguntur. Liuius libro xxix. In primam aciem suas legiones Sempronius induxit: in subsidijs locatae P. Licinij legiones. Et l. xxxi. Dextra ala (in alas diuisum socialem exercitum habebat) in prima acie locata est; in subsidijs duae Romanae legiones.

His subsidijs sui duces ac praefecti assignabantur, ijs inquam, quae post acies singulas collocabantur. Liuius libr. x. Subsidia suis quaeque locis, & praefectos subsidijs attribuebat. Nam subsidijs quae ab acie reliqua fuere diuulsa, ex Imperatoribus, si plures fuissent, alter praerat. Liuius libro trigesimo primo. Dextera ala in prima acie locata est; in subsidijs duae Romanae legiones: M. Furius dexterae alae; legionibus M. Caecilius praepositi. Eodem modo bello Volscio Camillus subsidijs; dux alter aciei praefuit, ut scribit Liuius libr. vi.

Illud autem postremo in hoc genere sciendum est, solitos interdum Hastatos, Principes, ac Triarios alteros alteris subsidio esse: quod tum factum puto, cum multitudo militum non adesset tanta, ut non solum ad aciem, sed etiam ad subsidia superesset. Liuius libr. xxx. Principes post hastatorum prima signa, in subsidijs triarios constituit. Et libro 40. Ad dextram principalem hastatos legionis pri-

nis primæ instruxit: principes ex eadem legione in subsidijs posuit: tertia legio aduersus principalem sinistram portam instructa est: id tantum mutatum, principes primi, & hastati in subsidijs locati. Quamquam Triarii frequentius castrorum præsidio relinquebantur.

Acies media sociorum peditibus vtrunque cingebatur, quæ propterea cornua dici videri possunt. Scribit enim libro vi. Polybius socios pedites duas in partes diuisos, dextrum ac sinistram cornu appellatos: Alas quoque dextram & sinistram dici exempla declarant; & nos supra ostendimus. Seruius etiam ad lib. iv. Aen. Dum trepidant alæ, socios dixit maxime in ala locatos. Liuius lib. iiii. In acie Quinctius dextrum cornu, Agrippa sinistram tenuit: Sp. Postumio Albo legato datur media acies tuenda: legatum alterum P. Sulpicium equitibus præficiunt. libro xxxvii. Romani mediam aciem; cornua latini tenuerunt.

Interdum tamen socij in acie media, Romani in cornibus fuere. Liuius libro xxxii. Cum in aciem eduxissent, neutrum ijs cornu committere ausi, ne si dolo cessissent, rem totam inclinarent, post signa in subsidijs eos locauerunt.

Equites nunc ante aciem, nunc in acie, nunc peditum cornua cinxere, pro rerum videlicet locorumq; opportunitate. Liu. l. 3. Fabius non permistam vnam ciuium sociorumq;, sed trium populorum tres separatim acies circa vallum hostium

stium instruxit: equites item suæ cuique parti post principia collocat. libro iv. Dictator dextro cornu; sinistro Capitolinus intulit signa: ante mediam aciem cum equitatu Magister equitum processit. lib. ix. In aciem procedunt, equitibus in cornua diuisis. & alibi. M. Valerius à dextro, P. Decius ab læuo cornu ad equites in cornibus positos euehuntur. Hinc equitum Alæ dictæ quod dextra læuaque circa pedites ad instar alarum circumfunderentur, vt scribit Gellius lib. xvi. cap. iv. Seruius lib. xi. Liuius autem li. xxii. aciei ordinem ita describit, vt oculis pæne subijcere videatur. In dextro, inquit, cornu Romanos equites locant, dein pedites: læuum cornu extremi equites sociorum, intra pedites; ad medium iuncti legionibus Romanis tenuerunt iaculatores: ex ceteris leuium armorum auxilijs prima acies facta.

*Ala Ca.
mille.*

*li. 2. c. 15.
et lib. 3.
ca. 14.*

Leuis armatura, vt Vegetius scribit, post principes ante triarios collocabatur, quod etiam Liuius libr. iix. in obscurissima illa ordinum descriptione significare videtur. Hinc Marcellinus lib. xiv. Vt præliorum rectores primo cæteruas densas opponunt & fortes, deinde lenes armaturas, post iaculatores, vltimamque subsidiales acies, si fors tulerit, inuasuras. Et Seruius ad lib. viii. scribit morem fuisse, vt tirones ponerentur in medio, & ambirent viri fortes exercitum.

*Ipse æ-
gmine
Pallas,
In medio.*

Imperator cum prætoriam cohortem nunc in acie media, nunc in alterutro cornu erat: frequentius tamen in dextro cornu; quod, vt ait Vegetius

Vegetius, ex eo loco facilius tota acies guber^{li. 3. c. 13.}netur, ac rectus liberque sit procursus. Euocati, nisi qui cum Imperatore in cohorte prætoriam fuissent, tota acie dispergebantur. Cæsar. lib. 3. ciu. Euocatorum duo millia, quæ ex beneficiarijs superiorum exercituum ad eum conuenerant, tota acie disperferat.

Reliqui exercitus totius magistratus; nunc aciei, nunc equitibus, nunc cornibus præficiabantur. Centuriones vero & Decuriones, Præfectique in suis centurijs suæ ac turmis.

Tubicines, cornicinesque ut in agmine, ita in acie cum aquila, signisque legionis fuisse verisimile sit.

Hæc igitur ordinaria fuit aciei Romanæ instructio: in qua, ut Polybius scribit, singuli^{lib. 17.} tum ordines, tum homines inter se tres minimum pedes distabant, ut spatium haberent tum procurrendi ac recedendi, tum gladium vibrandi. Vegetius singulos armatos in directum ternos pedes occupare consueuisse dicit.^{li. 3. c. 14. 15.} hoc est, ut in mille passibus, mille sexcenti sexaginta sex pedites ordinarentur in longum; ut nec acies interluceret, & spatium esset arma tractandi: inter ordinem autem & ordinem à tergo in latum sex pedes distasse; ut haberent pugnares spatium accedendi, atque recedendi, vehementius enim cum saltu cursuque tela mittuntur. Præter hunc modum, quem Romanis ordinarium fuisse ostendimus; alij quoque modi aciei instruendæ commemorantur à Gellio l. x. c. ix. Vocabula, inquit, sunt militaria, quibus instructa certo modo acies appellari

pellari solet, Frons, Subsidia, Cuneus, Orbis, Globus, Forceps, Serra, Alæ, Turres: translata sunt autem ab ipsis rebus, quæ ita nominantur, earumque rerum in acie instruenda sui cuiusque vocabuli imagines ostenduntur. Eadem vocabula sunt apud Catonem de re militari, cuius verba citat Festus, siue forte opus sit cuneo, aut globo, aut forcipe, aut turribus, aut serra; vti adoriare.

*a. Serra
præitari.*

li. 3. c. 14.

li. 3. c. 19

Frons, vt ait Vegetius, est pars illa aciei, quæ aduersum hostem spectat. Cuneus, eodem Vegetio teste, dicitur multitudo peditum, quæ iuncta cum acie primo angustior, deinde latior procedit, & aduersariorum ordines rumpit, quia à pluribus in vnum locum tela mittuntur: quam rem idem ait milites nominasse Caput porcinum, de quo Marcellinus lib. xvii. Cuius furoris amentiam exercitus ira ferre non potuit; eosque Imperatori acriter imminentes, desinente in angustum fronte, quæ habitum Caput porci simplicitas militaris appellat, impetu disiecit ardenti. Cuneum quoque Vegetius idem Trigonum à figura triangulari vocat. De Cuneo item sic Isidor. l. 9. c. 3. Cuneus est collecta in vnum multitudo: vnde propterea quod in vnum coit, Cuneus nominatur.

li. 1. c. 26.

Forfex siue Forceps est ordinatio, quæ, vt ait li. 3. Vegetius, contra Cuneum opponebatur: nam electissimis milibus confertis in v. litteram componebatur, & Cuneum excipiebat, atque ex vtraque parte claudebat; cuius meminit Marcellinus li. xvi. Cogitatum est, sollicitèque præstructum, vt sauentes ultra solitum

litum Alemanni, vagantesque fufius, multitudine geminata noſtrorum, forcipis ſpecie, truſi in anguſtias caderentur.

Serra, Vegetio auctore, dicitur, quæ à ſtrenuis directæ, ante ſi, ontem opponitur hoſtibus; vt acies turbata reparetur. Feſtus autem ſic explicat. Serra præliari dicitur, cum aſſidue acceditur recediturque neque vllò conſiſtitur tempore. Hic mos præliandi potiffimum videtur ſeruatus in equeſtribus prælijs. Salluſtius in Iugurtina Qibus illi freti non vt i equeſtri prælio ſolet, ſequi, dein cedere: ſed aduerſis equis concurrere, implicare, ac perturbare aciem. Tacitus li. vi. Modo equeſtris prælij more, frontis ac tergi vice. Seruius ad lib. xi. explicans illud, verſiq; latini Reiſciunt parmas, & equos ad mania vertunt; ſane, inquit, nunc fugiunt non timore, ſed lege præliandi: citatq; Salluſtium, qui alicubi dicit. More equeſtris prælij, ſumptis tergis, ac redditis. Vtrum autem hic præliandi mos equitibus Romanis fuerit uſitatus, dubitari poteſt cum Liuius ita ſcribit libro trigefimo primo. Credidere regij genus pugne cui aſſuenerant, fore vt equites inuicem ſequentes reſugientesque nunc telis vterentur, nunc terga darent. turbauit hunc ordinem pugnandi non acrior quam pertinacior impetus Romanorum: nam haud ſecus quam ſi totæ acie dimicaret, equites vt ſemel in hoſtem euecti ſunt, ſtantibus equis, partim ex iſſis equis, partim deſilientes immiſcentesque ſe pedibus pugnabant.

Globus dicitur militum manus, quæ ab acie reliqua separata, vago superuentu incurfat inimicos, vt ait Vegetius libr. iiii. cap. xix. Hos globos idem ca. xvi. Grumos alio nomine dicit appellatos.

Orbis videtur fuisse, cum milites in directum longumq; ordinati, in girum se instruebant; quo genere, vt scribit Vegetius, cum vis hostium interrupt aciem, resisti à militibus consuevit, ne omnis multitudo fundatur in fugam; Sallustius in Iugurth. Romani veteres nouique & ob ea scientes belli, si quos locus aut casus coniunxerat, orbes facere, atque ita ab omnibus partibus simul testi & instructi hostium vim sustentabant. Cæsar li. iiii. in extremo. Cum illi, orbe facto, sese defenderent. Et lib. v. Cum propter longitudinem agminis, minus facile per se omnia obire, & quid quoque loco faciendum esset, prouidere legati possent; iusserunt pronunciari, vt impedimenta relinquerent, atque in orbem consisterent: quod consilium etsi in eiusmodi casu reprehendendum nõ est, tamen incommode accidit; nam & nostris militibus spem minuit, & hostes ad pugnandum alacriores effecit, quod non sine summo timore ac desperatione id factum videbatur. Hirt. de bell. Alexand. Legio 36 magnis hostium copijs circumdata, præsentissimo animo pugnas in orbem se recepit ad radices montium. Marcellinus li. xxix. Prælio atroci commisso, ferocientibus barbaris ultra modum, aciem in rotundo habitu figuratam opposuit.

Turres

Turres quæ nam fuerint, aut plane ignoro, aut Testudines fuisse puto. Testudo autem sic fiebat, vt Liuius, Plutarchus, ac Dio scribunt; Impedimentis, & leuis armaturæ militibus, equitibusq; in medium acceptis; grauis armaturæ pedites quadrato agmine consistebant: ex quibus qui caua scuta habuere, extra in lateribus collocabatur, scuta prætectâ pugnantium more habentes: reliqui qui scuta plana habuere, in medium accepti, ea supra se ceterosq; omnes extollebant, stantibusq; primis, secundis submissioribus, tertijs magis, ac quartis, postremis etiam genu nixis; fastigiata sicut tecta ædificiorum sunt, testudinem faciebant: nam etiam equos genua inflectere Romani docebant. Ita nec ipsos tela ex muro missa subeuntes lædere poterant, & testudini iniecta, imbris in modum, lubrico fastigio innoxia ad imum labebantur. Virgilius li. ix.

Liuii. li. 44. Plutarch. in Antonio. Diol. 49

Omnes

Ferre libet subter densa testudine casus.

Ea Testudine Romani vel se ab hostiũ multitudinem tutabatur vel muro succedentes, propugnatoribus muri fastigij altitudine æquabantur: tantaque fuit eius firmitas, vt equi & currus super ea veherentur. Hoc modo Antonius Parthis restitisse dicitur; & Q. Marcius Philippus Cos. Heracleam cepit. Neq; solum pedestribus prælijs, sed etiam naualibus Testudinum vsus fuit, vt scribit Marcellinus li. xxvi. Coniunctis, inquit, tribus nauigijs, testudinẽ hac specie superstruxit. densatis cohærentes supra capita scutis, primi transtris

instabant armati, alij post hos semet curuâtes humilius, tertijs gradatim inclinatis summissæ; ita ut nouissimi suffraginibus insidentes, formam ædificij fornicati monstrarent: quod machinæ genus contra murales pugnas ideo figuratur hac specie, ut missilium iactus atq; saxorum per decursus cadentes labiles, instar imbrium euanescent.

L. I. c. 26. Numerat etiam Vegetius simplicem, Duplicem & Quadratam aciem. Duplex acies (nam reliqua nota sunt) videtur esse, cum duplicarentur cohortes; id est, ut minore spatio plures militum ordines continerentur, quo magis inter se coniuncti maiorem vim haberent. Liuius lib. XL. Duplicate turmas, inquit, duarum legionû; equites, & permittite equos in cuneum hostium, quo nostros urgent.

Plura quoq; alia genera aciei numerat Aelianus, sed quia pleraq; præterquam quod obscurissima sunt, fuisse Græcorum, potius quàm Romanorum videntur, libenter ut à nostro instituto aliena prætermittimus. neque enim ut initio dixi, propositum nobis fuit, ut omnia omnium ducum stratagemata colligeremus, sed ut communẽ & ordinariam veterem Romanorum militiam exponeremus.

De Prælio. CAP. III.

Acie instructa, aut etiã antequam instrueretur, Imperator tesseram dabat, ut in pugna suos quisque hostemque dignoscerent, ut scribunt Plutarchus in Bruto, & Dio libr. 47. Hinc Tacitus libr. III. Histor. Eadem utraque acie

acie arma: crebris interrogationibus notum pugnae signum. Appianus l. ii. narrat proelio Pharsalico tesseram à Pompeio datam, Herculem inuictum; à Cæsare, Venerem victricē. Addit in Pompeij vita Plutarchus, Pompeiū tantum non interfectum, quod militi tesseram poscenti serius reddidisset.

Omnibus autem comparatis, signa concinebant: ac primum quidem, vt scribit Dio li. 47. canebant ij, qui in loco rotundo constituti, certum modulationis genus tuba canebāt, quo vt in ordine starent, armaq; expedirent, milites monebantur: deinde etiam reliqui canebant, qui animos militum concitarent, & ad congressum instigarent. Interea milites cinctu Gabino præcingebant sese, & scura induebant, vt ait in Coriolano Plutarchus. Et Festus, Endo procinctu, inquit, in procinctu, significata autem, cum ex castris in proelium exitum est: procinctos, quasi præcinctos atq; expeditos; nam apud antiquos togis incincti pugnasse dicuntur. Et alibi. Præcincta classis dicitur, cum exercitus cinctus erat Gabino cinctu, confestim pugnaturus.

Milites etiam qui vellent, præsertim autem vbi certissimum esset periculum, tribus quattuorue præsentibus, testamentum sine scripto nuncupabant: quod testamentum propterea in procinctu factum dicitur, vt ait idem in Coriolano Plutarchus. Hinc Festus. In procinctu factum testamentum dicitur, quod miles pugnaturus nūcupat, præsentibus commilitonibus. Et Velleius lib. posteriore.

Q. Macedonius cum urbem Contrebiā nomine in Hispania oppugnaret; pulsas præcipiti loco quinque cohortes legionarias, eodem protinus subire iussit; facientibus omnibus in procinctu testamēta, velut ad certam mortem eundum foret. Id tamen posterioribus temporibus fieri desitum scribit Cicero l. ii. de Diuinat. Nulli, inquit, viri vocantur; ex quo testamenta in procinctu perierunt. Quibus verbis illud præterea significare videtur, testes ad testamenta in procinctu adhibitos viros boni nominis. His igitur rebus omnibus constitutis, silentiū parumper fiebat: tum vero signum inuadendi hostes militibus dabatur, ut scribit Dio l. 47. signum autem illud hostes aggrediendi, vexillum videtur fuisse; quo proposito, tubis cornibusque canentibus in hostem ibatur. Cæsar li. iii. de pugna Pharsalica. Toti exercitui imperauit, ne iniussu suo concurrerent; se, cum id fieri vellet, vexillo signum daturum. Et mox. Exposcentibus militibus, ac studio pugne ardentibus, tuba signum dedit. Liuius li. ix. Ante imperium, concentu tubarum & cornuum, cursu effuso in hostem feruntur. Hæc omnia simul idem Cæsar complexus est l. ii. Gall. Cæsari omnia vno tempore erant agenda, vexillum proponendum, quod erat insigne, cum ad arma concurrere oportebat: signum tuba dandum, ab opere reuocandi milites: qui paullo longius, aggeris petendi causa, processerāt, accersendi: acies instruenda: milites cohortandi: signū dandum. Idem bello nauali esse obseruatura docet

docet Hirtius de bel. Alexand. Celeriter vela subduci, demittiq; antemnas iubet, & milites armari, & vexillo sublato, quo pugnandi dabat signum, quæ primæ naues subsequerentur, idem ut facerent, significabat.

Milites accepto signo, ad orientem solem sese conuertebant, deosque venerabantur, ut scribit in Marcello Plutarchus. Hinc Tacit. l. III histor. Orientem solem (ita in Syria mos est) Tertiani salutauere. Eundem quoque morem ab Horatijs Curiatijque antequam inter se pugnarent, obseruatum narrat Zonaras.

Inde cursu & clamore milites hostem inuadebant. Gellius lib. I. cap. XI. Quid ille vult ardentissimus clamor militum Romanorum, quem in congressibus præceliorum fieri solitum scriptores annalium memorauere? an tum gradu clementi & silentio est opus, cum ad hostem itur in conspectu longinquo procul distantem? cum verò prope ad manus ventum est, tum iam est propinquo hostis & impetu propulsandus, & clamore terrendus est? Atque ex clamore, quem in congressu milites attollebant, victimæ spem aut concipiebant, aut abijciebant Imperatores. Liuius lib. III. Consul, concione aduocata, si iam satis animi est, inquit, decernique placet; agite dum, clamorem qualem in acie sublaturi estis, tollite hic indicem voluntatis virtutisq; vestræ. Et li. IV. Clamor indicium primum fuit, quo res inclinatura esset, excitatio crebriorque ab hoste: ab Romanis dissonus, impar, segnis, sæpe iteratus, incerto clamore prodidit pa-

*Cicer. 2.
Tuscul.*

- U. 3. c. 18.* uorem animorum. Vegetij præceptū est, clamorem non prius auelli debere, quam acies utraque se iunxerit, quod ignauorum sit vociferari de longe. Militarem hunc clamorem posteriores barbaro nomine Barritum vocauere, ut ait Vegetius. Hinc Marcellinus libr. **xvi.** Barritum ciere vel maximū: qui clamor ab ipso feruore certaminum à tenui susurro exorians, paulatimque adolefcens, ritu extollitur fluctuum cautibus illisorum. Et libr. **xxvi.** Pro terrifico fremitu, quem barbari Barritum dicunt. Neque solum clamore, sed etiam cursu, quemadmodum dixi, proelium inibant: quod, ut scribit Linius, procursu plurimum tela concitentur. Id cum Pompeius fieri à suis Pharsalica pugna vetuisset, neque procurrere, sed hostium impetum excipere iussisset, à Cæsare reprehensus est. Pro-
- U. 3. c. 19.* pterea quod est quædam, inquit, animi incitatio atq; alacritas naturaliter innata omnibus, quæ studio pugne incenditur: hanc non reprimere, sed augere Imperatores debent, neque frustra antiquitus institutum est, ut signa undique concinerent, clamoremque vniuersi tollerent; quibus rebus & hostes terri, & suos incitari existimauerunt, Hæc Cæsar. Sed tamen idem quod Pompeius, alij quoque Imperatores fecerunt. Linius libr. **ii.** Consul Rom. nec promouit aciem, nec clamorem reddi passus, defixis pilis stare suos iussit. Sed nimirum ita vsu comparatum est, ut ex euentis, hominum consilia, vel laudentur, vel vituperentur. Pompeius, quia victus,
- repro-

reprehenditur; alij, quia vicere, laudantur. Sed ad rem.

Primi levis armaturæ milites inter vtramque aciem excurrentes proelium committebant: mox recedentes locum certandi legionarijs dabant. Liuius libro XXII. Clamore sublato, procursum ab auxilijs, & pugna leuibus primum armis commissa. Cicero lib. secundo de Diuinat. Hæc fuerit nobis tamquam levis armaturæ, primæ orationis excursio. Festus. Rorarios milites vocabant, qui leui armatura primi proelium committebāt: quod vt ante imbrem fere rorare solet, sic illi ante grauem armaturam quod prodibant, Rorarij dicti.

Legionariorum deinde & grauis armaturæ pugna erat. Hastati, vt scribit Liuius lib. octauo, omnem primi pugnam inibant, si Hastati profligare hostem non possent, pede presso eos retrocedentes in intervalla ordinum Principes recipiebant, tum Principum pugna erat, Hastati sequebantur. Triarij interea genu dextro innixi, sinistro crure porrecto, sub vexillis confidebant, scuta innixa humeris, hastas sub erecta cuspide intra fixas tenentes. Si apud Principes quoque haud satis prospere esset pugnatum, à prima acie ad Triarios sensim referebantur: inde rem ad Triarios redisse, cum laboratur, puerbio increbuit. Triarij consurgentes, ubi in intervalla ordinum suorum Principes & Hastatos recipissent, extemplo cōpressis ordinib. velut

velut claudebant viam, vnoque continente agmine, iam nulla spe post relicta in hostem incedeabant.

Pila primo mittebant ij, qui pilis pugnant: deinde gladijs res gerebatur. Liuius li. ii. Pilis inter primam trepidationem abiectis temere magis quàm emissis; pugna iam ad gladios venerat. Sallustius de coniur. Catilin. Postquam eo ventum est, vnde à Ferentarijs prælium committi posset, maximo clamore infestis signis concurrunt, pila emittunt, res gladijs geritur. Qui autem mos esset Romanorum in excipiendis pilis ab hoste emissis, idè Liuius ostendit l. xxix. Vixdum in egresfos vallo Romani pila coniecerunt, subsidunt Hispani aduersus emissam tela ab hoste: inde ad emittenda ipsi consurgunt, quæ cum Romani conferti, vt solent, densatis excepissent scutis; tum pes cum pede collatus, & gladijs geri res coepta est.

Equites interea non quidem in equis sedentes, sed tamen stratos equos paratosq; habentes cum hastis non erectis, sed demissis, Imperatoris iussu expectabant, vt in prælium conscensis equis ingrederentur. Liuius lib. i. Tullus rex imperat, vt hastas equites erigere iubeat, id factum magnæ parti peditum Romanorum conspectum abeuntis Albani exercitus intersepsit. Et lib. xxx. Quintilius Prætor cum filio ad equites pergit: iussosque ascendere in equos, repete in hostem emittit. Et lib. xli. Pugnatum est amplius tres horas, ita vt neutro inclinaret spes, quod vbi Consul

ful vidit, nulla parte moueri Ligurum signa, imperat equitibus, vt equos conscendant, ac tribus simul partibus in hostes quanto maximo possent tumultu, incurrant.

Equites igitur pro loci temporisq; opportunitate, iussu Imperatoris, pugnam inibant. Videntur autem equites non à fronte, vt pedites, sed à lateribus concurrisse. Liuius libro **xxii** Equitum Gallorum Hispanorumque lauum cornu cum dextro Romano concurrat, minimè equestri more pugnae: frontibus enim aduersis concurrendum erat.

Porrò in proelio, vt scribit in Marcello Plutarchus, ea fuit vox militum sese adhortantiũ Feri, Feri. Pugnantibus quoque militibus æstu laboreque fessis Ferentarij tela portionesque ministrarunt, vt ait Cato apud Festum verbo Velati. Hinc Cæsar libr. **iii** bell. Gall. Cum alij fossas complerent, alij multistelis coniectis, defensores vallo, munitionibusque depellerent: auxiliareque quibus Crassus ad pugnam non multum confidebat, lapidibus telisque subministradis, & ad aggerem cespitibus comportandis, speciem atq; opinionem pugnantium præberent, &c. Iosephus libr. **iii**. bell. Iud. in obsidione Iotapatæ, Arabes Romanis militibus sagittas suppeditasse narrat.

Imperator per aciem discurrens signũ dabat, vt quæque acies suo tempore in proeliũ consurgeret, aut se reciperet: verbisque & exemplis militum animos confirmabat. Idem etiam in ipso proelio, vel cum proelium committendum erat, Dijs vota faciebat: qua in re
morem

morem fuisse scribit in Mario Plutarchus, ut lauerent manus, & in cælum attollerent. Liuius libro decimo, Dicitur Appius in medio pugnae discrimine, ita ut inter prima signa, manibus ad cælum sublati, conspiceretur, ita precatus esse: Bellona, si hodie nobis victoriam duis, ast ego templum tibi voueo. Et alibi: Consul manus ad cælum attollens, voce clara, ita ut exaudiretur, templum Ioui statori vouet, si constitisset à fuga Rom. acies. Et alibi: In ipso discrimine, quo templa dijs immortalibus voueri mos erat: vouerat Ioui Victori, si legiones hostium fudisset, pocillum mulsi, priusquam temetum biberet, sese facturum. Et libro XXIX. Consul principio pugnae ædem Fortunæ Primigeniæ vouit, si eo die hostes fudisset.

De Militum Deuotione.

C A P. IV.

Solebant Imperatores Romani, Dictator, Consul, Prætor cum rem suam inclinatham viderent, aut se ipsos, aut quem vellent ex legione Romana scripta ciuem deuouere. Si is qui deuotus fuisset, moreretur, probe factum videbatur: ni moreretur, tum signum septem pedes altum, aut maius in terram defodiebatur, & piaculum hostia cædebatur. Vbi illud signum defossum fuisset, eo magistratum Romanorum descēdere fas non erat. Quod si Imperator sese deuouere voluisset, ni moreretur, neque suum, neque publicum diuinum pure facere existimabatur.

Deuo-

Deuotionis autem ritus hic erat. Is qui deuouere se volebat cum Pontifici dixisset. Agendum Pontifex publicus populi Romani præi verba, quibus me pro legionibus deuoueam. Pontifex eum togam prætextam sumere iubebat, & velato capite, manu subter togam ad mentum exerta, super telum subiectum, pedibus stantem, sic dicere: Iane, Iupiter, Mars, pater Quirine, Bellona, Lares, diui Nouensiles, dii Indigetes, Diui, quorum est potestas nostrorum, hostiumque Diui manes, vos precor, veneror, veniam peto, feroque, vti populo Romano Quiritium vim victoriamque prosperetis: hostesque populi Romani Quiritium terrore, formidine, morteque afficiatis. Sicut verbis nuncupauimus, ita pro Repub. Quiritium, exercitu, legionibus, auxilijs populi Romani Quiritium, legiones auxiliaque hostium mecum Dijs manibus Tellurique deuoueo.

Hæc igitur solemnis precatio fuit, quæ in deuotione adhibita est. Porro tum id super quod stans deuotus est, nefas erat in hostium manus peruenire: si hostis eo potitus esset, Marti Suouetaurilibus piaculum fiebat. Atque hoc ritu sese Decium patrem & filium pro legionibus deuouisse scribit Liuius lib. 3. Hæc fuit deuotio ciuium, qua se pro prima deuouerunt: alia fuit, qua hostes ipsos Romani deuouerunt, de qua capite sequenti.

VRbes dupliciter oppugnabantur, corona, & operibus. Operibus oppugnari dicebatur vrbs, cum vallo, fossa, munitiionibusq; cincta, insuper vineis, pluteis, ariete, alijsq; machinis, de quibus capite insequenti dicemus, petebatur. Corona verò expugnabatur vrbs cum adhibitis scalis vi in ipsa mœnia milites irruebant. Liuius lib. xxxvii. Acilio satius visum est Lamiam oppugnare: nocteque motis signis, prima luce corona mœnia est aggressus. Et mox. Oppugnare Acilius Amphissam statuit, cum ad mœnia castra posuisset, non corona sicut Lamiam, sed operibus oppugnare urbem est adortus: pluribus simul locis aries admouebatur, &c. Et li. xlii. Cum operibus oppugnatio lentior esset, scalas per manipulos diuidi Prætor iussit, ut corona undique mœnia aggressurus. Mos tamen fuit, ut ante expugnationem urbis, Deos, in quorum tutela vrbs esset, carminibus quibusdam Sacerdotes euocarent; vel quod aliter urbem capi posse non crederent, vel, etiam si posset, nefas existimarent Deos habere captiuos, ut scribit Macrobius lib. iii. Sat. cap. ix. Euocabantur autem Dij nominatim: quare Romani ne quod sæpe aduersus vrbes hostium fecisse se nouerant, idem ipsi quoque hostili euocatione paterentur: Deum in cuius tutela vrbs Roma erat, ipsiusque urbis Latinum nomen ignotum esse voluerunt, auctor in quæstioni-
bus

bus Plutarchus. De qua ita Plinius l.xxviii. Verrius, inquit, Flaccus auctores ponit quibus credat, in oppugnationibus ante omnia solitū à Romanis sacerdotibus euocari Deū, cuius in tutela id oppidum esset: promittiq; illi eūdem aut ampliorem locū apud Romanos cultumūe. Durat in Pontificū disciplina id sacrum. constatq; ideo occultatū, in cuius Dei tutela Roma esset, ne qui hostium simili modo agerent. Hęc Plinius. Carmen aut quo Dij euocarentur, recitat Macrob. Si Deus si Dea ea est cui popul⁹ ciuitasq; Carthaginiēf. est in tutela, teq; maxime ille, qui vrbis huius populiq; tutelam recepisti: precor, venerorq; veniamque à vobis peto, vt vos populū ciuitatemque Carthaginensium deferatis: loca, templa, sacra, vrbemq; eorū relinquatis, absq; his abeatis: ei que populo ciuitatiq; metum, formidinē, obliuionem iniiciatis: proditiq; Romam ad me meosq; veniatis: nostraque vobis loca, templa, sacra, vrbs acceptior probatiorque sit: mihi quoq; populoque Romano, militibusque meis præpositi sitis, vt sciamus intelligamusque si ita feceritis, voueo vobis templa ludosque facturum. Atque in eadem verba hostiæ sacrificabantur.

Haūd multū dissimili carmine Veiorū vrbe à Camillo Iunonem euocatā scribit Liui. li.v. Dictator, inquit, auspicato egressus, cum edixisset vt arma milites caperent. Te, inquit, Iuno regina, quę nunc Veios colis, precor, vt nos victores in nostrā tuamq; mox futurā vrbem sequare: vbi te dignum amplitudine

tua templum accipiat. Et mox addit Liuius. Veientes ignari, Deos votis ex vrbe sua euocatos, hostium templa nouasque sedes spectare.

Deos igitur Romam euocatos, eorumque sacra Romani vel publice colebant, vel per familias priuatas diuidebant: qui dicti Nouenses sunt. Arnobius libr. III. Nouenses Deos, Cincius numina peregrina nouitate ex ipsa appellata pronunciat: nam solere Romanos Deos omnes urbium superatarum, partim priuatim per familias spargere, partim publice consecrare: ac ne aliquid Deorum multitudine, aut ignorantia præteriretur, breuitatis compendijque causa, vno pariter nomine cunctos Nouenses inuocari. Et Festus. Peregrina sacra appellatur, quæ aut euocatis Dijs in oppugnandis urbibus Romam sunt collata, aut quæ ob quasdam religiones per pacem sunt petita.

Dijs euocatis, urbem hostium exercitumque deuocabant hoc carmine, quod Macrobius refert. Dis pater, siue Iouis manes, siue quo alio nomine fas est nominare, ut omnes illam urbem Carthaginem exercitumque, quem ego me sentio dicere, fuga, formidine, terrore compleatis: quique aduersus legiones exercitumque nostrum arma telaque ferent, uti vos eos exercitus, eos hostes, eosque homines, vrbes, agrosque eorum, & qui in his locis regionibusque agris, urbibusque habitant, abducatis, lumine supero priuetis: exercitumque hostium, vrbes, agrosque eorum, quos me sentio dicere, uti vos eas vrbes, agrosque, capita, ætatesque eorum deuotas, consecratasque habeatis,
illis.

illis legibus, quibus quandoque sunt maximè
hostes deuoti: eosq; ego vicarios pro me, fide
magistratuq; meo, & pro pop. Rom. exerciti-
bus, legionibusq; nostris do, deuoueo: vt me,
meamque fidẽ, imperiumq; legiones, exerci-
tumque nostrum, qui in his rebus gerendis
sunt, bene saluos sinatis esse. Si hæc ita faxitis,
vt ego sciã, sentiam, intelligam: tunc quis-
quis votum hoc faxit, vbi faxit, recte factum
esto, ouibus atris tribus, Tellus mater, teque
Iupiter obtestor.

His verbis deuotio hostiũ fiebat: eaq; à solis
Dictatorib; Imperatoribusq; vsurpari potuit,
qui cum inter deuouendũ Tellurem dicebãt,
manibus terrã tangebant; cum dicebant Iouẽ,
manus ad cælum tollebãt: cum votũ recipere
dicebãt, manibus pectus tangebant. Hoc ritu
Fregellẽ, Gabiũ, Veij, Fidenẽ, Carthago, Corin-
thus, aliãq; multa, Gallorũ, Hispã, Afiorũ op-
pida atq; exercitus deuota fuisse traduntur.

De Machinis ac tormentis bellicis.

C A P. VI.

Romanos plurimum in vrbium oppugna-
tionibus præstitisse constat ex histo. Hinc
Tacit. l. xii. Nihil tam ignarum barbaris, quã
machinamẽta, & astus oppugnationũ: at nõ
bis ea pars militiẽ maxime gnara est. Athen.
l. v. c. vlt. scribit, Romanos à Græcis tormẽta
& machinas vrbium expugnandarum sumpsisse.
Plut. in Marcello, machinarum inuentionem
à Geometria profectam ait: earumq; præci-
pios artifices Eudoxũ numerat & Archimedẽ.

Cum igitur certū fuisset urbē operibus oppugnare, eā primo circūmuallabant, ne cuiquam exitus pateret ex vrbe, crebris pro loci opportunitate turribus excitatis. Hirtius li. 8. Trina excelssissimo loco castra fecit, à quibus paulatim, quantum copię patiebantur, vallū in oppidi circuitum ducere instituit. Et Cęs. li. 7. Castris ad eam partē oppidi positis, quę intermissa à flumine & paludibus, aditum angustum habebat; aggerem apparare, vineas agere, turres duas cōstituere cœpit: nam circūuallare loci natura prohibebat. Circūuallandi aut ratio eadem fuit, quam in castris metandis diximus obseruatam: Titū tamen Hieroso. muro nouem & triginta stadiorum complexū fuisse narrat Ioseph. lib. III.

Oppido circūuallato, aut obsidione fameq; urbem domabant, aut operibus machinisq; **ARIES.** oppugnabant. Inter machinas Aries fuit, quo muros vrbis frequenti ictu feriebant, euertebantq;. Ingēs malus statuebatur rectus, ex eo funibus transuersus, item ingēs alter, vti trutina dependebat, cuius caput ferreum erat ad instar arietis, quem milites reducētes impellentēsq;, vehementibus plagis murū percutiebant: itaq; tum ob reciprocos ictus, tum ob arietis similitudinem quam capite ferreo imitabatur, ea machina Aries dicta est. Ex Vitruuio l. x. c. xix. & Athenæo, Iosepho li. III. Iud. de obsidione Iotapatę. Tertul. de Pallio, c. I. Marcel. l. xxiii. Veget. l. i. v. Isido. Suida cęterisq; omnibus. Plinius arietem hunc ab equo repertum bello Troiano scribit: neq; enim equum

equum illū Troianū aliud, nisi arietē fuisse putat. Tertull. & Vitruui. eius inuentionem Carthaginienſib. tribuunt. Cum enim Carthaginienſ. poſitis ad Gades caſtris, caſtellū cepiſſent, neq; ad eius demolitionem ferramenta haberent: ſumpſerūt tignum, idque manibus ſuſtinentes, capiteq; eius ſummum murū continenter pulſantes, ſummos lapidum ordines deiecerunt, & ita gradatim ex ordine totam cōmunionem diſſipauerunt. Poſtea quidā faber Tyrius nomine Pephafmenos, hac ratione & inuentione inductus, malo ſtatuto, ex eo alterum tranſuerſum ſuſpēdit, & in reducendo & impellēdo deiecit Gaditanorū murum. Pro ariete interdū falces adhibebantur, id eſt, trabs quę ad unco præfigebatur ferro, vt de muro lapides extraheret, vt ait Vege. l. 4. c. 14. Liu. l. 38. Arietibus muros quatiebat: aſſeribus falcatis pinnas detergebat. Haſ Cęſ. falces murales appellat, l. 3. bel. Gal. Itē Helepolim, nam pro ariete conſerebantur triſulcę cuspides præcutę ponderibus ferreis graues, vt ait Marcell. lib. XXIII.

Hęc fuit prima Arietis inuentio atque vſus. poſtea Cetras ſiue Gerras Chalcedonius munimēta addidit, quib. defenderētur qui arietē impellebāt. Baſim enim, vt ſcribit Vitruuius, de materia ſubiectis rotis fecit, ſupraq; compēgit arreſtarijs & iugis varas, & in his ſuſpēdit arietem, corijſq; bubuliſtextit, vt i tuiores eſſent, qui in ea machinatione ad pulſandum murū eſſent collocati. id autem quod tardos conatus haberet, Teſtudinem nominauit.

TESTV-
DO.
ARIE-
TARIA.

Hanc arietariam testudinem ita describit Procop. l. I. bel. Goth. ex interpretatiōe Christophori Personę. Colūnæ, inquit, recte ac ligneę quatuor pariq; magnitudine ex aduerso defixæ solo adstant: his tigna octona & transversa arctissime iuncta, quaterna desuper alia, totidem ad bases cōmittunt: paruique & quadrangularis speciē domicilij extruunt, & corijs vndique integunt latera, vt & ductu sit leuior machina, & intrinsecus milites in tuto ita consistent, vt feriri nullo pacto ab hostib. queant: intus verò non parua molis stipitem superne suspendunt, huncq; catenis laxatum in medio machinæ, cū opus fuerit demittunt: eius aut caput præacutū multo ferro perinde ac sagittæ ipiculum aliquod contegunt. Hęc machina, non scutulis subiectis, vt navis mouetur, sed ad infima columnarū exstātium rotis deducitur: sed eam non minore numero homines, quā quinquaginta interiore ex parte mouent, & quo volunt traducunt, & dū mœnibus applicant stipitē, cui plerumq; arietis ferreum præfixū est caput, arte quadā volentes facile retrahunt, rursusq; & magno cum impetu in murum incutiunt. Hęc Procopius. Diades postea testudinis fastigio turrim etiā addidit plurium tabulatorū: ita vt in summo tabulato statuerentur catapultæ ac balistæ, in inferioribus aut cōgereretur magna vis aquæ ad extinguendum, si qua vis ignis mitteretur: cuius turris fabricandæ rationem Vitruuius docet, & Athenęus.

Quod si lignorū inopiā testudinē fieri prohiberet

hiberet, ne milites dū ad muros subruendos
 accedūt, expositi paterent ad vulnera, Vineas
 Pluteosq; obijciebant. Vineæ cratium instar *VINEA.*
 ex vimine fabricabātur, vt plures ordine col-
 locatæ militū latera defenderēt, quæ cū vitiū
 in vinea ordines imitari viderentur, Vineæ
 sunt appellatæ, vt scribit Festus. Cæs. l. 11. bel.
 ciuil. initio. Tanta erat multitudo tormento-
 rum, vt eorū vim nullæ contextæ viminibus
 vineæ sustinere possent: asseres enim pedum
 duodecim cuspidib. præfixi, atque hi maximis
 balistis missi, per quatuor ordines cratium in
 terrā defigebantur. Inter has vineas milites
 vel arietē agebant, vel ad muros subruendos
 appropinquabāt. Liu. l. 21. Aduersus eū vineas
 agere instituit, per quas aries mœnibus admo-
 ueri posset. Marcel. l. 20. Plerisque obiectu vi-
 nearum pluteorumq; tectis, iter ad fundamē-
 ta parietum quærentibus subuertenda. Viden-
 tur aut rotæ vineis fuisse subiectæ, quib. facile
 agerentur. Hinc sub vitē præliari dicebātur
 milites, cum sub vinea militari pugnabāt, vt
 ait Festus. Plutei ex cratibus, similiter vimi-
 nibusq; auctore Festo, fiebant, quib. frons mi-
 litum tegeretur. Cæs. l. 1. bell. ciuil. Has rates
 terra atq; aggere contegebat: à fronte atque
 ab utroq; latere cratibus ac pluteis protege-
 bat. Et Marcel. l. 21. Pluteos præferētes oppug-
 natores, cratesq; densius textas sensim ince-
 dētes & caute, murorum ima suffodere ferra-
 mentorū multitudine conabantur. Vegetius *li 4. c. 15.*
 Pluteum ad apsidis similitudinem contextum
 scribit, rotisq; circumagi solitū. Vineæ Plu-
 teiq; vsum describit. Luca. l. 3.

*PLUTE-
VS.*

TUNE

*Tunc adoperta leui præcedit Vineæ terra.
 Sub cuius pluteis & testæ fronte, latentes
 Moliri nunc imitant, & vertere ferro
 Mænia, nunc aries suspensio fortior ictu,
 Incussus densi compagem soluere muri
 Tentat.*

VINEA. Vineas pluteosque contra ignis periculum
 solebant crudis ac recentibus corijs vel cen-
 tonibus contegere, vt Festus & Vegetius scri-
 bunt. Apollodorus in poliorceticis aliter
 vineas describit: hastas enim complures in-
 ter se ligatas, atque ab ima parte præpilatas,
 vt humi defigi possent, à militibus rectas ge-
 statas dicit: atque ex ijs hastis dependisse pel-
 les nõ quidem extensas, sed corrugatas, sinus-
 que habentes; vt telorum iactus frangeretur,
 quæ hastæ cum inæquales essent lōgitudinis,
 testudinis formam imitari videbantur: Vi-
 neamque ait minorem fuisse testudinem.

Inter machinas, quibus testi milites opus
 faciēbant, Musculus nominatur, à muris do-
 mestici forma, vt puto, potius quam à marino
MUSCULUS. Musculo, vt ait Vegetius. Musculum elegan-
 tiissime describit Cesar lib. II. bel. ciuil. Duas
 li. 4. c. 16. primum trabes in solo æque longas paruo in-
 teruallo inter se distantes dicit collocatas,
 inque eis columellas paræ itidem altitudi-
 nis defixas, atque capreolis inter se cōiunctas
 vbi tigna musculi tegendi causa collocaren-
 tur: ac contra ignis lapidumque pericula egre-
 gie munitum: additque molli fastigio fuisse
 constructū, id est, vt à posteriore parte altior,
 in an-

in anteriore esset depressior, murisq; speciem cum sese colligit, imitari videretur: Hoc musculo potius ad murorum fundamēta subruenda, quam ad sternendam turribus viam, quod ait Vegetius, vsos Romanos puto. Cæsar certe ad conuellenda fundamentorum saxa musculum instituisse dicitur.

Turres, aut lateritiæ fuere, aut lignæ: *li- TV R-*
gneæ item aut immobiles, aut mobiles quas RIS.
 ambulatorias vocant. Construebantur autem turres pluribus tabulatis interdum decem, fenestris relictis ad tormenta immittenda: ambulatoriæ turres subiectis rotis agebantur quacumque libuisset, in summis contignationibus tormenta constituebantur, ad deiiciendos manibus propugnatores, in ima parte fuit aries, in media pons erat suspensus, quem exostram vocant, quemque in muros urbis dmitterent, vt scribit Vegetius lib. iv. ca. xvii. & xxi.

Quoniam autem plerumque locus aut depressior erat, aut minus æquus, *agger.* aggere iacto eū vel attollebant, vel æquabant, per quē deinde aggerem turres ac testudines machinasq; ceteras agerent. Fiebāt autem agger ex viminibus, virgultis, terraque, eiusque latera trabibus firmabantur, ne terra diffunderet. Cæsar lib. ii. ciuil. Magnā iumentorum atque hominum multitudinem ex omni prouincia vocat, vimina materiamque comportari iubet, quibus comparatis rebus, aggerem in altitudinem pedum xxc exstruit. Et lib. vii. Vineas agere, cratibus atque aggere paludem explee;

atque iter munire conabatur. Liuius libr. xxi. Locus satis æquus agendis vineis fuit. & lib. xxxii. Cum turris per aggerem parum densa-
ti soli ageretur, rota vna in altiore orbita depressa, ita turrim inclinauit, vt speciem ruentis hostibus, trepidationemque insanam superstantibus armatis præbuerit. Aggerem eiusque vsum describit Lucanus lib. iii.

Tunc omnia late

*Procumbunt nemora, & spoliantur robore silua;
Vt cum terra leuis media virgultaq; molem
Suspendant, structa laterum compage ligatam
Artet humum, pressus ne cedat turribus agger.*

Et mox,

Stellatis axibus agger

*Erigitur, geminasq; equantes moeniaturres
Accipit: hæc nullo fixerunt robore terram,
Sed per iter longum caussa repere latenti.
Illinc tela cadunt præcelsas vrbs in arces.*

Atq; hæc quidem ab oppugnantoribus contra urbem instruebantur, oppidani vero aduersus ea multa solebant comparare. Nam arietem falcesq; libramento plumbi deprimebant, aut laqueis distinebant, lapidibus frangebant, ignibus inflammabant, aut deniq; fac-
eis pælearum lanæq; plenis eius impetus eludebant. Veget. l. iv. c. xxiii. & Ioseph. l. iii. bel. Iud. c. 8 de obsidione Iotapatæ. Liu. li. xxxvi. Aetoli cum ariete quaterentur muri, non laqueis, vt solet, exceptos declinabant ictus: sed armati frequentes erumpebant. Appianus in Mithridatica, Arietes lapidibus repulerunt,
aut la-

aut laqueis fregerunt, aut lanæ obiectum eorum impetum excipiebant. Liuius li. XLII. Arietem admotum libramento plumbi grauaturn ad terram vrgebant. Cæsar lib. 7. laqueis falces auertebant, quas cum distinuerant, tormentis introrsus reducebant.

Videntur Tollenonibus huiusmodi plumbi lapidumue pondera super arietem dimississe, Liuius l. 38 In arietes tollenonibus libramenta plumbi aut saxorū, stipitēsue robustos incutiebant; Tollenoq̄ autem ita fiebat: Trabs vna defigebatur in terra, eiq̄; in summo vertice alia transuersa trabs longior dimensa medietate connectebatur, eo libramento, vt si vnum caput deprimerentur, alterum erigeretur: Qua machina interdum milites in murū exponebantur, vt ait Vegetius lib. iv. ca. xxi.

TOLLE-
NO.

LVPVS.

Lupis quoq; arietem apprehensum aut euergebant, aut ita suspendebant, vt impetum non haberet feriendi. Fuit autem lusus ferrum in modum forficis dentatum, quod funibus alligatum in arietē conijciebant, vt docet Vegetius li. 4. c. 23. Liu. l. 28. Lupi supérne ferrei iniecti, vt in periculo essent, ne suspensi in murum extraherentur. Verum oppugnatores saccos, & reliqua munimenta, quæ oppidani obijciebant, falcibus contis longissimis præfixis dissipabant, funesq; abscindebant. Contra ignem vero machinas corijs crudis ac recentibus, cætonibusq; madefactis obtegebāt; lorica etiam interdum addebant. Lorica autem (nam cetera fere nota sunt) videtur fuisse ex cratibus contexta, creta super inducta: hæc enim

LORICA.

enim à Vitruvio lorica nominatur. Cæsar. li. 2. ciuil. Quidquid est contignatum cratibus consternitur, cratesq; luto integuntur. Idem libr. v. gal. Turres contabulantur, pinnae loricaeque ex cratibus attexuntur. Hirtius li. viii. Pontium frôtes viminea lorica munirentur.

*CATA-
PULTA*

Præter has machinas fuisse misilia, quibus æque oppidani, hostesque utebantur, in his Balista fuit, & Catapulta, siue Scorpio, aliaq; huiusmodi quibus lapides vel sagittæ mittebatur: Catapulta ad instar lignei arcus videtur fuisse, habens in capitulis ex utraque parte foramina, per quæ nerui torti intendebantur: foraminis autem dimetiens sumebatur è nona parte longitudinis sagittæ, quæ Catapulta mitti deberet. Arrectariæ trabes duæ dextra sinistraque constituebantur (Parastatas vocant) in summo & in imo transuersariæ tabulæ duæ parastatas distinebant, quatuor angulis in lateribus ac frontibus laminis ferreis aut stilibus æreis clauisque confixis: ita ut plinthidis siue laterculi figuram imitaretur. Per media autem spatia Parastidum excidebantur formæ semicirculi: in quibus includebantur capitula siue brachia catapultæ, cuneisq; firmabantur, ne in contentionibus mouerentur. Porro inter duas parastatas alia fuit quæ media siue mediana dicta est: in hac erat incisum interuallum ubi sagitta collocaretur. infra erat canalis qui *σὺργος* dicitur a Græcis, cum regulis siue bucculis dextra sinistraq; quæ paulum eminentes canalem facerent profundiore. In eo canali erant Chele siue

le siue manus quæ sagittam comprehenderet, & Epitoxis in qua sagittæ calx collocaretur: aliæ quoque duæ regulæ in canali erant, in quas succula indebatur. Ergo cum intendebatur Catapulta, nerui qui erant per foramina capitulorum traiectionis, modioliisque græcis, cuneisque firmati, succulis vectibusque ad certum foramen æqualiter declinabantur, cuneisque concludebantur: quibus repente disclusis sagitta maximo impetu egrediebatur.

Scorpionem à Catapulta diuersum esse, non opinor, quia Vitruuius Catapultæ Scorpionisq; eandem rationem dicit esse: forte Scorpionio minores mittebat sagittas. SCOR-
PIO.

Balista maior quam catapultæ fuit, ceterum eodem modo construebatur intendebaturq; quamquam præ succulis nonnullæ balistæ polyspastis, vel ergatis, vel tympanis torquebantur. præterea foraminum ratio ex pondere lapidis quem debebat balista mittere proportionem sumebatur, sicut in catapultis de longitudine sagittarum. Hæc de catapultæ & balistæ ex obscurissima Vitruuij descriptione adiutus græcis Cæfibij verbis utcumque exposui. BALI-
STA.

Vitruuius Catapultis sagittas, Balistis saxa mitti dicit: Cælar tamen & catapultis saxa, & Balistis sagittas missas significat. sic enim scribit libro II. bel. ciuil. Asseres pedum duodecim cuspidibus præfixi atque hi maximis, balistis missi, per quatuor ordines cratiū in terram defigebantur. Et paulo post. Centones insuper iniecerunt, ne saxa ex catapultis mis- Vitruuius
li. 1. ca. 1.
C. 2. C.
li. 10. ca. 15.
16. 17. ca.
tatur à
Turnebo
lib. 2. ca.
4. C. 5.

tis missa lateritium, discuterent. Plinius lib. vii. Balistam Phœnicum inuentum fuisse dicit, sicut Catapultam Syrorum, Scorpionem Cretensium. Quanta autem vis balistarum & Catapultarum esset ostendit Iosephus lib. iii. de obsidione Iotapatæ. Missa, inquit, machinis saxa & murorū minas auferabant, & frangebāt angulos turrium: virorum autem nulli tam fortiter constipati erant, vt non vsque ad extremam aciem saxi magnitudine ac violentia sternerentur. Sciens autem aliquis huius machinæ vis quantū valeat ex his q̄ nocte illa contigerunt. in muro cuidam ex circumstantibus Iosepho, saxo percusso caput auulsum est, eiusq; ad tertium stadium veluti funda excussa caluaria interdum quoq; prægnantis feminae vtero transiecto ad dimidium stadium infans abactus est; tanta tormento vis fuit. Et lib. vi. de obsidione Hierosolymæ. Præcipue duodecimæ legionis balistæ, vehementiores & tormenta saxorum, quibus non solum irruentes; sed etiam super murum stantes auertebantur. nam & singula saxa talenti pondus æquabant, & vltra stadij modum torquebantur, ictus vero non solum primis quos offendisset; sed aliquando posterioribus quoque intolerabilis erat. Hæc Iosephus.

Solebant autem oppidani aliquem adhibere, qui balistam obseruaret, cum intenderetur, vt ictus lapidum declinarent. Hirtius de bell. Afric. Balista missa à nostris turrem deiecit, qua aduersariorum qui in ea turri fuerunt quinq; deiecti sunt, & puer qui balistam erat solitus

solitus obseruare. Et Iosephus li. vi. bel. Iud. Iudæi sane cauebant à lapidibus, quod erant candidi: nec tantum sono ac fremitu noscebantur, sed etià claritudine prospiciebantur: deniq; speculatores in turribus præsidentes, prædicebant quando impelleretur machina, saxumque ferretur, patria lingua clamantes, Filius venit: itaque præsciebant in quos, veniret atque ita vitabant, & hinc eueniebat, vt, illis declinantibus lapis irritus intercideret. Hæc quidem de Balistis quæ florebat Re- publ. aut non multo post in vsu fuerunt, non longe aliter eas describit Marcellinus libro xxiii. Ferrum, inquit, inter axiculos duos firmum compaginatur & vastum, in modum regulæ maioris extentum, cuius ex volumine tereti, quod in medio ars polita componit, quadratus eminet stilus extensus, recto canali angusti meatu cauatus, & hac multiplici chorda neruorum tortilium illigatus: eoque cochleæ duæ ligneæ coniunguntur aptissime, quarum prope vnâ assistit artifex contemplabilis & subtiliter apponit in temonis cauamine sagittâ ligneam spiculo maiore conglutinatam; hocq; factò hinc inde validi iuvenes versant agiler rotabilem flexum. cum ad extremitatem neruorum acumen venerit summum, percita interno pulsu à balista ex oculis euolat; interdum nimio ardore scintillans; & euenit sæpius, vt antequam telum cernatur, dolor letale vulnus agnoscat.

Scorpionem idem sic describit. Dolantur, scor- inquit, axes duo quernei vel ilicei, curuan-
turque

turq; mediocriter vt perminere videantur in gibbas: hiq; in modum ferratoriæ machinæ connectuntur, ex utroq; latere patētius perforari, quos inter per cauernas funes colligātur robusti copagem ne diffiliat continentes: ab hac medietate restiū, ligneus stilus exurgens obliquus, & in modum iugalis temonis erectus, ita neruorum modulis implicatur, vt altius tolli possit & inclinari, summitatiq; eius vnci ferrei copulantur, è quibus pendet stuppea vel ferrea funda; cui ligno fulcimentum prostermitur ingens cilicium paleis confertum minutis, validis nexibus illigatum, & locatum super congestos cæspites vel lateritios aggeres: nam mureo saxeo huiusmodi moles imposita, disiectat quidquid inuenerit subter concussione violenta non pondere. Cum igitur ad concertationem ventum fuerit, lapide rotundo fundæ imposito, quaterni altrinsecus iuuenes repagula, quibus incorporati sunt funes, explicantes, retrorsum stilum penes vncinum inclināt. itaq; demum sublimis adstans magister, claustrum, quod totius operis continet vincula, referat malleo forti percussum, vnde absolutus ictu volucris stilus, & mollicudine offensus cilicij, saxum contorquet quidquid incurrerit collisurum. Hunc Scorpionem addit Onagrum quoque dici, quod asini feri cum venatibus agitantur, ita eminus lapides post terga calcitrando emittunt, vt perforent pectora sequentiū, aut præfractis ossibus capita ipsa displodant. Hæc Marcellinus.

Vegetius

Vegetius tamen libr. iv. Onagrum à Scorpione diuersum facit: ac Scorpionem Manubalistam vocari dicit, & paruis subtilibusq; spiculis intulisse mortem.

Atque hæc quidem oppidanis hostibusque cōmunia pila muralia propria fuere oppidanorum, quæ grauiora erant quam quibus in acie utebantur, eaq; de muro mittebant in hostes. Cæsar lib. v. Magnus muralium pilorum numerus instituitur. Et li. vii. Ex vallo & turribus traiecti pilis muralibus interibant. Tacitus lib. iv. Muralia pila, congestas lapidum moles prouoluere.

Contra autē irruptiones hostium parabant Eritium, Cippos, Lilia, Stimulos, Sudes, Stilosq; vt hostes morarentur. Cæsar l. iii. Erat obiectus portis eritius: hic paullisper est pugnatum, cum irrumpere nostri conarentur. Et mox. Exciso eritio in castra irruperūt. Salustius apud Nonium Saxa q; ingentia, & axe vincti orbes per pronum incitabātur; axibusque eminebant in modum eritij militaris veruta binum pedum. Quibus ex verbis colligimus machinam fuisse infestis vndique horrentem telis: De ceteris Cæsar li. vii. Hirtius de bel. Afric; Extra vallum stili cæci mirabilem in modum consiti.

Libralia siue Librilia Festo dicuntur instrumenta bellica; saxa scilicet ad brachij crassitudinem in modum flagellorum loris reuincta Cæsar lib. vii. Fundis, libralibus, sudibusque ac glandibus Gallos perferrent.

Quod si corona vrbis oppugnaretur, scalis

admotis hostes urbem aggrediebantur; quam ad rem Sambuca vfi sunt. Festus. Sambuca machina qua vrbs expugnatur: nam vt in cythara chordæ, sic in machina intenduntur funes. Sambucam describit Polybius lib. viii. Scala enim fuit ea altitudine vt muros adæquaret: latera cancellis præcingebantur, tegulisque operiebatur. in summa Scala tignum fuit quod scutis Persicis communiebant; eo quatuor milites conscendebant, vt ex propugnaculis hostes deijcerent. vbi applicata scala murum occupassent, scutorum latera vtrinque soluentes, conscendebant propugnacula hostium: reliqui per Sambucam deinceps succedebant. Hac Marcellus in Siracusarum expugnatione vfius est.

Alia quoque plurima narrantur machinarum genera quæ singula referre velle putidum est.

Phalarica Liuius lib. xxi. Phalaricæ similes videntur fuisse Malleoli, de quibus Marcellinus lib. xxiii. Malleoli teli genus figurantur hac specie. sagitta est cannea inter spiculum & arundinem multifido ferro coagmentata, quæ in muliebris coli formam concuatur, ventre subtiliter & plurifariam patens, atque in aluo ipso ignem cum aliquo suscipit alimento, & sic emissa lentius arcu inualido, i-

ctu enim rapidiore extinguitur, si hæserit vsquam, tenaciter cremat. De

Malleolis item Vegetius.

LIBER SEXTVS.

Deijs, quæ fierent post prælium.

De Humatione caſorum, pradaꝝ, collectione.

CAPVT I.



Iſtis proſtigatisq; hoſtibus, redeuntes in caſtra victores, ab ijs, qui cuſtodire cauſa relictī fuerant, lætis acclamationibus laudibusq; excipiebātur: tabernacula edera, lauro, ceteraque fronde aut caſpite, lætitiæ cauſa, ornabantur: conuiuia lautius inſtruebantur: victoriaq; paſſim militaribus iocis carminibuſq; celebrabatur vt ſcribit Plutarchus in Aemilij ac Marij vita.

Hinc illa Cæſaris de victoria Phariſalica. In caſtris, inquit, Pompeij videre licuit triclinia ſtrata, magnum argenti pondus expoſitū, recentibus ceſpitibus tabernacula conſtrata, *li. 3. bel. civil. & Appianus lib. 2.*

Letiam Lentuli & nonnullorum tabernacula proteſta edera: multa præterea quæ nimiam luxuriam, ac victoriæ fiduciam designarent.

Vbi corpora milites curaffent, eo die, aut inſequenti, ad legenda hoſtium ſpolia, ſuoſq; ſepeliendos dimittebantur. Linius lib. xxxix. Celtiberi caſtra inde nocte proxima mouerunt: Romanis & ſuos ſepeliendi, & ſpolia legendi ex hoſtibus poteſtas facta eſt.

Porro conſuetudinem ſepeliendi eos, qui bello cecidiſſent, ab Hercule manaffe ſcribit Aelianus; cum antea inſepulti feris auibusq; *li. 12. vlt. hiſt.*

*lib. de Co
rona mil.
cap. xi.*

relinquerentur. Ac sepeliendi quidem cæsos in bello alia apud alios ratio fuit: Romani autem videtur suos, pyris exstructis, cremasse. Vnde illa Tertulliani ad militem Christianum. Cremabitur ex disciplina castrensi Christianus, cui cremare non licuit, cui Christus merita ignis indulget.

Sepultis commilitonibus, milites ad castra urbemue diripiendam, cæsos spoliandos, ceteramq; prædam colligendam discurrebant; Sacramento tamen ante, adacti, ut Polybius narrat, se nihil ex præda intercepturos aut occultaturos, sed omnia fideliter Imperatori representaturos. Qua in re illud sapienter à Romanis observatum idem Polybius scribit, ut ne plures dimidio ad prædandum destinarentur; alij vero sub signis compositi instructiq; haberentur ad subitos hostiû impetus defendendos, ne in præda occupati opprimerentur.

Ex armis autem cæsorû hostiû, cû pulcherrima quæque secreuissent, reliqua Imperator in acervum cumulari iubebat: atque exercitu vniuerso armato coronatoque circumfuso, rem ipse diuinâ faciebat, tum præcinctus purpura, facem ardentem sumebat, manibusque in cælum sublatis, Deosque quibus hostiû spolia dicare mos est, precatus, primus face subdita incendebat: reliqui deinde pro se quisque ignes coniciebant. Id Vulcano sacrum habitum: quàmquam alijs etiam Dijs, qui bellorû præsides putarentur, votû fuisse legimus; ut Plutarchus in Mario, Appianus in Libyca, Iberica, & Mithridatica historia, tradidere.

Liuius

Liuius libro XLV. Edito ludicro, clypeisq;
 æreis in naues impositis, cetera omnis gene-
 ris arma cumulata in ingentem aceruum, pre-
 catus Martem, Mineruam, Lunamq; matrē, &
 ceteros Deos, quibus spolia hostium dicare
 ius fasq; est, Imperator face subdita succen-
 dit: deinde circumstantes Tribuni militum
 pro se quisq; ignes coniecerunt. Et li. iix. Ma-
 gister equitum, vt ex tanta cæde, multis poti-
 tus spolijs, congesta in ingentē aceruum ho-
 stilia arma subdito igne concremauit; seu vo-
 tum id Deorum cuipiam fuit, seu ne suæ glo-
 riæ fructum Dictator caperet, nomenq; ibi
 scriberet, aut spolia in triūpho ferret. l. xxiii.
 Spolia hostium Marcellus Vulcano votū cre-
 mauit. lib. xxx. Magna vis armorum capta: ea
 omnia Imperator Vulcano sacrata incendit.
 Et libr. xli. Postero die arma lecta conijci in
 aceruum iussit Consul, sacrumq; id Vulcano
 cremauit. Florus li. iv. ca. xii. Arma victorum
 non ex more belli cremata; sed capta sunt, &
 in profluentes data, vt ceteris qui resistebant,
 victoria sic nunciaretur,

Huius moris auctor ē Tarquinius Priscum *ibi. Scu-*
 Romanū Regem fuisse docet Seruius ad viii. *orum in-*
 Virgilij lib. De quo sic Liuius l. i. Tarquinius *cendi vi-*
 præda captiuisque Romam missis, spolijs ho- *Flor acer-*
 stium (votum id Vulcano erat) ingenti cumu- *no.*
 lo accensis, pergit porro in agrum Sabinum
 exercitum inducere. Idem Liuius l. iix. priscę
 legis verba cōmemorat, quæ Ducibus id per-
 mitteretur: Vulcano, inquit, arma, siue cui alij
 Diuo vouere volet, siue hostia, siue quo alio

volet, ius esto. De alijs Diuis idem Liuius cōfirmat lib. x. Fabius spolia hostium coniecta in aceruū Ioui Victori cremauit. Et lib. viii. initio. Armorum magna vis tum inter cæsa corpora hostium, tum in castris inuenta est: ea Lunæ matri dare se consul dixit.

De Prædæ diuisione. C A P. II.

Imperator, concrematis ijs quæ vel inutilia, vel ferri non posse videbantur, reliquam prædam milites conferre iubebat. Quæ ubi collata esset, vel à Quæstore iubebat in publicum referri, vel Tribunis assignabat, vt inter milites diuiderent (ad Tribunos, vt Polybius ait, enim prædæ diuisio spectauit) aut deniq; partem secernebat in publicum, partem militibus cōcedebat. Hoc enim in Imperatoris potestate fuisse, docēt exempla. Liuius l. xxxix. Consul armis hostium in vno concrematis cumulo, ceteram prædam conferre omnes iussit: & aut vendidit quod eius in publicum redigendum erat, aut cum cura, vt quam æquissima esset, per milites diuisit. Et lib. v. Prædæ pars maxima ad Quæstorem redacta: haud ita multum militi datum. Et ibidem. Castra capta, præda ad Quæstores redacta, cum magna militum ira. Et li. iv. Prædæ ex assiduīs populationibus fuit aliquantum. Venditum sub hasta Consul in ærarium redigere Quæstores iussit: tum prædicans participem prædæ fore exercitum, cum militiam non abnuisset. Item lib. vi. Præda omnis, præter libera corpora, militi concessa est. Et l. vii. Militem præterea imple-

impleuit: ad copiam rerum addidit munificentiam, quod nihil in publicum secernendo, augenti rem priuatam militi fuit.

Prædæ autem diuidendæ ratio duplex fuit aut enim eam inter se milites sortiri iuebatur: aut ubi per Quæstorem vendita esset, pecunia quæ redacta esset viritim diuidebatur. Vtriusque moris exempla Liuius suppeditat. De pecunia diuisa l. xxxv. initio. Præda omnis antevrbē exposita est: potestasq; dominis suas res cognoscendi facta, cetera vendenda Quæstori data: quod inde effectum est, militi diuisum. Et lib. 45. vendita præda omnium: de ea summa militi numeratum est. De sorte idem Liuius l. iv. Postero die singulis captiuis ab equite ad Centurionem sorte ductis, & quorum eximia virtus fuerat, binis: alijs sub corona venundatis, exercitum victorem opulentumq; præda triumphans Dictator Romā reduxit. De hac sortiendæ prædæ consuetudine præclare Vopiscus in Probo. Cum de prædato repertus esset equus, qui quātum captiui loquebantur, centum ad diem milliaria currere diceretur, ita vt per dies octo vel decem continuaret, & omnes crederēt Probum tale animal sibimet seruaturū; iam primum dixit fugitiuo militi potius quam forti hic equus cōuenit. deinde in vrbē militares iussit nomē suum mittere, vt aliquis eum sorte ductus acciperet: & cū essent in exercitu quidam nomine Probi alij quatuor milites, casu euenit vt primū emergeret, cui Probo nomen existeret; sed cum quattuor illi milites inter se conten-

derent, ac sortem sibi quisq; defenderet, iussit iterum agitari urnam: sed & iterum Probi nomen emerfit. cumq; tertio & quarto fecisset, quarto Probi nomen effulum est. Tunc omnis exercitus equum illum Probo duci dicauit, ipsis etiam militibus, quorum nomina exierant, volentibus. Solebant tamen antequam præda in sortem conijceretur, aliquid excipere, quo extra sortem præcipue donarentur ij, quos egregia virtus eximios fecisse videretur: sicut de Coriolano Plutarchus narrat. Huc spectant illa Virgilij lib. ix.

*Si vero capere Italiam, sceptrisq; potiri
Contigerit victori, & præda ducere sortem:
Vidisti quo Turnus equo, quibus ibat in armis
Aureus? ipsum illum clypeum cristasq; rubentes
Excipiam sorti, iam nunc tua præmia Nise.*

In hoc vero maxime Roman. iustitiam mirari licet, qui, vt Polybius ait, prædam bello acquisitam non ijs solum diuidere consueuerant, qui rei gerendæ interfuissent, sed etiam ijs qui castrorum præsidio relictæ essent; sed ægrotis, atque adeo omnibus qui publici muneris causa abfuissent. Habita tamen ratio est in diuisione prædæ & virtutis, & dignitatis. Linius lib. iv. Singulis captiuis ab equite ad centurionem sorte ductis, & quorum eximia virtus fuerat, binis, alijs sub corona venundatis. Et libr. xlv. Hora quarta signum ad diripiendas vrbes datum est militibus: tantaq; præda fuit, vt in equitem CD denarij, pedibus ducenti diuiderentur.

Legimus

Legimus tamen interdum milites, grati animi causa, prædam vniuersam, quæ ipsis contingere posset, Imperatori concessisse, quod de Mario victis Teutonibus scribit Plutarch. Porro illud extremo loco addendum videtur, multis sæpe Imperatoribus ob prædam maligne diuisam, aut alio modo interceptâ diem ad populum dictam esse. Frontinus libro IV. Stratagem. ca. I Salinutorem consularem damnatum dicit à populo, quod prædam non æqualiter militibus diuississet. Linius etiam *libr. 32.* L. Scipioni Asiatico diem dictam esse scribit, quod sex millia pondo auri, CDLXXX argenti plus accepisset, quam in ærarium retulisset.

De Donatiuo. CAP. III.

CVM prædæ diuisione recte coniungitur Donatiui largitio, sic enim appellata pecunia fuit ab Imperatore militibus ad eorum animos vel excitandos, vel conciliandos extra ordinem data: quemadmodum pecunia quæ populo diuideretur, Cōgiarium dicta est. Suetoni^{us} *cap. 7.* in Nerone deductus in forum tyro, populo Congiarium, militi Donatiuum proposuit. Plinius in Panegyrico. Nisi verò leuiter attingi placet, locupletatas tribus, datumq; Cōgiarium populo, & totum datum, cum Donatiui partem milites accepissent.

Donatiuorum duo genera videntur fuisse, vnum legitimum, index Imperatorum liberalitatis, quod post victoriâ aut triumphum ab Imperatore dabatur: alterum quod ad certas res ab Imperatore similiter donabatur.

Hinc Tacitus lib. III. histor. Clauarium donatium nominat, id est, vt ego quidem interpretor, quod in clauos caligares comparâdos erogari solet. Marcellinus quoque ad barbas tondendas Donatium datum significare videtur. Sic enim ait.

Intertot rerum probabilium cursus, articulosque necessitatum ancipites, sudoribus Gallicanis miles nec donatium meruit, nec stipendium. Hocque exinde claruit fraude potius quam tenacitate committi: quod cum Cæsar petenti ex vsu gregario cuidam, vt barbas detonderet, dedisset aliquid vile, contumeliosis vocibus appetitus est.

Donatium pro liberalitate Imperatoris, ac victorum hostium opibus, maius minusue fuit: habitaque ratio est militiæ ordinis ac dignitatis. Liuius libro XXXVII. de triumpho Asiatici. Militibus quini viceni denarij dati, duplex centurioni, triplex equiti. Et libro XLV. de L. Paulo, pediti in singulos dati centeni, duplex centurioni, triplex equiti: tantum pediti daturum fuisse credunt, & prorata alijs, si aut non refragati honori eius fuissent, aut benigne, hac ipsa summa nunciata, acclamassent. Et mox de Cn. Octauio, qui triumphum naualem duxit. Dedit socijs naualibus in singulos septuagenos quinos, gubernatoribus qui in nauibus fuerant, duplex, magistris nauium quadruplex.

Ad Donatium accipiendum milites nominatim citati, lauroque coronati accedebant: atque vt quisque donatium acceperat, ita deia-

deinceps eius nomen expungebatur. Tertul- *cap. 2.*
 lianus de corona militis. Proxime facta est
 liberalitas præstantissimorum Imperatorum
 expungebantur in castris milites laureati. Et
 mox. Laurea melius coronatus donatium *ibid.*
 Christi in carcere expectat. Et infra. Eadem *cap. 12.*
 laurea in donatiui dispensatione denuncia-
 tur. Sulpitius de vita sancti Martini. Iulia- *cap. 4.*
 nus Cæsar, coacto in vnum exercitu, apud
 Vangionum ciuitatem, donatium cœpit e-
 rogare militibus, vt est consuetudinis: sin-
 guli citabantur, donec ad Martinum ventum
 est.

Illud postremo scire in hoc genere operæ
 precium est, quod scribit Vegetius, coactos *l. 15. c. 12.*
 milites eius pecuniæ, quam ex donatiuo, vel
 præda, aut alia ratione bello acquisiuisent,
 dimidiam partem apud signa deponere, cum,
 vt ne per luxum ludumq; perderent, tam ve-
 rò, vt ea obsidis vice pignorisque Imperato-
 ri esset, quo milites magis fidos haberet, acri-
 usque animos ad tuenda signa publicæ priua-
 tæque rei amor accenderet. Itaq; singuli sac-
 ci per cohortes singulas exponebantur, in
 quibus hæc pecunia condebatur, præter quos
 aliis addebatur saccus, in quem tota legio
 particulam aliquam conferebat, ad curanda
 contubernaliū funera, si qui proelio aut
 morbo essent extincti: eiusq; pecuniæ depo-
 sitæ omnis ratio apud signiferos seruabatur,
 qui eam dominis, militia peracta, redderent.
 Hinc Liuius libr. III Romam ferri protinus
 Sicinium placebat, si Xuiri funus militare
 ei pa-

cap. 7.

ei publica expensa facere maturassent. Et Tacitus li. I. Annal. de seditione legionum Germanicarum. Cum fisci de Imperatore rapti inter signa, interque aquilas veherentur. Domitianus tamen, ut Suetonius in vita scribit, prohibuit, plusquam mille nummos à quoquam apud signa deponi, quod L. Antonius res novas moliens, fiduciam cepisse ex depositorum summa videbatur.

De donis militaribus.

C A P. IV.

AC prædam quidem ac donatium omnes milites strenui ignauique promiscue consequebantur: alia verò fuere præmia, quibus non nisi viri fortes ab Imperatoribus virtutis causa donabantur. ea autem fuere Coronæ, Torques, Armillæ, Hastæ puræ, Phaleræ, cæteraque huiusmodi non tam precio quam gloria ab omnibus expetita. Igitur prælio commisso, ac victoria de hostibus reportata, Imperator concionem aduocabat, atque pro tribunali gratijs Deo actis, militumque virtute communiter collaudata, præcipiebat ijs, quorum id erat munus, ut iudicarent, qui nam aliquid in prælio fortiter fecissent; eosque nomine euocatos in mediū produci iubebat: ac primum quidquid nō in eo solum prælio, sed etiam in reliqua vita fortiter gessissent, honorifica oratione exponebat: tum eos, vniuerso exercitu inspectante, donis quæ diximus ornabat. Polybius lib. v. Iosephus li. vii. Plutarchus in Coriolano, Zonaras & alij.

Liuius

Liuius lib. xxvi. Postero die militibus naua-
libusque socijs conuocatis, primum dijs im-
mortalibus laudes gratiasque egit : militum
deinde virtutem collaudauit. Itaque quam-
quam omnibus omnia deberet; præcipuum ta-
men muralis coronæ decus eius esse, qui pri-
mus murum adscendisset. Et libro xxxviii.
Laudati quoque pro concione omnes sunt do-
natique pro merito quisque. Hirtius de bell.
Hispa. Postero die, re diuina facta, concione
aduocata, in cōspectu oppidanorum, milites
collaudat, totumque exercitum veteranum
donauit præmijs, ac fortissimo cuique ac be-
ne merenti pro suggestu tribuit.

Coronarum varia genera fuere, Obsidio-
nalis, Ciuica, Muralis, Castrensis, Naualis,
Aurea.

Obsidionalis dicta est, quæ liberatis obsi-
dione, abominandoque exitio totis castris
daretur. Graminea hæc fuit, vt omnes tra-
dunt, & quidem ex gramine viridi decerpto
inde, vbi obsessos seruasset aliquis. Namque,
vt scribit cum Plinio Festus, summum apud *Pli. l. 22.*
antiquos signum victoriæ fuit, herbam victos *ca 3. 4. 5.*
porrigere, quod ea re significare viderentur, *Festus. v.*
se terra, & altrice ipsa humo, & humatione *obsidio-*
etiam cedere. Addit Festus sumptum id ex vi- *nalis.*
ta pastoricia : nam qui in prato cursu aut vi- *v. Her-*
ribus contendebāt, cum superati erant, ex eo *bam de.*
solo in quo certamen erat, decerptā herbam
aduersario tradebant. Hinc herbam dare, si-
gnificat, victum se fateri. de quo Varro in
Aetij, id est, causis, vt citat Seruius, ad li. 8. &
vitra comptos, &c. Cum

Cum in agonibus herbam in modum palmæ dat aliquis ei, cum quo contendere non conatur, ac fatetur esse meliorem. Nonius quoque herbā à veteribus palmam vel victoriam appellatam scribit. Quamuis autem hæc corona Graminea dicta sit, tamen, ut Plinius ait, non ex solo gramine fuit, sed ex herbis etiam quibuslibet ignotis ignobilibusq; quæ quidem in periculi sede fuissent. De hac corona Liuius lib. VII. secundum Consulis donationem legiones gramineam coronam obfidionalem clamore donum approbantes, P. Decio imponunt: altera corona eiusdem honoris index à præsidio suo imposita est.

Pestus. v. Corona quidem graminea, Plinio auctore,
Gradius nulla fuit nobilior in maiestate popul. Rom. præmijsq; gloriæ. Cæteras enim coronas omnes singuli & duces ipsi, Imperatoresq; militibus, aut aliquando collegis dedere; decreuit etiā in triumphis senatus, & populus otiosus: graminea numquam, nisi in desperatione suprema cōtigit, nulli nisi ab vniuerso exercitu seruato decreta. Cæteras Imperatores dedere, hanc solam miles Imperatori. Quod si ciuicę honos vno aliquo, ac vel humilimo ciue seruato præclarus sacerq; habetur, quid tandem existimari debet, vnius virtute seruatus vniuersus exercitus?

Primus ea donatus est L. Sicinius Dentatus, Postremus Augustus Consul cum M. Cicero-ne filio à Senatu idibus Septembribus, ut Plinius auctor est. Eadem præter cæteros à S. P. Q. R. donatus est Fabius ille, qui rem Roma-

nam cunctando restituit, Hannibale ex Italia pulso, ut Plinius ac Gellius scribunt: quæ *li. 5. c. 6.* corona sola ipsius imperij manibus imposita est: & quod peculiare ei est, sola à tota Italia data.

Proxima gloria Ciuiç coronę fuit, quam consequebatur is qui ciuem seruasset in prælio. Iligna hæc primo fuit, teste Plinio; postea *l. 16. c. 4.* magis placuit ex esculo Ioui sacra: deinde etiam ex quercu; postremo ex omni arbore glandifera data: siue quia is cibus antiquissimus fuerit, ut ait Gellius: siue quia, ut scribit Plutarchus, in omnibus locis eius arboris *lib. 5. c. 6. Probl. 9a* copia reperitur; vel quia Iunoni & Ioui sacra *in Co-* era erat arbor illa, quibus dijs vrbiũ tute- *riolano.* lam assignabant: aut etiam ab Arcadibus id sumptum est, quibus aliqua esse cum quercu cognatio existimabatur: primi enim hominum è terra nati credebantur, sicut quercus inter stirpes: datum quoq; id videri potest ipsi arbori, quæ inter siluestres arbores pulcherrima est, inter domesticas robustissima; præterea, cibũ quidem glandes, potum verò *μελίτιον*; nec non obsonium pecorum ac volucrum: fert enim viscum, quod magnũ venationis instrumentum est. Hæc Plutarchus.

Ciuiça corona longe omnibus alijs aureis argenteisq; honoratior fuit, licet illæ precio antecederet; quod, ut ait Plinius, tanto o- *l. 16. c. 4.* peri nullum aliud præmiũ conuenientiũ, nisi *Zonaras.* honor reperiri posse videretur: salutẽ enim ciuis in precio esse noluerũt, clara professione seruari hominem nefas esse lucris causa. Pro-
preca

pterea additæ sunt leges arctæ ac seueræ, quas Plinius commemorat, ne vulgatus honos uilesce-
ret. Ciuem seruare, hostem occidere: Vtque eum locum in quo sit actum, hostis ob-
tineat eo die: vtque seruatus fateatur; alias testes nihil proderant: nam vt ait Ennius a-
pud Seruium in fragmentis.

*citât Scæ-
lig. in Fe-
stum. v.
Herbam
do.*

Qui uicit non est victor, nisi victu' fatetur.

Vt ciuis fuerit, auxilia, quamuis rege ser-
uato, decus id non dabant, nec crescit honos
idem, Imperatore conseruato, quoniam con-
ditores in quocunque ciue summum esse vo-
luerunt: Accepta licebat uti perpetuo: Lu-
dos ineunti semper assurgi etiam ab senatu in
more fuit: Sedendi ius in proximo senatui
datum: & vacatio numerum omnium ipsi,
patrique, & auo paterno.

li. 5. c. 6.

Massurius autem Sabinus in XI librorum mi-
rabiliū, ut citat Gellius, coronam Ciuicam
tum demum dari solitam dicit, cum ijs qui ci-
uem seruassent, eodem tempore hostem etiam
occidissent, sic tamen ut locum in ea pugna non
reliquissent: aliter ius Ciuicæ concessum ne-
gat. Tiberius tamen Cæsar consultus an ciui-
cam coronam capere posset, qui ciuem in præ-
lio seruasset, & hostes ibidem duos interfe-
cisset; sed locum in quo pugnabat, non re-
tinuisset, eoque loco hostes potiti essent: re-
scripsit, eum quoque Ciuica dignum videri,
quod appareret e tam iniquo loco ciuem ab eo
seruatum, ut etiam a fortiter pignantibus re-
tineri non quierit:

Hanc

Hanc coronam is qui seruatus fuisset, seruatoris sui capiti, suis ipse manibus imponebat, vt scribit Polybius, eumque in omni vita *Festus. v.* veluti parctem colebat, ei que necessaria ministrabat: quod ni sponte faceret, à Tribunis cōpellebatur. Hinc illa Ciceronis pro Plancio. At id etiam gregarij milites faciunt inuiti, vt coronam dent ciuicam, & se ab aliquo seruatos esse fateantur: non quod turpe sit protectū in acie hostium manibus eripi (nam id accidere nisi forti viro & pugnanti cominus non potest) sed onus beneficij reformidant, quod per magnum est alieno debere idem quod parenti. Interdum tamen etiam ciuicam coronam Imperatoris manu impostam Tacitus indicat lib. xv. Si singulis manipularibus præcipua seruati ciuis corona, imperatoria manu tribueretur: quod illud & quantum decus, vbi par eorum numerus adipisceretur, & qui attulissent salutem, & qui accepissent?

Atque initio quidem Ciuica militū virtutis dumtaxat insigne clarissimum fuit; postea etiam clemētix Imperatorum, vt ait Plinius, cum ciuiliū bellorum odio meritū videri cōpisset ciuem non occidere. Hinc in nummis Augusti videmus coronā ex quercu cum inscriptione. OB CIVIS SERVATOS.

Murales & Vallares coronæ aureæ vel argenteæ fuere, quibus donabantur ij, qui primi in hostium muros, vel castra irrupissent: quare Vallaris eadem Castrensis dicta est. erant autem murorum pinnis, & castrorum vallo

insignes, adscripto etiā nomine eius, qui coronam meruisset, ut Polybius, Festus, Gellius, Zonaras alijque scribūt. Muralis corona priscis tēporibus frondea videtur fuisse, qua primus omnium, quorum quidem exstat memoria, à

li. 16. c. 4. Romulo coronatus est Hostus Hostilius, quod Fidenam primus irrupisset, ut scribit Plinius.

l. 7. c. 28. Idem alibi Manliū Capitolium primū omniū equitem coronam muralem accepisse narrat.

Naualis corona siue classica, aurea itē fuit; nauium rostris distincta, quare & Rostrata dicta, quam is cōsequebatur, qui maritimo praelio primus in hostiū nauim insiluisse. Olim corona Naualis nemini dabatur, sed rostra nauium tribunali præfixa fori decus erant, veluti populo Roman. ipsi corona imposita: postea iubere in capita ciuium rostra, ut ait Plin. lib. xvi. c. iij. Ea corona primum M. Vipsanum Agrippam eo bello, quo Sex. Pom-

Dio. l. 49. peius victus est, ab Augusto donatū Velleius, epit. 129. Dio, epitomæ, Liuij, ac plerique alij narrant.

Plinius tamē nauali corona ante Agrippā donatum significat M. Varronem à Pompeio Magno piratico bello.

cap. 4.

Aurea corona non ideo est appellata, quod sola fuerit ex auro (nam vallares, murales, rostratas, ex auro item fuisse supra ostensum est) sed quod nulla præterea alia re esset insignis non murorum pinnis, non vallo castrorum, non rostris nauium, nomine tantū inscripto eius cui donabatur: itaque ex materia appellationem inuenit. Quis ea primus donatus sit

li. 33. c. 2. negat inueniri Plinius: L. verò Piso A. Postu-

mum

mium Dictatorem apud lacum Regillum, castris Latinorum expugnatis, ei cuius maxime opera capta essent, auream coronam primum dedisse ex præda scripsit. Livi^{us} lib. III. Exercitus coronam auream Dictatori libræ pōdo decrevit: & proficiscentem eum patrōnum salutavit. Et l. VII. Consul, cōcione aduocata, laudatum Tribunum decem bobus aureaque corona donat. Et lib. XXX. Lælius deinde & ipsum collaudatum aurea corona donat.

Atque hæc quidem de coronis militaribus.

Torques aurei argenteiq; fuere, aureis auxiliare & externi: ciues non nisi argenteis donati, Plinio auctore. Cæsar tamen aureos torques duos Præfecto turmæ Cassianæ donavit, ut Hirtius scribit de bel. Hisp. Sueton. de Augusto. Dona militaria aliquāto facilius phaleras, & torques, & quidquid auro argenteiq; constaret, quam vallares & murales coronas, quæ honore præcellerent, dabat. Tacitus lib. III. Rufus Helvius seruati ciuis decus retulit: donatusque est ab Apronio torquibus & hasta: Cæsar addidit ciuicam coronam. Milites qui torquem essent consecuti, Torquati dicebantur: quorum duo genera tradit Vegetius. Torquati, inquit, duplares, li. 2. c. 7. Torquati simplares erant, quibus torques aureus solidus, virtutis præmium fuit: quem qui meruisset, præter laudem interdum duas consequebatur annonas. Torques ipsi minores Catellæ vocantur. Isidorus libro XIX. capite trigesimo primo. Catellæ, inquit, sunt catenulæ colli inuicem se cōprehendentes in

modum catenæ. Atque hi interdum dati militibus, Liuius lib. xxxix. Quinctius suos equites catellis ac fibulis donauit.

Armilla fuere ex auro, vel argento, ut ait Festus, sic dictæ quod antiqui humeros cum brachijs, armos vocabant: gestabantur enim brachio læuo, ut Liuius significat li. i. Sabini aureas armillas magni ponderis brachio læuo habuerunt. Et Plinius lib. xxix. c. iv. Pueri qui primus ceciderit dens, ut terram non attingat, inclusus in armillâ, & assidue brachio habitus, &c. Hæ solis ciuibus virtutis causa donabantur, ut ait Plinius. Hinc Isidorus lib. xix. capit. xxxi. Armilla proprie virorum sunt, collatæ victoriæ causa militibus ob armorum virtutem: vnde & quondam vulgo Viriliæ dicebantur. Galbeos quoque dictas armillas, quibus triumphantes vterentur, & quibus ob virtutem milites donarentur scribit Festus. Liuius libr. x. Papirius Sp. Nantiũ Sp. Papirium fratris filium, & quatuor centuriones, manipulumque hastatorum armillis aureisq; coronis donauit. Et mox: Equites omnes, ob insignem multis locis operam, corniculis, armillisq; argenteis donat. Armilla formam vtrumque exprimit idem Isidorus. Ab intellectu, inquit, circuli armilla non discrepat, quia ipsa quoq; hoc ubi ponitur, ambigendo constringit: sed quando armilla latius extenditur, circulus rotundus fit.

Hasta pura, id est, sine ferro donabatur is, qui primum in bello vicisset, ut ex Varrone tradit Seruius. Hæc à Polybio γάισον vocari vi-

ri videtur, quod ei donatam scribit, qui hostē *ad lib. 6.*
 vulnerasset. Ioseph. lib. VII. in donis milita- *Ille vides*
 ribus numerat δόρατα μακρὰ χρυσά, vnde col- *pura iuue*
 ligere possumus hastas huiusmodi deauratas *nis q. n. 5.*
 fuisse. M. Cato in oratione ad equites, vt citat *v. Optio.*
 Festus, Donaticas appellauit, Maiores, inquit *natu.*
 seorsum ac diuersum preciū parauere bonis
 atque strenuis, decurionatus, optionatus, ha-
 stas donaticas, aliosque honores. Idem Festus *v. Caliba*
 fortes viros propterea hasta donatos scribit, *ri hasta,*
 quod ea signum imperij praelijque sit. *et Hasta*

Plutarchus quoque ab hac consuetudine do- *in vita in*
 nandi hastas viris fortibus, Romulum Quiri- *extremo.*
 num esse dicit appellatum, tanquam Martium
 & hastigerum Deum. Suetonius in Claudio
 Posidem Spadonem Britannico triumpho in-
 ter militares viros hasta pura donauit.

Vexilla donata ostendunt illa Sallustij in *de bell.*
 oratione Marij. Hastas, vexillum, phaleras, a- *Iugurib.*
 liaque militaria dona ostentare possum. Et
 Sueton. in Augusto. M. Agrippā in Sicilia post
 naualem victoriam cæruleo vexillo donauit.

Ad maiores quoque ordines dignitatesque
 in exercitu virtutis honorisque causa promo-
 uebantur. Cæsar lib. VI. bel. Gal. Centuriones
 nonnulli ex inferioribus ordinibus reliqua-
 rum legionum, causa virtutis, in superiores
 erant ordines huius legionis traducti. Et lib.
 I. ciuil. Q. Fulginius propter eximiam virtutem
 ex inferioribus ordinibus ad primum
 hastatum peruenerat. Et lib. III. eiusdem. Cæ-
 sar Scæuam ab octauis ordinibus ad primipi-
 lum se traducere pronunciauit. Ioseph. quo-

que libr. III. de donis militaribus loquens, quibus à Tiro milites donati sunt, $\epsilon\lambda\lambda\alpha\tau\eta\rho$, inquit, $\epsilon\kappa\delta\sigma\upsilon\rho\tau\acute{\alpha}\xi\iota\upsilon$ $\eta\lambda\lambda\alpha\tau\eta\rho$ $\epsilon\iota\varsigma$ $\tau\omicron$ $\kappa\rho\epsilon\iota\tau\omicron\rho\upsilon$: & singulos ad meliorem promouebat ordinem Stipendiũ & annonæ duplicabatur, quæ qui essent consecuti, Duplicarij dicti. Varro lib. IV. de ling. lat. Duplicarij dicti, quibus ob virtutem duplicia cibaria vt darentur, institutũ. Vetus item glossa Duplicarium, $\delta\iota\mu\omicron\iota\varsigma\iota\tau\lambda\omega\iota\nu$ interpretatur. Vegetius quoque Torquatos duplares præter laudem, duas consecutos dicit annonas. Liuius lib. II. Inermes milites, signo amisso signiferos, ad hoc centuriones Duplicariosque, qui reliquerunt ordines, virgis cæfos securi percussit. Et lib. VII. Milites qui in præsidio simul fuerant, duplici frumento in perpetuum donati. Cæsar lib. III. civil. cohortem duplici stipendio, frumentoque & specuarijs militaribusque donis amplissime donauit.

Atque hæc quidem præmia, quæ hætenus sunt commemorata, omnibus qui in exercitu militarunt, fuere communia: alia præterea equitum, peditumque, nec non etiam magistratuum propria fuisse traduntur.

Pediti qui hostem prostrauisset, spoliassetque Phialam præcipue datam scibit Polyb.

Equitibusque quæ darentur munera, ea aliquid equestre expressum habuisse narrat Zonaras. Equitum propria dona ex argento Phalera corniculique ornamenta equorum fuisse traduntur. Phaleras pro phiala equiti donatas,

natas, qui hostem deiecisset ac spoliasset tradit Polybius. Liuius lib.x. Equites omnes, ob insignem multis locis operam, corniculis, armillisque argenteis donat. Et lib.xxix. Pro concione postero die laudati, donatique à C. Calpurnio equites phaleris: pronunciauitque eorum maxime opera hostes fusos, castra capta & expugnata esse. Suetonius in Augusto. Dona militaria aliquanto facilius phalaras & torques, & quidquid auro argenteo constaret, quàm vallares & murales coronas dabat.

Magistratus autem ex inferioribus ordinibus ad superiores promouebantur, ut diximus.

Imperator quoque ipse à suo exercitu interdum donatus est. Plinius solam coronam obsidionalem Imperatori à militibus dari potuisse scribit. Exercitus tamen obsidione liberatus Quintio Dictatori ac liberatori auream coronam libræ pondo dedit, ut Liuius narrat li.iii. Sepe etiam noua & honorifica appellatione affectos ab exercitu Imperatores legimus. Sic Quintus Dictator ab exercitu Patronus salutatus est. Fabius autem Maximus item Dictator, etiam Pater appellatus.

Præter hæc dona quæ diximus alia fuere militibus virtutis causa data, ut Pecunia de fisco, Agri de publico, Vestes, Boues, & reliqua huiusmodi pro voluntate Imperatorum donata, quæ singula persequi velle nimis putidum videretur. Hæc tamē omnia militaria dona, aut pleraque in vno Sicinio Dentato congesta legimus, de quo est illa inscriptio, ex Plinio Gellioque, ut videtur collecta.

l.22.c.4.

Liui. l.3.
Plin l.22
cap.5.

Plin. l.7.
cap.28.
Gell. li.2.
cap.11.

L. Sicinius Dentatus Trib. pleb. centies vicies præliatus. Octies ex prouocatione victor, XLV cicatricibus aduerso corpore insignis, nulla in tergo, spolia cepit XXIV donatus hastis puris duodeviginti, phaleris XXV, torquibus tribus & LXXX. armillis CLX. coronis XXV. Ciuicis XIII. Aureis VIII. Muralibus III. obsidionali. I. Fisco aris X. captiuis XX. Imperatores IX ipsius maxime opera triumphantes secutus.

Eadem ferè narrat de Aureliano Vopiscus, quem à Valeriano donatum dicit coronis muralibus quatuor, vallaribus quinque, narialibus duabus, ciuicis duabus, hastis puris decē, vexillis bicoloribus quatuor, tunicis ducalibus ruffis quatuor, pallijs proconsularibus duobus, toga prætexta, tunica palmata, toga picta, subarmali profundo, sella eborata. Idē de Probo ita scribit. Publice in concione donatus est hastis puris quatuor, coronis vallaribus duabus, corona ciuica vna, vexillis puris quatuor, armillis aureis duabus, torque aureo vno, patera sacrificali quinquelibri.

Hæc præmia nō solum singuli milites consequiebantur, sed ordines vniuersi, vt ait Zonaras. Hinc Liuius libro decimo. In conspectu duorum exercituum, & Caruilius suos pro cuiusque merito laudauit, donauitque, & Papirius Spur. Nautium, Spurium Papirium fratris filium, & quatuor centuriones, manipulumq; hastatorum armillis aureisq; coronis donauit. Et mox, Equites omnes, ob insignem multis locis operam corniculis armillisque

millisq̃ue argenteis donat. Hirtius de bello Hispanico. Cæsar ob virtutem turmæ Cassianæ donauit millia XIII. & Præfecto torques aureos duos, & leui armaturæ millia x.

Porro his præmijs nõ ij modo donati sunt, qui in acie aut oppidi expugnatione fortiter se gessissent, sed etiam, auctore Polybio, qui in priuatis leuibusq̃ certaminibus, nulla publica vrgente necessitate, aliquod facinus edidissent. Qui vero hostem singulari certamine occidisset, is præter alia præmia, hostis etiam spolia referebat, eaq̃ue domi locis celebrioribus, vt Polybius ait, desigebat. Hinc Liuius libr. vi. de Manlio Capitolino. Ad hæc decora belli dicitur non commemorasse tantum, sed protulisse etiam conspicienda, spolia hostium cæsorum ad xxx. dona Imperatorũ ad XL. in quibus insignes duas coronas murales, ciuicas octo. Et libr. x. Cui deorum hominũue indignum videri potest, eis viris, quorum domos spolijs hostium affixis, insignes inter alios feceritis; pontificalia & auguralia insignia adijcere?

Quæ quidem spolia domibus affixa, vel mutato domino reuelli non licuisse docet Plinius. *li. 35. c. 2.* Aliæ, inquit, foris, & circa limina animorum iugentium imagines erāt, affixis hostium spolijs. quæ nec emptori refigere liceret: triumphabantq̃ue etiam dominis mutatis ipsæ domus: eratq̃ue hæc stimulatio summa & ingens, exprobrātibus rectis quotidie imbellem dominum intrare in alienũ triumphum.

Quoniam autem difficillimum fuit, ut omnes qui se fortiter in prælio gesserant, ab Imperatore notarentur, iccirco pro concione Imperator iubebat eos, qui alicuius facinoris conscij sibi essent, nomen suum profiteri. Liu. li. xxvi. Postero die militibus naualibusque socijs conuocatis, primum dijs immortalibus laudes gratiasque egit; militum deinde virtutem collaudauit: itaque quamquam omnibus omnia deberet, præcipuum tamen muralis coronæ decus eius esse, qui primus murum adscendisset: profiteretur qui se dignum eo duceret dono; duo professi sunt. Profectebatur autem apud Tribunos, ut scribit Polybius: interdum etiam per libellos, ut Suetonius in Vitellio, Plutarchus in Galba tradunt. Hinc Tacitus libr. i. Histor. Plures quam cxx. libellos præmia exposcentium ob aliquam notabilem illa die operam Vitellius postea inuenit. Addit Polybius probro datum esse militi, qui se falso, apud Tribunos iactasse conuinceretur.

Porro militibus, qui virtutis causa fuerant à suis Imperatoribus donati, licuit, Polybio auctore, in pompis donis illis ornatos incedere. Neque solum viui ea gloria fruebantur, sed eadem mortuos etiam prosequebatur: nam ad sepulchrum cum efferebantur, omnia illa dona præcedebant, ut ait Polybius. Le x quoque fuit

*Cicer. l. 2.
de leg.*

Plinius l.

21. c. 3

xxii. tabularum. Qui coronam virtute peperisset, ut ipsi mortuo parentibusque eius, dum intus positus esset, forisue ferretur, sine fraude esset imposita. Quæ licet Plinius de coronis lu-

nis lu-

nis ludicris interpretetur, multo certe equius .
de bellicis etiam intelligi videntur posse.

De Missione honesta. CAP. V.

INter dona militaria numeratur Missio honesta (fuit enim alia ignominiosa) quam qui esset consecutus , simul à militia vacationem habebat . Hæc autem duplex fuit , Iusta , & Honoraria seu Gratiiosa . Iusta data est ijs , qui legitimæ militiæ annos omnes consecissent : Gratiiosa vel Honoraria extra ordinem gratiæ honorisq; causa tributa . Vlpianus l. 3. D. de ijs qui notantur infamia . Missio honesta est , quæ emeritis stipendijs , vel ante , ab Imperatore indulgetur . Et Macer li. XLIX. D. de re militari . Missio honesta est , quæ tempore militiæ impleto datur . Liuius li. XLIII. Et quorū ante emerita stipendia , gratiiosa missio sibi visa esset . Iustam missionem adepti Veterani Emeritiq; nominantur . Isidorus li. IX. Emeriti dicuntur veterani solutiq; milites , qui iā in vsu prælij non sunt , quia mereri militare dicitur , à stipendijs scilicet quæ merentur . Ijdem & Veterani dicuntur , quia iam in vsu prælij non sunt , sed post multos militiæ labores , quietis suffragium consequuntur . Suidas Βετεράνος ὁ ἀπολυθεὶς τῆς στρατείας . Vnde Emerita stipendia . Gratiiosam missionem consecuti , Beneficiarij videntur appellati . Festus . Beneficiarij , milites qui vacant muneris beneficio . Cæsar lib. III. bel. ciuil. Euocatorum circiter duo millia , quæ ex beneficiarijs superiorum exercituum ad eum confluerant .

Quænam autem fuerint apud Romanos le-

gitima militiæ stipēdia haud facile dictu videtur. Antiquissimis temporibus legitima stipendia Equiti decem annorum fuere, ut Polybius scribit, Pediti vero sex: quod si hic honores in Repub. petere vellet, item ut Equiti decimus annus militiæ finitus. vetabat enim lex Romæ magistratum capere aliquem, qui decem minimum annorum stipendia non haberet, ut alibi ostensum est. De Equitum stipendijs idem colligitur ex Livio li. xxvii. Illis omnibus adempti equi, qui Cannensium legionum equites in Sicilia erant: addiderunt acerbitati etiam tempus, ne præterita stipendia procederent ijs, qui equo publico meruerant; sed dena stipendia equis privatis facerent. Hoc autem non sic est accipiendum, ut militiæ assignatos annos continenter in castris milites fuerint, præsertim nondum perpetuis legionibus institutis: sed, ut vno aliquo bello functi milites, dimitterentur; cum eo tamen, ut nouo alio exoriente bello, Sacramento rursus rogari possent, ac militare cogerentur; donec legitimos militiæ annos expleissent: Ita tamen ut stipendia omnia, intra annum decimum septimum, & quadragesimum sextum (quibus quasi terminis ætas militaris finita est) cōficerentur, quibus emeritis milites sacramento legibusque soluti missionem, ac reliqua veteranorum commoda consequerentur. Livius libr. xxiii. Placuit in Siciliam ex Dictatoris legionibus reijci militem minimi quemque roboris, nullo præstituto militiæ tempore, nisi quod stipendio-

pendiorum legitimorum esset. Et libro xxiv. Censores nomina omnium ex iuniorum tabulis excerpserunt, qui quadriennio non militassent, quibus neque vacatio iusta militiq, neque morbus causa fuisset, Et lib. vii. Exercitum purgare missionibus instituit, alijs emerita dicendo stipendia esse, alios graues iam ætate, aut viribus parum validos.

Atque in Equitibus quidem nihil variatum puto: in peditum militia posterior ætas aliquid immutauit. Cû enim, alijs ex alijs bellis nascentibus, Resp. militibus indigeret, neq; omnibus missio, missioniq; præmia dari possent; militiæ anni conuiiente senatu, producti sunt; ac diutius milites quam lex permittebat, sub signis retenti. Hinc sæpe militum querelæ, legitimis stipendijs confectis, aut militiam detrectantium, aut missionem postulantium. Liuius libr. xxxii. Atrox seditio militum qui ex Africa post deuictum Hannibalem in Siciliam, inde anno fere post in Macedoniam pro voluntarijs transportati erant: id voluntate factum negabant. Sed utcumque seu inuita, seu suscepta foret militia, eam exhaustam, & finem aliquem militandi fieri æquum esset: Et li. xxxiv. Cum milites frequentes Tribunos pl. adissent, vti causas cognoscerent eorum, quibus emerita stipendia essent. Huc spectans Sallustius Cæsarem Dictatorẽ admonet, vt videat, ne vti adhuc militia iniusta & inequalis sit: cum alij triginta, pars nullum stipendium faciat. Tib. Gracchus, teste Plutarcho, cogitauit lege lata militiq; an-

*de Repa.
ordinada*

litia annos imminuere: sed eam legem non perlatam ostendunt illa verba C. Gracchi, quibus post fratris mortē aduersarijs respondit, se annos duodecim militasse, cum decem duntaxat lege definiti essent, vt refert Plutarchus.

Cum igitur frequentes ob eam rem militum seditiones existerent, missionem, missionisque commoda stipendijs emeritis postulantium; Augustus, vt in vita scribit Suetonius, militiam ad certam stipendiorū pramiorumq; formulam adstrinxit, definitis pro gradu cuiusq; & temporibus militiae, & commodis missionum. Ac Praetorianorum quidem cohortiū, auctore Dione, stipendia duodecim annorum esse iussit; ceterorum autem sexdecim: quibus confectis ab armis dimitterentur, & pramia missionis acciperent.

Cum autem nihilo minus Augusta lex, quā olim Tullia custodiretur; ac Tiberio imperante, plerique tricena & quadragena stipendia haberent, ortis ob eam rem in Pannonia & Germania militum seditionibus, Tiberius constituit, vt vicena stipendia emeritis missio daretur, vt scribit Dio lib. LVII. De qua re Tacitus lib. I. Annal in extremo. Edixit Tiberius, imparem oneri Rempubl. nisi vigesimo militiae anno veterani dimitterentur: ita proxima seditionis male consultata, quibus sexdecim stipendia expresserant, abolita in posterum. Atque hinc vigesimus annus militiae legitimus deinceps videtur fuisse, post quem milites ab exercitu dimitterent. Codic. lib. x. de ijs

de ijs qui non impleuerunt stipendia. Veteranis ita demum onerum ac munerum personarum vacatio iure conceditur, si post vigesimum annum militiæ in legione vel vexillatione militauerint, honestam vel causariam missionem consecuti esse ostendantur. Et lib. xxi. de re milit. Viginti stipendia si impletis, sordida munera vobis non indicentur. Et lib. v. de Excusationibus veteranorum: Qui causaria missione, Sacramento post viginti annorum stipendia soluuntur, & integram famam retinent; ad publica priuilegia veteranis concessa pertinent. Suidas Βετεράνοις παρά ῥωμαίοις ὁ ἀπολυθεὶς τῆς στρατείας ἐπὶ δὲ εἰκοσαετία ῥούτοι ἐδόουλεον. Seruius tamen, eum- *Seru. L. 2.*
 que imitatus Isidorus, militiæ tempus annis *Idem. Sa-*
 quinque & viginti definit, nisi forte mendum *erata re-*
 sit. Sacramento, inquit, rogati, qui post ele- *soluere*
 ctionem in Rempub. iurant: & hi sunt qui ha- *iura.*
 bent plenam militiam; nam & viginti quin- *Isidor. lib.*
 que annis tenentur. Missionem videntur co- *9. ca. 3.*
 gnouisse Tribuni. Tacitus lib. i. An. Missio per
 Tribunos maturatur.

De Exauferatione.

CAP. VI.

ATque olim quidem stante Repub. Romana, vna simplexque fuit Missio honesta, quam adepti milites, commoda & priuilegia illa simul consequiebantur, de quibus mox dicemus. Ab Augusti tempore duplex facta. Is enim cū Prætorijs cohortibus duodecim annorum militiam, reliquis sexdecim definisset, post

set, post quos missionem præmiaque adipiscerentur: ex altera autem parte videret milites, missione præmijsque semel impetratis, non fere in bellum retrahi posse: instituit, ut Prætorijs cohortibus post decimum sextum militiæ annum, quinque drachmarum millia soluerentur: reliquis vero qui annua viginti stipendia haberent, tria drachmarum millia tribuerentur; quæ præmij spe milites, quatuor annis amplius in castris continebantur. ut scribit Dio lib. LV. Hinc Tacitus lib. I. Annal. An Prætorias cohortes, quæ binos denarios acciperent, quæ post sedecim annos penatibus suis reddantur, plus periculorum suscipere? Eam pecuniæ summam Caligula videtur imminuisse, quem scribit Suetonius com-moda emeritæ militiæ ad sex millium num-morum (sic enim legendum videtur) summam recidisse: ut ex tribus drachmarum millibus, quot Augustus militibus pollicitus fuerat, ipse dimidium detraxerit; drachma enim sicut denarius quattuor continet nummos, siue sextertios.

Hæc igitur Semiplena missio proprio nomine Exauctoratio dicta est, militesque ex-auctorati (quamquam etiam hoc nomine interdum & plena, & ignominiosa missio significari solet) Sacramento enim soluti milites, aquila signisque adeptis, seorsum in exercitu sub vno aliquo vexillo habebantur, donec præmia persoluerentur: interea immunes erant à labore, vigilijs, & munere omni castrensi, excepta pugna in hostem. Tacitus lib. III.

lib. III. An. Placitum vt epistolæ nomine Principis scriberentur, missionem dari vicena stipendia emeritis: exauctorari qui sena dena fecissent, ac retineri sub vexillo, ceterorum immunes nisi propulsandi hostis. Hinc illæ *li. I. Ann.* apud eundem querelæ militum. Ne demissis quidem finem esse militiæ, sed apud vexillum retentos, alio vocabulo eosdem labores perferre. Et mox. Nec aliud leuamentum, quam ne ultra sub vexillis tenerentur; sed iidem *ibidem.* in castris pecunia solueretur. Et alibi. Veterani nuper missi sub vexillo hiemabant. Et li. 3. Vexillum veteranorū non plus quingenti numero. Ex quo etiam Vexillarij dicti videntur. Tacitus libro I. Annal. Vexillarij discordium legionum Et alibi. Vexillarij XIV. XV. legionum. Dicti etiam iidem Emeriti. Gloss. vet. Emeritus, ἑτίπρος κατὰ στρατιωτικὸς καμάτους. Et Emeritum, pecunia quæ præmij nomine soluebatur. Modestinus Dig. de re milit. Qui militiæ tempus in desertione impleuit, Emerito priuatur. Et Menander *ibid.* si expleto tempore militiæ redeat, vt veteranus restituetur, & Emeritum capiet.

De Præmij ac Priuilegijs Veteranorum.

C A P. VII.

V Tantem milites præmiorum spe labores fortius ferrent; neque, quod iniquissimum videbatur, attrita bellis iuuentute, senectute demū egere cogerentur; vbi legitimi temporis stipendijs confectis missionem impetrassent, ijs agri diuidebantur, quorum cultura

vitam reliquam sustinerent: aut, quod Augustum instituisse Dio scribit, pro agris ratam pecuniæ summam accipiebant. Hinc D. Ambrosius de viduis. Confectis & miles stipendijs arma deponit, & relicto officio quod gerebat, ad propria Veteranus rura dimittitur: ut & ipse exercitæ laboribus vitæ requiæ consequatur, & alios spes futuræ quietis faciat operibus promptiores. Seruius interpretans versum illum. Ex libro XII. En agros, & quam bello Troiane petisti Hesperiam. Consuetudo, inquit, erat, ut victores Imperatores agros militibus suis darent. Higinus. Multis legionibus contigit bellum feliciter transigere, & ad laboriosam agriculturæ requiem primo tyrocinij gradu peruenire: nam cum signis & aquila & primis ordinibus ac tribunis deducebantur: modus agri proportionem officij dabatur. Ferunt quidam indictum postea modum belli, & expleta centesima hostium congressione ad colendū reductos terrarum agros.

Agrorum autem diuidendorum ratio duplex fuit. nam aut sine vlla Coloniz mentione, milites in agris constituti sunt: aut iisdem ita sunt agri assignati, ut in Coloniam etiam aliquam conscriberentur. Liuius libr. VI. Ad militiam quo paratior plebs esset, quinque viros Pompeino agro diuidendo, & triumuiros Nepet Coloniz deducendæ creauerunt. Et Epitoma Liuij LXXXIX. Silla septem & quadraginta legiones in agros captos deduxit, & eos ijs diuisit. Appianus oppida duodevinti

ginti cum agris ab Augusto Veteranis assignata scribit, libr. iv. Hinc Higinus refert finitis ampliorum bellorum operibus, augendæ Reipubl. causâ, illustres Romanos viros vrbes constituisse, quas aut victoribus populi Romani ciuibus, aut emeritis militibus assignarent.

Quacumque vero ratione agrorum diuifio fieret, omnino aut Senatus consulto, aut populi rogatione aliqua siue lege opus fuit, quæ agrû qui esset diuidendus definiret, quamquam Velleius, extremis Reipublicæ temporibus milites in agros & Colonias militares, ab Imperatoribus sine auctoritate Senatus deductos videtur significare, quæ Coloniae militares dictæ sunt, quarum auctor Silla Dictator fertur. Hinc Liuius libro xxxi. initio, decretum dicit à Senatu, vt omnes milites ex auctorati domum dimitterentur: Cn. Sergio, vt militibus qui in Hispania stipendia, per multos annos fecissent, agrum assignandum curarent. Et libro trigesimo quinto. Vibonem Colonia deducta est ex S. C. plebisque scito, tria millia & septingenti pedites ierunt, trecenti equites: quina dena iugera agri datâ in singulos pedites, duplex equitibus. Frontinus de Veijs Colonia; Ager eius, inquit, militibus est assignatus lege Iulia. & alibi. Suefula lege Sillana deducta: ager eius veteranis militibus Sillanis in iugeribus est assignatus.

Hi autem agri fuere vel de hostibus capti

neque dum in publicum redacti, aut publici & à populo Rom. possessi, ære publico diuidendi gratia empti: hoc enim docet Brutus apud Appianum libro secundo. Vos, inquit, pro rebus gestis præmia, quæ olim dabat populus, referetis: qui nec suis nec innocentibus hominibus agros adimebat, neque illis aliena donabat, neque iniuria facienda, gratiam referri oportere putabat: idemque hostes victos non omni agro, sed parte multabat, in eamque emeritos deducebat, ut essent quasi hostiū quos deuicissent, custodes: cumque sæpe agri armis parti non essent satis, publicos quoque diuisit; aut alios emit: hoc patet deducere populus solebat sine cuiusquam sollicitudine ac molestia. Hæc quidem Brutus: Cicero tamen secunda Agraria negat à maioribus traditum, ut agri diuidendi causa, publice emerentur: Hic iam illud, inquit, ne disputo quidem non esse hanc vobis à maioribus relictam consuetudinem, ut emanetur agri à priuatis, quo plebs publice deducatur.

Neque vero solum æger lege definitus est, qui diuidi deberet, sed numerus etiam eorum quibus diuidendus erat, modusque iugerum agrī singulis assignandorum, limitesque præscripti. Modus autem agrī pro portione officij dabatur, ut scribit Higinus. Hinc Liuius lib. xxxv. Eodem anno Coloniam Latinam in agrū Ferentinum Triumviri deduxerunt, tria millia peditum fere, trecentos equites: numerus exiguus pro copia agrī; dari potuere
tricena

tricena iugera in pedites, sexagena in Equites: Apustio auctore tertia pars agri dempta est, quo postea, si vellent, novos colonos adscribere possent. vicena iugera pedites, quadragena equites acceperunt. Et lib. XL. Aquileia Colonia Latina, eodē anno in agro Gallo-
 rum est deducta: tria millia peditum quinquagena iugera, centuriones centena, centena quadragena equites acceperunt.

Hæc porro agrorum diuisio per curatores agrorum fiebat, qui plures paucioresque ex S. C. modo per Consulem, modo per Præto-
 rem urbanum tributis comitijs sunt creati. Cicero II. Agraria. Toties legibus agrarijs curatores constituti sunt, triumui-
 ri, quinqueui-
 ri, decemui-
 ri: quæro à populari tribuno plebis, ecquando nisi per xxx. tribus creati sunt? Li-
 uius lib. xxxi. Decreuerunt Patres, ut M. Lu-
 nius Prætor urbanus, X viros agro metien-
 do diuidendoque crearet. Et libro xxxii. nar-
 rat L. Cornelium Cons. iussu creare III vi-
 ros purgandis supplendisque Harniensibus
 Colonis.

Curatoribus igitur creatis legiones uni-
 uersæ sub vexillo integris ordinibus dedu-
 cebantur Higinus: Multis legionibus conti-
 git bellum feliciter transigere, & ad laborio-
 sam agriculturæ requiē primo tirocinij gra-
 du peruenire: nam cum signis, & aquila, &
 primis ordinibus, ac Tribunis deducebantur.
 Antonius quoque Consul apud Appianum
 ait, Milites à Cæsare vna cum armis quibus
 meruerant, atque ijsdem ordinibus in agros

esse deductos. Hinc illa Taciti veterem morem in Tarentina & Antiana Coloniae requiruntis: Non ut olim vniuersae legiones deducebantur cum Tribunis, & Centurionibus, & sui cuiusque ordinis militibus, ut consensu & caritate Rempublicae efficere, sed ignoti & inter se, diuersis manipulis sine rectore, sine affectibus mutuis, quasi ex alio genere mortalium, repente in vnum collecti, numerus magis quam Colonia.

Vbi autem in agros peruentum erat, si Colonia esset constituenda, auspicijs ritè captatis, urbem & agrum circumscribebant. Varro libro quarto. de ling. lat. Oppida quae prius erant circumducta aratro, ab orbe & vrbo vrbes: & ideo Coloniae nostrae in libris antiquis scribuntur vrbes, quod item conditae ut Roma: & ideo Coloniae ut vrbes conduntur, quod intra pomerium ponuntur. Romulum porro tauro & vacca iunctis, vrbi condendae, locum circumarasse ac designasse tradit Dionysius. Et Cicero in Antonium: Casilinum Coloniam deduxisti, ut vexillum tolleres, & aratrum circumduceres: cuius quidem vomere portam Capuae pene perstrinxisti.

Vrbe agroque circumscripto ac dimenso, curatores suam cuique agrum partem assignabant: unde agri diuisi & assignati, teste Frontino, dicuntur. Quae in re scitum est illud quod Flaccus Sículus ait filuas & loca aspera in assignationem non venisse; si quid amari, vel incerti soli

vi soli esset, id assignatione non datum: sed militi veteranoque culturam assignatam. Ex quo Lepidus Consul præmia agrorum a Silla militibus data in concione sic illuxit, quemadmodum refert Sallustius: Maximam, inquit, mihi fiduciam parit victor exercitus, cui per tot vulnera ac labores nihil præter tyrannum quæsitum est: egregia scilicet mercede, cum relegati in paludes & silvas contumeliam atque inuidiam suam, præmia penes paucos intelligerent.

Hinc illæ apud Tacitum Pannonicarum querelæ legionum: Ne demissis quidem finem esse militiæ; sed apud vexillum retentos, alio vocabulo eosdem perferre labores: ac si quis tot casus vita superauerit, trahi adhuc diuersas in terras, vbi per nomen agrorum vligines paludum vel inculta montium accipiant.

Agri, oppidaque quæ militibus assigna- *Pompon.*
bantur, ea lege videntur data, vt ijs sese dum *let. in*
viuerent sustentarent; hæredibus autem ne *Constan-*
relinquerent: Constantinus autem Impe- *ryio.*
rat. statuit vt eadem ad filios atque hæredes transirent. Coloniarum tamen alia ratio fuit: nam ciuitatem noui Coloni constitue-
re.

Veterani igitur in agris collati, aut in oppida Coloniaeq; adscripti vxores ducebant, liberis suscipiendis, agriq; colendis operam dabant: quod vtrumque ijs dum stipendia facerent, posterioribus temporibus, fuit inter-

*Dig. de
re milit.*

dictum. Milites enim, perpetua militia instituta, cælibes fuisse supra ostensum est: unde Tacitus lib. xiv. Veterani, inquit, Tarentum & Antium adscripti, non tamen infrequentia locorum subuenere, dilapsis pluribus in prouincias in quibus stipendia expleuerant: neque coniugijs suscipiendis, neque alendis liberis sucti, orbas sine posteris domos relinquebant. Sed neque agros colere potuisse leges ostendunt, quæ milites in ea prouincia in qua militant, agros emere prohibent, emptumque fisco vindicant, ne studio culturæ à militia auocentur.

Lib. 3.

Præter hæc autem multis alijs priuilegijs veterani ornabantur. Ij enim pœnis ac tormentis plebeiorum eximebantur, vt habetur in Pandectis de priuilegijs veteranorû: quod non ipsis tantum veteranis, sed eorum etiam liberis concessum est: itaque nec in metallum damnabantur, nec in opus publicum, vel ad bestias, nec fustibus cædebantur. Id autem ad primum duntaxat gradum pertinuisse lex Codicis de pœnis ostendit. Sed neque in causis criminum tormentis, plebeiorumque pœnis subijci poterant, lege Codic. de Quæstionibus. Seuerus quoque Imper. ijsdem ius gestandi annuli aurei tribuit, vt scribit Herodianus. Omitto iura testamenti militaris, aliaque multa, quæ in Pandectis, & Codice leguntur.

Cam igitur missionē tot commoda sequerentur, ea nō nisi maxima diligentia ab Impp. concedebatur. Suetonius in Tiberio. Missio-

nesve-

nes veteranorū rarissimas fecit, ex senio mortem, ex morte compendiū captans, nimirum quia mortuis, aut cū ignominia dimissis præmia non debebantur. Huc spectasse legem sacratam militarem puto, quam per secessionē latam scribit Livius. Ne cuius militis scripti nomen, nisi ipso volente, deleteretur: videlicet ut confectis legitimis stipēdijs, missionis præmia posset accipere.

De Pœnis militaribus. CAP. VIII.

NEC verò minus seueri Romani fuere in militum delictis puniendi, quam in virtute honoranda liberales. Itaque ut præmia, sic animaduersiones multæ sunt in militem constitutæ, quarum metu inter armorū licentiam militaris disciplina custodiretur. Porro in militaribus delictis, non proditioes modo, transfugiaq; ponebantur, sed etiam, auctore Polybio, qui furto aliquid surripuisset, loco cecidisset, arma aut amisisset, aut alienasset, falsum dixisset testimoniū, præmij consequēdi causa mētitus esset, impudice viueret, quodque admirabilius etiam est, si Imperatoris iniussu, cum hoste pugnasset, aut tardius de prælio excelsisset. Hinc illa apud Sallustium. In *de cōiur.*
bello sæpius vindicatum est in eos, qui cōtra *Caecil.*
imperium in hostem pugnauerant, quiq; tardius reuocati prælio excesserant: quam qui signa relinquere, aut pulsi loco cedere ausi erant.

Cum igitur militaria delicta alia leuia, alia grauiora essent: pœnæ quoque alię leuiiores,

alia acerbiores sunt constitutæ: quamquam qui in leue delictum reus incidisset, in eum grauiore pœna animaduersum fuisse Polybius scribit. Lenis autem animaduersionis fuit, quæ ignominiam duntaxat inussit. Grauior quæ in ipso corpore exercebatur, & vel caput, vel libertatem petebat: neque enim in castris locum habuerunt Porcia, Sempronianaque leges, quæ à tergo & capite ciuium virgas falcesque remouerunt. Et quamuis omnis pœna grauior haberet ignominiam coniunctam, tamen in alijs ipsa pœna, in alijs ignominia ipsa acerbior videbatur. Festus. Deprehensa dicitur genus militaris animaduersionis castigatione maior, ignominia minor.

Atque ut à pœnis grauioribus ordiamur: Verberatio duplex fuit, altera virgarum, fustis altera. Virgis milites in delictis leuioribus castigabantur, & castigatio dicta est; nam licet inureret dolorem, tamen vitam non adimebat. Valerius lib. II. c. II. C. Cotta P. Valerium sanguine sibi iunctum, virgis caesum militiæ munere inter pedites fungi coëgit, quod eius culpa agger incensus, & pœne castra erant capta.

Fustigatio in atrocioribus criminibus adhibita est, quæ mortem afferebat ignominiosam, cuius exsequendæ ratio hæc fuit auctore Polybio. Accepto fustis Tribunus, vix tamen attingebat damnatum, quod ubi factum erat, omnes qui erant in castris, cedentes fustibus lapidibusque, plerosque in ipsis castris conficiebant. Ac si qui euassent, nec sic quidem seruari

uari poterant: quippe quibus neq; in primam redire liceret, neq; à propinquis domum recipi. Causæ autē cur quis fuste percuteretur, ex iubeñtis auctoritatib. colligi possunt. Cicero Philip. 3. Si Consul ille, fustuarium meruerunt legiones, quę consulem reliquerunt. Li. l. v. Fustuariū meretur qui signa relinquit, aut p̄sidio decedit. Velleius lib. posteriore Calvinus, Domitius, cum ex consularu obtineret Hispaniam, grauissimi comparandique antiquis exempli aucto: fuit: quippe primipili cēturionem nomine Vibiliū, ob rursūpem ex acie fugam, fuste percussit. Hirtius de bell. Hispan. Miles qui fratrē suum in castris iugulasset, interceptus est à nostris, & fuste percussus.

In communibus autem & ordinarijs militū delictis, in Cives vite, in Socios fuste Romani animaduerte bāt; cū videlicet vno aut altero iectu contenti peccantes milites admonebant. Tacitus li. i. Annal. Centurio Lucilius interficitur, cui militaribus facetijs vocabulum, Cedo alteram indiderant: quia fracta vite in tergo militis, alteram clara voce, & rursus aliam poscebat. Iuuenalis Satyra viii.

Nodosam post hac frangebat vertice vitam,

Si lentus pigra muniret castra dolabra.

Et epitoma LVII. Si quem militem extra ordinem deprehēdisset: Si Romanus esset, vitibus, si extraneus, fustibus cecidit. Quare cum honestius esset vite cedi, quam fuste; ideo dixit Plinius Centurionum in manu vitis optimo precio tardos ordines ad
lentas

lentas perducit aquilas: atque etiam in delictis poenam ipsam honorat. Linius tamen. Drusus in tribunatu legem promulgavit, ne Latini in exercitu virgis cederentur, auctor Plutarchus in C. Graccho.

Sequitur securis percussio. Cum igitur aliquis capite plectendus erat, fossa extra vallū fodiebatur, quē ad vsum ignoto: certe hunc morem significat Tacitus li. I. Annal. Cladis eius superstitēs, pugnam aut vincula elapsi referebant, quo tribunali concionatus Arminius, quot patibula captiuīs, quæ scrobes, &c. Scrobes nominant, in quas demissi fuerant captiui, ut securi ferirentur, quod etiam clarius docet idem lib. xv sub finem, Poena Flauij, Veianio, Nigro, Tribuno mandata. is proximo in agro Scrobem effodi iussit: quem Flavius, ut humilem & angustum increpans, circumstantibus militibus. Nec hoc quidem, inquit, ex disciplina admonitus fortiter protendere ceruicem, utinam, ait, tu tam fortiter ferires, &c.

Ac primis quidem temporibus fere securi percutiebantur, postea gladij vsus increbuit; artisque utebatur, collum vno ictu amputare. Hinc Lucanus lib. viii.

*Colla q̃, in obliquo ponit languentia transiro.
Tunc nervos venasq̃, secat, nodosaq̃, frangit
Ossa diu, nondum artis erat caput ense rotare.*

Suetonius in Caligula, cap. xxxii. Miles decollandi artifex quibuscunque ē custodia capita amputabat.

Habi-

Habitu autem eorum, qui gladio ferendi erant, describit Theodosij laudator; Poplicem, inquit flectere, cervicem extendere, ad plagam fortasse non vnam. Et Seneca lib. i. de Ira, c. xvi. Damnatus extra vallum deductus est, & iam cervicem porrigebat, &c. Nam ijs qui securi percutiebantur, cippus cervici supponebatur, ut veteres imagines in marmoribus expressæ declarant.

Utra autem poena honestior fuerit gladij, an securis, nondum cōstituere possum. Nam quod securi percussio Papiniano, Bassianum qui postea Antoninus Caracalla dictus est, improbasse refert Spartianus, quod non gladio peracta res esset, in utramque partem accipi potest, aut quod vel in morte exhibitum honorem inuiderit, aut quod supremo illo honore invidia flammam aliqua ex parte restringere optauerit.

Interdum legitur prægressa verberatio, quæ noxijs ad palum deligatis, virgis adhibebatur. Liuius lib. xxviii. Audita vox citantis nomina damnatorum in cōcilio, nudi in medium pertrahebantur, & simul omnis apparatus supplicij expromebatur, deligati ad palum, virgisque cæsi, & securi percussi. Et lib. xxvi. de Campanis. Producti omnes, virgisque cæsi, & securi percussi.

Hoc autem maxime modo in singulos milites Romani animaduertebant. Quod si delictum ad totam legionem vel cohortem pertineret, cum interficere vniuersos nimie crudelitatis videretur, concione, ut ait Polybius, aduo-

cata

Plutar. in cata, Tribunus noxiam legionem vel cohortem in mediū producebat in decades siue decurias distributam: & acerba oratione in eam inuectus, sorte decimum quemq; ad supplicium eximebat: quod supplicium Decimatio dicta est. Sic. n. vt ait Cic. metus ad omnes poena ad paucos perueniebat; nam ne in bello miles delinqueret, amplior ei mortis & supplicij metus est à maioribus constitutus; ne aut nimium multi poenam capitis subirent, icclio fortitio illa comparata est. In eam verò fortitionem non modo ignaui ac seditiosi milites, sed boni etiam fortesque venerunt; vt ex Tacito colligimus libr. .14. Ex futo exercitu cum decimus quisq; fuste feritur, etiam strenui sortiuntur.

Antiquissimum porrò decimationis exemplum exstat apud Liuium lib. .11. ab App. Claudio Cos. editū, non multis post Reges exactos annis. Consul, inquit, aduocata concione, inuectus haud falso in proditorem exercitū militaris disciplinæ, desertorem signorum; inermes milites, signo amisso signiferos, ad hoc centuriones duplicariosque, qui reliquerunt ordines, virgis cælos securi perculsit; cetera multitudo, sorte decimus quisque ad supplicium lecti. Et Tacitus lib. .111. L. Aponius raro ea tempestate, & è vetere memoria facinore, decimū quemque ignominioso cohortis, sorte ductos fuste necat. Quamquam autē in cōmunibus totius legionis vel cohortis delictis decimatos milites scripsi, tamen interdū plures aut pauciores ad supplicium lecti

lecti sunt Appianus in Illyrico ex cohorte, & custodiā reliquerat, sorte iacta decimū quēque mortē multauit: ex turmarū autē ducibus binos ex singulis decurijs imminuit. Frontinus lib. 4. c. 1. Aquirius ternos ex cēturijs, quorum statio ab hoste perrupta erat, securi percussit. Seditio autē illa exercitus P. Scipionis apud Sueronem trigintaquinque hominum supplici a vindicata est. Liu. l. 28. Nonnunquā de tota legione suppliciū sumptum. Liu. l. 28. Tota legio, millia hominum quatuor in foro Romano securi percussi sunt.

In crucem quoq; acti sunt. Liu. l. 39. De per fugis grauius quam de fugitiuis consultum: nominis latini qui erant, securi percussi, Romani in crucē sublati. Venierunt, & in exiliū deportati sunt. Liu. lib. 25. de reliquijs Cannensis cladis. Is exercitus, inquit, erat relegatus in Siciliam, ne ante Punici belli finem in Italiam reportaretur. Epitoma l. v. P. Cornelio Nasica, D. Iunio Bruto Coss. delectum habentibus, res saluberrimi exēpli in conspectu tironum facta est. Nam C. Matienus accusatus est apud Tribunos, quod exercitum in Hispan. deseruisset, damnatusq; sub furca, diu virgis cæsus est, & sextertio nummo venijt. Cæterū illustriſſ. decimationis exemplū est in actis S. S. Mart. Mauricij & Sociorum.

Hæc igitur de poenis grauiorib. quæ ob ma- li. 49. de
iora delicta infligebantur: cuiusmodi nume- re milit.
rantur à Iuris consultis. Qui in exploratio-
ne emanet hostibus insistentibus, aut à fos-
sato recedit: Capite punitur.

Miles

Miles qui arma amisit aut alienauit, vel eorum partem, vt loricam, scutum, gladium, galeam: Capite item plectitur; humane militiam mutat. Si autem tibiale vel humerale, verberibus castigatur.

Qui vallum transcendit, aut per murum ingreditur. Item:

Qui ducem suum non defenderit.

Quique manum præposito intulerit; & augetur petulantiae crimen dignitate præpositi; omnis denique contumelia aduersus ducem capite punitur.

Qui commilitonem gladio vulnerauit; caput amittit: Si lapide, militia reijcitur.

Qui agmen excefferit, vel fuste cæditur, vel militiam mutat.

Qui in acie fugam prior fecit spectantibus militibus.

Exploratores qui secreta hostibus nunciât.

Calligatus qui metu hostium languorem simulauit.

Qui stationis munus reliquit.

Qui ad diem commeatus non venit.

*Frontin.
lib. 4. c. 6.
stratag.*

His omnibus alijsque huiusce generis criminibus poena capitis proposita est. Addit autem Cato in furto deprehensis inter commilitones dextras esse præcisas. Modestinus eum, qui aliena arma surripuisset, gradu militiae pellendum esse dicit.

Videntur autem milites priusquam capitali supplicio afficerentur, sacramento soluti fuisse: sicut enim scribit Marcellinus lib. xxiv.

Decem

Decem milites ex his qui fugerant, exaucto-
ratos capitali addixit supplicio, secutus ve-
teres leges.

Graues animaduersiones per lictores exer-
cebantur. Hinc Festus. Lictores dicuntur, qui
fasces virgarum ligatos ferunt: hi parentes
magistratibus, plagas ingerunt delinquenti-
bus. Et Nonius. Lictoris proprietatem à li-
gando vetustas putat: isti enim antiquitus
carnificis officiū fangebātur. Quod quidem
præter citata testimonia, illud etiam Liuij o-
stendit lib. ix. Quem cum inambulans ante
tabernaculum vocari iussisset, lictorem ex-
pedire securim iussit: ad quam vocem exa-
nimi stante Prænestino, Agedum lictor, exci-
de radicem hanc, inquit, incommodam am-
balantibus: perfusumque vltimi supplicij
metu, multa dicta, dimisit.

Animaduersio autem hoc modo exercebā-
tur: Dux pro tribunali residens, iubebat per
præconem reorum nomina citari, vbi illi
adducti essent, lictorem iubebat reum ad pa-
lum deligare; inde præconi imperabat, vt
lictorem lege agere iuberet, vt imperij seue-
ritatem miti vocabulo temperaret: tum li-
ctor reum vestibus exutum, ac virgis cæsum
securi percutiebat, aut etiam in crucem age-
bat: vnde erāt illa solemnia. Lictor, colligā
manus, verberato, caput obnubito, arbori
infelici suspendito.

Liuius lib. xxvi. Cum in tribunali conse-
disset, productique Campani deligarentur
ad palū, præconi imperauit, vt lictorem lege

agere iuberet: ita de ijs quoque sumptū supplicium. Seneca l. x. controuer. iiii. Illi quoque quibus animaduertere in damnatos necesse est, non dicunt Morere, sed Age lege; crudelitatem imperij verbo mitiore subducunt.

Ius porro plectendi milites olim ad eū pertinerebat, qui exercitui cum imperio præerat. Postea Augustus, ut scribit Dio l. 53. cum prouinciarū administrationem cum Senatu communicasset, instituit ut soli Proprætores, siue Legati ipsius Augusti, quos etiam gladio succingebat, id ius haberent: tandem ad omnes rectores prouinciarū extensa potestas est, saltem in milites manipularios. Hinc Vlpianus l. i. D. de officio Præsidis. Qui vniuersas prouincias regunt, ius gladij habent. Et Venuleius lib. 48. de custodia reorum. Qui exercitum accepit, etiam ius animaduertendi in milites caligatos habet.

Militum supplicijs centuriones ferè præficiiebantur. Hirtius de bel. Africa. cum duceretur ad necem, petiisse dicitur maior Titius à Centurionibus, ut se priorem quā fratrem interficerent. Et infra. Annuit centurionibus, quid fieri vellet, atque ante pedes centurionem interfecit. Seneca lib. i. de ira, cap. xvi. Centurio supplicio præpositus condere gladium spiculatorem iubet, damnatum ad Pisonem reducit.

Illud postremo loco addam graves animaduersiones, ut in vrbe extra muros, ita in castris extra vallum exerceri solitās, à tergo castrorum, vbi erat porta Decumana. Vegetius

getius libro primo, capite vigesimotertio. Decumana porta quæ appellatur, post Prætorium est, per quam delinquentes milites educuntur ad pœnam. Hirtius de bello Africano. Extra vallum deducti sunt & cruciabiliter interfecti. Seneca libro primo de Ira, cap. xvi. Damnatus, extra vallum deductus est. Hinc fortasse Vallescere deductum, quod perire significat, à vallo militari, quod qui eo eijciuntur, pro perditis habentur, ut ait Paulus compilerator Festi.

Leues item pœnæ varix fuerunt, ut legitimo stipendio, vel prædæ parte spoliari: hastram dare: tendendi locum mutare: extra oppidum hibernare: cibum stantes capere: fossam fodere: discinctos destitui: hordeo vesci: sanguinem mittere: exauclorari: & alia id generis. Modest. Dig. lib. 49. de re milit. has numerat. Castigationem; multam pecuniariam; munerum interdictionem; militiæ mutationem; gradus deiectionem; missionem ignominiosam. Quæ singula sunt explicanda, & veterum testimonijs confirmanda.

Fraudatio stipendij fuit, cum propter ignominiam militi aut totum stipendium, aut pars subtrahebatur. Cui autem stipendium propter hanc causam negatum esset, Aere dirutus dicebatur. Nonius. Aere diruti appellabantur milites, quibus propter ignominiam stipendium, id est, merces menstrualis, aut annua quæ esset in nummis æreis, subtrahebatur: Varro de vita pop. Ro. Stipendium appellabatur, quod æs militi semestree, aut annuum dabat; cui datum non

fit propter ignominiam, ære dirutus esset. Festus. Dirutum ære militem dicebant antiqui, cui stipendium ignominia causa non erat datum; quod æs diruebatur in fiscum, non in militis sacculum. Idem alibi. Resignatum æs dicitur militi, cum ob delictum aliquod iussu Tribuni militum, ne stipendium ei datur, in tabulas refertur: Resignare enim antiqui proscribere interdum dicebant. Hæc Festus. Liuius lib. XL. Causa ignominia, uti semestres stipendium in eum annum esset ei legioni, decretum. Valerius libro II. Senatus legioni, neque stipendium anni procedere, neque æra dari voluit, quia Q. Petilium Consulem fortissime aduersus Ligures pugnatem occidere milites passi essent. Hac poena maxime infrequentes afficiebantur. Cicero lib. VI. in Verrè. Dij faciant, ut rei militaris mentionem facere audeat: aleatoris Placentini castra commemorabuntur, in quibus cum frequens fuisset, tamen ære dirutus est. Vnde illud Aufonij. Et quia sub Imperatore tum merui procedere, mihi inter frequentes stipendium iubebis: Sin aliter ære dirutum facies, ut cumulo carminis in fiscum redactus, redeant versus vnde venerunt.

De Præda item negata satis est illud Liuij libro tertio. Prædam omnem suo tantum militi dedit: consularem exercitum ipsumque Consulem increpans. Carebis, inquit, prædæ parte miles ex eo hoste, cui prope prædæ fuisti.

De Hasta danda meminit Festus. Censio
Hasta-

Hastaria dicitur, cum militi multa nomine ob delictum militare indicebatur, quod Hastas daret. Fortasse quia hoc signabatur illum omni armorum iure cedere: Hasta enim summa armorum & imperij fuit, quam etiam ob causam viri fortes ea donabantur, & captiui sub ea venibant, vt scribit idem Festus in Cælibari hasta,

Mutandi tentorij ratio fuit, auctore Polybio, cum extra vallum milites tendere cogebantur. De qua re etiam Liuius libro decimo. Cohortes quæ signa amiserant, extra vallum sine tentorijs destitutas inuenit. Frontinus libro quarto. Octacilius Crassus Conf. eos qui ab Hannibale sub iugum missi redierant, tendere extra vallum iussit, vt immuniti assuescerent periculis, & aduersus hostes audetiores fierent,

Tacitus lib. XIII. Quod grauiter Corbulo accepit, increpitumque Pactium & Præfectos, militesque tendere omnes extra vallum iussit, in eaque contumelia detenti, nec nisi precibus vniuersi exercitus exsoluti sunt. Similis huic est illa pœnâ, qua Cannensis cladis superstites milites affecti sunt, ne in oppidis hibernarent, neque hiberna propius vllam urbem decem millibus passuum ædificarent. Liuius lib. XXVI. initio,

Hordeum item pro tritico ignominie causa datum Polybius narrat. Addit Vegetius libr. I. cap. XIII. non ante ijs in tritico reddi solitam annonam, quam sub presentia Præfecti, Tribunorû, vel Principum, experimētis

datis ostendissent, se omnia quæ erant in militari arte compleſſe : quanquam Vegetius loquitur de ijs qui parum in exercitatione & prolusione armorum profeciſſent: ſed tamen alijs quoque de cauſis eadem pœna affectos milites veterum teſtimonia declarant. Liuius libr. vigefimoſeptimo. Cohortibus, quæ ſigna amiſerant hordeum dari iuſſit. Suetonius in Auguſt. capit. xxiv. Cohortes ſi quæ ceſſiſſent loco, decimatas hordeo paut. Frontinus. M. Antonius cum agger ab hoſtibus incenſus eſſet, ex ijs qui in opere fuerant, duarum cohortium milites decimauit, & in ſingulos ex his centuriones animaduertit; legatum cum ignominia dimiſit; reliquis ex legione hordeum dari iuſſit.

Cibum quoque pœnæ loco ſtantes capere iuſſos memoriæ proditum eſt. Liuius libro vigefimoquarto. Nomina eorum qui deſtata pugna memores ſeceſſionem paulò ante fecerunt, referri ad me iubebo: citatoſque ſingulos iureiurando adigam, niſi quibus morbus cauſa erit, non aliter quam ſtantes cibum potumque, quoad ſtipendia facient, capturos eſſe.

Cinctus etiam togæ vel tunicæ præcidebatur, diſcinctique deſtituebantur. Valerius libro 11. Piſo Conſul cum in Sicilia bellum aduerſus fugitiuos gereret, & Titius equitum Præfectus fugitiuorum multitudine hoſtium circumuectus arma his tradidiſſet: his Præfectum ignominia generibus affici iuſſit, eum toga laciſijs abſciſſis amiſtum, diſcinctaque

tunica

tunica indutum, nudis pedibus à mane, noctē
 vsque ad principia per omne tempus militiæ
 adesse: interdixit etiam ei conuietum homi-
 num vsumque balnearum. Linius lib. xxvii.
 Centuriones manipulorum, quorum signa a-
 missa fuerant, districtis gladijs discinctos de-
 stituit. Frontinus lib. iv. Silla cohortem &
 centuriones, quorum stationem hostis per-
 ruperat, galeatos & discinctos perstare in
 principijs iussit.

Addita quoque est huic ignominia inter-
 dum molestia laboris, vt, verbi causa, discin-
 cti fossam foderent, cespitem ferrent, fenum
 secarent. Plutarchus in Lucullo. Milites in-
 terioribus tunicis solutis, in conspectu exer-
 citus fossam pedum duodecim fodere ius-
 sit. Suetonius in August. cap. vigesimo quar-
 to. Centuriones, statione deserta, itidem vt
 manipulares capitali animaduersione punijt,
 pro cetero delictorum genere, varijs igno-
 minijs affecit, vt stare per totum diem iube-
 ret ante prætorium, interdum tunicatos di-
 scinctosque nonnumquam cum decempedis,
 ve etiam cespitem portantes. Frontinus lib.
 quarto. C. Curio Conf. seditiosam legionem
 inermem procedere, discinctamque in con-
 spectu armati exercitus stramenta coëgit se-
 care; postero autem die similiter fossam di-
 scinctos milites facere.

Sanguinis mittendi consuetudinem inde
 ortā puto, quod in subito pauore medici san-
 guinem mitti iubeant: vt ergo pauoris ac ti-
 miditatis ignauos milites arguerēt, sanguinē

mittebant. Postea vsus obtinuit, vt in quocunque delicto sanguis mitteretur. Frontinus libr. iv. M. Cato memoria prodidit in furto deprehensis inter commilitones dextris esse præcisas; aut si lenius animaduertere voluissent, in principijs sanguinem missum. Gellius libr. x. cap. viii opinatur id factum primum in militibus stupentis animi, atque à naturali habitu declinantis, v: non tam pœna quam medicina videretur: postea ob pleraque alia delicta idem factitatum per consuetudinem, quasi minus sani viderentur omnes qui delinquerent. Alij id factum putant, vt sanguinem quem cum gloria fundere pro patria noluissent, cum ignominia amitterent.

Muretus

libr. 13.

Var. c. 20

Gradus deiectio fuit; cum magistratu, vel honoris aliquo gradu ignominia causa quispiam deieciatur: quo pœnæ genere vsus est Cincinnatus Dictator in L. Minucium Cons. quem abdicato consulatu legatum ad exercitum manere iussit, vt refert Liuius libr. iiii.

Equites quoque gradu deijci dicuntur, cum ademptis equis in peditum ordinem rediguntur. Hinc Menander Dig. de re milit. Qui in pace deseruit, eques gradu pellendus est; pedes militiam mutat.

Militia autem mutatio fuit cū verbi gratia legionarij pedites ad leuem armaturam redigebantur, vel in aliarum legionum supplementa transcribebantur. Macer Dig. dere

de re milit. Desertorem qui à patre suo fuerat oblatuſ, in deterioſorem militiam D. Piuſ dari iuſſit. Modeſtinuſ Dig. de cuſtodia reorum vel capite punitur, vel in extremum gradum militiæ datur Liuiuſ libr. xxv. Nunc deterioſe condicione ſumus, quam apud patreſ noſtroſ fuerunt captiui: quippe illiſ arma tantum atque ordo militandi, locuſque in quo tenderent in caſtriſ, eſt mutatuſ: quæ tamen ſemel nauata Reip. opera, & vno ſelici prælio recuperarunt, Valeriuſ l. ii. C. Cotta P. Aureliuſ Pecuniolam ſanguine ſibi iunctu obſidioni Liparitanæ præfecerat, virgiſ cæſum militiæ munere inter pediteſ fungi coëgit, quod eiſ culpa agger incenſuſ & præne caſtra erant capta. Idem Valeriuſ. Piſo Conſ. turmaſ equitum qui arma fugitiuiſ tradidiſſent, ademptiſ equiſ, in funditorum alaſ tranſcripſit. Et alibi. Romani, inquit, cum magnuſ captiuorum cinium ſuorum numerum à Pyrrho Rege ultro miſſum recepiſſent; decreuerunt, vt ex iſ qui equo meruerant, pedituſ numero militarent; qui pediteſ fuerant, in funditorum auxilia tranſcriberentur. Marcellinuſ libr. xxiv. Reliquoſ ex ea cohorte equiteſ qui abiecte ſuſtinuerant impetuſ graſſatorum, ad peſtreſ compegit militiam, quæ oneroſior eſt dignitatibuſ imminutiſ Et libr. xxv. initio. Imperator ademptiſ ſignis haſtiſque diffracſiſ omneſ eoſ qui fugiſſe arguebantur, inter impedimenta & ſarcinaſ & captiuoſ agere iter impoſuit.

Similiſ huic videtur eſſe poena illa, cum

ipsius legionis nomen aboleretur; de qua Frontinus lib. iv. Nullis, inquit, precibus impetrari a C. Curione potuit, ne signa seditionis legionis submitteret, nomenque aboleret; milites autem in supplementum ceterarum legionum distribueret. Dio etiam libro lrv. scribit Agrippam ignominie causa edixisse, ne legio quæ Augusta dicebatur, eo nomine deinceps vteretur.

Munerum interdictio fuit, cum alicui aditus ad honores & magistratus militares præcludebatur. Quæ poena Cannensis cladis reliquæ milites affecti, quos Livius hac conditione scribit in milites fuisse receptos, dū nequiseorum, dono militari virtutis ergo donaretur.

*Dig. de
re mil.*

Missio ignominiosa teste Macro fuit, cum quis ob delictum Sacramento soluebatur. Duplex autem videtur fuisse, altera quæ proprio nomine Missio ignominiosa dicta est, altera Exauctoratio: quamquam hæc nomina plerumque apud scriptores confunduntur. Missio ignominiosa, ut ait Vlpianus, toties est, quoties is qui mittit, addit nominationem ignominie causa se mittere: de qua Hirtius de bel. Afric. Ob negligentiam, ignominie causa dimittendos ab exercitu, gravissimumque in eos edictum proponendum curavit.

*Dig. De
ijs qui no
tantur in
famia.*

Ritum ignominiosæ missionis ostendit ibidem Hirtius idem. Cæsar de suggestu, convocatis omnium legionum Tribunis Centurionibusque, C. Auiene, inquit, quod in Italia
populi

populi Romani milites contra Rempub. insigniti, rapinasque per municipia fecisti: ignominia causa ab exercitu meo te remoueo. Hæc ille: & recte quidem, quia, ut ait Vlpianus, semper addi causam oportet, cur miles cum ignominia dimittatur.

Exauctoratio fuit, eodem Vlpiano teste, cum detractis insignibus militaribus Imperator inter infames aliquem efficiebat; neque necesse fuit addere se ignominia causa exauctorare. Exauctorationis exemplum fortasse fuit, quod Marcellinus narrat lib. xxv. initio. Imperator ademptis signis hastisque diffractis, omnes eos qui fugisse arguebantur, inter impedimenta, & sarcinas, & captiuos agere iter imposuit.

Porro dimissi cum ignominia, neque E-meritorum præmia consequabantur; neque iterum in militiam recipiebantur, neque Romæ, aut alibi ubi Imperator esset, agere poterant, ut Menander, & Macer de re milit. Vlpianus. De ijs qui notantur infamia, tradidere.

De Animaduersione in hostes.

C A P. IX.

VICTORIA parva Romani, in hostes victiosiure belli animaduertere: qua tamen in re maxime clementiæ, & placabilitatis gloria cæteris gentibus præstiteret. Quare vere dixit Flavius Lucanus apud Liuium libr. vigesimo quinto. Nullam vnquam gentem

gentem magis exorabilem promptioremque
venia danda fuisse. Hinc L. Camillus in ora-
tione pro Latinis ad Senatum Roman. quam
refert Liuius libr. viii. vultis exemplo maio-
rum augere rem Romanam victos in ciuita-
tem accipiendos materia crescendi per sum-
mam suppeditat gloriam.

Animaduersionis autem in hostes varia ge-
nera fuisse: nam supremo supplicio affecti
sunt, missi sub iugum, sub corona venditi; im-
pensas belli præstare, stipendium & frumen-
tum conferre iussi, agro multati, vrbibus ac
libertate spoliati, vectigales facti. Quæ om-
nia veterum exemplis & auctoritate confir-
manda sunt.

Liuius libr. ii. Aurunci passim principes se-
curi percussis; sub corona venierunt alij colo-
ni oppidum dirutum; ager venijt. Idem. Vol-
scis indutiæ in annos quadraginta petenti-
bus datæ, frumento stipendioque imperato.
Idem. Actum est de pace, impetrataque foret,
si quod impensæ factum in bellum erat, præ-
stare Sabini (id enim postulatum erat) in ani-
mum induxissent. Et libr. v. Faliscis in stipen-
dium militum eius anni, pecunia imperata.

Primi sub iugū Aequi à Dictatore L. Quin-
ctio missi leguntur: qua de re cum alij fere o-
mnes tum Liuius libr. iii. Tribus, inquit, hastis
iugum sit, humi defixis duabus, superque eas
transuersa vna deligata: sub hoc iugo Dicta-
tor Aequos misit. Mittebantur autem sub iu-
gum hostes discincti ereptis omnibus armis
telisque vt scribit Festus.

*• Iugum,
et si sub
iugum.*

Sub co-

Sub corona venire hostes dicuntur auctore Festo, quia captiui coronati solent venire, ut ait Cato in libro de re milit. Ut populus suus sua opera potius ob rem bene gestam coronatus supplicatum eat, quam re male gesta coronatus veneat. Hæc Festus. Eadem Gellius lib. vii. ca. iv. qui tamen aliam addit causam, cur captiui sub corona vendi dicantur; quod videlicet milites custodiæ causâ, captiuorum venalium greges circumstarent; eaque circumstatio militum, corona appellata sit. Hastam quoque adhibitam idem Festus docet, ac sub ea captiuos venisse, quos Græci δορυαλώ-<sup>u. Cal-
bari ba-</sup>τους καὶ δορυκτῆτους vocant: nimirum quia ha-^{sta.}sta summa armorum & imperij est, quam ob causam viri fortes ea donantur.

Urbes hostium ad classicum euerfas incensasque esse docet Seruius ad lib. 2. Aeneid. qui in hanc sententiam accipit illud

Exoritur clamorq, virum, clangorq, tubarum.

Certe hoc modo Albam euerfam narrat Liuius.

Agro hostes vel vniuerso vel parte multabantur. Liuius lib. i. Subacti Veientes pacem petitiui oratores Romam mittunt: agri parte multaris in centum annos indutiæ data. Et lib. 2. Eietranis ex S. C. data pax: ager ademptus. Ibidem. Cum Hernicis foedus ictum; agri partes duæ ademptæ. Et lib. decimo. Frustrates tertia parte agri damnari.

Ager vero de hostibus captus aut venibat, & pecunia in ærarium redigebatur; aut publicus populi Rom. fiebat; aut colonis diuidebatur.

debatur. Liuius libro secundo de Auruncis; Oppidum dirutum; ager venijt. Et ibidem. Volscis Veliternus ager ademptus. Velitras Coloni, ab vrbe missi, & Colonia deducta.

De Pace ac Fœderum generibus.

C A P. X.

N. l. c. 25.

Bello confecto, sequitur Pax, quæ vel in perpetuum, vel in certum temporis spatium data est aut dierum, aut mensium, aut annorum illa sponsio, vel Fœdus, hæc Indutiæ appellantur. M. Varro in libro Humanarum, qui est de bello & pace, Indutias definit pacem castrensem paucorum dierum, vel belli ferias, quas tamen definitiones Gellius lepidas magis & iucundas, quam plenas aut probas esse arbitratur. Factum enim indutiarum eiusmodi esse ait, vt in diem certum non pugnetur, nihilque incommodi detur: sed ex eo die vti iam omnia belli iure agantur: atque hinc dictas Indutias, quasi inde vti iam. Aurelius autem Opilius in primo libro Musarum, indutias dicit esse, cum hostes inter se vtrunque vtroque, alteri ad alteros, impune & sine pugna incunt: inde factum nomen, quasi initum & introitum. Indutias Virgilius pacem sequestrem appellat, libro vndecimo. Donatus in Eunuch. sc. prima. Induciæ sunt pax, in paucos dies, vel quod in diem dentur, vel quod in dies otium præbeant.

Indu.

Indutijs igitur pax in certum temporis spatium dabatur, quare sæpe factum legimus, ut populus Roman. hostibus pacem perpetuam foedusq; petentibus indutias dederit. Liuius libro 1. Subacti Veientes pacem petitem oratores Romam mittunt: agri parte multatis in centum annos indutiæ datæ. Et libro 9. A Perusia, Cortona, & Aretio, quæ ferme capita Hetruriæ, populorum erant, legati pacem petentes, indutias in xxx. annos impetrarunt.

Tempore porro indutiarum, summa à bello quies fuit, atque etiam aliqua cum ijs, quibuscum pactæ erant, societatis species & imago: ut quæ eas violassent, ius gentium violasse existimarentur. Vnde illud est apud Liuium libr. 40. Omnes portas concionabundus ipse Imperator circumijt, & quibuscumque irritamentis poterat, iras militum acuebat, nunc fraudem hostium incusans, qui pace petita, indutijs datis, per ipsum indutiarum tempus, contra ius gentium ad castra oppugnanda venissent. Itaque à Cicerone iure vituperatur, is tamquam nimis callidus & malitiosus iuris interpret, *lib. 1. de offic.* qui cum triginta dierum essent cum hoste pactæ indutiæ, noctu populabatur agros; quod dierum essent pactæ, non noctium indutiæ.

Pax perpetua, uti superius diximus, foedere, vel sponsione dabatur. Sponsio neque populi iussu, neque Senatus auctoritate, sed arbitrio magistratum, & Imperatorum

ratorum fiebat, atque eorundem deditio-
 ne, per quos facta esset, infirmabatur. Sponsio-
 nis ritum, & quid à fœdere differret, docet pla-
 nissimè. Livi^{us} libr. 9. Consules profecti ad
 Pontium in colloquium, cum de fœdere vi-
 ctor cogitaret, negarūt iniussu populi fœdus
 fieri posse, nec sine ferialib. cōrimoniaq; alia
 sollemni. Itaque non vt vulgo credunt, Clau-
 diusq; etiam scribit, fœdere pax Caudina,
 sed per sponsionem facta est. quid enim aut
 sponsoribus in fœdere opus esset, aut obsidi-
 bus, vbi precatione res transigitur. Per quem
 populum fiat, quo minus legibus dictis ste-
 tur, vt eum ita Iuppiter feriat, quemadmodū
 à fetialibus porcus feriat? sponponderunt
 Consules, legati, quæstores, tribuni militum:
 nominaq; omnium, qui sponponderunt, ex-
 stant: vbi si ex fœdere acta res esset, præter-
 quam duorum fetialium non exstarent. Hæc
 Livi^{us}, qui deinceps pacem eam à populo
 Roman. Consulibus & ceteris, qui sponponde-
 rant, deditis, irritam esse iussu addit.

Quare illud ab Imperatoribus semper ob-
 seruatum vidimus, vt cum sponsione res trā-
 fingeretur, exciperent, si S. P. Q. R. censuisset.
 Itaque Princeps quidam Carthaginiensis a-
 pud Livi^{um} libro 21. ad Romanos legatos se-
 cum de fœderis ratione agentes ita verba fe-
 cit. Vos, quod C. Luctatius Cos. primo no-
 biscum fœdus icit, quia neque auctoritate
 Patrum, nec populi iussu icitum erat, nega-
 stis vos eo tenere: itaq; aliud de integro fœ-
 dus publico consilio icitum est. Cui mox ita
 respon-

respondet Romanus, Cum in Lutatij fœdere diserte additum esset, ita id ratum fore, si populus censuisset. hinc etiam apud eundem T. Quinctius Imper. Neque sine auctoritate Lib. 32. Senatus quidquam eorum ratum fore, quæ cum rege ipsi pepigissent. Quamquam autem Sponsio à fœdere diuersa sit: sæpe tamen euenit, vt quod Imper. iniussu populi, & sine auctoritate Senatus pepigerit, id etiam fœdus sit appellatum, sic Lutatij fœdus vocatum proxime ostendimus; tale etiam fuit Numantinum, quod auctoris deditioe dissolutum est.

Fœdus autem non ex Imperatoris arbitrio, sed iussu populi, aut Senatus auctoritate; neque per sponsores datis obsidibus, sed Livius lib. 9. per ferialem publicum populi Romani nuncium, sollempni precatione adhibita fiebat. Fœderû tria genera fuisse docetur apud Livium libro trigesimo quarto. Menippus Antiochi legatus vnum, cum bello victis dicerentur leges: vbi enim omnia ei qui armis plus posset, dedita essent, quæ ex ijs habere victos, quibus multari, eos velit, ipsius ius atque arbitrium esse. alterum, cum pares bello, æquo fœdere in pacem atque amicitiam venirent: tunc enim repeti reddique per conventionem res; & si quarum turbata bello possessio sit. Eas autem ex formula iuris antiqui, aut ex partis vtriusque commodo componi. tertium esse genus, cum qui hostes nunquam fuerint, ad amicitiam sociali fœdere

Dd

inter

inter se iungendam cœant: eos neque dicere, neque accipere leges; id enim victoris, & victi esse. Quibus verbis nihil profecto doceretur aliud, nisi fœdera alia alijs æquiora fuisse.

*lib. lxx.
scavo.*

Acquissimum fœdus dicebatur, cuius formula fuit, cum ab utraque parte cauebatur, & pari iure societas utrinque, & amicitia stabiliebatur. Quale illud fœdus fuit, quod cum Latinis, teste Dionysio, Romani hisce legibus fecerunt, ut inter Romanos, Latinosque populos omnes perpetua pax esset; neutri alteris bellum inferrent, aut aliunde hostes inducerent; bellum inferentibus infestum iter redderent; belloque laceratis opem totis viribus ferrent; prædamque ac spolia ex æquo diuiderent; de priuatis contractibus lites iudicio dirimeretur intra decem dies in foro eius populi, ubi contractus ille factus esset; condicionibus fœderis nihil adderetur detrahereturve, nisi ex consensu Romanorum & Latinorum populorum omnium. quo etiam in genere fœdera fuerunt, quæ populus Romanus cum Carthaginensi, antequam armis inter se decertarent, fecit, quorum meminit Polybius libro tertio.

Item illud Hannibalis cum Locrensis, de quo scribit Liuius libro vigesimo quarto initio. Locrensis, inquit, inssu Hannibalis data pax, ut liberi suis legibus viuerent, vrbs pariter & portus in potestate Locrensiu esset.

sent: societas eo iure staret, vt Pœnus Locrensem, Locrensis Pœnum bello ac pace iuaret.

Alterum fœderis genus minus æquum fuit, cui hæc verba erant adiuncta; Maiestatem populi Romani comiter conseruanto: quæ verba, vt ait Cicero pro Balbo, imperantis sunt, non precantis: cum enim alterius populi Maiestas conseruari iubetur, de altero siletur, certe ille populus in superiore conditione causâque ponitur, cuius Maiestas fœderis sanctione defenditur. Quod autem in hoc genere dixit Cicero, Comiter, id videtur dixisse Liuius, sine dolo malo, in exponendis condicionibus pacis Aetolis datæ. sic enim scribit. Imperium Maiestatemque populi Romani gens Aetolorum conseruato sine dolo malo. Et quamuis Liuius hoc fœdere bello pares in pacem atque amicitiam venisse dicat: id non sic est accipiendum, vt pares omnino esse debuerint, vix enim fieri solet, vt nisi clade aliqua accepta, pars altera ad petendas accipiendasque pacis condiciones induceretur: sed vt lib. 38. non penitis accisis alterius partis opibus pax & amicitia firmaretur. Itaque bello superiores victis pacis condiciones ferebant obsides, & tributum imperabant, agri parte multabant; suis legibus inagistratibusque vti permittebant. Ita Hieronymus teste Polybio, talentis centum pacem à Romanis impetrauit. Pisidæ etiam, legatis missis, pacti, quinquaginta talentis, & viginti

*Moage-
res tyran-
bus centū
talentis,
& x. mil-
libris me-
dimnum
frumen-
ti à C. Mā-
lio Cos.
pacem
mercatus
est. Liu-
lib. 38.*

millibus medimnū tritici, & xx. hordei pa-
cem à Consule impetrauerunt, vt scribit
Liuius libro trigesimo octauo. Carthani-
nienses item bello Punico secundo victos,
naues omnes, elephantos, perfugas, fugitiuos
que & captiuos omnes tradere, insuper tribu-
tum pendere quotannis iussos idem Liuius
scribit libr. 30. cum hoc tamen vt liberi legi-
bus eius viuerent: quas vrbes, quosque agros,
quibusque finibus ante bellum tenuissent, te-
nerent.

Tertium foederis genus iniquissimum de-
diticiorum fuit: de quo antequam dicam, ex-
plicandæ sunt carimonix, quibus hæc foede-
ra ferirentur.

De carimonijs siue ritu foederum.

C A P. XI.

lib. 1.

FOedera igitur alia alijs legibus, ceterum,
teste Liuiο, eodem modo omnia facta sunt.
Vbi enim petentibus hostibus Imper. pacem
dedisset, mox Romam ad Senatum mittebat,
vt eius auctoritate confirmaretur, quod si Se-
natus pacem probasset: ad populum fereba-
tur, vellent iuberetne pacem foedusque cum
ea gente esse: neque enim vt ostendimus sine
auctoritate Senatus, iussuque populi quid-
quam eorum ratum erat, quæ cum hostibus i-
psi duces pepigissent. Id vel vno Liuij testi-
monio libro 37. comprobatur. Post Rhodios,
inquit, Antiochi legati vocati sunt, ij obte-
stati sunt P. C. vt pacem datam à L. Scipione
impera-

imperatore, quibus legibus dedisset, confirmarent auctoritate sua. Et. Senatus eam pacem seruandam censuit; & paucos post dies populus iussit. Vt autem bellum comitijs censiuratis susceptum est, ita pax tributis comitijs iussa. idem Liuius libro vigesimo nono. Hæc conscripta consignataq; sunt, & in duos menses indutiæ factæ, donec Romam mitterentur legati, vt populus in has condiciones pacem iuberet. iusseruntq; omnes tribus, quia verso in Africam bello, omnibus alijs in præsentia leuari bellis volebant. li. 30. Inclinatorum omniū ad pacem animis, Cn. Lentulus Conf. cui classis prouincia erat, S. C. intercessit. Tū Man. Acilius & Q. Minucius tribuni pleb. ad populum tulerunt, vellent iuberentne Senatū decernere, vt cum Carthaginensibus pax fieret? Et quem eam pacem dare, quemq; ex Africa exercitus deportare iuberent? De pace. Vti rogas, omnes tribus iusserūt pacem dare P. Scipionem, eundem exercitus deportare. Et libro trigesimo tertio. Q. Marcius Rex & C. Atinius Labeo tribuni pleb. se intercessuros dixissent, ni prius ipsi ad plebem tulissent, vellent iuberentne cum rege Philippo pacem esse? Ea rogatio in Capitolio ad plebem lata est, omnes quinque & triginta tribus vti rogas iusserunt.

Vbi igitur ratam pacem populus fecisset, senatus x. legatos eligebat, quorum ex consilio Imperator res melius constitueret, legesque daret: de rerum autem summa vel Senatus ipse ante constituebat, vel liberam pote-

statem Imperatori permittebat. Cicer. libr. 13. epist. 6. ad Att. negat legatos esse potuisse Imperatori propinquitate coniunctos. Hoc etiam accepi non solitos maiores nostros legare in decem, qui essent imperatorum necessarii, vt nos ignari pulcherrimorum institutorum aut negligentes potius M. Lucullum & L. Murenam & ceteros ad Lucillum misimus. Liuius libro trigesimo. Ex hac rogatione Senatus decreuit, vt P. Scipio ex legatorum sententia pacem cum populo Carthaginiensi, quibus legibus ei videretur, faceret. Et lib. 33. Decem legati more maiorum, quorum ex consilio T. Quintius Imperat. leges pacis Philippo daret, decreti. Et libro trigesimo septimo. Quibus omnibus datum est responsum, decem legatos, more maiorum, Senatui missurum ad res Asiæ disceptandas, decem legatos hos decreuerunt, his quæ præsentis disceptationis essent, libera mandata: de summa rerum Senatus constituit. Et libr. 38. ita loquitur. Mâlijs, ex x. legatis, si dijs placet, quod consilium dispensandæ, cohonestandæque victoriæ Imperatoribus maiores dederunt nostri, aduersarios habeo. Et libro 45. Legatos deinde, quorum de sententia Impp. L. Paulus L. Anitius componerent res, decreuerunt, decem in Macedoniam, quinque in Illyricum.

Ceterum quâquam tales viri mitterentur, quorum de consilio separari possent Impp. nihil indignum, nec clementiâ, nec grauitate pop.

te pop. Roman. decreturos esse: tamen in Senatu quoq; agitata est summa consiliorum, ut inchoata omnia legati ab domo ferre ad Impp. possent.

Post pacem iussam, foedus feriebatur vel Romæ si legati populi illius adessent, vel in prouincia missis eo Fetialibus. Liuius libro trigesimo. Fetiales cum in Africam ad foedus ferendum ire iuberentur. Et libro trigesimo septimo. Senatus eam pacem seruandam censuit, & paucos post dies populus iussit. Foedus in Capitolio cum Antipatro principe legationis, & eodem fratris filio regis Antiochi est ictum. De tempore autem Plutarchi præceptum est in quæstionibus Roman. nullum foedus aut pactionem post meridiem fieri licuisse. quæst. 48

Foedus porro per Fetiales duos percuti solitum, videtur indicare Liuius libro nono, cum in foedere nullius nomen præterquam duorum Fetialium exstasse negat. Liuius libr. trigesimo octauo. Consul iurauit in hoc foedus: ab rege, qui exigerent iusurandum profecti Q. Minutius & L. Manlius. Ex his vnus Paterpatratus appellabatur, quod ad patrandum, id est, sancendum iusurandum diceretur.

His Fetialibus olim Rex, postea Cōsul Prætorve ex S. C. imperabat, ut foedus cum ea gente ferirent: illi vicissim magistratum saginæ aut verbenas, id est, herbas puras sacrasque poscebant, quibus coronati foedus ferirent.

iubenteque magistratu, herbae id genus de loco sacro Capitolij sumptum Fœtialibus dabatur: simul ex Iouis Feretrij templo lapides silices, quibus porcum ferirent, & Iouis sceptrum, per quod iurarent, secum ferebant.

*ibi Dexter-
tra sce-
ptrum nã
forte ge-
rebat. &
Iuppiter
hac stat.* Cur autem sceptrum in fœderibus adhiberetur, hanc causam tradit Seruius ad libr. xii. Virgilij, quod cum olim Iouis simulachrum adhiberetur, idque molestum esset, præcipue cum fœdera fiebant cum longe positis gentibus, institutum est, ut sceptrum tenentes, quasi imaginem simulachri redderent Iouis. Sceptrum enim Iouis est proprium, idque Paterpatratus, qui iusiurandum sanciebat, gestare solitus est. Ignem quoque & aquam ad facienda fœdera adhibita idem Seruius auctor est, eoque Virgilium respexisse, cum in fœdere Latini Regis & Aeneae dixit;

Fontemq; ignemq; ferebant

Atque hinc factum, ut quos vellent à suo arcere consortio, ijs aqua & igni interdicerent, id est, rebus, quibus consortia copulantur. Rebus igitur omnibus comparatis, Fœtiales Patrispatrati caput capillosque verbera tangens, fœdus peragit. Legibus deinde pacis fœderisque recitatis, precatione rem concludit, per quem populum fiat, quo minus legibus dictis stetur, ut eum ita Iuppiter feriat, quemadmodum ab ipso porcus feriatur: id ubi dixit, porcum saxo silice percutit, atque à feriendo porco fœderis nomen

ortum

ortum Festus tradit. v. Fœdus, Fœtialis, Porci. & Seruius libr. I.

Qui fœdere certo.

Et libr. 8.

Casa iungebant fœdera porca.

Hunc ritum fœderis feriendi describit Liuius libr. I. Fœdera, inquit, alia alijs legibus, cæterum eodem modo omnia sunt, tum ita factum accepimus: nec ullius vetustior fœderis memoria est. Fœtialis Regem Tullum ita rogauit: Iubes ne me, Rex cum Patre patrato populi Albani fœdus ferire? iubente rege, Sagmina, inquit, te, Rex, posco. Rex ait: Puram tollito. Fœtialis ex arce graminis herbam puram attulit: postea regem ita rogauit: Rex, facisne me tu regium nuncium populi Romani Quiritium? vasa, comitesq; meos? Rex respondit: Quod sine fraude mea, populiq; Romani Quiritium fiat, facio, Fœtialis erat M. Valerius is Patrem patratum Sp. Fusium fecit, verbena caput capillosq; tangens (Pater patratus ad iusiurandum patrandum, id est, sanciendum fit) fœdus, multisq; id verbis, quæ longo effata carmine non operæ est referre, peragit. Legibus deinde recitatis. Audi, inquit, Iuppiter, audi Pater patratus populi Albani, audi tu populus Albanus: ut illa palam prima postremaue ex illis tabulis ceraue recitata sunt sine dolo malo, utique ea hic hodie rectissime intellecta sunt; illis legibus populus Romanus prior nō deficiet.

Dd 5

Si prior

Si prior defecerit publico consilio, dolo malo, tum me Diespiter popul. Rom. sic ferito, ut ego hunc porcum feriam: tantoque magis ferito, quanto magis potes pollesque. Id ubi dixit, porcum saxo silice percussit. Hæc Livius libro primo. Idem libro nono. Quid enim aut sponsoribus in fœdere opus esset, aut obsidibus, ubi precatione res transigitur. Per quem populum fiat, quominus legibus dictis stetur, ut eum ita Iupiter feriat, quemadmodum à fetialibus porcus feriatur? & li 30. Fetiales cum in Africam ad fœdus feriendum ire iuberentur, ipsis postulantibus, S. C. in hæc verba factum est. Ut priuos lapides silices, priuasque verbenas secum ferrent: uti Prætor Romanus his imperaret, ut fœdus ferirent, illi Prætorem sagmina poscerent. Herbæ id genus ex arce sumptum dari fetialibus solet. Festus. Sagmina vocantur verbenæ, id est, herbæ puræ, quia ex loco sancto arcebantur à Consule, Prætorisq; legatis proficiscentibus ad fœdus faciendum, bellumque indicendum: vel à sanciendo, id est, confirmando. Idem. Feretrius Iuppiter dictus à ferendo, quod pacem ferre putaretur: ex cuius templo sumebant sceptrum, per quod iurarent, & lapidem silicem, quo fœdus ferirent.

Seruius ad libr. XII Virgilij. Verbenæ proprie est herba sacra, sumpta de loco sacro Capitolij, qua coronabantur Fetiales, & Paterpatratus fœdera facturi, vel bella indicturi, abusive tamen iam verbenas vocamus omnes fronde: sacratas, ut est laurus, oliua, & myr-

tus, Terentius. Ex ara hinc fume verbenas :
nam myrtum fuisse testatur Menander, de
quo transtulit Terentius. Donatus ibidem.
Acron ad Horatium, libro primo.

Morem autem feriendi porci in fœderibus
antiquissimum fuisse docet Varro libro se-
cundo, de re rustic. capit. quarto. Ab Suillo
genere pecoris immolandi initium primum
sumptum videtur : cuius vestigia, quod initijs
Cereris porci immolantur, & quod initijs pa-
cis fœdus cum feritur, porcus occiditur. Ad
eundem morem allusit Virgil. lib. VIII.

Et casu iungebant fœdera porca.

Ad quem locum Servius in hunc modũ scri-
bit : Fœdera dicta sunt à porca fœde & crude
liter occisa, cuius mors optabatur ei, qui à
pace resiliisset. falso autem ait Porca : nam ad
hoc genus sacrificij porcus adhibebatur, ergo
aut vsurpavit genus pro genere, vt Timidi
venient ad pocula damæ, cum has damas dica-
mus ; item supra lupam, cum artis sit hic &
hæc lupus : aut certe illud ostendit, quia in o-
mnibus sacris, feminei generis plus valêt vi-
ctimæ. denique si per marem litare non pos-
sent, succidanea dabatur fœmina : si autem
per fœminam non litassent, succidanea adhi-
beri non poterat. vide Quintil. lib. 8. cap. 3.
Suet. tamen in Claudio cap. 25. etiam porcā
adhibitam significat.

Hanc tamen porci feriendi rationē immu-
tatam docet Pol. l. 3. vt non porcus feriretur,
sed lapis abijceretur. is enim cum Pœnis hoc
modo ictũ fœd⁹ exponit. Fœtialis lapidē tenēs
ita ait :

cap. 25.

ita ait: Si sine dolo malo ago, Dij me fortunent: Si sciens fallo, ceteris omnibus saluis in suis ciuitatibus, legibus, laribus, delubris, sepulchris, solus ego concidam, vt hic lapis è manibus meis decadat, nec plura locutus, manu lapidem abijcit. Quare Suetonius scribit Imper. Claudium antiquum morem seruasse, vt cum regibus in foro foedus iiceret, caesa porca, ac veteri fetialium precatione adhibita. Posterioris tamen iusiurandi consuetudinis meminit in Silla Plutarchus: Festus etiam antiquam formulam adscribit. Lapidem, inquit, filicem tenebant iuraturi per Iouem hæc verba dicentes: Si sciens fallo, tū me Diespiter salua vrbe, arceq; bonis eijsiat, vti ego hunc lapidem. Meminit & Cicero ad Trebatium epistol. 12. Quomodo autem tibi placebit Iouem lapidem iurare, cum scias Iouem iratum esse nemini posse?

*ibi. Iupit.**hæc fiat.**Liuii li. 8.**iustiq.*

Dij foederum præfides multos fuisse tradit Seruius ad lib. XII. Liuius lib. XXX. Cum flecti misericordia parentes appareret, senatorum vñ infestum perfidiæ Carthaginensium, succlamasse ferunt: per quos Deos foedus icturi essent, cum eos, per quos ictum esset, fefellissent? Per eosdem, inquit, Asdrubal, qui tam infesti sunt foedera violantibus. Maxime autem Iupiter in foederibus colebatur, quem in solemni precatione innocabant: per cuius sceptrum iurabant: cuius denique fulmine foedera confirmari & sanciri putabant. Hinc Virgilius lib. 12.

Audiat hæc genitor, qui foedera a fulmine sancit.

Corusca.

Coruscatio enim si interuenisset, foedera confirmari scribit ibidē Seruius, Ianum quoque foederi interfuisse idem Seruius docet: itaque postquam Romulus & Tacitus in foedera conuenerunt, Iano simulachrū duplicis frontis effectum est, quasi ad imaginem duorum populorum: vnde etiam Latinus Rex in foedere Ianum, ceterosque deos inuocat.

Foedera autem in tabulis æreis, columnisue insculpta in Capitolio adseruabantur, ut ait Appianus in Syriaca. Liuius lib. II. Tantumque sua laude obstitit famę consulis Marcius, ut nisi foedus cum Latinis columna ænea insculptum monumēto esset ab Sp. Cassio vno, quia collega abfuerat, ictum Postumium, Cominium bellū gessisse cum Volscis memoria celsisset. Et libr. XXVI de foedere Aetolico. Hæc conuenerunt, conscriptaq; biennio post Olympiæ, Aetolis, in Capitolio ab Romanis, ut testata sacratissimis monumentis essent, sunt posita. Foedus verò inter Triumuiros initum Romam missum, ut in Vestæ templo custodiretur scribit Dio libro XLVIII. & Appianus libro V.

De hostium deditiōe.

C A P. XII.

Explicatis duobus foederum generibus, sequitur tertium eorum, qui bello victi, in victorum potestate ita veniebant, ut ea tantū hærent, quæ victoris arbitrium & voluntas reliquisset. Itaque inter omnes qui amicitia & societate iuncti erant cum Romanis, iniquis-

quissima conditione vñ sunt dediticij, adeo
 vt non in foedere, sed in ditione esse diceren-
 tur. hinc Liu. li. 8. Sidicinos cū nec vt Samni-
 tes in pace amicitia, nec vt Campani auxiliū
 in bello petissent, nec in fide pop. Rom. nec in
 ditione esse. & ibid. Campanos non foedere,
 sed per ditionem in fidem venisse. lib. enim 7.
 ita locuti erant Campani. Quandoquidem
 nostra tueri aduersus vim atque iniuriam ius-
 ta vi non vultis, vestra certe defendetis. Ita-
 que populum Campanum, urbemque Capuā,
 agros, delubra Deum, diuina humanaque o-
 mnia in vestram P. C. populiq; Rom. ditionē
 dedimus: quidqd deinde patiemur, dediticij
 vestri passuri. Et lib. 9. Teates quoque Apuli
 ad novos Coss. foedus petitem venerunt, pa-
 cis per omnem Apuleam præstandæ populo
 Rom. auctores id audacter spondendo impe-
 trauerunt, vt foedus daretur, neque vt æquo
 ramentum foedere, sed vt in ditione popul. Rom.
 essent. Et lib. 28. Mos vetustus erat Romanis,
 cum quo nec foedere, nec æquis legibus iun-
 gerentur amicitia, non prius imperio in eum
 tanquā pacatum vti, quam omnia diuina hu-
 manaque dedisset; obsides accepti, arma ad-
 emptæ, præsidia urbibus imposita foret. Scri-
 bit Appianus lib. 11. Milites in proelio cum se
 deditonem facere significare vellent, capita
 sub clypeos inclinasse. Ammian. lib. 22. Eum-
 que secuti complures iam gladios quatientes
 & pila, ad Imperatorem transeunt, cum vex-
 illis scuta peruersa gestantes: quod defectio-
 nis signum est apertissimum. Cum verò trans-
 fugam

fugam aliquam reciperet Imperator. hæc re-
ste Servio dicebat. Quisquis es, noster eris.
quo respexit Virgil. lib. 2. Aen.

*Quisquis es amissos hinc iam obliuiscere Graios:
Noster eris.*

Cæterum cum se recipi supplicabant, fer-
re solebant oliuæ ramum lana obuolutum,
Liuius libro vigesimoquarto. Ramos oleæ, ac
velamenta alia supplicum porrigentes ora-
re, vt reciperent sese. Et alibi. Oratores ad
Romanos cum infulis & velamentis miserunt.
Et lib. vigesimonono. Decem legati Locren-
sium obsiti squallore & sordibus, velamenta
supplicum ramos oleæ, vt Græcis mos est, por-
rigentes. lib. trigesimo. Velata infulis ramis.
que oleæ Carthaginiensium occurrit nauis,
&c. Tacitus libro tertio histor. Mox vela-
menta & infulas pro muris ostentans. Virgil.
libro octauo.

*Paciferaq; manu ramum prætendit oliuæ,
Cui me fortuna precari.*

Et victa compos voluit prætendere ramos.

Ad quem locum Seruius ait, id sumptum
ex certamine Neptuni & Palladis, cum enim
Pallas prolata oliua vicisset, propterea fa-
ctum, vt cum alicui ramus oliuæ offertur,
melior esse indicetur: Vittas autem idcirco
addi solere ramo, vt inertia & imbecillitas
offerentis ostendatur. oues enim ex quarum la-
na victæ sunt, alieno auxilio semper egent.

Porrò deditionis ritum ac formulam ex-
ponit Liuius libro 1. Deditos Collatinos ita
acci-

accipio, eamque deditionis formulam esse,
Rex interrogauit: Estisné vos legati orato-
resque missi à populo Collatino, vt vos popu-
lum Collatinum dederetis? sumus. Estné po-
pulus Collatinus in sua potestate? Est. Dedi-
tisné vos populū Collatinum, urbem, agros,
aquam, terminos, delubra, vtensilia, diuina,
humanaque omnia in meā populi que Roma-
ni ditionem? Dedimus. At ego recipio. Et li.
xxvi. L. Atilius tribu. pleb. ex auctoritate se-
natus plebem in hæc verba rogauit. Omnes
Campani, Attellani, Calatini, Sabatini, qui se
dediderunt in arbitrium ditionemque populi
Romani Fuluius proconsuli, quæque vna secum
dediderunt, agrum, urbemque, diuina, huma-
naque, vtensiliaque, siue quid aliud dedide-
runt: de his rebus quid fieri velitis, vos
rogo Quirites. Plebs sic iussit. Quod
Senatus maxima pars censeat,
qui adsidetis, id volu-
mus, iubemus-
que.

LIBER

LIBER SEPTI-
MVS.

Qui est de ijs, quę Ducibus victoribus
honoris causa decernerentur.

De Imperatoris nomine.

CAP. I.



Re bene gesta iustaque victoria *de Camilla*
parta, vt ait Zonaras, Dux statim *li trium-*
eo ipso in loco in quo hostes *pho. to. 2.*
profligarat, gaudio & impetu
victoris exercitus, Imperator sa-
lutabatur. Etenim nomen Impe-

ratoris à veteribus dupliciter vsurpatum est:
Vno modo pro quocumque exercitus duce,
qui suis auspicijs rem gereret, atq; imperium,
id est, ius belli gerendi haberet, quemadmo-
dum supra demonstratum est. Altero modo
accipitur Imperatoris nomen pro eo duce
præcipue, qui hostes prælio iusto vicisset;
quo nomine, vt diximus, militum studio &
acclamatione afficiebatur. Cicero lib. v. epi.
xx. ad Atticum. Magnum numerum hostium
cecidimus; castella munitissima cepimus, in-
cendimus; Imperatores appellati sumus. Ta-
citus lib. III. Annal. Tiberius id quoque Blæ-
so tribuit, vt Imperator à Legionibus saluta-
retur, prisco erga duces honore, qui bene ge-
sta repu. gaudio & impetu victoris exercitus
conclamabatur.

Ee

Atque

Atque hæc nomina sic fuere inter se comparata, ut numquam Imperatoris appellatio à militibus daretur, nisi ei, qui haberet Imperium, & suis auspicijs rem gessisset.

Quamvis enim Legati, aut Quæstores secundum prælium, absente exercitus Duce, confecissent; tamen non ipsi, sed Dux, cuius auspicijs pugnant, Imperator ab exercitu conclamabatur. Cicero in Pisonem. L. Flaccus, Q. Marcius, quorum tu Legatorum prælio Imperator appellatus eras, cum longe abfuisses. Varro de re rustica libro II. cap. IV.

Trebellius, cum esset Quæstor Licinio Neruæ Prætori, in Macedonia provincia relictus, qui præflet exercitui, dum Prætor rediret; prælio hostes ita fudit, ac fugauit, ut eo Nerua Prætor, Imperator appellatus sit. Hinc etiam cæsis à Germanico hostibus, tamen, ut ait Tacitus libro secundo Annal. Miles in loco prælij Tiberium Imperatorem saluauit. Dio etiam quinquagesimo primo scribit, victis à Crasso Dacis ac Bastarnis, eorumque Rege Deldone occiso: tamen non Crassum, sed Augustum, cuius auspicijs gesta res esset, Imperatorem appellatum.

*de Curio
ne.*

Hæc appellatio, ut scribit libro secundo Appianus, ducibus maxime fuit honorifica; quod ea acclamatione testari milites videbantur, suum ducem eo nomine indignum non esse, quo cæteri olim ducēs ob rem præclare in bello gestam ornari consueverant. Addit

Dio

Dio libro sexagesimo, non nisi semel de vno bello aliquem Imperatorem appellari licuisse: at verò ex diuersis bellis nomen Imperatoris sæpius reportatum, scribit idem Dio libro XLIII.

Hinc etiam in antiquis inscriptionibus legitur IMPER. V. IMPER. X. &cet. Significatur enim ea re, quoties ille, victoria parta, Imperator appellatus sit. Atque ipsi etiam Cæsares, licet Imperatores vsurparentur (quo nomine summa rerum potestas declaratur) tamen cum noua aliqua victoria esset nunciata, veteri more Imperatores appellabantur. Augustum certe rerum dominum vices Imperatorem conclamatum, vna cum Dione testatur vetus inscrip- lib. 52. tio.

Imp. Caesar D. F. August. Pont. Max. Cos.

X I I I I. Imp. X X. Trib. pot. X X X V I I.

P. P.

Augustus enim ceterique deinceps Principes, vt imperij auspicia, sic honorem omnem rerum à ceteris ducibus gestarum sibi reseruarunt: quare ex aliorum secundis proelijs ipsi Imperatores salutabantur. Illud autem in huiusmodi inscriptionibus animaduertendum est, Imperatoris nomen, cum est Principis, præponi, hoc modo Imper. Cæsar Aug. quamobrem Suetonius nomen Imperatoris, Prænomen vocat; Tiberius, inquit, prænomen Imperatoris recusauit. Cû verò Impe

Ec 2 ratoris

ratoris nomen, est victoris ducis, sequitur, hoc modo, C. Cæsar Imperator.

Neque tamen ex quacumque victoria nomen Imperatoris duci delatum est : certum enim hostium numerum esse oportuit, quo cæso, Imperatoris appellaretur. Sed ea consuetudine paulatim deprauata, multi, ut ait *Phil. 14.* Cicero, paucis hostium cæsis, Imperatoris tamen nomen consequebantur.

Quis autem cæsorum hostium numerus obtinendo Imperatoris nomini sufficeret, incertum est. Appianus libro secundo, obseruatum esse priscis temporibus tradit, ut non nisi magnis rebus gestis, nomen Imperatoris acclamaretur : at verò sua ætate, decem millibus hostium vno prælio cæsis, acclamatum esse. Cicero autem, si mille duodecim milia hostium cæsa essent, satis fuisse videtur significare, ut Imperator quis appellaretur : Sic enim ait Philippica xiv. An si quis Hispanorum, aut Gallorum, aut Thracum, mille aut duo millia occidisset, non eum hac consuetudine quæ increbuit, Imperatorem appellaret Senatus.

Ego autem sic existimo ad Imperatoris nomen obtinendum, non eundem ex omnibus hostibus cæsorum numerum, lege fuisse decretum ; sed in ea re hostium generis, virtutisque habitam fuisse rationem : Neque enim puto Ciceronem de omnibus hostibus vniuersæ, sed de certo hostium genere locutum esse, neque enim hostium simpliciter ; sed Gallorum, aut Hispanorum, aut Thracum,
(quæ

(quæ nationes bellicosissimæ habebantur) mille aut duobus millibus cæsis, Imperatores à Senatu appellatos dixit.

Qui enim, verbi causa, cum bellicosus hostibus rem gereret, huic minorem cæsum numerum ad Imperatoris nomen consequendum suffecisse verisimile est: qui autem cum imbelli aliqua natione bellum faceret, ei pluribus fortasse cæsum millibus opus fuit, ut Imperator conclamaretur.

Nam Dio libro trigesimo septimo cæsis à C. Antonio Cos. millibus hostium tribus, tamen eum numerum minorem esse dicit, quam ut ex eo nomen Imperatoris legitime referri posset. Neque tamen tantam cæsum multitudinem, quantam scribit Appianus, postulata credo: sed quinque hostium millium cæde, aut non multo secus, Imperatoris appellatione constitisse, mihi admodum credibile fit. Ut qui numerus ad triumphum impetrandum, Valerio & Orosio auctoribus, *Val. li. 2. cap. 3. Oros. l. 5. cap. 4.* requireretur; idem etiam obtinendo Imperatoris nomini satis esset.

Quoquo autem modo se res habeat, illud constat, non nisi certo hostium numero cæso, Imperatoris nomen fuisse conclamatum. Itaque Cicero ad Cælium scribens, libro secundo, epistola nona, dicit se iusta victoria Imperatorem appellatum apud Isum. Hinc illud Cælij ad Ciceronem libro VIII. epist. XI. Sed cum de hostibus ageretur, & posset rem impedire, si, ut numeraretur, postularet, tacuit.

Hunc igitur primum quasi honoris gradum Duces adepti, Licetorum fascēs lauro laticiae causa, ornabant, ut ait Zonaras. Et Dio libro quadragesimo primo. Pompeius ea victoria nomen Imperatoris accepit: quam neque orationem ullam inflatam habuit, neque laurum fascibus addidit. Tacitus libro XIII. Nero quo componeret diuersos, sic euulgari iussit, obres à Quadrato & Corbulone gestas, laurum fascibus Imperatorijs addi.

Inde publicas de victoria litteras ipsi Duces ad S. P. Q. R. mittebant, ut Imperatoris nomen studijs militariibus partum, Senatus auctoritate confirmaretur: nec quemquam nisi ante de rebus à se gestis publice ad Senatum litteras dedisset, de triumpho postea in vrbe egisse scribit Dio libro quinquagesimo quarto.

Hinc Cicero in Pisonem. Torquatus magnis rebus gestis me referente absens Imperator est appellatus. Et Dio libro quadragesimo sexto. Cæsar, Hirtius, & Pansa à militibus & Senatu Imperatores nominati sunt. Idem quoque Dio lib. quinquagesimo quarto narrat Augustum obstitisse, ne Imperatoris nomen, quod Drusus & Tiberius apud exercitum militari fuerant acclamatione consecuti: Romæ ab Senatu confirmaretur. Zonaras tamen, impetrato triumpho, nomen Imperatoris confirmatum scribit: quamquam id potest intelligi de imperio, quod ingredi-

enti-

entibus urbem triumphantibus dabatur, ut infra dicetur.

Ex eodem Dione scribit in Hadriano Xiphilinus, Imperatores in litteris, quas ad Senatum scriberent, illo solemnii initio usus. Si vos, liberi quæ vestri valetis, bene est: ego quidem, & exercitus valemus. quo tamen principio Hadrianum abstinuisse narrat, cum illi victoria multorum militum cæde constisset.

Hiscæ litteris, quæ bene gestæ rei nunciæ erant, lauri ramum addi mos fuit: ex quo litteræ Laureatæ dictæ sunt. Plinius libro xv. cap. xxx. Laurus Romanis præcipue lætitiæ victoriarum quæ nuncia additur litteris. Cicero in Pisonem. Appellatus est hic illius Prouinciæ Imperator: ne tum quidem tabulas Romam cum Laureâ mittere audebas? Liuus libro quinto. Tristem ab Tusculo nuncium, nequidquam exterrita ciuitate, litteræ à Postumio Laureatæ sequuntur; victoriam populi Romani, Aequorum exercitum deletum. Cicero has litteras Victrices appellat in epist. i. lib. v. ad Atticum, quod victoriæ nunciæ essent.

Neque solum ipsæ litteræ, sed etiam hastarum cuspides, quas tabellarij gestabant, lauro coronabantur, ut procul latarum rerum nunciij esse cognoscerentur, ut scribit in Pompeio Plutarchus. Quod si naui nuncius veheretur, naui ipsa lauro similiter ornabatur, quemadmodum narrat in Mithridatico Appianus.

Suetonius in Iulio capit. LVI. auctor est, Duces olim mittere solitos fuisse literas ad Senatum transuersa charta; primumque C. Cæsarem eas ad formam memorialis libelli conuertisse.

Has litteras Consul siue Prætor in Senatu primum, deinde ex eiusdem Senatus auctoritate ad populum recitabat. Suetonius in Caligula cap. XLIV. Quasi vniuersa tradita insula, magnificas Romam literas misit; monitis sæpe latoribus, vt vehiculo ad forum vsque & curiam pertenderent: nec nisi in æde Martis, ac frequenti Senatu, Consulibus traderent. Livius libro trigesimo secundo. Litteræ Consulum Romam allatæ: M. Sergius Prætor urbis in Senatu eas, deinde ex auctoritate Patrum ad populum recitauit.

Solebant quoque Reges, & amicæ ciuitates victoriam gratulantes ad Imperatorem, legationis atque etiam honoris causa coronas aureas, aurumque in triumphum mittere, quod Coronarium vocabant. Dio libro quadragesimo secundo, & libro quadragesimo octauo, de Cn. Domitio Caluino. Aurum quod in triumphum conferri ab urbibus solet, à solis Hispaniæ ciuitatibus accepit. Hirtius de bello Alexandrino. Si fecisset, iam tunc sibi remitteret munera & dona, quæ bene rebus gestis Imperatores ab amicis accipere consueissent: miserat enim Pharnaces coronam auream, &c. Seruius interpretans illud ex libro octauo. Dona recognoscit

gnoscit populorum Aurum, inquit, Coronarium dicit; quod hodieque à victis gentibus datur: imponebant autem hoc Imperatores ob concessam vitam.

Festus, & Gellius lib. v. cap. vi. coronas quæ à ciuitatibus conferrentur, è lauro olim fuisse scribunt, postea vero ex auro fieri cœptas, dictumque aurum Coronarium. Cicero in Pisonem, interdictum dicit fuisse lege Iulia, ne Imperatoribus aurum Coronarium à ciuitatibus decerneretur; neque ipsi Imperatores acciperent, nisi decreto iam triumpho.

De Supplicatione. C A P. II.

CVM Imperatoris nomine Senatus etiam Supplicationis honorem Imperatori victori decernebat: in qua impetranda maxime studium, & ambitio ipsorum Ducum versabatur; non ideo, solum quod præclarum esset, ipsorum nomine Deorum templa aperiri, summoque populi concursu & gratulatione Dijs ob victoriam gratias agi; sed etiam quod supplicationem fere sequebatur Triumphus, quo nihil apud Romanos honorificentius fuit.

Cicero ad Atticum libr. vii. epist. i. Tu autem de Triumpho cogitabis, quem video nisi Reipubl. tempora impediunt *ἐν πρόπαισι*: iudico autem cum ex literis amicorum, cum ex supplicatione. Hinc eiusdem Ciceronis in epistolis ad Catonem de supplicatione obtinenda sollicita & anxia cogitatio. Quare ipsa Supplicatio à Catone Triumphii prærogatiua nominatur; quod cui decreta esset, præiu-

l. 15. fam.

ibid. in epistol. ad Ciceronem.

dicium quoddam factum videretur, eundem etiam Triumphum consecuturum. Liuius li. xxvi. Cum multis verbis actum esset, vtrum minus conueniret, cuius nomine absentis, ob res prospere eius ductu gestas, supplicatio decreta foret, & Dijs immortalibus habitus honos; ei præsentì negare Triumphum. Et li. xxxi. Non homines tantum ea victoria lætatos, sed Dijs quoq; immortalibus per triduum supplicationes habitas, quod bene ac feliciter, non quod male ac temere Respub. à L. Furio Prætore gesta esset.

Dicebatur autem Supplicatio, cum populus Romanus vniuersus ad omnia Deorum templa cæsis victimis, de victoria parta gratulabatur: eamq; supplicationem Magistratus aliquis pro concione edicebat. Singula veterum testimonijs confirmemus. Liuius li. xxvii. in extremo Senatus, quod M. Liuius & C. Claudius Coss. incolumi exercitu ducem hostium legionesq; occidissent, supplicationem in triduum decreuit: eam supplicationem C. Hostilius Prætor pro concione edixit, celebrataq; à viris feminisq;ue, omniaq;ue templa per totum triduum æqualem turbam habuere. Et lib. xxxvi. Supplicatio eius victoriæ causâ, decreta ab Senatu, victimæq; maiores cæfæ. Et libro xxxvii. Supplicatio in triduum decreta est, & xl. maiores hostiæ immolata. Cicero Philippica xiv. disputans de supplicatione quæ ob cæsum Antonij exercitum, Hirtij Pansæq;ue nomine decernebatur: supplicationem, inquit, decernitis, hostem

stem non appellatis: gratæ vero nostræ Dijs immortalibus supplicationes, gratæ victimæ, cum interfecta sit ciuium multitudo.

Videtur autem populus Rom. coronatus, atq; in veste candida supplicasse: Cato enim in libro de re militari, vt citat Festus; Vt populus, suus sua opera potius ob rem bene gestam coronatus supplicatum eat; quam re male gesta coronatus veneat. De veste candida significat Liuius lib. XLV. loquens de Perseo victo nunciato; Nam cum, inquit, primo in veste candida visi essent, quod & gratulantes decebat, &c.

*u. Sub co-
rona ve-
nire.*

Supplicationum diebus nihil agere cum populo licuit, quod Cicero docet epist. v. l. 2. ad Q. Fratrem. Consul, inquit, est egregius Lentulus; dies Comitiales exemit omnes: nam & iam Latinæ instaurantur, nec tamen supplicationes decrant; sic legibus perniciosissimis resistitur. Et Cælius lib. viii. epist. xi. Curio tui cupidissimus, cui omnibus rationibus Comitiales eripiebantur; negabat se vlllo modo pati posse decerni supplicationes.

A principio vnum diem supplicatum verisimile videtur. Liuius enim li. iii. Gemina, inquit, victoria duobus bifariâ prælijs parata, maligne Senatus in vnum diem, Consulum nomine supplicationes decreuit: populus iniustus, altero die frequens ijt supplicatum: & hæc vaga popularisq; supplicatio studijs prope celebratior fuit. Postea numerus dierum paullatim ambitione auctus. Ante Camilli victoriâ de Veijs, nemini quatuor dierum supplica-

Supplicatio decreta est, teste Liuius lib. v. Aliquot post annis L. Papirio, Sp. Caruilio Coss. quia Samnites vicissent, item quatruidi supplicatione publicum gaudium celebratum fuisse idem Liuius narrat lib. x. Additum deinde supplicationibus diem ex eodem Liuius cognoscitur, qui l. xxx. ita scribit. Decretum, ut quinque dies circa omnia puluinaria supplicaretur. Atque ea deinceps ordinaria videtur fuisse supplicatio, quæ Consulibus decerneretur. Liuius lib. xxxiii. Ob res prospere gestas in quinque dies supplicationes decreta. Et lib. xlv. Senatus supplicationes ob rem egregie gestam ab L. Aemilio Cos. in quinque dies circa omnia puluinaria decreuit, hostijsque maioribus sacrificari iussit.

Extra ordinē Cn. Pompeio duplicata supplicatio est, confecto bello Mithridatico, ut esset dierum decem: idque se referente factum dicit Cicero in oratione de Prouincijs Consularibus. Quamquam in ea oratione modo decem, modo duodecim legitur: magis tamen probatur decem, ut Consularis supplicatio duplicetur, quam dierum quinque fuisse ostendimus. Cæsari vero ob res in Gallia gestas, primum quindecim; deinde alijs rebus gestis, viginti dierum supplicatio decreta est: quod præter eandem orationem, ostendit ipse Cæsar lib. 2. & 4. belli Gallici. Ita ut tot dierum accessio facta sit in supplicatione Cæsaris, quot dierum facta fuerat in supplicatione Pompeij, quinis utrique extra ordinem, honoris causa concessis.

Verum

Verum ut hæc tandem disputatio concludatur; cū Neroni & Salinatori in multo maiore quam Papirij Caruilijque victoria, nempe ob Asdrubalem, Annibalis fratrem cum exercitu cæsum, triumphum duntaxat dierum decretam supplicationem narrat Linius: probabile est in supplicatione numerum dierum pro Senatus voluntate vel auctum vel imminutum. Vni M. Tullio, oppressa Catilinæ coniuratione, Senatus rogato supplicationem decreuit, non ut multis Republ. bene gesta, sed ut nemini Rep. conseruata: qua de re ipse sæpe gloriatur.

li. 27. ex
tremo.

3 Catil. in
Pis. Dio
libr. 27.
Quintil. l.
2. 66. 16.

Porro cum de supplicatione agebatur, Senatores deesse non solebant, non quidem pignoribus coacti, sed eorum, quorum de honore agebatur, gratia adducti, ut docet Cicero Philippica prima. Quod si quis etiam scribendo S. C. affuisset, is vero maximum in eum, cuius de honore agebatur, amorem præse tulisse videbatur. Itaque Cicero in epist. ad Catonem. Res, inquit, ipsa declarat tibi illum honorem nostrum supplicationis fuisse iucundum, quod scribendo affuisti; hæc enim Senatus consulta, non ignoro ab amicissimis eius, cuius de honore agitur, scribi solere.

l. 15. fam.

Præterea in supplicatione decernenda rogari singulorum sententias mos fuit, quod ostendit Cælius epistol. xi. Quare Cicero illud quasi contra legem factum queritur. Philip. iii. S. C. de supplicatione per discessionem fecit, cum id factum esset antea nunquam. Formula autem, qua in supplicatione decernenda Sena-

da Senatus utebatur, fuit. Quod bene ac feliciter Rempubl. administrasset, ut ait Liuius libr. xxxviii. in oratione Cn. Manlij Procos. & alibi.

De aduentu Imperatoris ad urbem & Triumpho postulatione.

CAPVT III.

Imperatores grauissimis militum Senatus-
que iudicijs ornat, suas mox ipsi de victoria literas cum exercitu sequebantur. Quibus ad urbem aduentantibus omnis ciuium multitudo gratulabunda obuiam effundebatur, per ordines ætatum distincta, ut primo iuuenes, deinde ceteri, postremo Senatus omnis procederet, quemadmodum scribunt Appianus in Mithridatico de Pompeij Triumpho. Valerius li. ix. ca. iii. de Iuuenibus. Liuius li. v. Ac si maior in vrbe Magistratus esset, ab eo Imperatoribus Senatus extra urbem dabatur: sin minus, ipsi Imperatores præmissis edicto Senatum extra urbem in certum diem euocabant. Liuius li. iii. Consules ex composito, eodem biduo ad urbem accessere, Senatumque in Martium campum euocauere. Et lib. xxvi. M. Marcellus ex Sicilia cum ad urbem venisset, à C. Calpurnio Prætoris Senatus ei ad ædem Bellonæ datus est. Et li. xxviii. Forte euenit, ut eodem die ambo Consules Prænestem venirent: inde præmissis edicto, ut triduo post frequens Senatus ad ædem Bellonæ adesset, omni multitudine obuiam effusa prodire.

Dabatur autem Senatus extra urbem, quoniam
niam

niam Imperatores cum imperio erant, & cū eodem imperio Triumphabant; statim autem vt urbem ingrediebantur, imperium amittebant, vt in Cæsaris ac Pompeij vitis Plutarchus narrat. Hinc Seneca libr. v. de Beneficijs cap. xv. Qui ne Triumphaturi quidem intrare urbem iussu Senatus deberetis, quibusque exercitū victorem reducentibus curia extra muros præberetur. &c. Liuius li. xxvi. Q. Fuluius Procos. profectum cum exercitu à Capua affertur; cui ne minueretur imperium, si in urbem venisset, decrenit Senatus, vt Q. Fuluius par cum Consulibus imperium esset. Vlpianus l. vlt. de officio Procos. Proconsul, inquit, portam Romæ ingressus deponit imperium. Tradit insuper Appianus lib. 2. non licuisse ad Triumphum redire ei, qui semel urbem inisset. Quare Dio li. LIII. extremo scribit Augusto perpetuum consulare imperium decretum; sic vt illud neque urbem ingressus amittere, neque ad renouandum egredi vrbe necesse haberet. Quod ideo dicit Dio, quia id interdum gratiæ aliquorum datum est, vt cum ante Triumphum ingressi urbem, imperium amisissent, iterum ad sumendum, vel, vt ait Dio, ad renouandum imperium vrbe egrederentur. Tacitus lib. III. Annal. Drusus vrbe egressus, repetendis auspicijs, mox ouans introijt.

Hoc autem tempore quo Duces cum imperio extra urbem erant, Ad urbem esse dicebantur, vt ait Asconius in Verrinas Cicero-
nis. Dabatur autem Senatus extra urbem fere
in xde

in æde Bellonæ aut Apollinis, quæ auctore Asconio oratione in toga candida, extra portam Carmentalem fuit, inter forum Olitorium & circum Flaminium. Augustus tamen exstructa æde Marti vltori, quam bello Philippenfi vouerat, sanxit, vt de bellis ac Triumphis, in ea deinceps confuleretur, vt est auctor in vita Suetonius cap. xxix. In ijs igitur templis Imperatores, ea quæ iam ante literis publice scripserant, corâ exponebant, quot hostium millia cæsa, quæ præda ex hostibus capta, quæ Prouinciæ ad imperium populi Romani adiunctæ, atque pro ijs rebus gestis Triumphum postulabant. Eo die quo Imperatori dabatur Senatus, nullus Senator deesse solebat: quemadmodum ait Cicer. Philip. i. Velleius libro priore: de L. Paulo. Is cū in concione extra urbem, more maiorum, ante Triumphi diem ordinem actorum suorum commemoraret. Liuius li. xxxviii. Cn. Manlius Procos. Romam venit, cui cum ab Ser. Sulpicio Prætore Senatus ad ædem Bellonæ datus esset; & ipse commemoratis rebus ab se gestis postulasset, vt obeas Dijs immortalibus honos haberetur, sibi quæ Triumphanti urbem inuehi liceret. Et li. xxxix. M. Fuluius Procos. ex Aetolia redijt: is quæ ad ædem Apollinis in Senatu, cum de rebus in Aetolia gestis differuisset, petijt à Patribus, vt æquum censerent, ob Rempubl. bene ac feliciter gestam, & Dijs immortalibus honorem haberi iubere, & sibi Triumphum decernere.

Dies porro lege constitutus, quo die oportebat

rebat Imperatores de rebus ab se gestis differere, videtur summus fuisse decimus: sic enim scribit Cicero epist. 2. li. iii. ad Q. Fr. Cum Gabinius quacumque veniebat, Triumphum se postulare dixisset, subitoq; bonus Imperator noctu urbem hostium plane inuasisset, in Senatum se non committebat. interim ipso decimo die, quo ipsum oportebat hostium numerum & militū renuciare, in re hæsit summa in frequentia. Hunc tamen diem, Triumphi cupiditate Imperat. sæpissime prætulerunt, ut ex Livio constat.

De Triumphi nomine & Inuentore.

C A P. I V.

Triumphus in vrbe Roma honorum maximus fuit, quem is qui suis auspicijs, populi Rom. hostes, signis collatis prælio devicisset, Prouinciāq; Imperio pop. Rom. adiunxisset, cum exercitu rediens, Senatus primum iudicio, deinde populi iussu consequebatur. Nominatum Triumphum Varro & Plutarchus scribunt à *θριάμβω* Græco Liberi patris cognomento, quod milites inter pompā usurpabant, dum Imperatori per urbem in Capitolium adscendenti, festis vocibus acclamarent *Io Triumphe*, *Io. Zonaras* autem dum Triumphum Diocletiani describit, item Nicædri Scholiastes & Suidas Triumphi nomen deductum putant ἀπὸ τῶν *θρίων*, id est, ficibus; quod ante inuentum personarum vsum, vulgo homines eius arboris frondibus coniecti, scenica procacitate dicta in obuios

*Varro li.
5. de ling.
lat. plutarch in
Marcello.*

conijcerent: quam dictorum licentiam cum milites in pompa imitarentur, ex eo Triumphum nomen ortum esse volunt. Suetonius vero, ut citat Isidorus libr. xviii. cap. 2. dictum existimavit Triumphum, quod is qui Triumpharet, triplici iudicio cohonestaretur, exercitus, Senatus, & populi. Alij, ut eodem loco ait Zonaras, quod Triumphus tribus ordinibus Senatus, populi, militumq; constaret: tot enim ordines Triumphantem sequebantur.

Primus ex externis nationibus Bacchus devicta India Triumphavit, ut ait Plinius libr. vii. cap. Lvi. Ex Romanis vero Romulus, Acronem Caninensem Rege interfecto, si Dionysio, Messale, & Plutarcho credimus: nam Florus & Eurypius, Tarquinium Priscum Triumphum auctorem faciunt. Qui scriptores inter se dissidentes, ita ex Plutarchi sententia videntur conciliari posse, ut Romulus quidem Triumphandi morem Romanis ostenderit; Priscus vero ornauerit atque auxerit.

Triumphorum porro duo genera fuere, unus maior, qui precipue Triumphus; minor alter, quæ Ouatio nominata est. Ex his autem alij terrestres, alij nauales; item alij in vire, alij in monte Albano acti sunt. De quibus omnibus singillatim ordine dicemus.

Quibus de causis concederetur vel negaretur Triumphus.

C A P V T V.

QVoniam autem Triumphus, uti diximus, honorum omnium qui suffragio aut studio ci-

dio ciuium deferrentur, maximus semper est
 habitus, ne vnquam Triumphantium indi-
 gnitate obso leiceret, leges multæ latæ sunt,
 quibus triumphi splendor ac dignitas custo-
 diretur. Quarum illa antiquissima fuit, quæ
 numquam seruata non est, vt qui triumphum
 ducturi essent, sua in Prouincia suisque au-
 spicijs rem gessissent. Liuius libro xxviii. de
 Nerone & Salinatore. Inter ipsos, ne cum
 bellum communi animo gessissent, Trium-
 phum separarent, ita conuenit: quoniam in
 Prouincia M. Liuij res gesta esset, & eo die quo
 pugnatum foret, eius forte auspicijs fuis-
 set; exercitus Liuianus deductus Romam ve-
 nisset, Neronis de prouincia deduci non po-
 tuisset; vt M. Liuium quadrigis urbem ineun-
 tem milites sequerentur; C. Claudius equo si-
 ne militibus inueheretur. Et lib. xxxiv. de M.
 Eluio; Causa triumphi negandi Senatui fuit,
 quod alieno auspicio, & in aliena prouincia
 pugnasset. Velleius libro secundo de Lepido,
 qui Tiberij Cæsaris auspicio res gesserat; Ob
 ea, inquit, quæ si proprijs gessisset auspicijs,
 triumphare debuerat, ornamentis triumphali-
 bus, consentiente cum iudicio Principum,
 voluntate Senatus, donatus est. Itaque Dio li.
 xliii. id contra consuetudinem Fabio Pedio-
 que Legatis à Cæsare concessum scribit, vt
 cum suis auspicijs nihil gessissent, nihilomi-
 nus tamen triumpharent.

Altera lex fuit, vt pro aucto imperio, non
 pro recuperatis quæ populi Roman. fuissent,
 Triumphus decerneretur. Quam ob causam

neque P. Scipioni ob Hispanias recuperatas, neque Q. Fulvio qui Capuam, neque L. Opimio qui Fregellas receperunt, permisit Senatus ut triumpharent, quemadmodum Valerius lib. 2. Marcellinus libr. xxv. scribunt. Eadem fuit condicio eorum, qui ad res gerendas sine magistratu missi essent, ut quamuis res Triumpho dignas gessissent, Triumphare tamen lege vetarentur. Atque ob hanc vnam causam neq; Scipioni neq; Marcello Triumphum decretum scribit Valerius lib. 2. Ac de Scipione quidem ita scribit Liuius li. xxviii. Ob has res gestas magis tentata est Triumphus, quam petita pertinaciter; quia nemiñe ad eam diem Triumphasse, qui sine magistratu res gessisset, constabat. Et libr. xxxi. de L. Lentulo Hispaniæ Procos. Res Triumpho dignas esse censebat Senatus, sed exemplum à maioribus non accepisse, ut qui neque Dictator, neque Consul, neque Prætor res gessisset, Triumpharet: Proconsulem illum Hispaniam prouinciā, non Consulem aut Prætorem obtinuisse.

Vnus tamen Cn. Pompeius, Sulla Dictatore concedente, contra legem sine magistratu eques Rom. Triumphauit. Vetus etiam lex illa traditur, ut ij tantum urbem Triumphantes inirent, qui hostes acie vicissent: quare Cethegi, M. Tamphili, Sp. Cæssij, Q. Minutij Triumphos tanquam contra legē raptos notant Liuius & Dionysius, in quibus neq; hostes ducti ante currum essent, neq; alia præda, qua cohonestari Triumphus solerent, transuecta.

Post

Post ut Imperatorum ambitioni obuiam
iretur, qui leuibus proelijs prospere factis,
Triumphum petebant; lege cautum est, ut ne
quis Triumpharet, nisi & quinque millia ho-
stium vno proelio cecidisset, & de suo exer-
citu multo pauciores amisisset. Quo in vtro-
que ne falsus Senatui numerus ederetur, alte-
ra lex à L. Mario & M. Catone Tribb. pleb. la-
ta est, quæ iubebat Imperatores cum primum
ad urbem venissent, apud Quæstores urbanos
iurare de vtroque numero vere ab ipsis Sena-
tui esse scriptum, pœna proposita ijs, qui aut
hostium occisorum, aut ciuium amissorum
in numero mentiti essent, ut scribit Valerius
libro 2. Hinc Liuius libro 4. Cum trepidant
tantum ostendissent aciem Aequi, turpi fuga
funduntur, haud magno Consulis decore, ita-
que Triumphus negatus: ceterum ob Sempro-
nianæ cædis leuatam ignominiâ, ut ouans vr-
bem introiret concessum est. Et lib. x. M. Atti-
lio Cos. de Triumpho agenti negatus honos
& ob amissa tot millia militum, & quod ca-
ptiuos sine pactione sub iugum misisset. Dio-
nysius lib. v. de Postumio Cos. causa negandi
Triumphus fuit clades paullo ante cum igno-
minia accepta, cum multis desideratis, parum
abfuit, quin ipse in fuga veniret in potesta-
tem hostium.

Illud quoque lege sancitum, ut non nisi
exercitu è prouincia deportato Triumphus
decerneretur, cum ut testis esset virtutum Im-
peratoris, tum etiam ut debellatum esse in
prouincia appareret. Atque hoc ipsum Mar-

cello quo minus triumpharet, obstitisse significat Liuius l. xxvi. Et li. xxviii. In ijs causis cur Nero, quemadmodum Salinator, non triumphauerit, hanc etiam numerat. Quod exercitus Liuianus deductus Romam venisset, Neronis deduci de prouincia non potuisset. Et li. xxxix. L. Manlio, inquit, Proconsuli postulanti ab Senatu in æde Bellonæ triumphum, rerum gestarum magnitudo impetrabilem faciebat; exemplum obstabat, quod ita comparatum more maiorum erat, ne quis qui exercitum non deportasset, triumpharet, nisi perdomitam pacatamq; prouinciā tradidisset successori. Hinc illa apud eundem Liuium libro trigesimo primo, extremo. C. Aurelij Cos. de Senatu conquerentis, quod absente exercitu, Furio Prætori triumphum decreuisset: Ita, inquit, triumphum decreuisse Senatum, vt nullius nisi eius qui triumphaturus esset, aut eorum qui in bello interfuissent, verba audiret: maiores ideo instituisse, vt Legati, Tribuni militum, Centuriones, milites denique triumpho adessent, vt virtutes rerum gestarum eius cui tantus honos haberetur, publice viderentur. Dio etiam libro xxxvii. nulli triumphum absque partæ victoriæ socijs decerni solitum scribit: idq; Pompeio contra morem datum notat.

Impediendi quoque Triumphi illa ratio fuit, cum Tribunus plebis aliquis Imperatori ob res in bello gestas diem diceret, sicuti C. Memmius L. Lucullo, qui duobus potentissimis regibus Mithridate & Tigriane deuitis, ta-

etis, tamen non nisi triennio post, Memmio accusationem remittente, triumphauit Cicerone Cos. Vnde illa eiusdem Ciceronis in Lucullo. Nos Consules introduximus pæne in urbem currum clarissimi viri. Et Sallustius in Catilinaria; Q. Marcius Rex, Q. Metellus Creticus ad urbem Imperatores erant, impediti ne triumpharent, calumnia paucorum.

Postremo illud more maiorum obseruatum est, ut quamuis aliquis præclaras res maximeque utiles Reipubl. ciuili bello gessisset, Imperator tamen non appellaretur; neque ei supplicatio aut triumphus decerneretur: quia ut necessariæ istæ, ita lugubres semper æstimatæ victoriæ sunt, ut pote non externo sed domestico partæ cruore. Quare neque Catulus de Lepido, neque C. Antonius de Catilina, quamquam improbis ac seditiosis ciuib; neque Sulla de Mario, neque Cæsar de Pompeio Triumphum duxerunt, ut est auctor Valerius lib. 2. Dio autem libr. XLI. scribit Pompeium, victo ad Dyrachium Cæsare, Imperatoris quidem nomen accepisse; fasces tamen lauro non ornasse, neque orationem vllam gloriosam habuisse.

De Ordine, ad quem spectabat Triumphum decernere.

CAPVT VI.

Hæc caussas impediendi Triumphi Senatus cognoscebat, quarum si nulla obstitisset, Patrum consensu Triumphus his ver-

bis decernebatur. Quod bene ac feliciter Rempub. administrasset, vt scribit Liuius libro xxxviii.

Initio enim æstimatio, & arbitrium eius honoris penes ordinem Senatorium fuit. P. Seruilius Priscus Cos. viam à Senatus auctoritate recedendi primus ostendit; qui re bene cum Volscis gesta, cum Triumphum à Senatu, Ap. Claudio collega intercedente, non impetrasset; cum lictoribus coronatis coronatus ipse, & Triumphali veste ornatus urbem inijt, atque in Capitolio vota persoluit, plebe vniuersa cui erat carissimus, prosequente; anno v. C. CCLVIII. Et quamquam Dionysius libro vi. hunc Triumphum nominet. Eum tamen neque Liuius, neque fasti Capitolini habent; credo, quia inuito Senatu, sine populi iussu actus esset. Primi L. Valerius Potitus, M. Horatius Barbatum Consules cum à Senatu Triumphum non impetrassent, ad populum conuersi, sine auctoritate Senatus, iussu populi Triumpharunt, anno v. C. CCCIV. vti Liuius libr. iii. Dionysius libro xi. narrant. Vnde, illa apud Liuium C. Claudij indignantis; Numquam ante de Triumpho per populum actum, semper æstimationem arbitriumque eius honoris penes Senatum fuisse; ne Reges quidem maiestatem summi ordinis imminuisse. Horum exemplū secuti deinceps multi, omisso Senatu, Triumphum à populo impetrarunt. Liuius libro vii. C. Marcius Rutilus Dictator, sine auctoritate Patrum, populi iussu Triumphauit. Et libro x.

Postu-

Postumius Cos. auxilio Tribunorum pl. triū,
aduersus intercessionem septem Tribunorū
& consensum Senatus, celebrante populo,
triumphauit. Inuito autem populo, nemo
vnquam triumphasse legitur, præter vnum
Ap. Claudium, quem triumphātem, ne à Tri-
buno pl. de curru detraheretur, Claudia vir-
go Vestalis, filiané, an soror? (vtrumq; enim
traditur) curru conscenso, vsque in Capito-
lium profecuta est, vt Cicero in Cæliana, Va-
lerius libr. v. capit. iv. Suetonius in Tiberio
cap. ii. narrant.

Vna cum triumpho pecuniam etiam ad tri-
umphum sumptus ex ærario Senatus decerne-
bat, vt ait Polybius libr. vi. Primusq; priua-
tis sumptibus triumphauit Q. Minucius Ru-
fus Cos. anno v. C. DLVI. quæ de re ita Liui-
us libr. xxxiii. Q. Minucius Cos. de Ligurib.
Boijsq; Gallis in monte Albano triumphauit:
is triumphus, vt loco, & fama rerum ge-
starum, & quod sumptum non erogatum ex
ærario omnes sciebant, inhonoratior fuit; ita
signis carpētisque, & spolijs ferme æquabat.

Romæ autem Ap. Claudius Pulcher Cos.
primus priuato sumptu de Salassis Gallis tri-
umphauit anno v. C. DCX. quæ de re sic Oro-
sius libr. v. capit. iv. Ap. Claudius aduersus Sa-
lassos Gallos conuersus & victus, decem mil-
lia peditum amisit; reparata pugna, quinque
hostium millia cecidit: triumphum propter
damna superiora, cum non impetrasset, infami
impudentia atque ambitione vsus priuatis
sumptibus triumphauit.

Huius exemplum secuti reliqui Imperatores, priuatis sumptibus triūphos apparabant, accepto à ciuitatibus auro, quod Coronariū dicitur. Dio lib. XLVIII. de Cn. Domitio Caluino; Aurum quod in triumphum cōferri ab urbibus solet, à solis Hispaniæ ciuitatibus accepit: atque cum eius aliquam partem in triumphi apparatū impēdisset, reliquam ad Palatium reficiendum contulit. Et libr. 49. Triumphum sibi à Cæsare vel Antonio concedi impetrarunt; eiusq; nomine multum aurum coronarium à populis exegerunt.

De Imperio triumphantium.

C A P. VII.

AC triumphum quidem, & pecuniam ad sumptus, vti diximus, senatus decernebat: sed imperium in vrbe quo die triumphus duceretur, populus dabat. Triumphant enim cum imperio, quod urbem intrantibus, vt supra demonstratum est, deponere necesse fuit. Addit Zonaras, priuatis nullo modo triumphare licuisse. Itaq; decreto à Senatu triumpho, de eiusdem auctoritate, Tribunus plebis, aut Magistratus aliquis rogationem ad populum ferebat, vt quo die urbem triumphantes inirent, eo die ipsis imperium esset. Liuius lib. XLV. Tribus ijs omnibus decretus est ab Senatu triumphus, mandatumque Q. Cassio Prætori cum Tribunis plebis ex auctoritate Patrum ageret, rogationem ad plebem ferrent, vt ijs, quo die urbem triumphantes inuherentur, imperium esset. Hanc legem
de im-

de imperio vnus diei intra urbem significat Cicero lib. i v. epist. xv. ad Atticum; Pontinius vult ad i v. Nonas Nouēbr. triumphare: huic obuiam it Cæſo & Seruilius Præt. aperte, & Q. Mucius Trib. negant enim latum de imperio, & eſt latum hercule inſulſe, &c. Latum inſulſe dicit, quia vt ſcribit Dio lib. 39. extremo. Galba Præt. legem de imperio Pontinij ferens, clam ante lucem quōſdam in ſuffragium miſerat: cum tamen ante primam diei horam, quidquam agi cum populo leges vetarent.

De Pompa Triumphi.

CAP. VIII.

Rebus omnibus comparatis, dies pompæ traducēdæ indicebatur; quæ quidem alia alijs temporibus, pro rerum & victoriarum conditione fuit. Initio enim quamdiu populus Rom. cum finitimis bella geſſit, tenui admodum pompa triumphi inſtruebantur, cum nihil teſte Floro, niſi pecora Volſcorū, greges li. i. c. 13. Sabinorum, carpenta Gallorū, fracta Samn. tum arma in ijs deferrētur. Poſtquam autem Prouinciæ, Regna, atque integræ nationes in ditionem populi Rom. venerunt, vna cum imperij opibus, ita creuit triumphorum magnificentia, vt ad eam nihil addi potuiſſe videatur. Vbi igitur dies conſtituta aduenerat, Senatus cum equeſtri ordine, aliq; Magiſtratus feſto cultu, obuiam Imperatori extra urbem prodibant, certoq; in loco eius aduentū preſtolabantur, vt Dio lib. 51. de triumpho Augu. Ioseph. li. 7. de triūpho Veſpaſiani tradidit.

Hinc

Hinc Valerius libro ix. capite III. Manlio Torquato amplissimam & gloriosissimam ex Latinis & Campanis victoriam in urbem referenti, cum seniores omnes lætitia euantes occurrerent iuniorum nemo obuiam processit. Et Liuius li. v. de Camillo: Aduentus quoque Dictatoris, omnibus ordinibus obuiam effusus, celebratior, quam ullius umquam antea fuit.

Interea ex alia parte milites in turmas ordinesque descripti ad Imperatorem conueiebant. Is triumphali habitu indutus, sumptis armillis, laurea redimitus, ramumque dextra tenens, prosequente exercitu, ad locum ubi Senatus exspectabat, progrediebatur: positaque Sella milites ad concionem conuocabat, atque alijs omnibus, alijs proprijs laudibus ornatis, pecuniam & dona militaria diuidebat, vota que solemnia celebrabat, ut Iosephus & Zonaras scribunt. Hinc Fest. Calbeos armillas dicebant, quibus triumphantes utebantur. Et Liuius lib. 39. Multos eo die priusquam in urbem inueheretur, in circo Flaminio Tribunos, Præfectos, Equites, Centuriones, Romanos, Sociosque donis militaribus donauit.

Dum hæc ab Imperatore geruntur, populus interim candidis indutus vestibus, sese ad spectandum comparabat, exstructis qua pompa præferebatur, spectaculorum gradibus, parentibus Deorum templis, turibulisque ante ianuas positis, ture & odoribus incensis, ut est auctor in Acmylio Plutarchus. Hinc Tacitus lib.

lib. xiv. de Nerone; Promptiora quam promiserant inueniunt, obuias tribus, festo cultu Senatum, coniugum ac liberorum agmina per sexum & ætatem disposita, exstructos qua incederet spectaculorum gradus, quomodo triumphi visuntur.

Imperator votis p̄solutis, milites p̄mijs militaribus donatos ad p̄adium dimittebat, quod ijs ab Imperatore exhiberi mos fuit: ipse ad portam p̄cedebat, quæ triumphalis dicebatur, quod ea triumphorum pompa inferri soleret. Auctor Iosephus loco citato, Portæ triumphalis meminit etiam Cicero in Pisonem. Quasi verò ad rem pertineat, qua tu porta introieris, modo ne triumphali: quæ porta Macedonicis semper Procōsulibus antere patuit. Plutarchus in Symposio lib. ii. capit. i. scribit licuisse olim triumphantibus muri partem qua ingressuri essent, deijcere, vt ostenderent non magnopere indigere mœnibus eam urbem, quæ eos Duces peperisset. Verum ego vix adduci possum vt credam. *Sue. c. 25. Xiphilin.* Hieronicarum morem Romæ fuisse seruatum: neque alium quemquam p̄ter vnum Neronem legi, disiecta muri parte urbem introisse.

Sed vt ad Imperatorem reuertamur, vbi is corpus curasset, Dijs, qui erant ad portam collocari, sacrificat. Inde pompa per instructa omnia ordinibus virorum ac mulierum, inter plausus & acclamationes, vijsque floristratis, procedere incipiebat, summoventibus turbam cum bacillis ministris, ne se pompe admi-

admisceret, ordinemq; turbaret, vt Iosephus
li. vii. bel. Iud. Plutarchus in vita Aemylj &

l. 4. Trist Tib. Gracchi narrat. Ouidius:

el. 2.

*Quaq; ibis, manibus circum plaudere tuorum,
Vndique iactato flore tegente vias.*

Primus omnium Senatus, festo, vt diximus,
cultu ingrediebatur. Dio lib. LI. ait Magistra-
tus præcedere solitos fuisse; subsequi autem
Senatores: Augustum tamen præter morem
passum esse, vt Collega cum Senatoribus se-
queretur. Tum currus, hostium spolijs onusti
traducebantur à militibus coronatis, quibus
tubicines item coronati misti erant, vt scribit
in Libyca Appianus.

His curribus arma, tela, catapultæ, balistæ,
tormenta omnis generis, aliaque instrumēta
belli transuehebantur, ita inter se confusa &
congesta, vt inter vehendum mutuo impulsu
atque tritu stridorem quendam ederent aspe-
rum atque horribilem, vt ait Plutarchus in
Aemyljo.

Ciuitatum deinde gentiumq; victarum nu-
mina & simulacra pictæq; tabulæ ducebantur,
in quibus mōtium, fluminum, regionum, præ-
liorumq; species ita erant expressæ atque di-
stinctæ, vt ex eis rerum gestarum ordo cogno-
sci facillime posset. Aliquæ enim vilitatem,
quæ regionibus inferebatur; aliquæ exci-
siones vrbiū atque incensiones ostendebant;
aliæ præliorum faciem afferebant, fugam cæ-
demque hostium; nonnullæ ipsos hostium
duces supplicum more manus tendentes re-

præ-

præsentabant. Atque hæc omnia partim viri
 toga induti purpurea ferculis gestabant, par-
 tim curribus vehebantur, quorum pegmata
 in tertiam, quartamque contignationem sur-
 gebant. Auctor Appianus in Libyca, & Mi-
 thridatica extremo. Et li. 2. ciuil. Ioseph. Zo-
 naras locis citatis. Asconius etiam ferculis
 signa ante triumphantem vehi per pompam
 solita scribit ad lib. 1. in Verrem. Fercula au-
 tem & simulacra quæ in triumpho ferebâtur,
 eburnea fuere: quare datum vitio Maximo
 Pedioque Cæsaris Legatis scribit Dio, quod *lib. 43.*
 ligneis oppidorum imaginibus in triumpho
 vti essent. Chrysippus etiam cum in triumpho
 Cæsaris eburnea oppida essent translata, &
 post dies paucos in triūpho Maximi lignea;
 thecas esse oppidorū Cæsaris dixit, vt refert
 Quintilianus lib. 6. Itaque *b* Marcellus Sir- *b* *Li. 1. 20*
 cularum simulacrum in triumpho duxit. Sci-
 pio *c* Asiaticus signa militaria *234.* oppidorū *c* *Id. 1. 37*
 simulacra *234.* transiit. *d* Balbus Cornelius, *d* *Plin li.*
 victis Garamantibus, præter Cydamam & Ga *5. ca. 5.*
 ramam, omnium aliarum gentium urbiumque
 numina & simulacra in triumpho ostendit.
 C. Cæsar *e* Rhenū Rhodanumque, & ex auro *e* *Florio*
 captiū Oceanum: in ferculis Ni'um, Arsi- *l. 4. ca. 2.*
 noem, & ad simulacrum igniū ardentem Pha-
 rum transtulit. Idē *f* Achille & Photini Pom *f* *Appian-*
 peij interfectorum cædem, Pharnaciſque fu- *lib. 2. ciu.*
 gam pictā in tabulis ostendit; & illa quæ sine
 gemitu adspicere populus Romanus non po-
 tuit. L. Scipionis in mare se præcipitantis,
 Catonis viscera dilaniantis, Petreij & Iubæ
 singu-

g Valer.
l. 2. c. 3. singulari certamine decernentium imagines traduxit. Longe melius in hoc genere *g* Sulla quam Cæsar, qui cum Græciæ & Asiæ multas vrbes; ciuium Romanorum nullum oppidum in triumpho vexit.

Hanc prædam deinceps duo militum ordines sequebantur, quorum vnus aurum argentumque rude & infectum, alter factum signatumque præferebat, æs, ebur, vestes preciosas, signa marmorea, aurea & argentea, coronas, quas sociæ ciuitates Imperatoribus post victoriam gratulantes honoris causa miserant, adscriptis titulis ciuitatum, a quibus donatæ fuissent, vt scribit Appianus & Plutarchus locis citatis. Vopiscus de Aureliani triumpo; Præferebantur, inquit, coronæ omnium ciuitatum aureæ, titulis eminentibus proditæ. Plinius lib. xxxiii. cap. iii. Claudius Princeps qui Caio successit, cum de Britannia triumpharet, inter coronas aureas, vnā septem pondo habuit, quam contulisset Hispania cæterior; alteram nouem, quam Gallia comata, sicut titulus indicauit.

Denique quidquid in hostium Prouincia, vel singulare fuit, vel nouitate, precio, artificioe admirabile; id vectum in triumpho oculis pop. Rom. subiiciebatur, vt ait Ioseph. Quod si magna prædæ copia fuisset, plaustris mulisque vehebatur: diesque plures continuabantur, si vnus pompæ traducendæ non sufficeret, vt Liuius libro xxxiv. & xlv. de Quinctij & Pauli triumphis; Plutarchus in Lucullo narrant. Itaque Pompeius *a* in triumpho

pho Mithridatico Ebenū: *b* C. Cæsar Camelo- *b* Dio li.
 pardalem: *c* Augustus Hippopotamū, & Rhi- 43.
 nocerotem: *d* Vespasianus Balsamum: *e* Au- *e* 51.
 relianus nouum purpuræ genus primi osten- *d* Plin. l.
 derūt. *f* T. Quinctius de Macedonia triduum 12. c. 4.
 triumphauit, transtulitque infecti argenti 18. *e* Propise.
 millia pondo, & CCLXX. facti, vasa omnis ge- *in* vita.
 neris, cælata pleraque, quædam eximie artis, *f* Linius
 & ex ære multa fabrefacta, ad hoc clypeos *lib.* 34.
 argenteos decem: signati argenti tetradra-
 chmū xxci. millia, auri pondo tria millia
 dccxi. & clypeum vnum ex auro totum, &
 Philippeos aureos xiv millia. Dxi coronas.
 dona ciuitatum Cxi.

L. Scipio in triumpho quem egit de Anti- *Liu* l. 37.
 ocho Rege tulit eburneos dentes mille. 231.
 aureas coronas. CCxxxiv argenti pondo. 147.
 millia, & CDxx. tetradrachmū atticorum
 CCxxiv millia. cistophorū CCCxxxi millia,
 & Lxx. nummos aureos Philippeos CXL mil-
 lia, vasorum argenteorum (omnia cælata e-
 rant) mille pondo & CDxxiv: aureorum mil-
 le pondo xxiv.

Paulus Aemilius triumpho Macedonico *Liu* l. 45.
 de Perseo Rege, coronas CD transtulit, tan-
 tumque pecuniæ, vt ex eo tempore populus
 Rom. tributum pendere desierit, vt Plutar-
 chus in vita, & Cicero lib. iii. officiorum tra-
 didere. Plinius libro xxiii. cap. iii. prædam
 pondo triū millium in ærarium illatam
 scribit: Antias, & Velleius summam omnis
 captiui auri argenti que translati bis millies
 centies HS. fuisse dicunt. Idem Velleius ex

quinque C. Caesaris triumphis, Gallici apparatus ex citro, Pontici ex acantho, Alexandrini testudine, Africi chore, Hispaniensis argento rasili constituisse scribit: pecuniam ex manubijs illatam paulò amplius sex milia HS. Appianus inuenta dicit talenta mille LXXV. coronas aureas duo millia, DCCCXXII. pondo XXV millia. DCIV.

Pompeius tertio triumpho què de Piratis, Asia, Ponto, &c. die natalis sui egit M. Pilone l. 37. c. 2. M. Mesala Coss. tranqulit, auctore Plin. alveum cum tessaris lusorium è gemmis duabus, latum pedes tres, longum pedes quatuor: in quo fuit luna aurea pondo 30. lectos tricliniarios tres, vasa ex auro gemmisque abacorum novem, signa aurea tria, Minervæ, Martis, & Apollinis, coronas aureas ex margaritis XXXIII. montem aureum quadratum cum cervis & leonibus, & pomis omnis generis, circumdata vite aurea: Museum ex margaritis, in cuius fastigio horologium erat: Reipu. dedit mille talentum; Legatis & Quæstoribus, qui oras maritimas defendissent HS. bina millia, commilitibus singulis quinquaginta.

In Luculli triumpho latum est, quemadmodum scribit in vita Plutarchus, aureum Mithridatis simulacrum senum pedum, clypeus gemmis distinctus, fercula viginti vasorum argenteorum: aureorum verò poculorum armorumque triginta duo: octo quoque muli cum aureis lectis traducti: argentum infectum muli sexaginta sex, signatum centum & septem portarunt: argentiq; signati. Summa

ma fuit vicijs septies centena millia drachmarum.

Huic diuitiarum pompæ tubicines succedebant, aureis coronis purpuraque ornati, nihil lætum & suauē, sed bellicum & horrificum canentes, vt in ipsa acie solet. Tum hostias ad sacrificandū boues domesticos albos auratis cornibus vittis fertilē; redimītos, iuuenes candidis succincti vestibus traducebat, quos pueri sequebantur aureas argenteasque pateras præferentes, vt Plut. in Aemylio. Appianus in Libyca scribūt. Boues albi vt essent ex Clitumni pascuis fere desumebātur, quod animalia quæ de illius fluminis aqua potauerint, fetus albos edere dicantur, teste Plin. l. 2. cap. 103. Vnde illa Virgilij lib. 2. Georg.

*Hinc albi Clitumne greges, & maxima taurus,
Victima sæpe tuo profusi flumine sacro,
Romanos ad templa Deūm duxere triumphos.*

Quod etiam obseruauit Seruius ad eundem locū. Quare Seruilius de triumpho L. Pauli, qui antiquabatur, sic loquitur apud Liui. l. 45. Pars, inquit, non minima triūphi est victimæ præcedentes, vt appareat Dijs grates agentem Imper. ob remp. bene gestam redire: omnes illas victimas quas traducendas in triumpho vindicauit, alias alio cédente mactare. Hæc ille. Duxerūt in triumpho Paulus, vt Plut. ait, boues centum viginti. Trebellius in Galieni triumpho ductos scribit centenos albos boues cornibus auro iugatis, & dorsualibus sericis discoloribus præfulgentes, & agnas candidas 200.

Vltimo loco Regum deuictorum currus cum ipsorum insignibus ac diademate vehabantur. Plutarchus traductum à Paulo in triumpho scribit Persei regis currum, cui erant imposita eius arma, & armis diadema. Idemque tradit in Luculli triumpho de Mithridate currus falcatos decem processisse. Vopiscus scribit Aureliano in triumpho de Zenobia tres currus regiones tulisse; vnum Odenati auro, argento, gemmis operosum atque distinctum; alterum quem Rex Persarum Aureliano dono dederat, pari opere fabricatum; tertium quem sibi Zenobia construxerat.

Ipsi deinde hostium duces & captiui traducebantur, pro gentium varietate in turmas gregesque descripti, cum titulis, qui cuius gentis essent indicaret. Primus in triumpho hostes duxisse captiuos traditur Quintus Cincinnatus ab Orofio lib. II. cap. XII. Vopiscus in Aureliano. Ductæ sunt, inquit, decem mulieres, quas virili habitu pugnautes inter Gothos ceperat, cum multæ essent interemptæ, quas de Amazonum genere titulus indicabat. Idem Vopiscus in Probo. Triūphauit de Germanis & Blemys, omnium gentium drungos, usque ad quinquagenos homines ante triumphum duxit. Trebellius de triumpho Gallieni. Ibant præterea gentes simulate ut Gothi, Sarmatæ, Franci, Persæ; ita ut non minus quam ducem singulis globis ducerentur.

*Adelph.
att. 2.
sc. 1.*

Donatus in Terentium, captiuos lauro vinciri, atque ita duci per pompam morem fuisse scribit. Liuius tamē catenis victos fuisse signi-

significat lib. XLV. Sed non Perseus tantum, inquit, per illos dies documentum humanorum casuum fuit, in catenis ante currū victoris ducis per urbem hostium ductus: sed etiā victor Paulus auro purpuraque fulgens. Vopiscus in Aureliani triumpho scribit ductam Zenobiam ornatam gemmis. catenis aureis, quas alij sustentabant. Ipsi etiam captiui preciosis vestibus erant induti, ut vestitiū ornātu & splendore, quemadmodum scribit Ioseph. squallor ac deformitas corporū subtraheretur. Quamquam etiam Imperatores ex captiuorum multitudine forma præstantissimum quemque deligere consueuerunt, quē in triumpho ducerent. Suet. in Caligula. Conuersus cap. 47. hinc ad curam triumphi præter captiuos ac transfugas barbaros, Gallorum quoque procerissimum quemque, & , ut ipse dicebat, ἀξιολογιδέμετρον, ac nonnullos ex principibus legit ac seposuit ad pompam. Porro inter captiuos, ut ait Appianus, quidam incedebat, talari veste, auro gemmisque distincta ornatus, qui vario gestu captiuis illudebat, risumque populi captabat. Atque hæc quidem pompæ ordo fuit vsque ad ipsum Imperatorem: de qua etiam Ouid. lib. IV. Trist. eleg. 2.

Ergo omnis populus poterit spectare triumphos,

Cumque ducum titulis oppida capta leget?

Vinctaque captiua Reges ceruice gerentes,

Ante coronatos ire videbit equos?

Hic qui Sidonio fulget sublimis in ostro,

Dux fuerat belli, proximus ille duci.

*Hic lacus, hi montes, hæc tot castella, tot annos,
Plena fera cadis, plena cruoris erant.
Crimbus en etiam fertur Germaniâ passis.
Et ducis inuicti sub pede mœsta sedet, &c.*

Deinceps reliqua videamus.

De Imperatoris curru & ornatu.

C A P. IX.

INitio pedibus urbem ingressos, atque ita Romulum triumphasse tradit Plutarchus, qui etiam Dionysium reprehendit, quod Romulû curru urbem inuectû scribat: videlicet quod non Romulus, sed ant Priscus Rex, aut, quod alij tradidere, Poplicola Cos. curulem in urbem triumphû introduxerit. Florus etiâ consentit in Prisco. Vt cumque aut se res habeat, permanauit hæc apud posteros consuetudo, vt omnes triumphantes quadrigis in urbem veherentur: quod priores duces, vt Iulianus, soliti essent hoc habitu bella inire. Primus Camillus Dictator ad currû albos equos adhibuit: quo facto superbiæ crimê haud vitauit, propterea quod currus ille Deorû patri ac Regi dicatus esset, ipseq; Iouis solisq; equis æquiparari se velle videretur, vt Liuius, Plutarchus, Zonaras narrât. Caligula autem posterioribus sæculis primos sex equos iunxit, vt scribit Dio lib. LIX. Equos autem albos, similiter atque victimas ex Clitumni pascuis desumi solitos, auctor est Seruius ad li. 2. Georg. Hos verò equos aureis phaleris monilibusq; ornabant, vt ait Dionys. l. 8. Vnde Ouid.

Ante

Ante coronatos ire videbit equos.

Triumphalis porro currus, neque bellicarum, neq. ludicrarum, quadrigarū, sed turris rotundę instar erat cōstructus auro gemmisq. magnifice cælatus, vt Plut. in Aemylio, Appianus in Libyca, & Mithridatica, Zonaras de triumpho Camilli tradidere.

Imperator aut cultu regio, armillisq. ornatus, omnia gestās Iouis insignia, in sella eburnea regia residebat: vt Dionys. libr. III, & v. scribit. Liuius l. x. Qui Iouis opt. Max. ornatus decoratus, curru aurato per urbem inuectus in Capitolium adscenderit. Plinius lib. vii. capit. XLIV. de Metello. Per mediam urbem Censore tracto in Capitolium illud, in quod triumphans ipse Deorum exsuuijs, ne captiuos quidem sic traxerat, &c. Itaque faciem minio illitā habuit, ad Iouis similitudinem, cuius facies, auctore Plinio, diebus festis illini solebat. Seruius ad Eclogam x. Virgilij. li 33 c. 7. Facie, inquit, rubea pingitur Pan, propter ætheris similitudinē: æther aut est Iuppiter: vnde etiam triumphantes habent omnia Iouis insignia, sceptrum, palmatam togam, qua utebantur illi qui palmam merebantur; faciem quoq. de rubrica illinunt, instar coloris ætheris. Isid. l. i. 18. Triumphātes colore rufo liniebātur quasi imitaretur diuini ignis effigiē.

Imperator exterius toga picta indutus erat, interius tunica palmata. Toga picta purpurea fuit, auro intexta. Liuius libr. XLV. de Paulo triumphāte; Paulus auro purpuraq. fulgens. Plinius lib. ix. ca. xxxvi. Purpura in triūphali

miscetur auro. Idem etiam docet Dionysius lib. III. qui præterea togam pictam, amictum fuisse ait, non ut Lydorum quadratum, sed semicircularem, eamque à Romanis togam, à Græcis *τήβεννον* appellatā. Isidorus etiam lib. XIX. cap. XXIV. togam pallium tradit purum fuisse forma rotunda, fusiore & quasi undante sinu, & sub dextro veniens supra humerum sinistrum poni solitum, eiusque iustæ mensuram sex vlnarum fuisse. Picta dicitur, quod in ea imagines aliquot acu depictæ essent.

Appianus stellas aureas intertextas scribit, Quare Dionys. l. III. vocat *περιβόλαιον πορφυροῦν ποικίλον*. & lib. V. *ποικίλον & χρυσόσημον σολήν*. Plutarchus in Aemylia *ἀλεργίδα χρυσόπασον* appellat. Festus, Picta quæ nunc toga dicitur, purpurea antea vocitata est, eaque erat sine pictura. Dicta quoque eadem est Palmata. Valerius enim lib. IX. c. I. Metellum ait cum palmata veste conuiuia celebrasse: Sallustius autem eadem de re scribens apud

li. 3. c. 13. Macrobius: Metello plerumque accumbenti togam pictam amiculo fuisse scribit Isidorus. Toga, inquit, palmata dicebatur, quam merebantur ij, qui reportabant de hostibus palmas: ipsa vocabatur & Toga picta, eo quod victorias cum palmis intextas haberet. Quæ Sern. Et. Isidorus, ut alia multa sumpsit è Seruio. Aul. Gell. li. sonius in Panegyrico ad Gratianum. Palmatam, inquis, tibi misi, in qua Diuus Constantinus parens noster intextus est,

Hæc toga picta siue palmata ab eodem Ausonio Trabea dici videtur nam in eodem Panegyrico, ubi Gratiano Imperatori pro Consulatu gratias agit; In procinctu, inquit, & tū maxime dimicaturus, palmata vestis meæ ornamenta disponis; feliciter & bono omine, namque iste hābitus ut in pace Consul est, sic in victoria Triumphantis. parum est, si qualis ad me trabea mittitur, interroges; te coram promi iubes. Quibus ex verbis colligitur Trabeam, eandem Palmatam vestem dici, ac Triumphalem fuisse. Diuersas tamen eas ostendit libr. i. cap. v. scorsum Trabeam, Togam pictam, Tunicamque palmatam nominans. Plinius etiam cum ait libr. vii. cap. XLVIII. Trabeis vsos accipio Reges, pictas vestes iam apud Homerum fuisse; vnde Triumphales natæ, &c. Primi m̃a Trabeis pictas vestes separat; deinde illud ostendit, Pictas vestes, non Trabeas inter ornamenta triumphalia fuisse. Aurum quoque Trabeæ dat Ausonius, cum eodem loco subiungit. Hæc est picta, ut dicitur, vestis non magis auro quam tuis verbis; & in extrema gratiarum actione. Trabeam non magis auro suo, quam tuo munere splendidam. At vero Suetonius in libro de vestimentis, quem citat Seruius ad lib. vii. Virgilij cum tria Trabearum genera describeret, nullam auri mentionem fecit. vnum enim fuisse dicit è sola purpura Dijs consecratum; alterum è purpura non sine albo, quo Reges utebātur; tertium augurale è purpura & cocco. Dionysius lib. 2. Trabeas, quibus Sa-

lij utebantur, togas fuisse dicit fibulis distinctas, purpura prætextas, puniceo colore alternis intertexto.

Quomodocumq; autem se res habuerit; Toga picta supposita fuit Tunica palmata: de qua ita Festus. Tunica palmata à latitudine clauorū dicebatur; quæ nunc à genere picturæ Palmata appellatur. quorum verborum hic est sensus. Tunica quæ ante ob latitudinē clauorum (clauī autem fuere quasi flores quidam panno intexti) quæ igitur ante ab clauorum latitudine Palmata dicebatur, id est, nobilis, aut quia clauorum latitudo tanta esset, ut palmo mensurari posset; postea à palmarū ramis qui in ea intexebantur, dicta est Palmata; in ea enim, ut ait Isidorus, Victoriæ cum palmis erant intextæ. Liuius lib. x. Cui Deorum hominūque indignum videri potest eis viris quos vos sellis curulib. toga prætexta, tunica palmata, toga picta, & corona triumphali laurea q; honoraritis; Pontificalia atq; auguralia insignia adijcere? Et lib. xxx. Postero die Scipio, ut à præsentī motu auerteret animum Massaniæ, in tribunal adscendit, & concionem aduocari iussit: ibi eum primum Regem appellatum, eximijq; ornatum laudibus, aurea corona, aurea patera, Sella curuli, & scipione eburneo, toga picta, & palmata tunica donat. addit verbis honorem, neque magnificentius quidquā triumpho apud Romanos, neque triumphantibus ampliorem eo ornatum esse, quo vnum omnium externorum dignum Massanisam populus Rom. ducat.

Porro

Porro togam pictam, & palmatam tunicā Imperatores de Capitolio Iouisque templo accepisse scribit in Seuero Lampridius; Prætextam, inquit, & pictam togam, nunquam nisi Consul accepit; & eā quidem, quam de Iouis templo desumptam alij quoq; accipiebant aut Prætores aut Consules. Et Capitolinus in Gordianis. Palmatam tunicam, & togam pictam primus Rom. priuatus suam propriam habuit: cum ante Imper. etiam de Capitolio acciperent, vel de Palatio. Hinc Vopiscus in Probo, Palmatam Capitolinam appellauit.

Calceos videntur gestasse siue puniceos siue rubros. Dionysius enim triūphantes cultu regio incessisse scribit: Zonaras autē, Romulum Regem tunica purpurea, toga prætexta, rubrisq; calceis vsum narrat. Dio etiam li. 43. Cæsarem rubris calceis vsum esse dicit, quod ijs olim vteretur Reges Albanorum, à quibus ipse originem duceret. Hinc etiā in Epigrammate antiquæ vrbs ita legitur de C. Mario

De manib; Cimbricis & Teutonicis adem Honori & Virtuti victor veste triumphali, Calceis puniceis.

Dextera manu lauri ramum, sinistra scipionem eburneum gestabāt, in quo summo aquilæ fuit effigies vt Appianus & Plutarchus tradunt: qua re significabant, auctore Isidoro, per victoriam, quasi ad supernam magnitudinem accedere. Eam aquilam Eburneam item fuisse significat Prudentius lib. 1. contra Symmachum.

Lib. 18.
Eym.

Post

Post Trabeas, & Eburnam aquilam, Sellamq; curulem.

Hæc Triumphantium ornamenta, Sellam curulem, sceptrum cum aquila, togam tunicamque pictam Dionysius li. iii. ab Hetruscis Tarquinio Prisco Regi missa scribit: eiectioneque Regibus ad honestandos eos qui triumpharent à populo Rom. retenta.

Macrobius lib. i. Saturn. id Hostilio tribuit: Florus cum Dionysio consentit in Prisco.

Sed ut ad triumphantem reuertamur: is capite coronam, ex lauro Delphica siue sterili initio gestabat: postea cum Liviæ Drusillæ sub Augusti nuptias in Veientano suo sedenti, aquila ex alto gallinam conspicui candoris, ramum lauri baccis onustum rostro tenentem in gremium demississet illæ sam; & conseruari autem & sobolem haruspices iussisset, ramumque eum seri ac rite custodiri, tam feliciter filia prouenit, ut ex ea Triumphans postea Cæsar laurum in manu teneret, & coronam in capite gereret; atque Imperatores Cæsares cuncti, inde mox ominis causa laureas decernerent, traditusq; mos est ramos quos tenuissent, confestim eodem loco ferendi. Auctor Plinius libr. xv. cap. xxx. Suetonius in Galba, Dio lib. xlviii. Alij.

Adhibebatur autem laurus in Triumpho, non quia perpetuo viret, nec quia pacifera est (præferenda enim ei utrique olea) sed quia spectatissima in monte Parnasso, ideoque etiam grata Apollini esse crederetur, assuetis
eodo-

eo dona mittere iam & Regibus Romanis, teste L. Bruto: fortasse etiam in argumentum, quoniam ibi libertatem publicam is meruisset, lauriferam tellurem illam osculatus ex responso: & quia manu satarum, receptarumque in domo fulmine sola non icitur. Ob has causas Plinius credit, honorem ei habitum in triumphis potius, quam quia suffimentum sit cedis hostium & purgatio, ut Massurius & Festus tradiderunt. Quamquam idem Massurius curru Triumphantes myrtea etiā corona interdum usus scripsit, referente Plinio lib. xxxv. cap. xxix. Hanc Triumphantium coronam describit Tertullianus in libro de corona militis capit. xii. Triumphi laurea folijs struitur, hinc ambitur lemniscis, inauratur lānulis, vnguentis delibuitur à lacrymis coniugum & matrum.

*l. 15. c. 30
Massu-
rius apud
Plinium
ibidem.
Festus u.
Laureati
milites.*

Bullam etiam de cervice suspensam gestasse, inclusis in eam remedijs, quæ crederent contra invidiam valentissima scribit Macrobius lib. i. Saturn. cap. vi. Quam etiam ob causam crediderim appensum fuisse, sub curru Fascinum Deum invidiæ medicum; qui Deus inter sacra Romana à Vestalibus colebatur, auctor Plinius lib. xxviii. cap. iv.

In ipso curru vna cum triumphante, admirabili plane exemplo, seruus publicus, ut ait Zonaras, vehebatur: qui pone coronam auream gemmis distinctum sustinens, admonebat subinde Triumphantem cum ut respiceret, id est, ut reliquum vitæ spatium provideret, nec eo honore elatus superbiret: atq; per
singulas

singulas ciuium acclamationes dicebat. Respice post te, hominem memeto te. Hinc Terullianus in Apologetico cap. xxxiii. Hominem se esse etiam Triumphans in illo sublimissimo curru admonetur: suggeritur enim ei à tergo, Respice post te, hominem memento te: etiam vtique hoc magis gaudet, tanta se gloria coruscare, vt illi admonitio conditionis suę sit necessaria. D. Hieronymus epist. xxv. ad Paulinam. Ad reuelationum, inquit, humiliandam superbiam, monitor quidam humanę imbecillitatis apponitur, in similitudinem Triumphantium, quibus in curru retro comes adhærebat per singulas ciuium acclamationes dicens: hominem te esse memento, &c.

Hanc etiam eandem ob causam, vt eorum arrogantia retunderetur, videri putat triumphantes annulum ferreum gestasse, quo cum seruis quodam modo æquari videbatur. Quade re sic Plinius libr. xxxv. cap. i. loquens de annulis: Neque alijs vti mos fuit, quam qui ex ea causa publice acceperant; vulgoque sic triumphabant: Et cum corona ex auro Hetrusca sustineretur à tergo, annulus tamen in digito ferreus erat, æque triumphantis, & serui fortasse coronam sustentis: sic triumphauit de Iugurtha C. Marius. Hæc Plinius. Coronam illam quæ à tergo sustinebatur, quæ Plinius Hetruscam vocat, ita describit Terullianus in libro de Corona militis cap. x. Præferuntur etiam illis Hetruscæ: hoc vocabulum est coronarum, quas gemmis & folijs ex au-

ex auro quercinis ob Iouem insignes, ad deducendas tēssas cum palmatis togis sumunt. De hac col. ona, & seruo eam sustinente sic Iuuenalis Satyra x.,

magnaq; corona

*Tantum orbem, quanto ceruix non sufficit vlla
Quippe tenet sudans hanc publicus, & sibi Cōsul
Ne placeat, curru seruus portatur eodem.*

Hic seruus publicus, qui vna cum Triumphante vehebatur, videtur fuisse Carnifex. Plinius enim lib. xxviii. cap. iij. ita scribit. Fascinus Imperatorum quoque, non solum infantium custos; & currus Triumphantium, sub his pendēs defendit medicus inuidiæ, iubetque eosdem respicere: similis medicina linguæ, vt sit exorata à tergo fortuna gloriæ, Carnifex. Et Isidorus lib. xviii. cap. 2. Quod vero, inquit, à Carnifice Triumphantē contingebantur; id erat indicio, vt ad tantum fastigium vecti, mediocritatis humanæ commoerentur.

Appenium quoque erat currui, vt ait Zonaras, tintinnabulum & flagellum; quibus significabatur, ipsum in eam calamitatem incidere posse, vt & flagris, seruorū more caderetur, & capite damnetur: qui enim ob facinus supremo supplicio afficiebantur, tintinnabula gestare solebāt, ne quis inter eundem contactu illorum, piaculo sese adstringeret.

Eodem curru liberi cognatiq; si quos Imperator haberet, etiam ipsorū virginēs puerique aduehebantur; natu vero grandiores, equis vel iugalibus, vel singularibus sequebantur:

bantur: ceteri omnes pedibus pompam comitabatur lauro coronati, vt Zonaræ & Appianus tradunt. Et Cic. pro Muræna. An cum sedere in equis Triumphantium prætextati potissimum filij soleant; huic donis militari-bus patris Triumphum decorare fugiendum fuit; vt rebus communiter gestis, pæne simul cum patre triumpharet? Suetonius in Tiberio cap. vi. Pubescens Actiaco triumpho currum Augusti comitatus est, sinisteriore funali equo, cum Marcellus Octauiae filius dexteriore veheretur. Et in Domitiano c. 12. Triumphum vtriusque Indaicum equo albo comitatus est. Lilius libr. xlv. de pauli filiis. Minor ferme, inquit, duodecim annos natus, quinque diebus ante triumphum; maior quatuordecim annorum, triduo post triumphum decessit: quos prætextatos curru vehi cum patre, sibi ipsis similes prædestinantes triumphos oportuerat. Tacitus li. 2. Annal. C. Cælio. L. Pomponio Coss. Germanicus Cæsar ad vii. Kalen. Iunias triumphauit de Cheruscis, Cartisquæ & Angriuarijs, quæque aliæ nationes, vsque ad Albim colunt. vecta spolia; captiui; simulacra montium, fluminum, præliorum: bellumque quia conficere prohibitus erat, pro confecto accipiebatur: augebat inuentium visus eximia eius species, currusque; quinque liberis onustus.

Ante triumphantem Herculis signum deferri solitum scribit Asconius ad libr. i. Verri. Hinc Plinius lib. xxxiv. cap. vii. Hercules ab Euandro sacratu, vt ferunt, in foro Boario, qui

qui Triumphalis vocatur, atque per triumphos vestitur habitu triumphali.

Ipsum currum Imperatoris cum odoribus cingebant lictores purpurati Laureati; cytharædorum ac tibicinū turba, qui ad Hetruscæ similitudinem pompæ, aureis coronis redimiti canebant psallebantq; Lydios vocabant Romani. Auctor Appianus. Hanc etiam pompam versibus persecutus est Iuuenalis Sat. x.

*Quid si vidisset Prætozem in curribus altis
Exstantem, & medio sublimem in pulvere Circi
In tunica Iouis, & pictæ Sarrana ferentem
Ex humeris auleæ togæ; magnaq; corona
Tantum orbem, quanto ceruix non sufficit vlla?
Quippe tenet sudans hanc publicus, & sibi Consul
Ne placeat, curru seruus portatur eodem
Da nunc & volucrem, sceptro qua surgit Eburno.
Illinc cornicines, hinc præcedentia longi
Agminis officia, & nineos ad frena Quirites, &c.*

De reliqua pompa Triumphi.

C A P. X.

Curru Imperatoris primi ciues Rom. & Calij, quos Imperatoris victoria hostium exemerat seruitute, affectabatur pileati, capitibusq; rasis, vt mos erat seruorum, cum manumitterentur. Auctor in Flaminio Plutarchus. Et Liuius lib. xxx. extremo. Secutus Scipionem triumphantem est, pileo capiti imposito, Q. Terentius Culleo, omniq; deinde vita, vt dignum erat, libertatis auctorem

Hh

coluit.

soluit. Et lib. xxxiii. C. Cornelius de Insu-
bris Canomanisque in magistratu triumphauit: multa signa militaria tulit, multa Gallica spolia captiuis carpentis, transuexit: multi nobiles Galli ante currum traducti, ceterum magis conuertit oculos Cremonensium Placentinorumque currum sequentium Colonorum turba pileatorum. Et lib. xxxiv. Præbuerunt speciem triumpho, capitibus rasis secuti, qui seruitute exempti fuerant.

Post hos sequebantur Legati & Tribuni militum in equis, tum reliqui pedites equitesque omnes in ordines descripti, laureati, lanceis pilisque laureatis, cum cantu & clamore pedibus ingrediebantur, præmia præferentes quæ quisque in eo bello fuerat consecutus; ut Appianus, Plutarchus, Zonaras scribunt. Festus. Laureati sequebantur, currum triumphantis, ut quasi purgati à cæde humana intrarent urbem Cicero in Pisonem; Disseris de triumpho, quid tandem habet iste currus? quid uincti ante currum Duces? quid simulacra oppidorum? quid aurum? quid argentum? quid Legati & Tribuni in equis? quid clamor militum? quid tota illa pompa? quid vehi per urbem? Liuius libro quadragesimo quinto. Post currum inter alios illustres viros, filij duo Q. Maximus & P. Scipio: deinde equites turmatim, & cohortes peditum suis quæque ordinibus. Et lib. x. extremo. Triumphauit in magistratu, insigni, ut illorum temporum habitus erat, triumpho, pedites equitesque insignes donis transiere, ac transuecti: multæ ci-

uicæ coronæ, vallaresq; ac murales cōspectæ.
Et lib. xxxix. Multi omnium ordinum donati
militaribus donis currum secuti sunt. Plinius
libr. xv. cap. xxx. laurus Romanis præcipuæ
lætitiæ victoriarumque nuncia additur lite-
ris, & militum lanceis pilisq; fascēs Impe-
ratorum decorat.

Neque tamen vniuersi milites vidētur Ro-
mam ad Triumphum adducti: sed ij tantum,
quos Imperatori visum esset. Quare Sp. Li-
gustinus apud Liuium lib. xlii. gloriatur se à
Flacco Præt. inter ceteros quos virtutis cau-
sa secum ex Hispania ad triumphum deduce-
bat, fuisse deductum. Hinc idem Liuius libr.
xxxiv. de Quinctij Triumpho. Milites secuti
currū frequentes; vt omni ex prouincia exer-
citu deportato.

Solebant autem milites inter incedendum
carmina incondita canere laudes Imperato-
ris celebrantes; nonnunquam etiā fallā &
ridicula in eum coniicientes. Dionysius libr.
vii. extremo. Satyricam dicendi licentiā Ro-
manis ab initio familiarem fuisse, ipsa trium-
phorum pompa ostendit; in quibus permitti-
tur victorum comitibus carmina iocosq; in
Imperatores clarissimos dicere: quemadmo-
dum Athenis solebant, qui pompam plaustris
ducebant in obuios dicta omnis generis iocu-
lariter iacere. Hæc Dionysius. Illa vero præ-
cipua fuit omnium lætantium vox Io trium-
phe Io. Horatius li. 4. od. 2.

*Tuq; dum procedis, Io triumphæ
Non semel dicemus Io triumphæ.*

Ovidius lib. IV. Tristium eleg. 2.

*Hos super in curru Caesar victore veheris**Purpureus, populirite per ora tui.**Quaę, ibis, manibus circumplaudere tuorum,**Vndiq; iactato flore tegente vias.**Tempora Phœbea lauro cingentur: Ioq;**Miles Io, magna voce, Triumphæ canet.*

Liuius libr. IV. In eum milites carmina incondita, æquantes eum Romulo canere. Et li. v. Dictator, recuperata ex hostibus patria, Triumphans in urbem redijt: interque iocos militares quos inconditos iaciunt, Romulus ac parens patrię, conditorq; alter vrbis, haud vanis laudibus appellabatur. Et lib. XLV. Militum quidem propria caussa est, qui & ipsi laureati, & quisque donis quibus donatus est, insignis, triumphum nomine cient; suasque & Imperatoris laudes cantantes per urbem incedunt. Hinc etiam illud Liuij eiusdem l. XLV. Milites taciti, vt iratos esse sentires, secuti sunt currum. Exemplum porro carminum inconditorum quę milites in triumpho iactarent, exstat apud Suetonium in Iulio; quę si paulo castiora essent, hic adscribi possent.

Cum hac pompa triumphans in forum Romanum delatus, captiuos aliquot in carcerem duci atque necari iubebat, vt Iosephus & Zonaras narrant. Cicero lib. V. in Verrem. At etiam qui triumphant, eoque diutius viuos hostium duces seruant, vt his per triumphum ductis, pulcherrimum spectaculum fructumque victorię pop. Rom. prospicere possit: ta-

men

men cum de foro in Capitolium currum flectere incipiunt, illos duci in carcerē iubent; idemque dies & victoribus imperij, & victis vitæ finem facit. Sic Cicero.

Inde in Capitolium per gradus genibus, ut ait Dio, adscendens, ibi tantisper opperiebatur, dum hostium mors nunciaretur; qua nunciata, taurum immolabat; laurūq; ramum in Iouis gremio deponebat, ceteraq; dona consecrabat, ut Iosephus & Zonaras scribunt locis citatis, Plutarchus in Marcello, Seruius ad li. iv. Aeneid. Hinc Dio li. lv. Augustus in Capitolium adscendens, lauream fascibus detraxit, & ante Iouis genua deposuit. Plin. lib. xv. ca. 30. Laurus Romanis præcipue lætitiæ victoriarumq; nuncia additur litteris, & militum lanceis pilisq; fascēs Imperatorum decorat: ex his in gremio Iouis deponitur, quoties lætitiā noua victoria attulit. Et Obsequens in libro de Prodigijs. C. Antonius cū in agro Pistoriensi Catilinam deuicisset, laureatos fascēs in prouinciā tulit: ibi à Dardanis oppressus, amisso exercitu profugit: apparuit eum hostibus portendisse victoriā, cum ad eos laurum victricem tulerit, quam in Capitolio debuerat deponere. Hinc Statius lib. iv. Siluarum i.

Et nondū in gremio Iouis Indica laurus.

Taurus qui immolabatur cādidus fuit: unde illud Iuuenalis

Duc in Capitolia magnū,

Cretatūq; bouem.

Seruius interpretans illud ex lib. ix.

Hb 3

Et sta

Et statuam ante aras, &c.

Ioui, inquit, de tauro non immolabatur, nisi cum triumphi nomine sue vel tauro fiebat: quod tamen ideo admissum est, quia non tantum Ioui, sed & alijs Dijs qui bello præsunt sacrificabatur. Liuius li. XLV. in oratione M. Seruiliij Cōsul, inquit, proficiscens Prætorve paludatis lictoribus in prouinciam & ad bellum, vota in Capitolio nuncupat: Victor perpetrato bello, eodem in Capitolio Triumphans ad eosdem Deos, quibus vota nuncupauit, merita dona populi Romani traducit.

Plutarchus in Romulo auctor est, inter sacrificandum, senem prætexta bullaque pueritiz insignibus ornatum, per forum in Capitolium traduci solitum præeunte præcone qui sardos venales pronunciaret. Quem morem Plutarchus ibidem, & in quæstionibus Roman. à Romulo fluxisse dicit, qui victis Veientibus, ipso Regem in triumpho duxit, eius stultitiam irridens, quod nequaquam pro ætate, veterisq; prudentia Ducis rem gessisset: Sardes porro urbem, Lydorū caput, ut Hetruscorum Veios fuisse dicit; atque olim eosdem Lydos habitos & Hetruscos. Alij tamen aliter eius prouerbij originem tradunt.

De conuiuio Triumphantium.

CAP. XI.

Sacrificiō peracto, ut scribit Zonaras, in porticibus Capitoliij cēna apparabatur. Liuius li. XLV. in oratione M. Seruiliij; Illas quidem, inquit, epulas Senatus, quæ nec priuato loco,

loco, nec publico profano, sed in Capitolio eduntur, vtrum hominum voluptaris causâ, an Deorû hominumq; auctore Sergio Galba, turbaturi estis? &c. Athenæus tamen li. v. extremo triumphales epulas in Herculis fano dicit exstrui solitas fuisse.

His epulis Senatus, Magistratusque omnes intererant, præter Consules; qui vocabantur quidem, sed ijdem mox rogabantur, ne venirent; videlicet ne quis eo die quo ille triumpharet, maioris in eodem conuiuio esset imperij, vt Valerius & Plutarchus tradidere. *Valer. l. 3. Pars tamen cænæ domum ad consules mitte-*
batur, vt scribit Acron ad epist. v. l. i. Horatij. *Plutarch. 2. cap. 3.*

In eo conuiuio, narrat Crinitus lib. xxiv. *q. Rom.* cap. v. assedisse triumphanti ministrum, qui subinde diceret, Magis seruo tuo pareo, quam tibi: quo veluti probro admonitus se ipsum atque hominum condicionem æquo animo æstimaret.

Athenæus lib. iv. capit. xv. ex Possidonio dicit conuiuium, illud fuisse instructum apparatu Herculeo. *διοιοχῆται μὲν γὰρ οὐνόμε- λιτὰ δὲ βρώματα, ἄριστοι μεγάλοι καὶ καπνιστὰ ἑρδὰ κρέα, καὶ τὰ προσφάτων καὶ διερωθέντων ὁππῶτα δα- ψιλῆ:* quæ sic vertit Natalis; Potio, mulsum administratur; cibi vero, magni panes, carnesque fumosæ elixæ, & nuper iugulatarum victimarum carnes assatæ multæ. Plinius l. ix. cap. lv. refert C. Hirrum cœnis triumphali- bus Cæsaris Dictatoris, sex millia numero murænarum mutuo appendisse. Idem Plinius

lij utebantur, togas fuisse dicit fibulis distri-
ctas, purpura prætextas, puniceo colore al-
ternis intertexto.

Quomodocumq; autem se res habuerit; To-
gæ pictæ supposita fuit Tunica palmata: de
qua ita Festus. Tunica palmata à latitudine
clauorū dicebatur; quæ nunc à genere pictu-
ræ Palmata appellatur. quorum verborum
hic est sensus. Tunica quæ ante ob latitudinē
clauorum (clauī autem fuere quasi flores qui-
dam panno intexti) quæ igitur ante ab clauo-
rum latitudine Palmata dicebatur, id est, no-
bilis, aut quia clauorum latitudo tanta esset,
ut palmo mensurari posset; postea à palmarū
ramis qui in ea intexebantur, dicta est Palma-
ta; in ea enim, ut ait Isidorus, Victoriæ cum
palmis erant intextæ. Liuius lib. x. Cui Deo-
rum hominūque indignum videri potest eis
viris quos vos sellis curulib. toga prætexta,
tunica palmata, toga picta, & corona trium-
phali laurea q; honoraritis; Pontificalia atq;
auguralia insignia adijcere? Et lib. xxx. Poste-
ro die Scipio, ut à præsentī motu auerteret a-
nimum Massaniæ, in tribunal adscendit, &
concionem aduocari iussit: ibi eum primum
Regem appellatum, eximijq; ornatum laudi-
bus, aurea corona, aurea patera, Sella curuli,
& scipione eburneo, toga picta, & palmata
tunica donat. addit verbis honorem, neque
magnificentius quidquā triumpho apud Ro-
manos, neque triumphantibus ampliorem co-
ornatu esse, quo vnum omnium externorum
dignum Massanisam populus Rōm. ducat.

Porro

Porro togam pictam, & palmatam tunicā Imperatores de Capitolio Iouisque templo accepisse scribit in Seuero Lampridius; Prætextam, inquit, & pictam togam, nunquam nisi Consul accepit; & eā quidem, quam de Iouis templo desumptam alij quoq; accipiebant aut Prætores aut Consules. Et Capitolinus in Gordianis. Palmatam tunicam, & togam pictam primus Rom. priuatus suam propriam habuit: cum ante Imper. etiam de Capitolio acciperent, vel de Palatio. Hinc Vopiscus in Probo, Palmatam Capitolinam appellauit.

Calceos videntur gestasse siue puniceos siue rubros. Dionysius enim triūphantes cultu regio incessisse scribit: Zonaras autē, Romulum Regem tunica purpurea, toga prætexta, rubrisq; calceis vsum narrat. Dio etiam li. 43. Cæsarem rubris calceis vsum esse dicit, quod ijs olim vteretur Reges Albanorum, à quibus ipse originem duceret. Hinc etiā in Epigrammate antiquæ vrbis ita legitur de C. Mario

De manib; Cimbricis & Teutonicis adem Honori & Virtuti victor veste triumphali, Calceis puniceis.

Dextera manu lauri ramum, sinistra scipionem eburneum gestabāt, in quo summo aquilæ fuit effigies vt Appianus & Plutarchus tradunt: qua re significabant, auctore Isidoro, per victoriam, quasi ad supernam magnitudinem accedere. Eam aquilam Eburneam item fuisse significat Prudentius lib. 1. contra Symmachum.

Lib. 18.
Elym.

Post

Post Trabeas, & Eburnam aquilam, Sellamq, curulem.

Hæc Triumphantium ornamenta, Sellam curulem, sceptrum cum aquila, togam tunicamque pictam Dionysius li.iii. ab Hetruscis Tarquinio Prisco Regi missa scribit: eiectisque Regibus ad honestandos eos qui triumpharent à populo Rom. retenta.

Macrobius lib. i. Saturn. id Hostilio tribuit: Florus cum Dionysio consentit in Prisco.

Sed ut ad triumphantem reuertamur: is capite coronam, ex lauro Delphica siue sterili initio gestabat: postea cum Liviæ Drusillæ sub Augusti nuptias in Veientano suo sedenti, aquila ex alto gallinam conspicui candoris, ramum lauri baccis onustum rostro tenentem in gremium demississet illæ sam; & conseruari auem & sobolem haruspices iussisset, ramumque eum seri ac rite custodiri, tam feliciter filia prouenit, ut ex ea Triumphans postea Cæsar laurum in manu teneret, & coronam in capite gereret; atque Imperatores Cæsares cuncti, inde mox ominis causa laureas decernerent, traditusq; mos est ramos quos tenuissent, confestim eodem loco ferendi. Auctor Plinius libr. xv. cap. xxx. Suetonius in Galba. Dio lib. xlviii. Alij.

Adhibebatur autem laurus in Triumpho, non quia perpetuo viret, nec quia pacifera est (preferenda enim ei utrique olea) sed quia spectatissima in monte Parnasso, ideoque etiam grata Apollini esse crederetur, assuetis
eo do-

eo dona mittere iam & Regibus Romanis, teste L. Bruto: fortasse etiam in argumentum, quoniam ibi libertatem publicam is meruisset, lauriferam tellurem illam osculatus ex responso: & quia manu satarum, receptarumque in domo fulmine sola non icitur. Ob has causas Plinius credit, honorem ei habitum in triumphis potius, quam quia suffimentum sit cedis hostium & purgatio, ut Massurius & Festus tradiderunt. Quamquam idem Massurius curru Triumphantes myrtea etiā corona interdum usus scripsit, referente Plinio lib. xxxv. cap. xxix. Hanc Triumphantium coronam describit Tertullianus in libro de corona militis capit. xii. Triumphī laurea folijs struitur, hinc ambitur lemniscis, inauratur lānulis, vnguentis delibuitur à lacrymis coniugum & matrum.

Bullam etiam de ceruice suspensam gestasse, inclusis in eam remedijs, quæ crederent contra inuidiam valentissima scribit Macrobius lib. i. Saturn. cap. vi. Quam etiam ob causam crediderim appensum fuisse, sub curru Fascinum Deum inuidiæ medicum; qui Deus inter sacra Romana à Vestalibus colebatur, auctor Plinius lib. xxviii. cap. iv.

In ipso curru vna cum triumphante, admirabili plane exemplo, seruus publicus, ut ait Zonaras, vehebatur: qui pone coronam auream gemmis distinctum sustinens, admonebat subinde Triumphantem eum ut respiceret, id est, ut reliquum vitæ spatium prouideret, nec eo honore elatus superbiret: atq; per

singulas

l. 15. c. 30

Massu.

rius apud

Plinium

ibidem.

Festus u.

Laureati

militēs.

singulas ciuium acclamationes dicebat. Respice post te, hominem memeto te. Hinc Tertullianus in Apologetico cap. xxxiii. Hominem se esse etiam Triumphans in illo sublimissimo curru admonetur: suggeritur enim ei à tergo, Respice post te, hominem memento te: etiam vtique hoc magis gaudet, tanta se gloria coruscare, vt illi admonitio conditionis suę sit necessaria. D. Hieronymus epist. xxv. ad Paulinam. Ad reuelationum, inquit, humiliandam superbiam, monitor quidam humanę imbecillitatis apponitur, in similitudinem Triumphantium, quibus in curru retro comes adhærebat per singulas ciuium acclamationes dicens: hominem te esse memento, &c.

Hanc etiam eandem ob causam, vt eorum arrogantia retunderetur, videri putat triumphantes annulum ferreum gestasse, quo cum seruis quodam modo æquari videbatur. Quade re sic Plinius libr. xxxv. cap. i. loquens de annulis: Neque alijs vti mos fuit, quam qui ex ea causa publice acceperant; vulgoque sic triumphabant: Et cum corona ex auro Hetrusca sustineretur à tergo, annulus tamen in digito ferreus erat, æque triumphantis, & serui fortasse coronam sustinentis: sic triumphauit de Iugurtha C. Marius. Hæc Plinius. Coronam illam quæ à tergo sustinebatur, quæ Plinius Hetruscam vocat, ita describit Tertullianus in libro de Corona militis cap. x. Præferuntur etiam illis Hetruscæ: hoc vocabulum est coronarum, quas gemmis & folijs

ex au-

ex auro quercinis ob Iouem insignes, ad deducendas teñsas cum palmatis togis sumunt. De hac corona, & seruo eam sustinente sic Iuuenalis Satyra x.,

magnaq; corona

*Tantum orbem, quanto ceruix non sufficit vlla
Quippe tenet sudans hanc publicus, & sibi Cōsul
Ne placeat, curru seruus portatur eodem.*

Hic seruus publicus, qui vna cum Triumphante vehebatur, videtur fuisse Carnifex. Plinius enim lib. xxviii. cap. iv. ita scribit. Fascinus Imperatorum quoque, non solum infantium custos; & currus Triumphantium, sub his pendēs defendit medicus inuidiæ, iubetque eosdem respicere: similis medicina linguæ, vt sit exorata à tergo fortuna gloriæ, Carnifex. Et Isidorus libr. xviii. cap. 2. Quod vero, inquit, à Carnifice Triumphantē contingebantur; id erat indicio, vt ad tantum fastigium vecti, mediocritatis humanæ commoerentur.

Appensum quoque erat currui, vt ait Zonaras, tintinnabulum & flagellum; quibus significabatur, ipsum in eam calamitatem incidere posse, vt & flagris, seruorū more caderetur, & capite damnetur: qui enim ob facinus supremo supplicio afficiebantur, tintinnabula gestare solebāt, ne quis inter eundem contactu illorum, piaculo sese adstringeret.

Eodem curru liberi cognatiq; si quos Imperator haberet, etiam ipsorū virgines puerique aduehebantur: natu vero grandiores, equis vel iugalibus, vel singularibus sequebantur:

bantur: ceteri omnes pedibus pompam comitabatur lauro coronati, vt Zōnaras & Ap-
pianus tradunt. Et Cic. pro Murena. An cum
sedere in equis Triumphantium prætextati
potissimum filij soleant; huic donis militari-
bus patris Triumphum decorare fugiendum
fuit; vt rebus communiter gestis, pæne simul
cum patre triumpharet? Suetonius in Tibe-
rio cap. vi. Pubescens Actiaco triumpho cur-
rum Augusti comitatus est, sinistro funa-
li equo, cum Marcellus Octauix filius dexte-
riore veheretur. Et in Domitiano c. 12. Trium-
phum vtriusque Iudaicum equo albo comi-
tatus est. Liuius libr. xlv. de pauli filiis. Mi-
nor ferme, inquit, duodecim annos natus,
quinque diebus ante triumphum; maior qua-
tuordecim annorum, triduo post triumphum
decessit: quos prætextatos curru vehi cum
patre, sibi ipsis similes prædestinantes trium-
phos oportuerat. Tacitus li. 2. Annal. C. Cæ-
lio. L. Pomponio Coss. Germanicus Cæsar ad
vii. Kalen. Iunias triumphauit de Cheruscis,
Cattisq; & Angriuarijs, quæque aliæ natio-
nes, vsque ad Albim colunt. vecta spolia; ca-
ptiui; simulacra montium, fluminum, prælio-
rum: bellumq; quia conficere prohibitus e-
rat, pro confecto accipiebatur: augebat in-
tuentium visus eximia eius species, currusq;
quinque liberis onustus.

Ante triumphantem Herculis signum de-
ferri solitum scribit Asconius ad libr. i. Ver-
rin. Hinc Plinius lib. xxxiv. cap. vii. Hercules
ab Euandro sacratus, vt ferunt, in foro Boario,
qui

qui Triumphalis vocatur, atque per triumphos vestitur habitu triumphali.

Ipsum currum Imperatoris cum odoribus cingebant lictores purpurati Laureati; cytharædorum ac tibicinū turba, qui ad Hetruscæ similitudinem pompæ, aureis coronis redimiti caneant psallebantq; Lydios vocabant Romani. Auctor Appianus. Hanc etiam pompam versibus persecutus est Iuuenalis Sat. x.

*Quid si vidisset Prætozem in curribus altis
Exstantem, & medio sublimem in pulvere Circi
Intunica Ionis, & pictæ Sarrana ferentem
Ex humeris auleæ togæ; magnaq; corona
Tantum orbem, quanto ceruix non sufficit vlla?
Quippe tenet sudans hanc publicus, & sibi Consul
Ne placeat, curru seruus portatur eodem
Da nunc & volucrem, scepro qua surgit Eburno.
Illinc cornicines, hinc præcedentia longi
Agminis officia, & niueos ad frena Quirites, &c.*

De reliqua pompa Triumphi.

C A P. X.

CURRUM Imperatoris primi ciues Rom. & Calij, quos Imperatoris victoria hostium exemerat seruitute, affectabatur pileati, capitibusq; rasis, vt mos erat seruorum, cum manumitterentur. Auctor in Flaminio Plutarchus. Et Liuius lib. xxx. extremo. Secutus Scipionem triumphantem est, pileo capiti imposito, Q. Terentius Culleo, omniq; deinde vita, vt dignum erat, libertatis auctorem

H h

coluit.

oluit. Et lib. xxxiii. C. Cornelius de Insubri-
bus Canomanisque in magistratu triumphauit: multa signa militaria tulit, multa Gallica spolia captiuis carpentis, transuexit: multi nobiles Galli ante currum traducti. ceterum magis conuertit oculos Cremonensium Placentinorumque currum sequentium Colonorum turba pileatorum. Et lib. xxxiv. Præbuerunt speciem triumpho, capitibus rasis secuti, qui seruitute exempti fuerant.

Post hos sequebantur Legati & Tribuni militum in equis, tum reliqui pedites equitesque omnes in ordines descripti, laureati, lanceis pilisque laureatis, cum cantu & clamore pedibus ingrediebantur, præmia præferentes quæ quisque in eo bello fuerat consecutus; ut Appianus, Plutarchus, Zonaras scribunt. Festus. Laureati sequebantur, currum triumphantis, ut quasi purgati à cæde humana intrarent urbem. Cicero in Pisonem; Disseris de triumpho, quid tandem habet iste currus? quid uincti ante currum Duces? quid simulacra oppidorum? quid aurum? quid argentum? quid Legati & Tribuni in equis? quid clamor militum? quid tota illa pompa? quid vehi per urbem? Liuius libro quadragesimo quinto. Post currum inter alios illustres viros, filij duo Q. Maximus & P. Scipio: deinde equites turmatim, & cohortes peditum suis quæque ordinibus. Et lib. x. extremo. Triumphant in magistratu, insigni, ut illorum temporum habirus erat, triumpho, pedites equitesque insignes donis transiere, ac transuecti: multæ ci-

uicæ coronæ, vallaresq; ac murales cōspectæ.
Et lib. xxxix. Multi omnium ordinum donati
militaribus donis currum secuti sunt. Plinius
libr. xv. cap. xxx. laurus Romanis præcipuæ
lætitiæ victoriarumque nuncia additur lite-
ris, & militum lanceis pilisq; fascēs Imper-
atorum decorat.

Neque tamen vniuersi milites vidētur Ro-
mam ad Triumphum adducti: sed ij tantum,
quos Imperatori visum esset. Quare Sp. Li-
guſtinus apud Liuium lib. xlii. gloriatur se à
Flacco Præt. inter ceteros quos virtutis cau-
sa secum ex Hispania ad triumphum deduce-
bat, fuisse deductum. Hinc idem Liuius libr.
xxxiv. de Quinctij Triumpho. Milites secuti
currū frequentes; vt omni ex prouincia exer-
citu deportato.

Solebant autem milites inter incedendum
carmina incondita canere laudes Imperato-
ris celebrantes; nonnunquam etiā salla &
ridicula in eum coniicientes. Dionysius libr.
vii. extremo. Satyricam dicendi licentiā Ro-
manis ab initio familiarem fuisse, ipsa trium-
phorum pompa ostendit; in quibus permitti-
tur victorum comitibus carmina iocosq; in
Imperatores clarissimos dicere: quemadmo-
dum Athenis solebant, qui pompam plaustris
ducebant in obuios dicta omnis generis iocu-
lariter iacere. Hæc Dionysius. Illa vero præ-
cipua fuit omnium lætantium vox Io trium-
phe Io. Horatius li. 4. od. 2.

*Tuq; dum procedis, Io triumphæ
Non semel dicemus Io triumphæ.*

HA 2

Ouidius

Ovidius lib. iv. Tristium eleg. 2.

*Hos super in curru Caesar victore veheris**Purpureus, populirite per ora tui.**Qua^q ibis, manibus circumplaudere tuorum,**Vndiq^q iactato flore tegente vias.**Tempora Phœba a lauro cingentur: Io^q,**Miles Io, magna voce, Triumphæ canet.*

Liuius libr. iv. In eum milites carmina incondita, æquantes eum Romulo canere. Et li. v. Dictator, recuperata ex hostibus patria, Triumphans in urbem redijt: interq^{ue} iocos militares quos inconditos iaciunt, Romulus ac parens patrię, conditorq^{ue}; alter vrbis, haud vanis laudibus appellabatur. Et lib. xlv. Militum quidem propria caussa est, qui & ipsi laureati, & quisque donis quibus donatus est, insignis, triumphum nomine cient; suasq^{ue} & Imperatoris laudes cantantes per urbem incedunt. Hinc etiam illud Liuij eiusdem l. xli. Milites taciti, vt iratos esse sentires, secuti sunt currum. Exemplum porro carminum inconditorum quæ milites in triumpho iactarent, exstat apud Suetonium in Iulio; quæ si paulo castiora essent, hic adscribi possent.

Cum hac pompa triumphans in forum Romanum delatus, captiuos aliquot in carcerem duci atque necari iubebat, vt Iosephus & Zonaras narrant. Cicero lib. v. in Verrem. At etiam qui triumphant, eoq^{ue} diutius viuos hostium duces seruant, vt his per triumphum ductis, pulcherrimum spectaculum fructumq^{ue} victoriæ pop. Rom. prospicere possit: ta-

men

men cum de foro in Capitolium currum flectere incipiunt, illos duci in carcerē iubent; idemque dies & victoribus imperij, & victis vitæ finem facit. Sic Cicero.

Inde in Capitolium per gradus genibus, ut ait Dio, adscendens, ibi tantisper opperiebatur, dum hostium mors nunciaretur; qua nunciata, taurum immolabat; laurūq; ramum in Iouis gremio deponebat, ceteraq; dona consecrabat, ut Iosephus & Zonaras scribunt locis citatis, Plutarchus in Marcello, Seruius ad li. iv. Aeneid. Hinc Dio li. lv. Augustus in Capitolium adscendens, lauream fascibus detraxit, & ante Iouis genua deposuit. Plin. lib. xv. ca. 30. Laurus Romanis præcipue lætitiæ victoriarumq; nunciā additur litteris, & militum lanceis pilisq; fascēs Imperatorum decorat: ex his in gremio Iouis deponitur, quoties lætitiā noua victoria attulit. Et Obsequens in libro de Prodigijs. C. Antonius cū in agro Pistoriensi Catilinam deuicisset, laureatos fascēs in prouinciā tulit: ibi à Dardanis oppressus, amisso exercitu profugit: apparuit eum hostibus portendisse victoriā, cum ad eos laurum victricem tulerit, quam in Capitolio debuerat deponere. Hinc Statius lib. iv. Siluarum i.

Et nondum gremio Iouis Indica laurus.

Taurus qui immolabatur cādidus fuit: unde illud Iuuenalis

Duc in Capitolia magnum,

Cretatumq; bouem.

Seruius interpretans illud ex lib. ix.

Hb 3

Et sta

Et statuam ante aras, &c.

Ioui, inquit, de tauro non immolabatur, nisi cum triumphi nomine sue vel tauro fiebat: quod tamen ideo admissum est, quia non tantum Ioui, sed & alijs Dijs qui bello præsunt sacrificabatur. Linius li. XLV. in oratione M. Seruilij Cōsul, inquit, proficiscens Prætorve paludatis lictoribus in prouinciam & ad bellum, vota in Capitolio nuncupat: Victor perpetrato bello, eodem in Capitolio Triumphans ad eosdem Deos, quibus vota nuncupauit, merita dona populi Romani traducit.

Plutarchus in Romulo auctor est, inter sacrificandum, senem prætexta bullaque pueritæ insignibus ornatum, per forum in Capitolium traduci solitum præeunte præcone qui sardos venales pronunciarer. Quem morem Plutarchus ibidem, & in quæstionibus Roman. à Romulo fluxisse dicit, qui victis Veientibus, ipsorum Regem in triumpho duxit, eius stultitiam irridens, quod nequaquā pro ætate, veterisq; prudentia Ducis rem gessisset: Sardes porro urbem, Lydorū caput, ut Hetruscorum Veios fuisse dicit; atque olim eosdem Lydos habitos & Hetruscos. Alij tamen aliter eius prouerbij originem tradunt.

De conuiuio Triumphantium.

C A P. XI.

Sacrificiō peracto, ut scribit Zonaras, in porticibus Capitolijs cœna apparabatur. Linius li. XLV. in oratione M. Seruilij; Illas quidem, inquit, epulas Senatus, quæ nec priuato loco,

loco, nec publico profano, sed in Capitolio eduntur, vtrum hominum voluptatis causâ, an Deorû hominumq; auctore Sergio Galba, turbaturi estis? &c. Athenæus tamen li. v. extremo triumphales epulas in Herculis fano dicit exstrui solitas fuisse.

His epulis Senatus, Magistratusque omnes intererant, præter Consules; qui vocabantur quidem, sed iidem mox rogabantur, ne venirent; videlicet ne quis eo die quo ille triumpharet, maioris in eodem conuiuio esset imperij, vt Valerius & Plutarchus tradidere. *Valer. l. 3. Pars tamen cænæ domum ad consules mitte-*
batur, vt scribit Acron ad epist. v. l. i. Horatij. *Plutarch. 2. cap. 3.*

In eo conuiuio, narrat Crinitus lib. xxiv. q. Rom. cap. v. assedisse triumphanti ministrum, qui subinde diceret, Magis seruo tuo pareo, quam tibi: quo veluti probro admonitus se ipsum atque hominum condicionem æquo animo æstimaret.

Athenæus lib. iv. capit. xv. ex Possidonio dicit conuiuium, illud fuisse instructum apparatu Herculeo. *διονοχῆται γὰρ καὶ πρὸς τὸ νόμιμον τὰ δὲ βρώματα, ἄρτοι μεγάλοι καὶ πνιγὰ ἑρπιάχεια, καὶ τῶν προσφάτων καθιερωθέντων ὀπιὰ δαψιλῆ:* quæ sic vertit Natalis; Potio, mulsum administratur; cibi vero, magni panes, carnesque fumosæ elixæ, & super iugularum victimarum carnes assatæ multæ. Plinius l. ix. cap. lv. refert C. Hirrum cœnis triumphalibus Cæsaris Dictatoris, sex millia numero murænarum mutuo appendisse. Idem Plinius

li. xxx. c. vii. scribit in eius cænæ vnguēta, quibus accubaturi vnebantur, Minium religionis causā addi solitum.

Post cēnam autem triumphans ad vespertinijs præcinentibus, omniq̃ue multitudine prosequente domum se priuatus recipiebat, vt Zonaras, & Plutarchus in quæstionibus scribunt. Militibus vero triumphum profectis; mulsū dabatur, vt significat Plautus Bacchid. scen. Atridæ. Atque hæc de Triumpho terrestri, eiusq̃ue ritu pompaq̃; omni.

De Triumpho Nauali. CAP. XII.

VT autem terrestris triumphus ijs qui pedestri pugna hostem vicissent, decretus est; ita qui naualem victoriam reportassent, nauali triumpho sunt ornati. Primus omnium Romanorum Imperatorum C. Duilius Cos. cum Pœnos classe deuicisset, naualis victorię triumphum duxit anno CDXCIII. Kal. interkalaribus. Naualis porro triumphus non ideo est appellatus, quod eum qui agerent in urbem nauibus inueherentur: sed quod ex nauali, vt dixi, victoria referretur. Nam Valerius lib. & cap. iv. vbi de C. Attilio loquitur, quem naualem de Pœnis triumphum egisse tabulę Capitolinæ docent; Illæ, inquit, rustico opere attritæ manus salutem publicam stabilierunt, ingentes hostium copias pessum dederunt: quæq̃; modo arantium bouum iugū rexerant, triumphalis currus habenas retinuerunt, nec fuit ijs rubor, eburneo scipione deposito; agrestem stiuam aratri repetere, &c.

Quo

Quæ cum dicit, eos qui triumpho nauali ornabantur, non naui, sed curru vectos urbem inisse ostendit: vt interim taceam, scriptorū neminem in exponendo nauali Triumpho, nauium omnino mentionem vllam fecisse.

Nauales igitur triūphi eadem pompa, quam in terrestri triumpho proxime exposuimus, celelebrati sunt: nisi quod in his interdum triremes etiam nauesq; hostium, ac reliquus belli naualis apparatus traduceretur, quem admodum de Luculli triumpho scribit Plutarchus, qui victis nauali bello ducibus Mithridatis, in triumpho inter ceteram prædā, naues longas rostratas centū & decem transtulit. Liuius lib. xxxvii. Lucio, inquit, Aemylia Regillo, qui classe Præfectū Antiochi Regis deuicerat, extra urbem in æde Apollinis cum Senatus datus esset, auditis rebus gestis eius, quantis cum classibus hostium dimicasset, quod inde naues expulisset, aut egisset, magno consensu Patrum triumphus naualis est decretus, triumphauit Kal. Februar. in eo triumpho, vnde quinquaginta coronæ aureæ translatae sunt: pecunia nequaquam tanta pro specie regij triumphi. Hæc Liuius.

De Priuilegijs triumphantium.

C A P. XIII.

ET si triūphi dies ducibus victoribus pompæ & imperij finem faciebat: non tamen eo vno die ipsoꝝ honos & gloria terminabatur. Primum enim datum est decreto Senatus ijs qui triumphassent, vt cum eorum corpora

Hh 5. extra

extra urbem cremata essent, in urbem ossa & cineres referrentur, humique mandarentur: cum cæterorum corpora eo loco ubi cremata essent, condi leges XII. tabul. iuberent, quemadmodum ex Pyrrhone Liparæo tradit in Roman. quæstionibus Plutarchus. Eorumque funera vestibis auro intextis apparabantur, ut ea quasi nota triumphalium virorum funera distinguerentur à cæteris, ut est auctor Polybius lib. vi.

Deinde statux ijs habitu triumphali ponebantur, ut significat Plinius lib. xxxiv. ca. v. Hinc Liuius lib. viii. Additus triumpho honos, ut statuæ equestres eis, rara illa ætate res, in foro ponerentur. Et libro ix. Marcius de Hernieis triumphans in urbem redijt: statuæque in foro equestris decreta est. Tacitus lib. iv. Annal. Priores duces sibi impetrando triumphalium insigni, sufficere res suas crediderant, hostem omittebant: iamque tres laureatæ in urbe statuæ, & adhuc raptabat Africam Tacfarinas. Et in vita Agricolæ. Triumphalia ornamenta, & illustres statuæ honorem, & quidquid pro triumpho datur decerni in Senatu iubet.

Illud fortasse etiam lege datum triumphanti, ut laurea corona in spectaculis uti posset. In hanc coniecturam Plinius & Valerius nos deducere videntur, qui C. Papirium Masonem tradunt, cum triumpho à Senatu non impetrato, in Albano monte triumphasset, myrtea corona, pro laurea in spectaculis usum.

Plin. l. 15.
cap. 29.
Vale. l. 3.
cap. 6.

Ser.

Seruius ad illum Virgilij versum ex li. XI.

Et Sellam regni, &c.

Scribit viros triumphales curru solitos in curiam vehi; vnde Sellæ curuli nomen. Verum id non tam proprium videtur fuisse eorum qui triumphassent, quam commune omnium qui curules magistratus gessissent, vt ex Bassi sententia tradit Gellius lib. 3. cap. 18.

Præter hos autem honores qui videtur fuisse ordinarij, alios alijs extra ordinem delatos fuisse significat Liu. lib. 2. Dictator triūphans urbem inuehitur: super solitos honores, locus in circo ipsi, posterisque ad spectaculū datus, Sella in eo loco curulis posita, &c. C. autem Duillio, qui primus naualem triumphum duxit, perpetuus honos habitus est, vt reuertenti à cœna tubicines canerēt, & funale præferretur. Multa etiam extra ordinem Pompeio & Cæsari concessa narrat Dio lib. xxxvii. & xliii.

Atque hæc quidem de maiore triumpho, siue terrestri, siue nauali dicta sint: reliquum est, vt de minore triumpho, id est, de Ouatione dicamus.

De Ouationis nomine, quibusq; de causis ea concederetur.

C A P. XIV.

Ouatio, quam minorem triumphum fuisse diximus, ab eo clamore, vt Festus ait, nomen inuenit, quem redeuntes à pugna victores milites edebant. O littera geminata: *li. 5. 10* quod idem placet Dionysio, quasi verò *riquit.*
Romani

Romani *trās*, *lus* græcam vocem quæ clamorem significat, Ouationis nomine voluerint interpretari. At verò Plutarchus in Marcello, & Seruius ad lib. iv. Aeneid. hanc opinionem refellunt, & ab oue Ouationis nomē ductum putant; quam, qui hoc genere triumphi ornabantur, sacrificabant; quemadmodū qui maiorem triumphum agebat, taurum in Capitolium veniens immolabat.

Primus omnium Postumius Tubertus Cos. iterum, de Sabinis ouans urbem est ingressus anno CCL. tertio Non. April. vt in fastis Capitolinis habetur: retentusque mos est, vt quēadmodū maiora triumphus ob insignem victoriam, sic Ouatio ob leuem concederetur.

l. 5. ca. 6. Fests Oualis coronata. Qui enim, auctore Gellio, bellum aut non rite indictum, aut non cum iustis hostibus; aut cum humilibus & non idoneis, vt seruis piratisque gessisset; aut deditioe repēte facta, incruenta victoria, negotium confecisset: aut, quod addit in Marcello Plutarchus, gratia & verbis rem transgisset; aut denique aliqua causa ex ijs, quæ ad triumphum postulari diximus, defuisset, vt Liuius passim tradit; verbi causa, cum alienis auspicijs, aut in aliena Prouincia, aut sine magistratu rem gessisset; aut multos de suis amisisset; aut exercitum non deportasset; ei Senatus iudicio, iussu populi Ouatio decernebatur: de cuius pompa nobis deinceps dicendum est.

*De Ouationis pompa, quainre à Triumpho
differret.*

CAP. XV.

DVces igitur ijs honoribus, quos supra exposuimus, absentes ornati, cum ad urbem venissent, commemoratisque in Senatu rebus à se gestis, si triumphum non impetrassent, ex S.C. ouantes urbem inibant; lege similiter de imperio lata in eum diem, quo ducerent ouationem. Liuius libr. xxvi. Marcellus ex Sicilia Prouincia cum ad urbem venisset, à C. Calpurnio Præt. Senatus ei ad ædem Bellonæ datus est: ibi cum de rebus ab se gestis disseruisset, medium visum, ut ouās urbem iniret: Tribuni pl. ex auctoritate Senatus ad populū tulere, ut M. Marcello, quo die urbem ouans iniret, imperium esset.

Ingrediebantur autem urbem pompa triumpho simillima, spolijs armisque hostium, simulacris oppidorum, ceteraque; auri, argenti, æris, eborisque præda; coronisque ciuitatum prælatis. Victimæ tamen ad sacrificium non boues, sed oues traducebantur, Plutarcho & Seruio auctoribus, qui etiam inde Ouationi nomen inditū volunt. Liuius de eadem Marcelli ouatione. Ouans multam præ se prædam in urbem intulit cum simulacro captarum Siracusarum, Catapultæ, balistæque & alia omnia instrumēta belli lata; & pacis diuturnæ, regiæque opulentiæ ornāmēta; argenti ærisque fabrefacta vasa, & alia supellex, preciosæque vestes, & multa nobilia signa, quibus

bus inter primas Græciæ vrbes Siracusæ ornatae fuerant: Punica quoque victoriæ signum octo traducti elephanti. Et lib. xxxvi. M. Fuluius Nobilior ouans urbem est ingressus: argenti bigati præ se tulit centum triginta millia: & extra numerum xlii millia pondo argenti: auri pondo ccxxvii. Et li xxxix. Medius honos Manlio habitus, vt ouans urbem iniret: tulit coronas aureas Lii. auri præterea pondo 132. argenti 16 millia & 300.

Ipse verò Imperator non picta auro toga, sed prætexta, communi ceterorum Magistratum cultu ornatus, calceatusque urbē pedibus ingrediebatur, si Dionysio, Plutarcho, & Massurio credimus: Seruius enim ouantes equo singulari vectos scribit, quod idem significat Dio, qui ouantem ingredi, equo vehi sollet interpretari. Gellius id etiam apud ipsos veteres scriptores controuersum fuisse dicit.

Sceptro siue Scipione eburneo caruerunt, auctore Dionysio. Capite autem coronam ex myrto gestasse potius, quam, vt ait Dionysius, ex lauro, Plinio, Plutarcho, Gellio, Festoque assentior. Myrtus enim cum sacra Veneri haberetur, quæ Dea à vi belloque maxime abhorret, aptissima visa est ouationi, quæ non Martius, sed quasi Venerens quidam triumphus esset. M. tamen Licinius Crassus cum Propræt. de fugitiuis & Spartaco ouans ingrederetur, anno DCLxxxii. myrteam aspernatus coronam, Senatus consultum faciendum curauit, vt lauro non myrto coronaretur,

retur, vt Plinius & Gellius tradunt. Vnde illud Ciceronis in Pisoniana. Crasse pudet metui: quid est quod confecto formidolosissimo bello, coronam illam lauream tibi tantopere decerni volueris à Senatu?

Ipsam Imperatorem non tubicines, vt in triumpho, sed tibicines cingebant, vt scribit Plut. nimirum quia tibia similiter atq; myrtus, pacis quoddam esset insigne.

Milites deinceps sequebatur, vt Dionysius & Plutarchus narrant, clamoribus inconditisque carminibus victoriam celebrantes; vnde Ouationis nomen ortum nonnulli putant. Liuius lib. iv. Cum ex S. C. urbem ouans introiret, alterius inconditi versus militari licentia iactati, &c. Massurius tamen ouantes ingressos dicit sequentibus eos, non militibus, sed vniuerso Senatu: atque apud Liuium etiam aliquot sine militibus urbem inisse legimus, vt T. Veturium Geminum, & C. Claudium Neronem: quod tum demum verisimile est accidisse, cum exercitus ex Provincia non esset deportatus, vt de Nerone diserte narrat idem Liuius. Porro milites olea coronati videntur incessisse: sic enim scribit Plinius l. 15. c. 14. Oleæ honorem Romana maiestas magnum præbuit, turmas equitum Idibus Iulij ex ea coronando, item minoribus triumphis ouantes. Et Festus. Oleagina corona ministri triumphantium utebantur; quod Minerua Dea belli esse dicebatur. Et Gellius. Oleagina coronâ uti solent, qui in prælio non fuerunt, sed triumphum procurant.

Cum

Cum hac igitur pompa Imperator à Senatu vniuerso, quemadmodū Massurio placet: vt autē scribit Seruius à plebe vel equitibus in Capitolium deductus, ouem vti diximus immolabat pro tauro: aliaque ex more triumphantium peragebat.

De triumpho in monte Albano.

C A P. XVI.

EXpositis ijs triumphis qui in vrbe Senatus decreto populi iussu celebrarentur; reliquum est vt de eo triumpho differamus, qui sine publica auctoritate extra urbem in monte Albano (qui mons non procul aberat ab vrbe) aliquoties ductus est. Hunc triumphandi morem primus C. Papirius Maso Cos. dicitur v'ssurpasse, qui cum bene gesta repub. aduersus Corsos, triumphum Romę à Senatu non impetrasset: in monte Albano triūphandi, & ipse initium fecit, & cæteris postea exemplum præbuit, anno DXXII. tertio Non. Mart. vt fasti Capitolini docent. Quare pro laurea corona, quam qui Romę triūphassent, gestabant; ipse cum alicui spectaculo interesset, myrtea vsus est, quemadmodum cum Valerio Plinius tradit. Festus tamen Papyriū myrtea corona vsum ait, quod Sardos in campis myrteis superasset.

Hic triumphus longe fuit cæteris inhonoratior; nam neque ex ærario sumptus erogabatur, neque in luce oculisque ciuium celebrabatur: cæterum ea omnia præferebantur, quæ in alijs triūphis prælata diximus. Liuius
lib.

lib. XXVI. Marcellus pridie quam urbem iniret, in monte Albano triumphauit. Et lib. XXXIII. Q. Minucius, tentata tantum relatione, cum aduersum omnem Senatum videret, in monte Albano, se triumphaturum, & iure imperij consularis, & multorum clarorum virorum exemplo dixit. is triumphus, vt loco & fama rerum gestarū, & quod sumptum non erogatum ex ærario omnes sciebant, in-honoratior fuit; ita signis carpentisque, & spolijs ferme æquabat: pecuniæ etiam prope par summa fuit, æris translata CCLIV mil-lia, argenti bigati LIII millia, & CC militi-bus, centurionibusque & equitibus, item in singulos datum, quod dederat Collega. Et lib. XLII. C. Cicereio Præt. prioris anni ad æ-dem Bellonæ Senatus datus est. Is expositis quas in Corsicæ res gessisset, postulatoq; fru-stra triumpho: in monte Albano, quod iam in morem venerat, vt sine publica auctõrita-te fieret, triumphauit.

De triumphis intermissis, & triumphalibus ornamentis institutis.

C A P. XVII.

Triumphus & Ouationis honos, dum stetit Resp. Romæ fuit frequentissimus: atque ab vrbe condita ad Vespasianum Titumque Imp. annis DCCC. numeratur, Orosio aucto-re, triumphus CCCXX. quibus vniuersus terra-
 rum orbis in Romanorum venit potestatem. li. 7.
 Ex eo tempore languescente Romanorū vir-tute, Romaniq; imperij sede Bizantiū transla-

ta, paulatim cum victoriarum gloria, triumphandi mos esset obsoleuit.

Post Vespasianum tamen Titumq; triginta, aut non multo secus triumphi numerantur, vsque ad Iustinianum Imper. quo Imperatore Belisarius vltimus Romanorum Ducum de Vandalis & Gilimere Rege triumphauit anno v. c. dcccxxvi. vt refert Procop. li. iv.

cap. 38. Pro triumphi honore ab Augusto, (sub quo tamen Duces circiter triginta triumphasse Suetonius narrat) ornamenta triumphalia sunt instituta. Cuius exemplū reliqui Imperatores secuti, triūphandi ius sibi reseruauit, ducibus triumphi loco quem in libera ciuitate meruissent, triumphalia ornamenta concedebant. Ea autem videntur fuisse supplicatio, Imperatoris appellatio, vestis & corona triumphalis, ceteraque triumphantium insignia: curru tamen per urbem non vehebantur, neque legitimam triumphorū pompam ducebant.

lib. 54. Primus triumphalibus ornamentis M. Vipsanius Agrippa honoratus est, vt ait Dio, Cn. Cornelio Lētulo, M. Licinio Crasso Coss. anno dcccxxxix. Is enim cum Bosporanos vicisset, atque ob eam Rom. supplicationes ac triumphus ei Romę decretus esset; reliqua quidem ornamenta suscepit, triumphum tamen non egit, quia de rebus gestis nihil ad Senatum scripserat; quo exemplo reliqui deinceps Duces, neque publice literas miserūt, neque triumphum impetrarunt: ac propterea nemini alij pari dignitate triumphus in
post-

posterum, sed triumphalia tantū ornamenta decreta sunt. Suetonius tamen Tiberium hoc *in vita* honore primum affectum auctor est: quod *cap. 9.* quidem videtur accidisse M. Messala P. Sulpicio Coss. anno v. c. DCCXLI. Hinc Velleius libro posteriore. Decreta, inquit, M. Vinicio, cum speciosissima inscriptione operum ornamenta triumphalia. Et Tacitus in vita Agricolaë, Igitur & triumphalia ornamenta, & illustribus statuaë honorem, & quidquid pro triumpho datur, decerni in Senatu iubet.

De relatis ad ærarium rationibus.

C A P. XVIII.

POSTRIDIE quam Dux triumpharat, aut unctionem duxerat (quod item commune fuit omnibus, qui ex prouincia Romā decederēt) postridie igitur, vel alio die Dux imperio deposito, dataq; à Magistratu aliquo concione priuatus (nisi si in Magistratu triumphasset) reip. administratæ rationē populo reddebat, prædamq; hostium cum rationibus in ærariū inferebat. Asconius ad librum I. Verrinarum. Hæc fuit, inquit, veterum diligentia, vt quod quisq; de subiugata Prouincia per triūphum apportauisset, perscriptum in tabulis in ærario reponendis conseruaretur. Hinc Plinius libr. xxxv. cap. II. citat acta triumphorum Pompeij. Eo Liuius libr. XLV. in oratione Seruiliij pro L. Paulo: Sergius inquit, Galba, si in L. Paulo accusando tirocinium ponere, & documentum eloquentiæ dare

voluit, non triumphum impedire debuit: sed cum postero die quam triumphatum est, priuatum eum visurus esset; nomen deferret, legibus interrogaret. Et ibidem de eodem L. Paulo: Paucis post triumphum diebus, data à M. Antonio Tribun. pleb. concione, cum de suis rebus gestis, more cæterorum Imperatorum, differuisset, &c. Dionysius lib. viii. Sp. Cassius Cos. altero post triumphum die, concione aduocata, pro tribunali, vt mos est ijs qui triumpharunt, rationem rerum à se gestarum reddidit.

erat. in
eundem.

Initio ante legem Iuliam liberior fuit referendi ratio; lege autem Iulia, quam Iulius Cæsar in consulatu tulit, cautum est, vt Imperatores antequam de Prouincia decederent, rationes perscriptas in Prouincia apud duas ciuitates relinquerent; easque statim atque urbem inissent, ad ærarium ijsdem verbis deferrent. Itaque Cicero sic facit Pisonem cum Cæsare colloquentem; Rationes ad ærarium retuli continuo, sicut lex iubebat; neque alia vlla in re legi tuæ parui. Et lib v. epist. xx, ad Rufum Quæstorem suum; existimes velim, inquit, si rationum referendarum ius vetus & mos antiquus maneret, me relaturum rationes, nisi tecum pro cōiunctione nostræ necessitudinis contulissem cōfecissemque, non fuisse: quod igitur fecissem ad urbem, si consuetudo pristina maneret, id, quando lege Iulia relinquere rationes in Prouincia necesse erat, easdemque totidem verbis referre ad ærarium, feci in Prouincia. Et mox. Illud quidē
certo

certe factum est quod lex iubebat, ut apud duas ciuitates Laodicensem & Apamensem quæ nobis maxime videbantur, quoniam ita necesse erat, rationes cōfectas & consolutas deponeremus.

Relatarum rationum exemplum aliquod exstat apud Ciceronem li. I. in Verrem, licet in ijs ipse breuitatem reprehēdat. Videamus, inquit, rationes quomodo retulerit; Accepi vicijs ducenta triginta quinque millia, quadrigentos xvii nummos. Dedi stipendio, frumēto, Legatis, Proquæstoribus, cohorti prætorix HS. mille sexcenta triginta quinque millia CD xvii nummos. Reliqui Arimini HS. sexcenta millia, &c.

Sic igitur rationes retulit Verres, nimis breuiter & obscure: longe autem melius retulit P. Seruilius, quem ibidem laudat Cicerō; P. Seruilius, inquit, quæ signa atque ornamenta ex vrbe hostium & virtute capta belli lege atque Imperatorio iure sustulit, ea populo Rom. adportauit; per triumphū vexit, in tabulas publicas ad ærarium perscribenda curauit. Cognoscite ex publicis litteris hominis amplissimi diligētiam, non solum numerum signorum, sed etiam vniuscuiusque magnitudinem, figuram, statum litteris definiri vides, &c.

Cum rationibus Duces vna etiam eorum nomina ad ærarium deferebant, quorum strenua fidei q; opera in bello vsi essent: qui deferri in beneficijs ad ærariū dicebantur, quod eorum virtus ac fides Reip. profuisset. Id lex

Iulia diebus triginta postquam rationes relatæ essent, fieri iubebat. Cicero eadem ad Rufum epistola. Quod scribis de beneficijs, scito à me & tribunos militares, & Præfectos, & contubernales duntaxat meos delatos esse: in quo quidem ratio me fefellit; liberum enim mihi tempus ad eos deferendos existimabam dari, postea certior factus sum, triginta diebus referri necesse esse, quibus rationes retulissem, &c. Id etiam more maiorum videtur observatum fuisse, ut nemo nisi ciuis Romanus in beneficijs ad ærariû deferretur: quare Cicero hoc argumento probat Archiâ ciuem esse Romanum, quod à Lucullo Prætor & Cons. esset in beneficijs ad ærarium delatus.

Sed ut ad rationes relatas reuertamur: Aurum quidem, argentum, æs, tum factum, tum infectum, signatumque, quod in triumpho translatum fuerat; in ærarium populi Rom. inferebatur: spolia verò & arma hostium, ceteraque præda, pars populi erat, & in publicis armamentarijs condebatur: pars vendebatur, pecuniaque militibus pro victoriæ magnitudine & Imperatorum liberalitate distribuebatur: pars Imperatori cedebat; ut ea suo arbitratu vteretur. Itaque Cicero id tanquam iniquum in Rulli lege reprehendit, quod aurum argentum ex præda, ex manubijs, ex auro coronario ad quoscumque peruenisset, neque relatum esset in publicum, neque in monumento consumptum id apud decem viros profiteri, & ad eos referre iuberet.

beret. Contra verò Liuius libro trigesimo-septimo diem dictam à Tribunis plebis M. Acilio Glabrioni scribit, quod pecuniæ regni prædæque aliquantum capte in Antiochi castris, neque in triumpho tulisset, neque in ærarium detulisset.

Idem Liuius libr. XLV. HS. ducenties ex ea præda redactum esse auctor est Antias, præter aurum, argentumque, quod in ærarium sit latum. Et lib. X. Data ex præda militibus octogeni bini, sagaque & tunica, præmia illa tempestate militiæ, haud quaquam spernenda. Ibidem omne æs argumentumque in ærarium conditum, militibus nihil datum ex præda est.

Pars illa quæ Imperatori cessisset ex præda, Manubiæ dici consuevit. A Sconius ad lib. primum Verr. Manubiæ, inquit, sunt præda Imperatoris proportionem de hostibus capta, & cet. Hac ille parte prædæ vel domum suam ornabat, vel diuendita opus aliquod publicum exstruebat, vt scribit Zonaras. Liuius libro trigesimo octauo. Ambraciam captam signaque quæ ablata criminantur, & cætera spolia eius vrbs ante currum laturus & fixurus in postibus suis. Et libro XXXIII. L. Stertinius ex vltiore Hispania quinquaginta millia pondo argenti in ærarium tulit, & de manubijs duos fornices fecit, & his fornicibus signa aurata imposuit. Augustus, referente Dione libro quinquagesimo quarto, iussit eos qui triumpharent, aliquod

*Nonius.
Gellius.*

opus publicum ex manubijs conficere ob rerum gestarū memoriam. Itaque & inscriptionem suæ titulum suarum victoriarum addebant. Liu. l. vi. T. Quinctius semel acie victor, binis castris hostiū, nouem oppidis vi captis Præneste in deditionem accepto, Romā reuertit; triumphansq; signum Præneste deuectum Iouis Imp. in Capitolium tulit; dedicatūque est inter sellam Iouis & Mineræ: tabulaque sub eo fixa monumentū rerum gestarum, his ferme incisa litteris fuit; Iuppiter atq; Diui

Liu. l. 40
et li. 41.
alias in-
scriptiōes
refert.
 omnes hoc dederūt, vt T. Quinctius Dictator oppida nouem caperet die xx. quam creatus erat, Dictatura se abdicauit. Plinius lib. vii. cap. xxvi. de Pompeio. Hos ergo honores vrbi tribuit in delubro Mineræ, quod ex manubijs dicabat. Cn. Pompeius Magnus Imp. bello xxx annorum cōfecto, fufis, fugatis, occisis, in deditionem acceptis hominum vicies semel centenis LXXXIII millibus, depressis, aut captis nauibus DCCCLVI. oppidis, castellis, M. DXXXVIII. in fidem receptis; terris à Mæotis lacu ad rubrum mare subactis, votum merito Mineræ. Hæc Plinius.

Iisdem quoq; spolijs hostium templa aliaque loca publica ornari solebant, Liu. lib. ix. Dictator ex S. C. triūphauit; cuius triumpho longe maximā speciem captiua arma præbueret: tantum magnificentiae visum in ijs, vt aurata scuta dominis argentariorum ad forum ornandū diuiderentur. Et li. x. extremo. Aedē Quirini Dictatore patre votam, filius Cons. dedicauit, exornauitq; hostiū spolijs, quorum

tanta

tanta multitudo fuit, vt nō templum tantum forumque his ornaretur, sed socijs etiam colonisque finitimis ad templorum locorumque publicorum ornatum diuiderentur. Hinc Liuius libr. xxii, Vetera hostium spolia, detrahunt templis porticibusque.

Captiui autem reliqui, aut statim interficiebantur, aut in custodiam tradebantur, aut vendebantur. Liuius enim lib. xxvi. Sic facit Vibium loquentem. Neque victus per urbem Romam Triumphī spectaculum trahar, vt deinde in carcere aut ad palum deligatus, lacerato virgistergo, ceruicem securi Romanæ subiiciam. Idem Liuius Syphacem post triumphum Tibure obijſſe narrat. Plutarchus in Mario etiam Iugurtham fame post aliquot dies in carcere necatum ait. Quod autem vendi etiā consueuerint, ostendit Liuius libro vii. Præda omnis militi data, extra prædam quatuor millia deditorum habita; eos victos consul ante currum triumphans egit: venditis deinde, magnam pecuniam in ærarium redegit.

De Aerario. CAP. XIX.

AErarium quo illa omnia illata esse diximus, in æde Saturni fuit, à P. Valerio Poplicola Cos. institutum. Qui quidem ea re, vt Plutarchus & Macrobius scribunt, vel loci ipsius opportunitatem munitionemque; vel etiam superstitionem veterum secutus videri possit; vt eum potissimum Deum pecuniæ publicæ custodem præficeret, qui fructibus & agriculturæ (ex quibus rebus maxime pecu-

nia conficitur) præesse; quoque regnante nullus auaritiæ furrisq; locus fuisse crederetur. In eo templo (quantum quidem ad rem præsentem facit; nam postea immutata ratio est; militari ac Principis ærario instituto) in eo igitur templo, æraria siue cellæ tres fuere, in quibus singulis seorsum thesauri publici in certos vsus erogandi asseruabantur: vt pro genere pecuniæ ac tempore quo pecunia ex ijs promebatur, ipsa quoque loca essent distincta.

Vnum igitur ærarium in Opis cella fuit, & ex annuis tributis, vectigalibus, prædaq; bellicis collecta constabat: vnde pecunia poscentibus Reipubl. rationibus quotidie efferebatur. Hinc Cicero i. Philip. Pecunia vtinam ad Opis maneret, &cæt. Quod ærarium assiduistum ordinarijs, tum extraordinarijs impensis exhaustum, & ad summas angustias redactum sæpe queritur Cicero.

Alterum fuit ærarium; in quo pecunia custodiebatur quæ in vsum Gallici belli erogaretur: quam attingi nisi Gallicum bellum vrgeret, exsecrationibus publicis vetitum fuit. Cæsar tamen victor omnem ex eo pecuniam quasi Rempub. ipse Gallici belli metu liberasset, ad se transtulit, vt apud Appianum li. 2. scriptum est. Hoc ærarium videtur esse iam inde ab eo tempore institutum, cum urbem Romam Galli captâ incenderunt: tunc enim probabile est decretum esse, vt aurum illud deponeretur, si nouus aliquis tumultus Gallicus exoriretur: ac quidquid ex victorijs secundo

cundo & tertio bello Punico ex Asia, Macedonia, vt alias omittam, partum est, eodem postea conditum ex eo apparet, quod arariū illud, quo per vim ingressus est Cæsar, id fuisse, quo aurum & argentum ex præda Punica & Macedonica alijsque bellis congestum est, docet Lucanius.

tum conditus imo

Eruietur templo multis intactus ab annis

Romani census populi, quem Punica bella,

Quem dederat Perses, quē victi præda Philippi.

Accedit quod exiguam plane auri vim fuisse quæ priscis illis temporibus, nondum prolatis Imperij finibus, deposita est, admodum verisimile videtur: cuius tantulæ pecuniæ causa, nunquam certe fores ærarij sibi Cæsar effringendas putasset; à quo tamen ablata laterum aureorum xxvi millia, & in numerato pondo ccc. Plinius tradit lib. xxii. cap. iii.

Florus tamē non Gallicanum, sed Sanctius ærarium à Cæsare effractum scribit libro iv. Hoc enim tertium fuit ærarium, ex auro vicesimario de manumissorum vicesima, vt ego quidē existimo, lege Manlia collecto, quem admodum significat Liuius li. vii. Ab altero, inquit, consule nihil memorabile gestum, nisi quod legem nouo exemplo ad Sutrium in castris tributim de vicesima eorum qui manumitterentur tulit, &c. Hoc ærarium quia aperiri nisi extremis Reipublicæ casibus non licebat, ideo Sanctius est appellatum. Idem Liuius libro xxvii. Aurum vicesimarium, quod

quod in Sanctiore ærario ad vltimos casus seruaretur, promi placuit. De hoc ærario meminit etiam Cæsar libr. i. bell. ciuil. Lentulus Cos aperto Sanctiore ærario ex vrbe profugit. Et Cicero l. vii. epist. xx. ad Atticum. Consules vt Romam venirent, pecuniam de sanctiore ærario auferrent. Atque hæc quidem de Aerario satis.

De Trophæis. CAP. XX.

NE autem victoriæ gloria vlla temporis vetustate oblcuraretur, licebat Imperatoribus eo in loco vbi hostes profligarant, Trophæa constituere, quæ bellicæ laudis victoriæque insignia & monumenta essent ad memoriam nominis sempiternam. ex quo M. Cicero in Pisonem. Trophæa, inquit, bellicæ laudis victoriæque omnes gentes insignia & monumenta esse voluerunt.

Atque hinc Trophæa quasi Tropæa dicta videntur, ab hostium nimirum fuga, quam Græci τροπήν vocant, vt Varro & alij tradidere. Seruius explicans illud Virgilij ex li. xi.

„non exsuuias pulsaue Trophaum

Trophæa posita scribit, cum non plena de hostibus victoria esset reportata. plenæ enim victoriæ non trophæum sed triumphum decretum. quod idem Seruium vt solet imitatus scribit Isidorus lib. xviii. Etym. cap. 2. Verum id ego vt facile de quibusdam crediderim, ita de omnibus vniuerse negauerim. nam Mario, Pompeio, Cæsarique eadem victoriæ & Trophæa pepererunt, & triumphos.

Trophæa

Inter-
pres Ari-
stophan.
Pluto.
Eustath.
Iliad. ex
tremo.

Trophæa Marti sacra fuisse videtur significare Virgilius lib.xi.cum ait

Tibi magne Trophæum

Bellipotens.

Plutarchus tamen Ioui dicata esse testatur: *Parall. 3.*
vnde ipse Iuppiter, Dionysio & Eustathio au- *Dionys. l.*
ctoribus, τροπαῖος καὶ τροπαῖουχος dictus est. *2. Eust.*
Plinius Neptuno etiam erecta narrat lib. vi. *Iliad. X.*
cap. xxviii.

Initio Trophæa ex arborum ramis fiebant: primumque Trophæum ex olea constitutum tradit ex Dionysio in Artibus Cælius Rhodiginus lib.vii.cap. xix. Postea etiam ex ære lapidibusque trophæa fabricari cœpta sunt. Suetonius in Caligula ca.xlv.Truncatis, inquit, arboribus, & in modum trophæorum adornatis,&c.Trophæa enim ita componebantur, ut hominis eiusque cruci suffixi speciem referrent, ut ait Tertullianus in Apologetico ca.xvi. Sed & victorias, inquit, adoratis, cum in Trophæis cruces intestina sint Trophæorum. Et Minucius in Octauio. Trophæa vestra victricia non tantum simplicis crucis faciem, verum etiam affixi hominis imitantur.

In his Trophæis hostium arma affigebantur, inciso gentium victarum titulo, ut ait Seruius ad illud Virg.

Indutosq; iubet truncos hostilibus armis

Ipsos ferre duces, inimicâq; nomina figi.

Varro in Bimarco, ut citat Nonius, Spolia capta stipitibus affixa, Trophæa vocantur. Tacitus lib.2. Annal. Miles in loco prælij Tiberium

rium Imperatorem salutauit, struxitque aggerem, & in modum trophæorum arma, subscriptis victarum gentium nominibus imposuit.

lib. 1. An.
ibolog. 3.

Arma autem quæ in trophæis affigebantur, eligi solebant fracta & cruenta: quare in Leonidæ Græco Epigrammate, Mars detestatur clypeos nitentes, & galeas integras: aitque amare se spolia cruenta. Hinc Iuuenalis Sat. x.

*Bellorum exsuuia, truncis affixa Trophæis
Lorica, & fracta de casside buccula pendens,
Et curtum temone iugum, victæque triremis
Aplustre, & summo tristis captiuus in arcu:
Humanis maiora bonis creduntur, &c.*

Tale etiam trophæum describitur à Virgilio

Lib. xi.

*Ingentem quercum decisis vndique ramis
Constituit tumulo, fulgentiaque induit arma
Mærenti ducis exsuuias, tibi magne Trophæum
Bellipotens. aptat rorantes sanguine cristas
Telæque truncaviri, & bis sex thoracæ petita
Perfossurumque locis, clypeumque ex ære sinistra
Subligat, atque ensē collo suspendit eburnum.*

Posterioribus autem sæculis, loco trophæorum, ipsa hostium arma & spolia in lapidibus sculpebantur: & sic videmus Romæ Marij trophæa.

Porro hæc Trophæorum monumenta neque semel constituta euertere, neque vetustate consumpta reficere licuit ut ait Dio lib. xl. Quare Cæsar Pharnace victo, cum Trophæum quod eodē in loco struxerat olim Mithridates, disturbare religione prohibetur, alterum suæ victoriæ monumentum è regione

gione constituit, ut ea ratione saltē Trophæi Mithridatici memoriam obscuraret. Hinc illa apud Senecam iuasoria v. Ne fas quidem esse, numquam factum, ut quisquam consecratis virtutis suæ operibus manus afferret: ista Trophæa non sunt Atheniensium, Decorum sunt, &c.

Cur autem hæc ipsa Trophæa semel vetustate collapsa restituere nefas esset, causam reddit Plutarchus in quæstionibus, ut scilicet noua semper facinora Duces animo agitent: cumque Trophæa discordiarum, bellorumque indicia sint, ea tempore inter mortua renouare velle, odij cuiusdam implacabilis esse videbatur. Quare qui Trophæa ex ære, lapidibusque primi constituerunt, ij nequaquam magnam laudem apud Græcos sunt consecuti, quod, quantum in ipsis esset, perpetuam inimicitiarum memoriam esse velent. Id etiam auctore Seruio, obseruatum est, ut Trophæa non nisi in locis excelsis figerentur, ex qua etiam consuetudine in fornicibus incisa sunt. Virgilius.

Ingentem puerum decisis vndiq; ramis.

Constituit tumulo.

Sic etiam Pompeius, teste Plinio, in Pyrenæis montibus Trophæa constituit. *l. 2. c. 26.*

De spolijs opimis. C A P. XXI.

Consuetudo consecrandi spolia opima ab Cipso Romulo urbis, & Imperij auctore fluxit, eaque opima spolia rite semper habita sunt, quæ in acie Dux Duci prima detraxisset;

quorum

*quest. 37
Diodor.
Siculus.
3.*

*Li. li. 4.
Plutarc.
in Romu-
lo & Mar-
cello Fe-
stus u. o.
prima.*

quorū adeo rara fortuna fuit, vt intra tot annos tot bella, trina dūtaxat pop. Rom. contigerint. Dicta sunt aut opima ab opibus, quasi ampla, & magnifica spolia Varrone, & Festo auctoribus: Plutarcho ab opere rectius videntur nominata; quod ei demum Duci opimorum consecratio daretur, cuius opera, ac vir-

Lin. li. 4. tute Dux hostium in acie cæsus esset, Ducem porro, vt alias diximus, intelligimus eū, penes quem auspicia, & imperium fuit, quo qui caruisset, ei spolia opima consecrare non licuit. Quare nec Marcus Valerius Corvinus, nec Scipio Aemilianus tribuni militum, nec T. Manlius Torquatus, nec M. Crassus, hostiū Ducibus interfectis, armisq̃ue detractis, quia alienis pugnauerant auspicijs, opima spolia retulerunt, vt Valerius & Dio scribunt.

Valer. li. 3. cap. 2. Quamquam Varro apud Festum, illa etiā spolia esse putat opima, quæ manipularis miles modo de Duce hostium reportasset.

Dio l. 51.

Festus u.

opima.

Linus li. 1. Primus igitur, quemadmodum dixi, Romulus Acrone Ceninensium Rege interfecto, armisq̃ue exuto, spolia opima consecrandi morem posteris tradidit. Quo autem anno, Romano imperio hoc decus additum sit, dubiū, controuersumq̃ue est: In eam tamen sententiam descendo, vt eodem anno, aut certe non multo post quam virgines raptæ sunt, opima spolia esse parta existimem. Cum enim ob Sabinarum raptum Ceninēses, ad quos maxime ea pertinebat iniuria, in agrum Romanum, Duce Acrone, impetum fecissent; Romulus cum exercitu ijs obuiam factus, eorum copias fu-

pias fudit, Regemq; in prælio obtruncatum
 armis spoliavit; inde victore exercitu do-
 mum reducto, spolia Ducis hostium cæsi su-
 spensa, fabricato ad id aptè ferculo, gerens
 in Capitolium ascendit: ibique ea ad quer-
 cum pastoribus sacrum deponens simul cum
 dono, Iouis Feretrij templo fines designavit,
 ac pulcherrimi facinoris exemplum, quod
 posterius sequerentur, ostendit. Raptas porro
 Virgines ait Plutarchus xv. kalend. Septemb.
 Consualibus mense quarto, ab urbe condita
 (in kalendario tamen Romano consualia ha-
 bentur xii. kalend. Septemb.) Ovidius verò, *Ovid. 3. Pastor.*
 & Servius Consualia in mense Martio repo- *Servius*
 nunt, quibus Virgines raptas esse dicunt. Alij *ad viii.*
 apud Dionysium hoc facinus anno primo re- *librum*
 gni Romuli commissum esse volunt. Ipse au- *Virgilij.*
 tem Dionysius de Cn. Gellij sententia, quæ *Magnis*
 etiam probabilior videtur, quartum illum *Circensibus actis.*
 annum fuisse existimat: neque enim ei ratio- *lib. 2.*
 ni consentaneum videtur, Romulum regem
 sapientissimum, vix iactis urbis fundamen-
 tis, tantam rem aggressum esse, nec dum con-
 firmatis opibus, omnium vicinarum gentium
 odia in se concitare voluisse.

Romulum sequutus A. Cornelius Cossus, *Linum li.*
 inter mortuam prope consuetudinem dedi- *4 Florus*
 candi spolia opima, sua virtute renouavit, se- *li. 1. c. 12.*
 cundaque spolia de Larte Tolumnio Veien-
 tium rege, opima reportavit. Et quamvis con-
 stet inter omnes Cossus de Tolumnio se-
 cunda spolia opima consecrasse, tamen quo
 in magistratu, quove anno id egerit, incer-

tum est. Plerique enim ante Liuum, Cossum
Tribunum militum opima spolia suspendisse
tradiderunt; quem magistratum gessit anno
CCCVI. Mam. Aemilio Mamercino Dictatori
primum. Valerius, & Frontinus ab eo Magistro
equitum spolia parva esse dicunt: fuit autem
magister equitum eidem Mamercino Dictatori
tertium anno CCCXXVII. Liuius Consulem
eum opima spolia cepisse, vero similis
putat his rationibus adductus. Primum quia
ea spolia sola opima habentur quæ Dux
Duci in acie detraxerit, nec Dux est nisi
cuius auspicio bellum geritur. Tribunus
autem, & Magister equitum alienis pugnant
auspicijs. deinde quia in thorace linteo
se legisse affirmavit Augustus, Cossum ea
spolia Consulem dedicasse. Postremo quod
maximum apud illum est, quia titulus spolijs
inscriptus Consulem ea Cossum dedicasse
testabatur, fuit autem Consul cum T. Quinctio
Penno anno CCCXXV.

Tertia, & ultima spolia opima M. Claudius
Marcellus Consul ad Calistidium de Vir-
dumaro Gallorum Insubrium Rege retulit,
anno DXXXI. kalend. Martijs.

Hæc porro spolia opima omnia in Iouis
Feretrij templo, quo sua Romulus primum
intulerat, ceteri qui Romuli virtutem, felicitatemque
secuti sunt rite consecrarunt. Nam de Cossus
testis est Liuius libro quarto. Longè maximum,
inquit, Triumphus spectaculum fuit Cossus
opima spolia Regis interfecit gerens: in eum
milites carmina incondita

dira equantes cum Romulo canere. Spolia in
 æde Iouis Feretrii prope Romuli spolia, quæ
 opima appellata ea sola tempestate erant,
 cum sollemni dedicatione dono fixit. & Va- Li 3. c. 2.
 lerus. A Romulo proximus Cornelius Cos-
 sus eidem Deo spolia consecrauit, cum ma-
 gister equitum Ducem Fidenatium, in acie
 congressus interemisset. & Florus. Spolia de
 Larte Tolumnio Rege ad Feretrium repor- li. 1. c. 12.
 tata.

Marcellum quoque eidem Deo sua spolia
 dedicasse docet in vita Plutarchus, ἔγω δὲ,
 inquit, προβάς καὶ παρελθὼν εἰς τὸν νεῶν τοῦ
 φερετρίου Διὸς ἀνέστηλεν, καδιέρωσε τρίτος καὶ τε-
 λευταῖος ἄρχι τοῦ κατ' ἡμᾶς αἰῶνος. & Valerius.
 In Marcello tantus animi vigor fuit, ut apud
 Padum, Gallorum Regem ingenti exercitu
 stipatum, cum paucis equitibus inuaderet,
 quem protinus obtruncatum armis exuit, ea-
 que Ioui Feretrio dicauit. & Florus. Occiso
 Rege Marcellus tertia post Romulum patrem
 Feretrio Ioui arma suspendit. & Virgilius
 libro sexto.

Adspice ut insignis spolijs Marcellus opimis.

*Ingreditur, victorque viros supereminet om-
 nes,*

*Hic rem Romanam magno turbante tumultu
 Sistet eques, sternet Panos, Gallumque rebel-
 lem*

*Tertiaque arma patri suspendet capta Quiri-
 no.*

u. opima. Quirino suspensurum dicit arma, hoc est, Romuli exemplo spolia opima relaturum, & propè Romuli spolia sua consecraturum. Festus etiam Marcellum Ioui Feretrio spolia opima fixisse testatur.

Quamquam autem hæc ita clara sunt, nullus ut locus dubitationi reliquus esse posse videatur; nonnulli tamen, nescio quibus inducti causis, scripsere non omnia opima spolia Iouis Feretrij templo illata, sed Cossus quidem Marti, Marcellum Iano Quirino Pacis Deo sua spolia consecrasse. Dicunt enim Numæ legem fuisse, quæ præciperet, uti prima spolia capta Ioui Feretrio consecrarentur: secunda Marti: tertia Quirino: præmiumque primis esset asses trecenti, secundis ducenti, tertijs centum. Lex exstat apud Festum, cuius verba licet corruptissima sint, tamen ex Plutarcho, qui legis eiusdem meminit in Marcello, in doctissimis

Sigonius
in An.

Scaliger

et Ursi-

nu ad Fe-

stum u. o.

pima.

viris videntur emendari, & suppleri posse.

Cuius auspicio, classe procincta, opima spolia capiuntur, Ioui Feretrio bouem cædito, qui cepit, æris CCC. dari oportet.

Secunda spolia in Martis aram in campo. CC. solitaurilia, ut voluerit, cædito.

Tertia spolia Iano Quirino, agnum marem cædito. C. qui ceperit, ex ære dato.

Cuius auspicio Capta Dis piaculum dato.

ad illum

versum

Hæc quidem apud Festum. accedit Seruius qui ad librum sextum Virgilij Cossus Marti,

Mar-

Marcellum Quirino, Numæ lege, spolia opima suspendisse scribit. Quæ si vera sunt falsitatis, & inscitæ arguamus necesse est scriptores omnes, qui Cossi & Marcelli spolia Ioui Feretrio dicta fuisse diserte narrant: aut certe fatendum legem hanc contraria consuetudine, cui vix resisti potest, fuisse abrogatam. Quamquam si verba legis attentius consideremus, luce clarius longe alio, quam isti putant, eam spectare videbimus. Neque enim de ijs spolijs opimis lata lex est, quæ diuersis prælijs, & temporibus ex hostium ducibus ritè Romani Imperatores reportarent, qualia Romulus, Cossus, & Marcellus consecrarunt: sed de ijs, quæ in eodem prælio, ex varijs hostium ducibus referri fortè potuissent, & opima etiam aliquo modo dici.

Vt enim, verbi causa, corona castrensis, aut murali legitimè quidem donatur is, qui primus in hostium muros, aut castra irruperit; tamen eadem licet, non quàm prima honorifica donantur interdum ij qui secundi, aut tertij penetrauerint: ita etiam quamuis ea sola legitima spolia opima & essent, & dicerentur, quæ prima Dux Duci detracta in æde Iouis Feretrij consecrasset, tamen qui à Duce proximum (legatum scilicet, aut aliû quemlibet) in eodem prælio obruncasset, armisq; spoliasset, ei Numæ lege, existimo permissum, vt secunda spolia in Martis templo minore cum præmio, & gloria dedicaret; quod ea etiâ spolia aliquo modo de Duce hostium repor-

*Tertiaq;
arma pa-
tri suspen-
det capta
Quirino.*

Lin. li. 2.

in Mar-
cello.

tata, & opima appellari posse viderentur. Tamen consuetudo, ut ait Plutarchus, obtinuit, ut ea sola spolia in honore essent, & opima nominarentur, quæ æris trecentis æstimata Ioui Feretrio prima ponerentur: secunda vero, & tertia, quæ Martis & Quirini templis iuberentur inferri, ut nunquam in honore fuerunt, ita nec opima appellata sunt. Et sanè alienum videtur æquitatem, sapientiaque optimi Regis legem tulisse, in qua plus loci fortuna, quàm virtus esset habitura. Ergo Marcelli spolia minus gloriosa sunt, quam superiora, non quia ex leuiore hoste, aut minore cum periculo, sed quia tertio loco parta sunt. Nam si gloria ex granitate belli, & ex hostium genere spectatur, non minus certè illustra erunt Marcelli spolia, quam Romuli, aut Cossi; imò etiam tanto vtrisque insigniora, quanto grauior hostis fuit Viridumarus quàm Acro, & periculosius bellum Gallicum quam Hetruscum. Præterea videri potuit, ea lege Numæ Romanæ laudi inuidisse, qui tam angustis spatijs Imperij decus, & gloriam definisset: quid enim si quarta spolia opima parta fuissent? cui templo essent affixa? cui Deo consecrata? an verò dicemus Numam ut fatidicum, aut etiam Egeriæ nymphæ admonitu, cum trina tantùm populo Romano spolia opima partum vi præuidisset, ijs paria numero templa, in quibus figerentur, constituisse? fabulæ. Sit igitur hoc positum, Cossi, & Marcelli spolia opima in æde Feretrij Iouis

Iouis prope Romuli spolia dono fixa fuisse. Cossi certè spolia Liuius in Feretrii templo prope Romulum posita se vidisse affirmat; quare Seruius cum Cossu Martis, Marcellum Quirini templo spolia intulisse Numæ lege scribit, eiusque rei Liuium laudat auctorem, tam falsus reperitur in historia, quam in scriptorum testimonijs referendis.

Templum autem Iouis Feretrii à Romulo, quemadmodum initio scripsi, deuictis Cæninensibus in Capitolijs vertice fuit exstructum perangustis finibus; nam Dionysius sua ætate templi vestigia exstasse scribit vix pedum quindecim longitudine. Ancus deinde Rex, illud, teste Liuius, amplificauit postre

Lib. 1.

mo, cum vetustate dilaberetur C. Iulius Cæsar Titi Pomponij Attici admonitu reficiendum curauit, ut est auctor in ipsius Attici vita Nepos: quamquam Liuius eius ædis restitutorem Augustum fuisse testatur. Fieri autem potest, ut cum Iulius, quæ animo destinauerat, morte occupatus infecta reliquisset, ea persecutus Augustus laudem absoluti templi tulerit apud posteros. Id tandem

Lib. 4.

cum magna vrbis parte Neroniano incendio conflagrauit. Feretrium autem Iouem

Tacitus

lib. 15.

Plutarchus, vel à spolijs ferculo quod

in Romæ

Græci *φέρτρον* appellant; vel à feriando dictum putant, cui concinit Propertius. lib.

lo 6. Mar

cello.

2. elegia 12.

*Nunc Spolia in templo tria condita: caussa Fere-
tri,*

Omne quod certo Dux ferit ante Ducem.

Seu quia victa suis humeris hac arma ferebant,

Hinc Fere tri dicta est ara superba Iouis.

lib. 2.

Dionysius Feretrium Iouem interpretatur
 τροπαῖον & σκυλοφόρον & ὑπερφερέτω. Fe-
 stus vero sic ait. Feretrius Iuppiter dictus à fe-
 rendo, quod pacem ferre putaretur: ex cuius
 quoque Templo sumebant sceptrum per
 quod iurarent, & lapidem sili-
 cem, quo foedus feri-
 rent.

Finis. Laus Deo.

INDEX

INDEX RERVM

QVAE DE MILITIA

ROMANORVM IN SEPTEM

his libris notatusunt
dignæ.

In quo prior numerus paginam, posterior
linearum numerum indicat.

A.

A Bolla quid 217.	24
Abolere nomen legionis, qualis pena 395.	33
Acies quæ proprie fuerit 300. 7 partes 308. 1 media quæ 305. 8 duplex quæ 312. 10 tribus partibus constabat 398. 17 aciei ordo 299. 1 in acie singuli inter se tres minimū pedes distabant 307.	16
Adcusi qui 106. 28 eorum munus 153.	13
Adscripticii qui dicebantur 106.	21
Ad urbem esse, quid dicitur 252. 11, 433.	31
Aeneatores qui dicuntur : 26.	1
Aerarii militaris institutio 242. 31 tres praefecti 242	13
Aerarium triplex 492. 3 ubi fuit 491. 24 in aerarium pop. Rom. quid inferebatur 498. 17 in Opis cella, quale 492. 12 Gallicanum, quale 492. 21 Sanctius, quale 493. 22	
Aere diruti qui dicebantur 389.	28
Aetas militaris erat ab anno xviii vsque ad xlv 69.	13
Agger quid 331.	22
Agminis duo genera 257. 13, 263. 17 quadratum. 157. 15 pilatum 257.	17
Agri diuidendi duplex ratio 372. 23 quomodo diuideban- tur 375. 24, 376. tot. qui emeritis diuidebantur, quales 374. 1 emeritis quæ lege dabantur 377. 20 in agrorum diuisione	

I N D E X

disiſtione ſemper, vel S.C. vel populi rogatione, vel lege aliqua opus fuit 373.	8
<i>Ala</i> in legione quare ſic dicta 120.	32
<i>Ala</i> in acie vnde dicta 306.	9
<i>Amenium</i> quid 187.	5
<i>Ancilibus</i> nondum conditis neſas erat ad bellum proficiſci 36.	19
<i>Animaduerſio</i> lenis, que dicebatur 390. 4 gravis, que 380. 5 quomodo exercebatur, 387. 19 gravis ubi exercebatur 388. 30 animaduerſionis in hoſtem varia genera fuerunt 398.	8
<i>Antiquo</i> , verbum erat in bello indicendo ſolemne 46.	13
<i>Aquila</i> aurea in bello præferebatur 132.	4
<i>Aries</i> , machina bellica qualis 326.	19
<i>Arma</i> , vnde dicta 188.	28
<i>Arma</i> in trophæis affigenda qualia eligebantur 496.	4
<i>Armamentarium</i> in <i>Quintana</i> fuit 281.	10
<i>Armilla</i> quales 358. 12 quibus dabantur 358. 26 vulgo <i>Virilicæ</i> dictum 358.	17
<i>Aſſis æſtimatio</i> 232.	18
<i>Atti</i> dies ſex & triginta quando fuerunt 33. 24 quare inſtituti 33.	27
<i>Attributa</i> ſive <i>Attributum</i> quid 240.	20
<i>Augurium ſalmis</i> 35.	17
<i>Auspicia</i> que dicuntur 21. 17 auſpiciorum duo genera in caſtris adhibita ſunt 22. 25 auſpicium ex acuminibus quid dicebatur 25. 3 initio patricij habuerunt, poſtea plebs 21. 19 quando adhibebantur 27.	27
<i>Aurea corona</i> quare ſic appellata 356.	26
<i>Auguſtus</i> vicies Imperator conclamatus eſt 421.	14

B.

<i>Balteum</i> cingulum militare 189.	10
<i>Baliſta</i> miſſile bellicum 335. 15. 337. 14 baliſtis ſagittæ mittebantur 335. 28 baliſtarum & catapularum quantitas 336.	5
<i>Barrius</i> quid 316.	5
	de Bel-

I N D E X.

<i>de Bello indicendo Romani quomodo, & quos consulebant</i>	
44. 18 & sequ. Bellum quomodo indicebatur 49. 12.	
51 15, 55. 10 quando indicebatur 46. 22 hostibus quo	
loco indicebatur 50. 18 bello indicto triginta diebus ne-	
cessaria apparabantur 54. 6 ad bellum præter milites	
alii opifices eligebantur 128. 20 belli signa à quibus, &	
quando dabantur. 313.	8
<i>Beneficiarii qui</i> 365.	29
<i>Boves albi sacrificabantur in triumphis</i> 453.	6
<i>Buccina signum in hostes dabatur</i> 223. 11 in vigiliis mili-	
tes mittebantur 223. 24 conuiuium dimittebatur 224. 4	
<i>Bullam triumphans de ceruice suspensam gestabat</i> 463. 19	

C.

<i>Cæspes quid</i> 270.	26
<i>Caliga quid</i> 219.	1
<i>Calonum & Lixarum differentia</i> 129.	17
<i>Calones à calando dicti</i> 129.	22
<i>Campus Martius quare ad exercitationem electus</i> 12.	18
<i>Campestria quæ</i> 12.	29
<i>Captiui in triumphis, catenis vincti ducebantur</i> 454.	33
<i>Castra quasi castra appellata</i> 84. 22 eorū duo genera fuere	
267. 18 forma qualis 272. 8 quatuor portas habuerunt	
272. 16 Romani quomodo mouebant 292.	3
<i>Castra metandi quæ fuit ratio</i> 268. 22 rationem Roma-	
ni vnde didicerunt 266.	25
<i>Catapulta quid</i> 334. 11 mittebantur saxa 335.	27
<i>Catellæ quæ dicuntur</i> 357.	31
<i>Cena qualis Triumpho peracto</i> 472.	29
<i>Census equestris quantus</i> 111.	8
<i>Centurionum lectio Tribunorum erat</i> 176. 11 Centurio-	
nes quales eligebantur 176. 15 eorū munus 177. 5 mani-	
pulis præficiebantur 172. 14 primis manipulis præfecti,	
ceteris honestiores 174. 21 quare in manibus vitæ in ge-	
stabant 177. 30 adiutores habebant vragos 179. 17 du-	
plex stipendium meruerunt 234. 14, 237. 24 supplicij	
militum præfecti sunt 388.	20

Centu-

I N D E X.

Centuriæ quæ dicebantur 98.	22
Cerræ quid 327.	25
Ciuica corona qualis 353. 8 quibus dabatur 353. 6, 354. 20 dignitas 353. 27 quis conferebat 355.	1
Ciuium in vrbe <u>numerum Romani</u> , quomodo <u>obseruari</u> 68.	20
Classica corona qualis 356.	10
Classicum quid 227. 22, 228. tot. solo Imperatore præ- sente caneatur 226.	22
Clau qui dicebantur 216.	21
Clauus angustus equitum fuit 216.	13
Cohors quare sic appellata 99. 2 cohortes ex tribus manipu- lulis instituebantur 98. 30 cohortes subsidiariæ unde dictæ 124. 32 cohors ex euocatis & extraordinarijs constitit 126. 12 in cohorte non fuit semper idem mili- um numerus 100. 7 cohortium signa in velis erant de- picta 136.	5
Cohors prætoriana non numerabatur in legione 125. 8 vn- de dicta 125. 13 maior cæteris fuit milium numero 126 24	
ad Concilium qui vocabantur 147.	17
Conceptiue seriæ quando fuerunt 33.	4
Congiarium quid 347.	21
Conscripti milites, qui dicuntur 91.	9
Cornicines quando caneant 225.	13
Corona vrbs quomodo expugnabatur 322. 8, 340. 1 coro- narum varia genera 351.	15
sub Corona venire qui dicuntur 399.	1
Coronarium victori Imperatori mitti solitum 426.	20
Coruscatio fœderis isti confirmatio 415.	1
in Crucem agebantur milites 385.	13
Cimeus in acie quid 308.	11
Curatores agrorum diuidebant agros 375. 10 per quos creati 375.	12
Currus triumphalis qualis 457.	2

I N D E X.

D.

Deorum voluntates quomodo Romani explorabant 18.	24
Dij quomodo euocabantur 322. 26, 323. 10 quando 322.	20
Decimatio, quale supplicium 384.	5
Decumana porta in castris 272. 30, 389.	2
Decuriones præficiebantur equitibus 180.	3
Deditionis formula 418.	1
Delectus, quando habebatur 66. 2 & sequ. ex tribubus habebatur 67.	9
Delicta militaria quæ erant 379. 17 ordinaria quomodo puniebantur 386. 17 maiora, ob quæ maiores pænæ infligebantur 386. 101.	
Delinquentes in bello venierunt 385.	16
Denarij æstimatio 232.	24
Deprehensa quid 280.	13
Deuotionis, quæ se pro patria Romani deuuebant, ritus quæ 321. 1 hostes deuuebant formula 324.	19
Dextræ principalis, porta in castris qualis 273	18
Dictator & Coss. tumultum indicebant 62.	20
ad Diem indictum milites præsentés 245.	27
Discinctos destitui, quid erat 392.	26
Discinctis ad maiorem pænâ addita laboris molestia 393.	
11	
Donatium quid 347. 17 eim duo genera 347. 28 quantum 348. 15 quomodo dabatur 348.	31
Duces quomodo Imperatoris nomen consecuti 422.	4
Duplicarij qui dicebantur 360.	6

E.

Emeriti qui 365. 19 alio nomine Veterani dicti 365.	23
Equestris ordo, erant equites equo publico 112.	7
Equitandi artem quomodo Romani didicerunt 12.	1
Equitum in legione primus autor Romulus. 110. 2 diuerso tempore diuersa nomina 110. 26 in turmas diuisio 118. 2 armatura 202. 11 tabernacula 279.	4
Equites à censoribus eligeantur 111. 6 in legione omnes equestris	

I N D E X.

equeſtris ordinis 116. 24 in prælio duobus equis uſi ſunt	
118. 22 triplex ſtipendium meruerunt 234. 14 vigilas	
obibant 288 6 nunc ante aciem, nunc in acie, nunc pedi-	
dum corona cinxere 305.	29
Equus publicus militaris dictus eſt 115. 10 equorum ornatus	
206.	17
Euocati & extraordinarij quales 75. 18, 126.	14
Euocatio quid 61.	19
Exauſtorati milites immunes à labore 370.	28
Exauſtoratio pœna militaris 379.	7
Exercitatio veteribus in primis curæ 9. 12 & ſeq.	
Exercitus ab exercendo dictus. 9. 5 tribus militum gene-	
ribus conſtitit 93.	5
ante Expugnationem vrbiſ Dij euocabantur 322.	20

F.

Falx quid 327.	15
Fasces Imperatoribus prælati 151.	4
Ferentarij qui 108.	11
Feri, Feri, vox militum ſeſe adhortantiũ in prælio 319.	15
Ferendi porci ratio 414.	1
Ferie Latine, quæ 29 27 earum autores 29. 29 ferijs La-	
tinis quare non indicebatur bellum 30.	12
Fetialium munus 39. 9 fetialis collegij inſtitutores 40. 10	
fetiales quot, & ex quo hominum genere eligebantur	
40. 20 quatuor, res repetebant 42.	11
Filius venit, ſymbolum Iudæorum ad declinandum ventu-	
ra ſaxa 337.	8
Fœdera vnde dicta 413. 15 quorũ autoritate fiebant 403.	
14 tria genera 403. 19 fœderis genus minus æquũ qua-	
le 405. 4 fœdus æquiſſimum, quod dicitur 404. 6 in-	
iquiſſimum, quale 415. 31 per duos fetiales feriebatur	
409. 18 quomodo feriebatur 410.	23
Forſex in acie quid 308.	27
Fraudatio ſtipendij, quid fuit, 389. 24 ea qui afficie-	
bantur 390.	16
Frons in acie quid 308.	19

I N D E X.

Funda quid 200.	32
Fustigatio quando adhibebatur 380. 26, 381. 3 fustigatio- nis exequenda ratio 380.	29

G.

Gabinus cinctus, qualis 222.	13
Galbei quid 358.	17
Galea velitaris, qualis 189.	23
Galdius Hispaniensis, qualis 188. 2 gladio Hispaniensi quo- modo veteres præcingebantur 188.	23
Globus in acie quid 310.	1
Gradus deiectio, qualis pœna 394.	17
Gratiosamissio, quare dabatur 365. 10 gratiosamissio- nem consecuti, Beneficarij appellabantur 365.	27

H.

Habitus eorum, qui gladio ferendi erant 383.	1
Haruspicum in extis consulendis religio 27.	10
Hasta, quæ bellum indicebatur, unde dicta sanguinea 50. 5 pura quibus dabatur 358. 31 pura, Donatica appellatur 359.	6
Hastæ velitum, missiles 185. 29 hastæ velitares, quales 186.	20
Hastaria censio, quæ 391.	1
Hastati quare dicti Antesignani 301. 17 eorum armatura 190. 17 tabernacula 279.	24
• Helepolis quid 327.	20
Herbam dare proverbium, unde 351.	31
Herculis signum præferebatur in triumpho 466.	30
Hordeum aliquando pro tritico, ignominie causa, datum 391.	29

I.

Iani templum apertum, index belli 51. 29 & seq. bifro- ris templum describitur 53. 10 templum, bello indit- to quare aperiebatur 53.	26
Imperatoris potestas in re militari 144. 18 & sequenti. in gra-	

I N D E X

- in grauioribus causis consilium ferebat 147. 9
 in rebus à Romanis ornatus 148. 1 bellum indictum
 Gabino cinctu utebatur 222. 12 omnia habebat de
 publico 238. 7 delectu perfectio, rite captatis auspicijs,
 diem ad conueniendum indicebat 244. 17 nunquam
 ante ferias Latinas indictas egrediebatur ex vrbe, ad
 bellum 248. 6 celebratis omnibus sacris, ante quam pro-
 ficisceretur, munus gladiatorium, venationesque dabat
 249. 31 eius ex vrbe profectio 250. 21, 251, 252. tot.
 exercitu & classe lustrata concionem aduocabat 256. 21
 eius tabernaculum Prætorium appellabatur 275. 16
 ubi figebatur, & omnes aliæ circumstantiæ 275. 14
 276. tot. imperator nunc in pugna, nunc in acie, nunc in
 alterutro cornu erat 306. 31 eius in pugna officium 319.
 28 quo munere donabatur 361. 14
Imperatoris nomen veteres dupliciter vsurpabant 419.
 13 ad imperatoris nomen consequendum, quanta cedes
 requirebatur 422. 12 eius post pugnam in urbem intro-
 itus 432. 11 in triumpho ornatus 457. 8 imperator in
 ouatione prætexta toga utebatur 480. 11 imperatorē
 in ouatione tibicines cingebant 481. 6 in imperatoris
 nominis inscriptione quid obseruandum 421. 26
Imperium quid olim dictum sit 58. 5
Imperio demando Senatus nouo S. C. prouinciam orna-
 bat, stipendium in milites assignabat, &c. 59 13
Indutiæ quid 400. 13 pax sequestris. 400. 27 earum
 tempore quid factum 401. 12
Io Triumphæ, Io, communis omnium lætantium vox, in
 Triumpho 469. 29
 sub Iugum mitti, quid 398. 18
Iupiter vndedictus **Feretrinus** 412 24. 506. 15
Iurantia formula, quæ se milites obligabant, ne furto a-
 liquidquæ castris auferrent 283. 14
Iusiurandum quomodo concipiebatur 88. 5
Iusta Missio quibus dabatur 365. 8 iustamissionem adepti,
 Veterani aut Emeriti appellabantur 365. 18
 Lacerna

I N D E X. L.

Lacerna, quid 217.	3
Lana, quid 217.	17
Laurea corona in spectaculis utebantur Romani 476.	27
Laurus in triumpho quare præferēbatur 462.	28
Legatorum dignitas 158. 11 duo genera 157.	4
Legati post Imperatorem præcipuum locum in exercitu habuere 156. 27 aut à Senatu dabantur, aut ab Imperatore eligēbantur, 157. 25 iis quoque dicebant, 159. 13	
Legionis autor Romulus 93. 14 non idem semper numerus fuit 93. 20 varia ethymologia 96.	14
in Legione præter ciuem Romanum nullus merebat. 95. 15 quatuor hominum genera 96. 31 centuriæ lx, manipuli xxx, cohortes x, 99	14
Leues milites, qui fuerunt 106.	1
Leuis armaturæ arma 200. 4 leuis armatura post principes collocabatur 306.	29
Lex curiata unde dicta 58. 15 legem curiatam quis ferebat 59.	7
Lex de consecratione spoliūrum opimorum 502.	30
Libralia, quid 339.	20
Lictores, qui 387. 5 graues animaduersiones exercebant 387. 4 à ligando dicti 150. 32 eorum munus 152.	16
Litare, quid sit 25.	18
Litteræ publicæ de victoria, ad confirmandum Imperatoris nomen 424. 12 litteræ laureatæ 425.	12
L. 13, quid 226.	7
Lixatum officium 130. 3 à Licha dicti 130.	9
Lonica, unde dicta 199. 16 machina bellica 333.	31
Lupus, machina bellica 333.	20
Lustratio 254. 13 lustrande classis mos 155.	17
2057 M	
Magister equitum vnierso equitatu præfectus 181.	4
Magistri autem urbani quibus patebat aditus 5. 19 magistratus	

I N D E X

gistratus soli auspicia habuere 145.	14
Malleoli, teligenus 340.	22
Manipuli, qui dicebantur 97. 32 eorum manus 284. & sequent.	28
Manubie, quæ dicuntur 489.	16
Militia triplex 61. 17 à militia qui vacabant 73. tot. militie mutatio quid 394.	29
Militum tria genera 93.	5
Milites qui erant in supplemento, in cohortes subsidiarias distributi 124. 30 ex rusticis olim eligebantur 82. 21 ad sagum, pœnulam addidere 217. 1 priuato sumptu primo, post Romam à Gallis capiam de publico stipendium meruere 230. 7 in balteis stipendium gerebant 239. 27 militibus quas ob causas licuerit abesse à die ad conueniendum indicto 246.	2
Milites ad bellum proficiscendo, & arma, & alia impedimenta gestabant 260. 1 eorum diei spatium quantum iter 264. 265. tot. accepto belli signo, ad orientem solem Deos venerabantur 315. 6 hostem cursu & clamore aggrediebantur 315. 13 propter virtutem ad maiores ordines promoti 359. 23 militis. hoste singulari certamine deuicti, premia 363. 10 his & viuus, & mortuus ornabatur 364.	23
Milites in prælio fortes quomodo prouidebantur 364. 1 in oratione ostra coronati incedebant 481. 24 medicum pœcunie partem ex præda, aut donatio apud signa deponebant 42.	6
Misio honesta, quid 365 12 quando concedebatur 366. 24 duplex 365. 7 missionem cognoscebant Tribuni 369.	21
Misio ignominiosa, quid 396. 16 duplex 396. 18 missionis ignominiose ritus 396.	29
Misio semiplena, Exauctoratio 376.	24
Mundus olim, quid 31. 6 quando patuit 31. 9 patens, quale festum fuit 31.	19
Muli Mariani, unde dicti 262.	1

I N D E X.

Multa quomodo dicebatur 68.	4
Munerum interdictio 396.	20
Murales coronæ quales 355. 32 quibus dabantur 355.	29
Murci qui 89.	5
Musculus, instrumentum bellicum quale 330.	21

N.

Navalis corona, qualis 356. 10 quibus dabatur 356.	14
Novensiles Dij qui dicebantur 324.	6
Nox in quatuor vigilias distribuebatur 289.	23

O.

Obsidionalis corona, qualis 351. 20 quibus dabatur 351. 18 eius dignitas 352.	16
Ocreæ quare hastati tantum in dextro pede habebant 194.	20
Onager, idem quod Scorpio 338.	28
Operibus vires quomodo oppugnabantur 322. 4, 326.	1
Opifices, Fabri, Tubicines, &c. qui non erant milites in cohortes divisi 128.	27
Opima spolia, unde dicta 498.	3
Oppidani hostium tela quomodo eludebant 332.	22
Oppugnabantur vires dupliciter 322.	3
Oppugnatores lupum, quomodo eludebant 333.	25
Orbes in acie quid 310.	6
Ordinibus descriptis, singulis ætatibus sua arma dabantur 183.	10
Ordo incedendi ad bellum 258, 259. 101.	
Ordo formæ castrorum quadrato 285.	19
Quartio unde dicta 477. 28 quare concedebatur 478.	15
Quantum pompa 479. 18 victimæ oves 479. 22 quantes quare coronam auream gestabant 480.	21

P.

Pæula, quid 217.	7
Palatia, quid 11.	16
Paludamentum, quid 214. 5 fuit proprium Imp. 213. 24.	
Ll 2	Para.

INDEX.

<i>Parastata, machina bellica</i> 334.	17
<i>Parma, quid</i> 184.	24
<i>Pater patratus, qui patre adhuc superstite liberos suscipiebat</i> 42.	16
<i>Pax perpetua fœdere dabatur</i> 401.	30
<i>Pax absque auctoritate Senatû, & iussu populi, non erat rata</i> 406.	21
<i>Pace rata, quid fiebat</i> 407.	30
<i>Pecuniæ, ex præda, aut donatino, mediam partem milites apud signa deponebant</i> 349.	16
<i>Peditum in cohortes diuisio</i> 121.	26
<i>Peregrina sacra, quæ</i> 324.	15
<i>Perennia, quæ</i> 28.	7
<i>Phalerarum forma</i> 206. 27 <i>phalera ex argento, equitum munera erant</i> 360. 30 <i>quibus equitibus dabantur</i> 361.	1
<i>Phiala quibus dabatur</i> 360.	16
<i>Pila, quibus Hastati viebantur</i> 195, 196. tot.	
<i>Pila ab hoste emissæ, Romani quomodo excipiebant</i> 318.	12
<i>Plectendi milites ius, cuius</i> 388.	6
<i>Pluteus, quid</i> 329.	13
<i>Pœna leues variæ</i> 389.	12
<i>Populum de bello consulturi Coss. maioribus hostijs rem diuinam faciebant</i> 47.	11
<i>Populus in prouincia imperium mandabat</i> 58.	3
<i>Præconis officium</i> 154.	10
<i>Præda diuidendæ duplex ratio</i> 345. 4 <i>præda in quos diuidebatur</i> 346. 19 <i>præda in ærarium collatio</i> 438. 20	
<i>Præfecti castrorum munus</i> 160. 12 <i>præfectus castrorum in singulis legionibus vnus fuit</i> 160. 5 <i>præfecti fabriam & castrorum, sequuntur in ordine Legatos</i> 159. 22 <i>præfecti duodecim præerant auxilijs</i> 182.	8
<i>Præliares dies, qui</i> 29.	6
<i>Prælij signum, vexillum rubrum, vel purpureû super prætorio extensum</i> 293.	22

I N D E X.

<i>Præliandi apud Romanos modus, & ordo</i>	317. 318. tot.
<i>Præliari sub vitem, quid</i>	329. 21
<i>Præmia militaria</i>	350. 4. 361. 26 quando dantur
	350. 19
<i>Prætendere, quid dicitur</i>	285. 5
<i>Prætoris nomine ad portam salutandi mos</i>	251. 20
<i>Prætorium dimittere, quid</i>	291. 13
<i>Prætoria porta in castris</i>	272. 20
<i>Precatio sollemnis, qua exta proijciebantur in mare</i>	256. 2
<i>Principum armatura</i>	198. 3 tabernacula 279. 21
<i>Principales portæ in castris, quare sic appellatæ</i>	273. 26
<i>Principia, quid</i>	278. 299. 28
<i>Prodigia ante Imperatoris ex vrbe egressum, procurabantur</i>	249. 14
<i>Provincia Prætorie & Consulares, quæ</i>	56. 11

Q.

<i>Quadrato agmine utebantur Romani locis suspectis</i>	262. 15
<i>Quæstores quomodo eligebantur</i>	154. 30 quæstorum officium 155. 21 quæstor primus ab Imperatore 154. 29
<i>quæstores etiam iurisdictionem exercebant</i>	156. 8 quæstor scribis, & lictoribus vsus est 156. 15
<i>Quinquatrus à Quinquando dictus</i>	37. 15
<i>Quiniana, quid</i>	280. 24

R.

<i>Religiosi dies, quibus bellum gerere non licebat</i>	29. 13
<i>Res, quomodo, & à quibus repetebantur</i>	42. 27
<i>Resignare idem quod proscribere</i>	390. 8
<i>Romani alijs gentibus militia præstantiores</i>	1. & sequ. ut militia, & exercitatione, ita etiam cæteris gentibus religione præstiterunt 17. 20 & sequ. Romano-

I N D E X.

rum magnanimitas 3. 11	spacio quingentorum. anno.	
um, quingentes quinquages praelati sunt, quadringen	ties quadragies vicerum 2. 13	varia arma a varijs
gentibus sumpserunt 4. 12	quales milites eligeant 79.	
19	quomodo docti remos agere 10. 3	item, inferre &
deserre istius 11.		1
Romana pubes quando, & quibus exercitijs exercita	13. 9	
Romanorum in castris apparatus 16.		8
Romani milites ijdem fuisse tignarij, naucularij, &c.		
16.		31
Romani aperti hostibus bellum non indicebant 51.		3
Romanorum dierum religio, cum priores bellum inferrent		
37.		18
Romanis arma ex publico armamentario subministrata		
210.		22
Romanorum Impp. Dictator, Coss. re sua inclinante. ali		
quem ex ciuibz, vel seipsum deuouere solebant 320. 20		
Romulus vnde Quirinus appellatus 359.		14
Rorarij qui dicebantur 107.		23
S.		
Sacramenti olim quantavis, & religio 85. 22 & seq.		
Sacrificia Romanorum ante bella 19. 20 & seq.		
Sacrum Cereris, mundus appellatum 32.		13
Sagmina quæ 412.		19
Sagum, vestis militaris 211. 22 tam Imperator, quam		
alii milites gestabant 212.		9
Sambuca, machina bellica qualis 340.		2
Sanguinis mittendi consuetudo in bello, vnde orta 393. 30		
Saturnalia, quales ferie fuerunt 30. 17 quando, & quot		
diebus celebrabantur 30.		19
Sceptrum Iouis in feriendis fœderibus, quare adhibebatur		
410.		6
Scorpio, missile bellicum 335. 11, 337.		32
Scribarum munus in castris 154.		19
Scrobes, quæ 382.		13
		Scu.

I N D E X.

Scutum Samnitium 191. 1 quo hastati utebantur 191. 20	
192, 193. tot. ἀπὸ τῆς σφύρας dictum 192.	30
Securis percussio 382.	6
Segestria 16.	10
Senatus provincias constituendi potestatem habebat 56.	
18 quare dabatur in triumphis extra urbem 433.	1
Serra in acie quid 309.	4
Seruus publicus erat Carnifex 465. 8 una cum triumphante in curru vehebatur 463. 27 eius, in curru triumphali, officium 463.	30
Signa militaria 133. 28, 223. 2 diebus festis ornabantur & inungebantur 142.	12
apud Signa Romani iurabant 142. 28 detinebantur captivi 143. 4 erat asylum 143.	8
Signorum in acie ordo 301. tot.	
Signum manipuli, fasciculus feni 139.	1
Silentium in augurio, quid 24.	1
Sinistra principalis, porta in castris 273.	23
Sociorum in legione numerus 119. 23 equitum tabernacula 279. 30 peditum tabernacula 280.	1
Spolia hostium, victores Dijs dicabant 242. 20 victorum domibus affixa, nunquam removere licebat 363. 24 opima in Iouis Feretrii templo consecrabantur 500.	
28	
Sponsio quorum autoritate fiebat 401. 32 quid à fœdere differat 402.	3
Statine feræ quæ, & quando 33.	1
Stigmata, quæ 90.	5
Stipendium, quid 239. 7 militum quantum 231, 232, 233. tot. de publico persolutum 230. 7 de publico, unde Quæstor curabat 240.	6
Stipendia milites non tantum victum, sed vestes & omnia ad bellum necessaria comparabant 235.	17
ad Stipendium accipiendum milites nominatim citabantur 239.	20
Stipendia legitima, quæ 366. 2, 368.	11
	Subsi-

I N D E X.

Subsidia, quæ 302. 8 aciei secunda pars 302. tot. in manipulos & cohortes diuisa 303.	26
Sumptus ad triumphum necessarios Senatus ex erario decernebat 443.	13
Supplicatio, quæ 428. 13 quot dierum erat 429. 24 ante bellum à Romanis indicebatur 19. 7 quare Imperatori victori decernebatur 427. 17 quare Triumphus prerogatiua dicebatur 427. 31 in supplicatione decernenda singulorum sententiæ rogabantur 431.	27
Supplicatiui Romani coronati, in veste candida 429.	4
Supplicationum diebus feriandum 429.	14

T.

T. in obseruando ciuium numero, superstitem, & defunctum, A. puerum designabat 91.	1
Tabernacula militum, figebantur pedibus ducentis à vallo 274. 26 fiebant è pellibus 275.	1
Talenti æstinatio 237.	13
Templum Iouis Feretrij vbi, & à quo extractum 505	11
Tentorij mutandiratio 391.	9
Testamenta in procinctu facere, quid 313.	27
Testudo machinæ bellicæ 311. 2 arietaria quæ 328.	1
Timinnabulum & flagellum, curru Triumphali, quare appensa 465.	21
Tirones, qui 71.	8
Toga picta 457. 30 palmata 458. 25, 460. 6 picta vel palmata, Trabea dicta 459.	1
Tolleno, quid 333.	7
Torques, quales fuerunt 357.	12
Torquati milites, qui 357.	23
Trabea, quid 459. tot. imperatores interdum ad bellum proficiscebantur 215.	12
Transcripti, qui 123.	15
Transfuga supplex, ramum oliuæ lana obuolutum in manu ferebat 417.	6
Triarij, qui pilis pugnabant, Pilani dicti 198. 22 eorum arma	

INDEX.

- armatura 198. 7 tabernacula 279. 13 ad Triarios res
redi, quale proverbum 317. 29
- Tribunal suggestus erat ex cespite constructus 148. 21
proprium Imperatoris 148. 13
- Tribunus totius legionis magistratus 162. 1 tribunicij ho-
noris insigne pugio erat 171. 28 stipendium tribuni quan-
tum 237. 6
- Tribunorum numerus & lectio 162. 27, 166 16 duo
genera 165. 17 eorum in castris munera 169. 10 taber-
nacula 277. 19, 278. tot.
- Tribuni militum, unde dicti 162. 22 ad sagum, latum, vel
angustum clavum addidere 216. 2 post castrametatio-
nem, ab omnibus iusiurandam exigebant, se nihil ex ca-
stris furto ablaturus 283. 8 praedam dividebant 344.
13 missionem cognoscebant 369. 21
- Tributum ex censu, quando indictum 241. 20
- Tripudio quomodo captabatur augurium 23. 3
- Tripudium solistimum, unde dictum 23. 25 in quantae
autoritate apud Romanos 24. 25
- Triumphus Romae honorum iuximus 435. 15 ἀδριόμω
dictus 435. 22 duplex 436. 22 pro aucto, non pro re-
cuperato Imperio dabatur 437. 31
- Triumphum ducturi, sua in provincia, & suis auspicijs rem
gerebant 437. 5
- Triumphus impediatur, si Tribunus plebis imperatori
diem diceret 440. 29 re praclare civili bello gesta
etiam non decernebatur 441. 10
- Triumphabat nemo, nisi quinque millia hostium vno prae-
lio occidisset 493. 1
- Triumphus pompa 445. 17, 446, 447, 448, 449, 450,
468, 469, 470, 471, 472. tot
- Triumphus navalis unde dictus 474. 20 eius pompae
475. 6 in monte Albano, ceteris fuit inhonoratior
482. 28
- Triumphantis habitus 446. 12
- Triumphans coronam ex laurea gestabat 462. 12 annu-

I N D E X.

<i>lum ferreum quare est a ar 464.</i>	19
<i>Triumphantes quare in urbem inuehebantur 456.</i>	16
<i>Triumphantium crematorium corporum ossa cineres in urbem referebantur 476. 1 statue ijs triumphali habitu ponebantur 476.</i>	11
<i>Trophæa quando ponebantur 494. 24 unde fiebant 495. 10 vetustate collapsa restituere nefas erat 497.</i>	8
<i>Tuba, signum militare 224.</i>	13
<i>Tumultus, quid 62. 5 Coniuratio dicta 64.</i>	30
<i>Tumultus tempore Romæ sc omnes ad bellum præparabant 62.</i>	25
<i>Turres in acie, quid 311.</i>	1
<i>Turris, machina bellica 331.</i>	8

V.

<i>Vacatio militaris triplex 72.</i>	16
<i>Vallares coronæ quibus dabantur 355.</i>	29
<i>Vallescere, unde deductum 389.</i>	8
<i>Vallus quid 261.</i>	18
<i>Vallum Romani, quomodo faciebant 270.</i>	18
<i>Velati, qui 107.</i>	18
<i>Velitum arma 184.</i>	7
<i>Velites, quare procubitores dicti 284.</i>	22
<i>Verbenæ, quæ 43.</i>	2
<i>Verberatio duplex 380.</i>	17
<i>Vestis militares milites primo suis sumptibus, postea de publico accipiebant 222.</i>	2
<i>Veterani quare dicti Vexillarij 371. 14 eorum præmia 371. 32 privilegia 378. 15 in agris collocari uxores ducebant 377.</i>	28
<i>Vexillum sublatum, signum aggrediendi hostes 314.</i>	15
<i>Vigilum arma in excubijs 286.</i>	14
<i>Vigiliæ nocturnæ Romani, quomodo committebantur 287.</i>	10
<i>Vigiliæ obeundi, munus equitum 288.</i>	6
<i>Vigiliæ quomodo obibantur 288.</i>	20

Vigilia.

I N D E X.

<i>Vigiliarum signa, Triariorum centuriones buccina dabant</i>	
289.	31
<i>Vinea, machina bellica</i>	329.
	3
<i>Virgis quando milites cedebantur</i>	380.
	18
<i>Virilis toga sumebatur anno decimo septimo</i>	2.
	8
<i>Virtus sola, gradus ad ordines militares</i>	6.
	2
<i>Vittæ in supplicationibus quare addebantur ramis</i>	417. 27
<i>Voluntarii, qui</i>	74.
	29
<i>Vota nuncupata, quæ</i>	248.
	21
<i>Votum, quod ante bellum susceptum, præeunte Pontifice</i>	
<i>Consul nuncupabat</i>	20.
	12
<i>Vxores in exercitu Romanorum nullæ</i>	84.
	14

F I N I S.

Errata, studiose Lector, sic
emenda.

Pag.	versic.		corrigere
21.	20	aduersos	aduersus
24.	21	interiora	interiore
25.	3	pulsi	pulli
35.	ult.	sacerdotis vineta	sacerdotes, vineta,
48.	8	renunciatae	renunciata
57.	17	comrare	comparare
73.	ult.	ne	non
91.	31	aliquam	aliquem
118.	3	termas	turmas
119.		ultima linea tota deleatur	
155.	27	visi ita sum	si ita visum
171.	29	παράζώνιον	παράζώνιον
195.	10	id hastatis	id est, hastatis
224.	7	reget	rege
280.	28	lorum	Forum
296.	26	esset	essent
321.	28	pro prima	pro patria
354.	16	numerus	munerum
377.	28	collati	collocati
385.	9	supplicia	supplicio
408.	31	separari possent	sperari posset
439.	13	argumentumq;	argentumq;
497.	12	Tophæa	Trophæa.

in Indice pag. 4. vers. 15 ritus qua 321. 1:
corrigere, ritus 321. 1 qua













24. K40.

1/1000000

1/1000000